

**STEPHANI
BALUZIJ
MISCELLANEORU
M LIBER PRIMUS
[-SEPTIMUS], ...**

Etienne Baluze






~~7-12-14-16-18~~
9-3-9-41

STEPHANI BALVZII
MISCELLANEORVM
LIBER QVARTVS,

Hoc est,

COLLECTIO VETERVM
*monumentorum quæ hætenus latuerant in variis
codicibus ac bibliothecis.*



PARISIIS

Excudebat FRANCISCVS MUGVET Regis &
illustrissimi Archiepiscopi Parisiensis
Typographus.

MDCLXXIII.

CVM PRIVILEGIO REGIS.

SECRET



PRÆFATIO
AD LECTOREM.

Post emissos tres primos libros meorum Miscellaneorum, cum intelli-gerem hanc operam meam placere hominibus eruditis, ac quotidie urgerer ut quartum darem, feci lubens, tum ut viris gravissimis meique amantissimis morem gererem, tum ut revocarem memoriam rerum præclare ab antiquis gestarum & scriptarum. In quarto itaque libro multa edidi cognitu dignissima, quorum elenchum posui post hanc præfationem, simul admonens unde singula accepta sint. Majorem verò eorum partem deberi celeberrimæ bibliothe-

â ij

P R Æ F A T I O.

cæ Colbertinæ satis intelligent qui hæc nostra legent. Sunt autem nonnulla quæ præmonenda existimavi.

Vitam beati Stephani Abbatis monasterij Obazinensis in diœcesi Lemoicensi descripsi ex veteri codice ejusdem monasterij quem mecum humanissimè communicarunt qui nunc in ea domo vestigia patris sui sectantes vitam illic agunt monachi Cistercienses. Scripta est elegantissimè ab auctore coætaneo, discipulo viri sancti, qui testatur se nihil in ea posuisse nisi quod ipse proprijs oculis vidit, aut fidelibus & veracibus viris, qui viderunt, referentibus audivit. Præcipuè tamen sua se hausisse docet ex relatione cujusdam monachi Obazinensis nomine Bernardi, qui & in seculo familiaris fuerat viro sancto, & in religione usque ad illius obitum inseparabiliter ei adhæsit. Scripsit autem illam victus præcibus quorundam religiosorum fratrum, jussu autem & impulsu

P R Æ F A T I O.

Roberti & Geraldii Abbatum Obazienſium, tum etiam Alexandri Abbatis Cistercenſis. Hujus vitæ plurima fragmenta refert Angelus Manriquez in annalibus Cisterciensibus, & ad annum MCXLI. hæc ait de ejus ſcriptore: *Auctor anonymus ejusdem ſancti discipulus, judico acri, & affluentia orationis non contemnendus, ſed præſtantiori adhuc notitia rerum, quippe à puero educatus ſub beato viro, nec niſi per biennium ſeparatus quo ſub S. Rainardo Cistercij vixit; cetera Stephano individuus comes hæſit; adeoque aut teſtis ocularis, aut qui ab his qui interfuerunt hauſit quæcunque ſcribit.*

Fecit eruditiffimi viri Iacobi Sirmondi judicium ut exiſtimarem editione digna eſſe acta viſitationis provinciarum Burdegalenſis & Bituricenſis factæ à Simone de Bello-loco Archiepiſcopo Bituricenſi. Non ſolùm enim Sirmondus eorum teſtimonium laudat in Notis ad Capitula Karoli

P R Æ F A T I O.

Calvi, sed etiam magnam eorum partem ex initio sua manu descripsit. Accessit postea auctoritas viri item eruditissimi Ioannis Mabillonij, qui excerpta quædam horum actorum valde prolixa vulgavit in tomo secundo analectorum suorum ex schedis, ut ipse agnoscit, Claudij Chantelovij. His magnis exemplis adductus, ratus sum aliquam utilitatem cum voluptate conjunctam ex his actis capturos viros doctos, si illa ederentur qualia extant in veteri libro. Itaque ea conquisi, & inventa habui commodatò beneficio & humanitate viri doctissimi Gaspari Thaumasi Thaumasserij Iurisconsulti Bituricensis. Descripta ergo sunt ex veteri codice, sed mendosissimè scripto, & qui transpositionibus interdum ac repetitionibus laborat. Ista autem facile ut plurimum à nobis emendata sunt. Sicubi autem occurrit locus difficilis, cujus emendatio dubia esset, intactum reliqui. Porro acta illa non esse inte-

P R Æ F A T I O.

gra quivis facile deprehendet.

Epistolam de ceromate inveni descriptam in vetustissimo codice in quo continentur glossæ in Iuvenalem & Persium. Quis illius sit auctor, neque vetus codex prodit, neque ego reperire potui. Ex nomine Fredilonis & ex antiquitate codicis conjeci scriptam esse circa tempora Karoli M. & Alcuini, ideoque illam posui post epistolam Alcuini ad eundem Imperatorem.

Hugonis de Cleerij commentarium de majoratu & senescalcia Franciæ, olim editum à Sirmondo, nova editione donavi, ut ea ratione tollerem insignes aliquot mendas quæ habentur in editione viri clarissimi, qui apographo haud dubiè usus est mendosissimo. Nam vir in istis rebus summus non commisisset hos errores, si vetus exemplar habuisset. Duas partes habet hic commentarius. In prima continetur scriptum Fulconis Comitis Hiero-

P R Æ F A T I O.

solymitani de majoratu & senescalcia
Franciae , in secunda commentarius
Hugonis de Cleerijs. Primam partem
viderat is qui gesta scripsit Consulum
Andegavensium edita in tomo decimo
Spicilegij Dacheriani, posteriorem vit
clarissimus Claudius Fauchetius. Ex
quo colligi potest olim in monasterio
sancti Albini Andegavensis , unde
commentarium istum citant Facu-
tius & Sirmondus , extitisse scriptum
Fulconis divisum à commentario Hu-
gonis. In codice tamen ex quo ego
habeo utrumque conjunctum est &
consequenter descriptum. Subjuxi
huic commentario literas Henrici II.
Regis Angliae & Comitis Andegaven-
sis de custodia abbatiæ sancti Iuliani
Turonensis , tum quia fidem facit da-
piferatum Francia hereditarium fuis-
se in familia Comitum Andegaven-
sium , tum quia in eisdem testis nomi-
natur idem Hugo.

De articulis oblati Ludovico XI. à

P R Æ F A T I O.

Nominalibus & de opinionibus five signaturis x x i v. Doctorum Parisiensium illud me admonere debere putavi, libros magistri Petri de Rivo Doctoris Lovaniensis, qui illic nominantur, extare in iisdem antiquis codicibus bibliothecæ Colbertinæ ex quibus editæ sunt opiniones Doctorum Parisiensium; in quibus etiam habentur multa alia circa materiam de futuris contingentibus, & inter hæc, etiam propositiones Henrici de Zomeren adversus magistrum Petrum de Rivo, & Francisci Cardinalis sancti Petri ad vincula, qui fuit postea Sixtus quartus, tractatus de iisdem futuris contingentibus.

Walfridi Strabi versus in basilica sanctorum Petri & Pauli invenimus in vetustissimo codice M S. monasterij sancti Albini Andegavensis, in quo habentur ejusdem carmina edita ab Henrico Canisio in tomo sexto lectionis antiquæ pag. 658. & sequentibus.

P R Æ F A T I O.

Edidimus autem , quia defunt in editione Canisij. Menda tollere nolui-
mus, quæ admodum multa sunt, ne temere isthic fecisse cuiquam postea videremur. Walfridi autem nomen apposui ex conjectura tantum, quia hoc carmen in veteri libro descriptum est inter poëmata quæ sub ejus nomine prodierunt.

Vale, lector , & his utere dum sequentes libri parantur.



E L E N C H U S
E O R U M Q U Æ I N H O C V O L U M I N E
continentur.

F Ragmentum Theodoriti de Trinitate. pag. 1.
Aliud ejusdem contra Sabellium. pag. 2.

*Ex duobus antiquis codicibus MSS. uno Ecclesie
Bellovacensis, altero monasterii Corbeiensis.*

Hugonis Floriacensis tractatus de regia potestate
& sacerdotali dignitate. pag. 9.

Ex codice 4321. bibliotheca Colbertina.

Vita B. Stephani Abbatis Obazinensis in diœcesi
Lemovicensi. pag. 69.

Ex veteri codice MS. Obazinensi.

Acta visitationis provinciarum Burdegalensis &
Bituricensis à Simone Archiepiscopo Bituricensi
ab anno Christi 1284. usque ad annum 1291.
pag. 205.

*Ex veteri codice MS. illustrissimi Archiepiscopi
Bituricensis.*

Epistola Taionis Episcopi Cæsaraugustani ad
Eugenium Episcopum Toletanum. pag. 397.

Ex codice 66. bibliotheca Colbertina.

Testamentum Volfaudi Comitis fundatoris ab-
batiae sancti Michaëlis ad Mosam. pag. 403.

Item testamentum Volfaudi de villa Marsupia.
pag. 409.

Item ejusdem de villa Condato. pag. 410.

Ex chartulario ejusdem monasterii.

Ex epistola Paulini ad Leonem Patriarcham.
pag. 412.

Ex codice 1870. bibliotheca Colbertina.

Epistola Alcuini ad Karolum M. quam ad eum
mitteret libros VII. adversus Felicem. pag. 413.

Ex codice 3953. ejusdem bibliotheca.

Epistola cujusdam : Quid sit ceroma. pag. 417.

Ex codice 1829. ejusdem bibliotheca.

Ludovici Pii præceptum pro Ecclesia Nemausensi. pag. 420.

Ex codice 3910. ejusdem bibliotheca.

Ejusdem præceptum ut nonas & decimas dent qui beneficia tenent de Abbate S. Michaëlis ad Mosam. pag. 422.

Destructio capellæ Masfiriaci, quæ structa erat in injuriam Ecclesiæ Aciaci. pag. 423.

Ludovicus Rex concedit Vncrino monacho S. Michaëlis Fraxinum ad restorationem veteris monasterii. pag. 425.

Karoli simplicis præceptum de eodem. pag. 426.

Ex chartulario ejusdem monasterii S. Michaelis.

Epistola Leonis VIII. de privilegiis abbatiæ Montis-majoris. pag. 428.

Ex codice 2668. bibliotheca Colbertina.

Litteræ Vuigfridi Episcopi Virdunensis de Ecclesia Alieri. pag. 431.

Ex chartulario S. Michaelis ad Mosam.

Gregorii V. epistola de privilegiis abbatiæ Montis-majoris. pag. 432.

Ex codice 2668. bibliotheca Colbertina.

Arnoldi Episcopi Halberstatensis epistola ad Henricum Episcopum Herbipolensem de institutione episcopatus Bambergensis. pag. 435.

Epistola Vvalonis ad Vvidonem Episcopum. pag. 442.

Ex codice 1566. bibliotheca Colbertina.

Charta Landulphi Episcopi Ecclesiæ Taurinensis de parte capitis sancti Iohannis. pag. 443.

Ex chartulario monasterii Angeliacensis.

Narratio electionis Abbatis Soricinenfis. pag. 446.

Ex vetustissima membrana bibliotheca Colbertina.

Litteræ Pibonis Episcopi Tullensis de cella As-
mantia. pag. 448.

Sophia Comitissa de eadem cella. pag. 450.

Litteræ quibus Dominus Abbas Odelricus sancti
Michaëlis ad Mosam apud Apostolicum Urbanum
II. impetravit ut sepultura circa hanc Ecclesiam
constitueretur. pag. 452.

Auctoritatis apostolicæ rescriptum. pag. 454

Placitatio inter Abbatem Lanzonem sancti Mi-
chaëlis & Abbatis Ioviniaci. pag. 454.

Privilegium Innocentii II. de Ecclesia Tyriaci.
pag. 458.

Ex chartulario ejusdem monasterii S. Michaelis.

Epistola Thomæ quondam Abbatis Maurignia-
censis ad sanctum Bernardum Abbatem Clareval-
lensem. pag. 459.

Ex codice 1005. bibliotheca Colbertina.

Litteræ Manegaudi Abbatis S. Michaëlis de re-
novanda memoria Ducis Volfaudi. pag. 463.

Monachorum S. Michaëlis querimonia ad Ar-
chiepiscopum Trevirensensem de injuriis Comitis Rai-
naldi Barrensis. pag. 464.

Litteræ Victoris Antipapæ ad Albertum Episco-
pum Virdunensem. pag. 465.

Ex chartulario ejusdem monasterii.

Alexandri III. epistolæ duæ pro Ecclesia Albien-
si. pag. 466.

Epistola Innocentii III. pro eadem Ecclesia. pag.
467.

Pelagii Cardinalis sanctæ Cæcilie epistola ad
Guillelmum Episcopum Albiensem. pag. 468.

Ex codice 2666. bibliotheca Colbertina.

Generatio Guillelmi Bastardi & quorundam alio-
rum magnorum. pag. 469.

Ex codice 2670. ejusdem bibliotheca.

Epistolæ septem S. Anselmi Archiepiscopi Can-

- tuariensis. pag. 471.
 Avesgoti monachi Cenomanensis epistola ad sanctum Anselmum. pag. 477.
 Epistola Iohannis ad Anselmum. pag. 478.
Ex codice 4195. ejusdem bibliotheca.
 Hugonis de Cleeriis commentarius de majoratu & senescalcia Franciæ. pag. 479.
Ex veteri codice MS. S. Albini Andegavensis.
 Epistola Henrici II. Regis Angliæ de custodia abbatia S. Iuliani Turonensis. pag. 486.
Ex codice 2669. bibliotheca Colbertina.
 Notitia de electione Abbatis Vosiensis. pag. 486.
Ex codice 3575. ejusdem bibliotheca.
 Testimonia de indulgentia concessa Ecclesiæ sanctæ Mariæ de Portiuncula. pag. 490.
Ex codice 5131. ejusdem bibliotheca.
 Litteræ Ludovici IX. de fundatione Ecclesiæ Damiatæ. pag. 491.
Ex codicibus 2669. 2670. ejusdem bibliotheca.
 Ejusdem Ludovici litteræ de pensione concessa Episcopo Damiatano. pag. 495.
 Quoddam scriptum de vacatione Ecclesiæ Suesfionensis, & de collatione præbendarum tempore regalium. pag. 495.
Ex codice 2670. ejusdem bibliotheca.
 Litteræ Decani & Capituli Cenomanensis de petenda licentia eligendi. pag. 498.
Ex codice 2669. ejusdem bibliotheca.
 Epistola Capituli Valentini ad Archiepiscopos Narbonensem & Arelatensem. pag. 499.
Ex authentico ejusdem bibliotheca.
 Testamentum Raymundi de Cornilio Episcopi Cadurcensis. pag. 502.
Ex archivo Ecclesiæ S. Marcelli juxta Montem-Albanum.
 Litteræ Clementis VI. de episcopatu Ostiensi

collato Stephano Cardinali sanctorum Iohannis
& Pauli. pag. 508.

Ex codice 1562. bibliotheca Colbertina.

Epistola Lucii Colucii Salutati ad Nicolaum de
Auximo. pag. 510.

Eiusdem epistola ad Franciscum Bruni. pag. 511.

Ex codice 5121. ejusdem bibliotheca.

Eiusdem ad Karolum vi. Regem Francorum, no-
mine civitatis Florentiæ. pag. 516.

Ex codice 5122. ejusdem bibliotheca.

Philippi Archiepiscopi Arelatensis epistola ad
Capitulum ejusdem Ecclesiæ.

Ex codice 1921. ejusdem bibliotheca.

Sigismundi Pandulfi Malatestæ Principis Arimi-
nensis epistola ad Mahometum i i. Turcarum Im-
peratorem. pag. 524.

Ex codice 2665. ejusdem bibliotheca.

Epistola Sixti IV. ad Karolum Ducem Burgundiæ,
de Cardinalibus noviter factis, & de legatione
Bessarionis in Franciam. pag. 527.

Ex authentico ejusdem bibliotheca.

Articuli Nominalium oblatis Ludovico xi. Regi
anno 1475. pag. 531.

Ex codice 3849. ejusdem bibliotheca.

Opiniones sive signaturæ Doctorum Parisiensium
quarum fit mentio in superioribus articulis. pag. 538.

Ex codicibus 624. & 2671. ejusdem bibliotheca.

Alcuini CARMINA ponenda in quodam codice
sacræ scripturæ. pag. 550.

Ex codice 4167. ejusdem bibliotheca.

Vvalafridi Strabi de basilica condita à Bugge
filia Regis Angliæ. pag. 551.

Ex veteri codice MS. S. Albini Andegavensis.

Rhabani Mauri ad Heistulfum Archiepiscopum
pag. 553.

Ex codice 416. bibliotheca Colbertina.

EPITAPHIA.

- Flodoardi Presbyteri Remensis. pag. 553.
Ex codice veteri in quo poemata Flodoardi.
- Theodorici I. Episcopi Metensis. pag. 554.
Ex schedis V. C. Andrea Duchesnii.
- Adalberonis II. Episcopi Metensis. pag. 554.
Ex codice 1682. bibliotheca Colbertina.
- Gauzlini Archiepiscopi Bituricensis & Abbatis
Floriacensis. pag. 555.
Ex codice 697. eiusdem bibliotheca.
- Vitalis Abbatis Savigniacensis. pag. 556.
Ex codice 4321. eiusdem bibliotheca.
- Cononis Episcopi incertæ ætatis. pag. 556.
Ex codice 1577. eiusdem bibliotheca.
- Carmen in laudem S. Anselmi Archiepiscopi
Cantuariensis. pag. 557.
- Epicedion in obitum ejusdem. pag. 560.
Ex codice 4195. eiusdem bibliotheca.



STEPHANI



STEPHANI BALVZII
MISCELLANEORVM
LIBER QVARTVS.

INCIPIT BEATI THEODORITI
de Trinitate.



ALV s autem est scientia existentis, existentis verò scientia est Deus, Deus autem est trinitas, cujus notitiam verbum secundum similitudinem nostram præter peccatum factum dedit dicens discipulis: *Euntes docete omnes gentes baptizantes eos in nomine patris & filij & spiritu sancti.* Tres subsistentias sive personas ostendit dicens in patrem & in filium & sanctum spiritum. Propterea enim pater est & non filius neque spiritus, & filius est & neque pater neque spiritus, & spiritus sanctus est & neque pater neque filius. Manifestavit autem se sancta trinitas in Iordane patre testante, filio baptizato, sancto spiritu in columbæ specie descendente. Et pater non erat qui baptizabatur, sed filius. Qui verò desursum testabatur, non erat filius, sed pater. Et qui in specie

A

columbæ descendit , non erat filius qui baptizabatur , neque pater qui de excelsis clamabat , sed spiritus sanctus. Pater enim ab excelsis clamabat , *Hic est filius meus dilectus in quo bene complacui* , latens verbum propter incarnationem ostendens. Filius autem est incarnatum verbum , & à Iohanne baptizatus. Et spiritus sanctus propriam habens subsistentiam , descendens ostendebatur in specie columbæ , & permanens super eum.

Contra Sabellium , ejusdem beati Theodoriti.

ARguitur itaque insensatus Sabellius , qui sensu Iudaïco asserit monarchiam intelligendo & sapiendo patrem non verè patrem , & filium non verè filium , & spiritum sanctum non verè spiritum sanctum , sed nomina solummodo sine subsistentijs , tria in una persona coniciens. Ut autem clarè intelligatur , exemplo quodam tene istius patefaciamus sensum. Ait enim trinitatem non verè trinitatem personarum subsistentium esse nomen Petrus , in baptismo verò Andreas , & in militia Thomas , sed non verè trini hujusmodi trinitas est , nominum verò solummodo trinitas & non rerum est. Res autem verè subsistens est pater , ex quo omnia , & res verè subsistens filius , per quem omnia , & res verè subsistens spiritus sanctus , in quo omnia. Propter tres subsistentias tres res , & propter unam eandemque naturam una eademque res. Omnia ergo quæcunque facta sunt , à sancta trinitate habent essentiam , & in ea consistunt. Verbo enim domini , hoc est patris , cæli firmati sunt , & spiritu oris ejus omnis virtus eorum. Dominus autem pater , Dominus autem & filius , Dominus verò & spiritus sanctus. Commune namque trium perso-

narum est Dominus & Deus. Deus enim Deus tuus dominus unus est. Adtende quod dicitur. Vnus Deus substantia atque natura, tres verò personæ. Non alterius naturæ pater, & alterius filius, & alterius spiritus sanctus, sed una natura atque substantia. Nam & animalia rationalia sex alas habentia dicendo *sanctus sanctus sanctus Dominus*, in trinitate personarum prædicant unitatem. Vnitas enim in trinitate cognoscitur; in unitate trinitas una, deitas una, & virtus una, & regnū unum. Quod vult pater, vult & filius, vult & spiritus sanctus. Trinitas autem, quia pater filij subsistentis pater est, & filius subsistentis patris est filius, & spiritus sanctus subsistens est ex patre procedens & per filium datus. Adversus Arrium impium. Sed necessarium quidem est ut tres subsistentias confitendo, malam sectam Arrii fugiamus. Contraria enim Sabellio Iudaizanti pergens viam, & fugiens monarchiam, in multorum deorum paganicam inruit opinionem, subsistentias sanctæ trinitatis in unam deitatis substantiam non intendens, sed naturas & substantias extraneas subjectas alterutris Deum magnum definiens & parum & minimum. Fuge insensibilitatem. Fugiens enim rem incongruam, incongruentius advenit. Introduxit enim sine fœdere prælium sanctæ Ecclesiæ, Dei filium minorando. Respice itaque quomodo Sabellius quidem fugiens Arrium Iudæus est factus, quomodo autem Arrius Sabellium fugiens paganus effectus est. Ille siquidem uniprincipium, hic verò multiprincipium alligavit. Est autem media & verè regalis via, & ab hoc & ab illo abstinere. Ait enim: *Non declinabis ad dexteram aut sinistram. Via regali perge.* Regalis autem via est, ut neque Sabellij continuatio velut confusio suscipiatur, neque Arrij divisio, sed credantur tres quidem subsistentiæ si-

ve personæ , non autem una trinitatis subsistentiæ secundum Sabellium , & una substantia seu natura confiteatur , & non tres naturæ secundum Arrium. Quia verò incerta sunt ignorantibus quæ dicuntur , quod est natura & substantia seu persona vel subsistentia , necessarium est de his breviter explanare. Ineruditè namque multi se habentes delinquunt circa sanctam trinitatem & circa incarnatam dispensationem unius de trinitate Dei verbi , nescientes quid est natura & substantia , & quid est subsistentia atque persona. Natura & substantia in nullo significativorum differunt nisi nomine. Natura enim substantia est. Substantia & natura in nullo significativorum differunt nisi nomine. Subsistentia enim persona est. Sed natura quidem & substantia hoc quod est commune significant. Persona verò & ^a subsistentia quod proprium significant. Velut una & communis omnium hominum natura est atque substantia, subsistentia verò & persona uniuscujusvis hominis proprium. Et non quoniam innumerabiles personæ & subsistentiæ sunt hominum , propterea innumerabiles & naturæ sive substantiæ. Vna namque & eadem substantia atque natura apud homines, & non altera est. Et rursus non quoniam una & eadem natura atque substantia omnium hominum est , propterea una est sola persona seu subsistentia omnium hominum. Scimus enim diversas personas hominum , & non unam. Petrus enim & Iacobus & Iohannes unum quidem natura & substantia , secundum quod homines sunt , non autem unum subsistentia vel persona. Proprium enim sunt singuli. Petrus enim non est Iacobus aut Iohannes. Similiter autem & horum singuli non sunt quod aliis.

^a SUBSISTENTIA.] Ita codex Corbeiensis Bellovacensis & heic & in omnibus ferme locis sequentibus habet *substantia*.

LIBER QVARTVS.

Propria enim est uniuscujusvis persona seu substantia. Idem autem immutabilitate naturæ sive substantiæ. Quod enim est Petrus natura, hoc & Iacobus & Iohannes. Quod autem est Petrus substantia, neque Iacobus neque Iohannes est. Alter enim est Petrus, & alter Iacobus, alterque Iohannes. Probatum est igitur quoniam non idem est natura & substantia, neque idem substantia atque persona. Idem autem natura & substantia quod commune non proprium significat, & idem persona & substantia quod proprium & non commune declarat. Educati siquidem & sicuti dicunt exemplum secundum hominem sumentes ascendamus ad ratiocinationem divinam sanctæ trinitatis universa transilientis. Nihil enim naturarum æquabitur creatori, licet aliquod eorum quæ sunt facta sumatur exemplum propter brevitatem nostram in terra jacentium & erudientium velut per quasdam imagines. Ait enim cantiloquus : *Etiam in imagine ambulet homo, non ut consistat usque in hoc, sed jaculatur mente à sensibilibus ad intelligibilia.* Sanctæ igitur trinitatis una quidem est natura atque substantia. Commune est enim trium substantia, non autem una substantia seu personarum patris & filij & spiritus sancti tres substantiæ. Oportet igitur desiderantem spirituales divitias & volentem Christianorum dogmata vindicare, rerum non ignorare propriè esse, ne fortè aliud pro alio intelligens circa dogmata peccet. Qui enim naturam & personam idem esse intelligit, aut in Arrij divisionem incidit, aut in confusionem Sabellij. Arrius enim tres substantias dicens, tres etiam dicit naturas. Sabellius autem unam naturam dicens, unam dicet & substantiam. Idem ergo duæ hæreses sunt perpessi, quoniam naturam & substantiam idem esse putaverunt, licet contrariæ alterutris dogmatibus esse

videantur. Sancta verò Ecclesia optimè dogmata à principio servans, certissimè novit causas discernere, unam dicens sanctæ trinitatis esse naturam, non unam subsistentiam, sicuti Sabellius, sed tres quidem dicens subsistentias, non tres naturas, sicut Arrius. Et unam naturam novit, quod commune est, subsistentiam verò non unam, quod proprium. Dicendo enim unam naturam, indivisibilitatem prædicat trinitatis. Dicendo autem tres subsistentias, inconfusibilitatem trinitatis agnoscit. Multi autem Ecclesiæ filiorum propter reverentiam seu formidinem discere declinantes, ex ignorantia peccant circa trinitatem & circa incarnatam dispensationem. Christianissimus autem verè est scientia inenarrabilis sanctæ trinitatis per hanc sanctam scientiam ab ignorantia liberatur. Homo gratia filius Dei vocatur, detergens maculas peccatorum per opera bona, ex quibus præcipuè purgata mens fit susceptibilis sanctæ trinitatis & unitatis. Trinitatem namque personarum subsistentium hujusmodi mens id est & in patre & filio & spiritu sancto suscepit: *Veniemus enim*, inquit trinitas, *& mansionem faciemus apud eum*. Vbi enim filius, ibi & pater & sanctus spiritus. Sit autem nobis in exemplo homo ad imaginem Dei & similitudinem factus. Servat enim in semetipsum tamquam imago ejus cujus est imago similitudinem. Sed inferior est tamquam factura & creatura. Non alienus autem à Dei cognitione est, licèt non existentibus donante creatore. Intellectus autem & iste secundum interiorem hominem non extra rationem gentibus. Namque est intellectus rationis. Sed neque extra spiritum. Est enim intellectus intelligens & ratiocinatrix & spiritus palam faciens & contemplatur & substantia tria proprietatibus. Mens enim seu intellectus pater verbi habet enim verbum proprium in

abscondito unà cum spiritu proprio. Movetur enim & ratiocinatur mens in spiritu. Mens autem aliud est præter rationem. Et iterum ratio non est mens, secundum quod ratio est. Sed singula singulatim cognoscuntur. Inseparabilia verò sunt horum singula naturaliter. Vna enim substantia. Sed non, quoniam una substantia, una quoque proprietas. Non enim, quoniam tres proprietates, tres quoque substantiæ. Non enim erant tria unum, si tres essent substantiæ; neque unum tria, si una proprietas. Ascende jam sumens scabellum nostrum exemplum ad illam mentem quæ ultra omnia est, qui verè pater est & verbum. Ibi enim verè est unitas trinitatis, & trinitas verè est unitatis. Propterea enim pater existens subsistentia, inseparabiliter habet filium & spiritum. Et filius filius existens subsistentia, inseparabiliter habet patrem & spiritum. Et spiritus sanctus spiritus existens subsistentia, inseparabiliter habet patrem & filium. Et separatur unumquodque, & non separatur. Secundum quod separatur subsistentijs, verè trinitas. Secundum quod non separatur substantia, verè unitas est. Qui autem hujus favi suavissimi gustum non habent, divinæ ratiocinationis inexpertes existentes, inlusi humano spiritu, tamquam animales, non suscipiunt quæ spiritus Dei sunt. Stultitia enim eis est, & scire non possunt. Aiunt enim. Si tria, quomodo unum, & si unum, quomodo tria, incongrua ratione unum percipientes & tria. Si unum enim, inquit, ^a una subsistentia, & non tres; si verò tria, tres omnimodis substantiæ, & non una. Non enim possibile est, inquit, unum esse tria, neque rursum tria unum. non contemplantes subtilissimis sensibus ^b scelestissimam scientiæ profun-

^a VNA.] Codex Bellovac. *dua*.

^b S C E L E S T I S S I M A M] Legendum, *excellentissimam*.

ditatem. Secundum quid unum tria & quid tria unum, secundum quod immutabiliter habet ad semetipsam trinitas una natura existens, propter hoc unum trinitas. Porro secundum quod non una persona sed tres trinitas, verè est unitas, trinitas personis non substantia, & unitas substantia non personis. Secundum aliud verò trinitas trinitas, & secundum aliud unitas unitas est. Alius enim & alius & alius. Tres enim substantiæ. Non autem aliud & aliud & aliud. Vna enim natura atque substantia est. Clarè verò ostendit semetipsam veritas credentibus. Invenitur enim ab eis qui non tentant eam, & apparet non discredentibus sibi.

Explicit beati Theodoriti de trinitate.





HVGONIS FLORIACENSIS

TRACTATVS

DE REGIA POTESTATE

ET

SACERDOTALI DIGNITATE.

INCIPIT PROLOGVS HVGONIS

*de sancta Maria monachi sancti Benedi-
dicti Floriacensis monasterij in libro de re-
gia potestate & sacerdotali dignitate.*

H Enrico Anglorum Regi gloriosissimo frater
Hugo monachorum omnium extremus, sanc-
tissimi Benedicti Floriacensis monachus, pacis per-
petuæ munus. Considerans, Domine Rex, discrimen
discordiæ in quo sancta versatur Ecclesia de pote-
state regia & sacerdotali dignitate, quas quidam ab
invicem secernunt & dividunt, libellulum istum pia
cura & fraterno compunctus amore condere statui,
quod contentio hæc aliquatenus sopiatur, & error
qui longè latèque diffunditur, pariter mitigetur,
error inquam illorum qui sacerdotalem dignitatem
à regia dignitate temerè secernentes, ordinem à
Deo dispositum evertunt, dum opinantur se scire
quod nesciunt. Putant enim quod terreni regni dis-
positio non à Deo sed ab hominibus sit ordinata
sive disposita. Et ideo sacerdotalem dignitatem

majestati regiae præferunt, cum ei subesse ordine, non dignitate, debeat, sicut præsens libellulus declarabit. Erroris igitur hujus depulsa tenebrosa caligine, forsitan divinis dogmatibus & verbis rationabilibus adquiescent. Error quippe non tantum in majoribus, sed etiam in rebus minoribus est vitandus. Error autem nihil aliud est quam putare falsum quod verum est, & verum quod falsum est, vel pro incerto verum habere, seu à rationis tramite deviare. Illi verò qui suo furori tantummodo satisfacere cupientes, rerum ordinem, quem Deus disposuit, student pervertere, sacrilegij crimen incurrunt, & Pharisei meritò nuncupantur. Nam ideo noster conditor & salvator Dominus Iesus Christus Rex simul & Sacerdos sacro-sancto ministerio vocari dignatus est ut nobis ostenderet quanto fœdere vel affinitate Rex & Sacerdos sibi invicem debeant convenire. Indissociabile enim est quod in unitate conjungitur. His nampe potestatibus invicem dissidentibus & confligentibus, pax dissolvitur, & Ecclesia, quam ipse Christus suo sanguine redimere dignatus est, infeliciter perturbatur. Proinde, Domine Rex, iccirco vobis opus hoc assignare vel dedicare decrevi, ut auctoritatis vestræ privilegio confirmetur & corroboretur, & per loca plurima dispergatur, vel si fuerit inutile, disrum-patur. In hac etiam re sequor antiquorum virorum vestigia, qui sua studia olim Regibus imbutis literarum studiis præsentabant. Precor denique excellentiam celsitudinis vestræ ut illud & seorsum & cum viris sapientibus, qui vobiscum sunt, retractetis & diligenter examinetis, & ut quæcunque in eo confutanda videritis, detegere satagatis. Scio enim quia ab his qui rerum ordinem sua temeritate conantur evertere, non solum damnabitur, sed etiam conspuetur, vel eò quòd ab eorum senten-

tia deviare videtur, vel ideo quòd rem propositam explanare rusticano sermone videtur. Nam cœcis corde plerunque sua, proh dolor, cœcitas atque temeritas placet. Veruntamen precor eos per eorum magnificentiam ne eis sordescat meum rusticorum eloquium, sed malint veros quàm disertos audire sermones. Ceterùm scio quia tutiùs veritas auditur quàm prædicatur. Vnde nunc deprecor omnes venerabiles Præsules & reliquos sanctæ Ecclesiæ Prælatos & Clericos simul sensatos. qui hæc lecturi sunt, ne me præsumptorem judicent aut temerarium, quasi ego eos in cathedris sedentes & divinæ philosophiæ arcana scientes superbè coner instruere. Non quæso ita existiment, sed hæc piè & æquanimiter legant atque suscipiant. Opto enim ut & ipsi omnes venerabiles patres & domini mei cotidie proficiant in Christo Iesu Domino nostro, & ut Ecclesiæ sanctæ corpus eorum temporibus ordine congruo dispositum corroboretur, & firmo pacis fœdere jugiter perfruatur. Vos autem, Domine Rex, Deus omnipotens suâ gratia per longa temporum curricula nobis sanum & incolumen conservare dignetur. Amen. *Explicit prologus.*





INCIPIIT LIBER.

CAPVT PRIMVM.

Quòd non sit potestas nisi à Deo.

SCio quosdam nostris temporibus qui Reges autumant non à Deo sed ab his habuisse principium qui Deum ignorantes, superbia, rapinis, perfidia, homicidijs, & postremò universis penè sceleribus in mundi principio diabolo agitante supra pares homines dominari cæca cupiditate & inenarrabili affectaverunt præsumptione vel temeritate. Quorum sententia quàm sit frivola liquet apostolico documento, qui ait: *Non est potestas nisi à Deo. Quæ enim sunt, à Deo ordinata sunt.* Constat igitur hac sententia quia non ab hominibus, sed à Deo, potestas regia in terris est ordinata sive disposita. Ipse quippe primum hominem in mundi statim primordio dote sapientiæ præmunitum omnibus mundi præposuit creaturis. In qua re ei subtiliter intimavit unum esse totius creaturæ cœli & terræ Regem ac Dominum, cui illa jure cælestis curia, quæ supra nos est, certis distincta gradibus & potestatibus militat & obaudit. Et ut hoc etiam pariter in nostri forma corporis agnoscamus, videmus omnia nostri corporis membra capiti subjacere. Omnia inquam humani corporis membra capiti esse subjecta atque subposita positione simul & ordine patet. Vnde nobis liquidò claret Deum omnipotentem non solum humanum corpus varijs

membrorum distinxisse liniamentis , sed & totum mundum certis gradibus ac potestatibus , sicut illa cælestis curia cognoscitur esse distincta , in qua ipse solus Deus pater omnipotens regiam obtinet dignitatem , & in qua post ipsum angeli , archangeli , throni , & dominationes , & quæque ceteræ potestates sibi invicem præesse mirabili & modesta potestatum varietate noscuntur. Alia tamen est persona patris , & alia filij , & alia spiritus sancti. Sed pater & filius & spiritus sanctus unus est Deus. Veruntamen pater solus de alio non est , filius verò de patre natus est. Patris tamen & filij , sicut jam dictum est , est una divinitas & una majestas. Unus inquam est Deus pater , à quo omnia , & à quo filius , per quem omnia ; ut ejus principij auctoritas in omnibus conservetur , & in tribus personis una deitas adoretur.

CAPVT II.

Quòd sicut caput in corpore , ita Rex in regno suo principatum debeat obtinere.

IN mundo quoque Deus unum formavit hominem , à quo postmodum omne genus humanum traxit originem. Proinde sicut de Deo patre natus est Deus Dei filius , ut per ipsum omnis fieret creatura , ita & de viro formata est mulier , per quam fieret omnis humani generis genitura. Non est inquam mulier de viro nata , sed facta ; quia non poterat de simplici corpore nasci. De patre verò Deo natus est Deus Dei filius ineffabiliter & incomprehensibiliter , utpote spiritus de spiritu , Deus de Deo , ut per ipsum omnis fieret creatura. Mulier

verò facta est de viro , ut per eam nativitas oriretur. Vnius tamen substantiæ vir & mulier est ; sed gradu major est vir , quia ex viro mulier , sicut testatur Apostolus dicens : *Caput mulieris est vir.* Vnius etiam substantiæ pater & filius est ; sed ordine , non natura , pater major esse cognoscitur , Paulo teste , qui ait : *Caput Christi Deus.* Nam , sicut jam præmissum est , pater à nullo est , filius verò de patre est , ut summæ trinitatis essentia in unitate deitatis adoretur & veneretur. Principales etiam potestates , quibus hic mundus regitur , duæ sunt , regia & sacerdotalis. Quas duas potestates in sua sola persona ipse Dominus Iesus Christus sacrosancto mysterio gestare decrevit , qui Rex simul est & Sacerdos. Rex , quia nos regit. Sacerdos verò , quia nos sui corporis immolatione à peccatorum nostrorum sordibus emundavit & patri suo reconciliavit.

C A P V T I I I.

*Quòd Rex Dei patris imaginem obtineat ,
& Episcopus Christi.*

VEruntamen Rex in regni sui corpore patris omnipotentis obtinere videtur imaginem , & Episcopus Christi. Vnde rite Regi subiacere videntur omnes regni ipsius Episcopi , sicut patri filius deprehenditur esse subjectus , non natura , sed ordine , ut universitas regni ad unum redigatur principium. Cujus mysterij sacramentum in Exodo Dominus evidenter aperit , ubi ad Moysen dicit : *Ecce constitui te deum Pharaonis , & Aaron erit Propheta tuus.* Porro Moyses in Hebraico populo Regis

imaginem, & Aaron Sacerdotis obtinuisse visus est. salva alia sancta sacramenti significatione. Vnde ipse Moyſes ſacroſancto myſterio tabernaculum ædificat atque ſanctificat, & Aaron conſecrat, & populo legis divinæ decreta proponit, & Aaron in virga quam ei tradiderat Moyſes operatur ſigna & prodigia coram Pharaone & optimatibus ejus.

CAPVT IV.

De officio legitimi Regis.

REgis igitur ministerium eſt populum ſibi ſubjectum ab errore corrigere & ad æquitatis atque juſtitia ſemitam revocare. Vnde etiam in libro Iudicum reperies quia antequam Regem haberent filij Iſraël, Ionathas filius filij Moyſi, cum inter Levitas deputatus eſſet, præſumpſit ſibi ſacerdotium: *Quia unusquisque, inquit, ſibi placita faciebat, eò quòd non eſſet Rex in Iſraël.* Ex quibus verbis liquiddò patet quia ubi Rex non eſt qui populum regat & à temeritate revocet & abducatur, totum regni corpus vacillat. Vnde ille Rex meritò vocitatur qui mores ſuos competenter regere & ſibi ſubjectos bene novit modificare. Ideo inquam Deus omnipotens ceteris hominibus Regem, cui cum eis una naſcendi moriendique conditio eſt, protuliſſe cognoscitur ut & ſuo terrore ſibi ſubjectum populum à malo coërceat, & ut ad rectè vivendum legibus ſubdat. Vnde per terrenum regnum ſæpe cæleſte proficit, dum quod ſacerdos non prævalet efficere per doctrinæ ſermonem, regia potestas hoc agit vel imperat per diſciplinæ terrorem. Populus enim Regis metu facile corrigitur.

Rex verò nisi solo Dei timore & metu gehennæ ab injusto tramite minimè deterretur. Debet tamen semper animo recolere illud viri sapientissimi dictum : *In majori fortuna minor licentia est.* Ipse etiam sibi subiecto populo debet semper magis proficere quàm nocere. Verumtamen secundum meritum subditorum tribuuntur plerunque personæ regentium ; & ita nonnunquam sibi invicem connectuntur merita subditorum atque rectorum ut ex culpa rectoris fiat deterior vita subditorum , & ex meritis subditorum mutetur vita rectorum. Sed sic Deus omnipotens & Dominus universæ creaturæ suam ordinavit creaturam ut & de bonis & de malis bene faceret. De bonis inquam & de malis bene facit Deus , qui omnia justè facit atque disponit. Et sic fit ut & malus angelus & malus homo divinæ militent providentiæ , licèt nesciant quid boni de illis operetur divina providentia vel voluntas. Porro ipsius voluntas , etiam cùm mala inrogat , justa esse dinoscitur. Et quia justa est , mala non est. Et quod bene fit , justè fit. Ita inquam non tantùm omnes homines , sed etiam omnis creatura in genere suo & in ordine suo divinæ providentiæ legibus subditæ sunt , ne aliquid injustum possit accidere creaturæ. Quod ostendit evangelista , ubi ait : *Nonne duo passeres asse veneunt , & unus eorum non cadit in terra sine voluntate patris vestri.* Igitur liquet hoc documento illud etiam quod homines in terra vilissimum putant , Dei omnipotentia gubernari. Sed quia mundas & rationabiles animas ipse per se Deus specialiter curat atque gubernat , sive per optimos angelos , qui administratorij spiritus sunt , propter eos qui hereditatem sunt percepturi , sive per homines tota sibi voluntate servientes , cetera verò per pravos disponit atque gubernat , verissimè illud ab Apostolo dici potuit quod scriptum est ;

est : *Numquid de bobus cura est Deo ?* Itaque Rex bonus hominibus datur Deo propitio , & pravus Deo irato , sicut ipse per Prophetam testatur Iraëlitico populo dicens: *Dabo, inquit, tibi Regem in furore meo.* Et in alio loco. *Regnare permittit* , inquit , *Deus hypocritam propter peccata populi.* Quapropter tolerandi sunt à subditis quique Reges ac Principes , nec est eis à quoquam temerè resistendum ; ne dum eorum injustitia reprehenditur , ipsa magistra rectitudinis humilitas amittatur. Ita inquam à subditis circa Reges & Principes est tenenda via rectitudinis & humilitatis ut ita reprehensibilia suorum rectorum facta despiciant quatinus eorum mens à prælatorum reverentia non recedat. Quod bene boni filij Noë tunc fecisse leguntur cum verenda ipsius averfis vultibus velare studuerunt. Quos imitantur subditi quique quibus sic præpositorum suorum mala displicent ut tamen hæc ab alijs occultent. Qui etiam tunc aversi operimentum deferunt quando judicantes factum , & venerantes magistrum , nolunt videri quod tegunt. Hanc etiam formam humilitatis & mansuetudinis Dominus noster Iesus Christus in terris positus nobis evidenter ostendit , cum Herodem Regem truculentissimum humiliter evitavit. Nam illum valebat sua illa nimirum potestate perimere qua ad se adorandum magos à longinquis regionibus dignatus est evocare. Ipse etiam postmodum sævientes in se principes sacerdotum sæpe sua mansuetudine declinavit , & leprosis jussit ut juxta legis decreta se eis ostenderent , quamquam sciret eos indignos dignitate sacerdotali , ne eis præjudicium facere videretur. Honorandi etiam sunt omnes qui in potestate positi sunt ab his quibus præsunt , etsi non propter se , vel propter ordinem & gradum quem à Deo acceperunt. Sic enim jubet Apostolus dicens :

Omnibus, inquit, potestatibus sublimioribus subditi estote. Non est enim potestas nisi à Deo. Quæ enim sunt, à Deo ordinata sunt. Ipse nempe, sicut jam superius ostensum est, per pravas malorum hominum voluntates explere nonnunquam consuevit suam æquam ac justissimam voluntatem, sicut per Iudæos malivolos, bona voluntate patris, Christus pro nobis occisus est. Quod scientes atque credentes, & præceptum Apostoli pariter observantes, etiam gentiles in potestate positos honoramus, & mala quæ nobis ingerunt æquanimiter toleramus, ne Deo injuriam facere videamur, qui illos ordinis titulo super homines extulit atque sublimavit, licet illi indigni sint ordine quo fruuntur. Nam & Reges reprobos divinis revelationibus cernimus honoratos. Pharaoni nempe futuræ famis somnium divinitus est revelatum. Et Nabuchodonosor, multis astantibus, filium Dei in camino ignis solus inter tres pueros legitur agnovisse. Caïphas quoque sceleratissimus Pontifex prophetasse cognoscitur evangelico documento, non utique merito suo, sed ordinis sacerdotalis gratia, qua Dei justo certoque fruebatur iudicio. David etiam Saulem Regem, quem à Deo sciebat esse reprobatum atque depositum, honorificavit, ita ut in illum extendere manum nequaquam præsumeret, cum eum Deus suis manibus tradidisset. Multis enim annorum curriculis ipse Rex Saul, patientia Dei supportante, qua peccatoribus examinis sui dignam censuram inferre plerunque derectat, regalis officij obtinuit dignitatem, postquam à Deo propter suam superbiam & inobedientiam meruit reprobari. Et cum jam illum Deus, sicut legitur, reprobasset, Samuel Propheta sanctissimus oraculo divino profectus est in Bethleem ad domum Iesse, non manifestè, sed occultè, ut videretur Regem metuere,

quando David in Regem inunxit. Quid de Helia Propheta sanctissimo dixerim, qui Aab Regem & uxorem ejus Iezabel contra se furentes fugiendo maluit declinare quàm eis aliquam molestiam inferre? Non enim cum pœna latebat quæ legis divinæ transgressoribus imminerebat. Sed malum, quod eis eventurum quandoque sciebat, patienter expectare quàm eos aliquo pœnarum detrimento lædere gestiebat. Declinavit igitur sapienter vir sanctissimus Regis sævi tyrannidem & uxoris ejus stultam & ineptam proterviam. In manu quippe Dei est & superbos de sublimi sede deponere & humiles quosque ad culmen dignitatis erigere. Oportet denique, sicut præcipit Apostolus, ut omnis anima sublimioribus potestatibus subdita sit, & ut reddantur omnibus omnia quæ salvo Domini nostri Dei cultu Principibus redduntur. *Obsecro, inquit idem Apostolus, primum fieri deprecationes & orationes pro Regibus & omnibus qui in sublimitate positi sunt, ut securam & tranquillam vitam agamus, cum omni pietate & caritate.* Præcipit etiam ut quicumque sunt sub jugo servitutis, dominos suos omni honore dignos arbitrentur, & ut qui infideles habent dominos, eos non contempnant, sed magis eis serviant, quia fideles sunt, propter eum qui eos illis subjecit, scientes quia, sicut aliàs idem Apostolus dicit, omnis prævaricatio & inobedientia accipit dignam mercedis retributionem. Cujus subjectionis & humilitatis exemplum ipse per se Dominus Iesus Christus nobis tradere visus est, cum pro capite suo Cæsari tributum solvere non dedignatus est. De hac etiam mansuetissima servitute quidam sapiens perhibet dicens quia justus liberaliter, injustus verò compeditus servit. Pro illis denique orare, non eis contumeliosè resistere, præcipimur; sicut Samuel orasse legitur pro Saule, qui

tamen exauditus non est. Iam enim Dei justo iudicio Rex ille superbus & impœnitens reprobatus erat. Quapropter orare pro Regibus divinæ legis transgressoribus sancta consuevit Ecclesia, quia patet sancta lectione librorum plurimos sanctos viros oratione pura tyrannos vicisse, & plures hostes sæpe almis precibus quàm armis fuisse. Nam Moyses orabat, non dimicabat, quando divisum est mare & per medium ejus populus transmeavit, Pharaon verò cum curribus & equitibus suis demersus est in fluctibus ipsius. Nihil enim ipse Moyses contra Pharaonem nisi solam virgam levavit. Amalech denique victus est cùm Moyses manus ad Deum levaret. Sacrarum etiam tubarum sonitu muri Hierico cecidere. Sed & Rex Ezechias non armis se sed cilicio induit, & pro galea cinere caput textit, quando Sennacherib Rex Assyriorum adversus eum multis vallatus satellitibus venit. Verùm Ezechiae Regis mitissimi oratio ad Deum ascendit, & in castris Sennacherib superbissimi angelus descendit, qui de ejus exercitu octoginta quinque millia virorum interfecit. Quis hæc & ejusmodi prodigia considerans non admiretur & non intelligat pravis Regibus spiritualibus potiùs orationibus quàm armis carnalibus resistendum! Proinde sanctus Ambrosius Mediolanensis Episcopus, cùm ei Iustina Imperatrix Arrianorum faulrix multas pro defensione fidei catholicæ inferret injurias, non illi studuit armis violenter resistere, sed ejus ferocitatem continuis id est diurnis & nocturnalibus orationibus refrænare. Nam armis Præsulem quemlibet contra Regem vel Imperatorem contendere, & sacra loca ac Deo dicata humano sanguine polluere, nefarium & temerarium est. Quod Dominus Iesus Christus salvator & conditor noster tunc manifestissimè docuit cum Petrus Apostolus gladium suum extrahens, Ponti-

ficus servum apprehendit, & ejus auriculam amputavit. Ait enim illi: *Converte gladium tuum in vaginam. Omnes enim qui acceperint gladium, gladio peribunt.* Ac deinde: *An putas quia non possum rogare patrem meum, & exhibebit mihi modo plusquam duodecim legiones angelorum?* Vnde illi qui non zelo Dei, sed sua temeritate vel arrogantia potestati resistunt, Deo rebellare videntur, qui dixit: *Per me Reges regnant & Principes dominantur.* cujus judicia, etsi manent occulta, nunquam tamen sunt injusta. Illis inquam armis temerè resistere aut eis aliqua fraude interitum machinare nullatenus sancta consuevit Ecclesia, revolvens illud præceptum dominicum quo suis fidelibus ait: *Mihi vindictam, & ego retribuam.* Non enim qui bonus permanet polluitur si malo societur; sed qui malus est, in bonum vertitur, si boni exempla sectetur. Patienter etiam nos Dominus cotidie peccantes expectat, dans nobis spatium pœnitendi, ut nostram patientiam exerceat & informet suo exemplo, quo noverimus quantum nos oporteat tolerare malos, cum ignoremus quales futuri sunt, quando ille parcit & sinit eos vivere quem nihil futurorum latet. Vnde si contigerit rebelles pro hac contumacia mori, nequaquam de martyrij nomine gloriatur, qui furum more merito supplicio condemnantur. Verùm ad malum perpetrandum nullus potestatibus debet adhibere consensum: quia si illis debetur à Christi cultoribus terrena milita, Deo debetur innocentia. Vnde si fortè coactus fuerit aliquis Christianus ut aut eis obediendo justitiæ vel innocentiae regulam infringat aut quamlibet pœnam aut mortem pro contemptu hujusmodi solvat, eligat Deo fidelis anima magis fugitivam vitam amittere quàm reatum peragere, recolens illud quod in evangelio scriptum est: *Nolite timere*

eos qui occidunt corpus, animam autem non possunt occidere; sed potius eum timeate qui potest & animam & corpus perdere in gehennam. Adulatores verò Regum ac Principum, eos videlicet qui pro terreno commodo eorum pravitates suis laudibus efferunt, detestatur sancta scriptura, quæ ait: *Va qui dicunt bonum malum & malum bonum.* Et alibi: *Nemo potest Deo servire & mammonæ,* & cetera quæ sequuntur in eodem capitulo. Quomodo autem à fidelibus Regibus & potestatibus serviatur, Dominus ostendit, ubi dicit: *Reddite quæ sunt Cesaris Cesari, & quæ sunt Dei Deo.* id est. Regi vel Principi terrenam jubet reddi militiam & honorificentiam, & Deo servare mentis & corporis inviolabilem puritatem.

CAPUT V.

De electione Episcopi.

Igitur Rex instinctu spiritus sancti potest, sicut existimo, præsulatus honorem religioso Clerico tribuere. Animarum verò curam Archiepiscopus debet ei committere. Qua discreta consuetudine usi sunt quondam quique Christianissimi Reges & Principes in promovendis viris ecclesiasticis atque sanctissimis usque ad hæc tempora nostra. Clericus verò ille religiosus videtur existere quem amor pecuniæ minimè vexat, nec reprobi mores aut conversatio reprehensibilem reddit vel contemptibilem. Vbi verò eligitur Episcopus à clero vel populo secundum morem ecclesiasticum, nullam vim ac perturbationem eligentibus rationabiliter Rex per tyrannidem debet inferre, sed ordinationi legitimæ suam adhibere consen-

sum. At si reprehensibilis ille qui eligitur fuerit inventus, non solum Rex, sed nec plebs provinciae debet electioni ipsius suum assensum favoremque tribuere, sed etiam crimina, quibus ille detestabili maculatur infamia, voce publica denudare, ut vel hac contumelia eligentium temeritas comprimatur. Post electionem autem, non anulum aut baculum à manu regia, sed investituram rerum secularium electus antistes debet suscipere, & in suis ordinibus per anulum aut baculum animarum curam ab Archiepiscopo suo, ut negotium huiusmodi sine disceptatione peragatur, & terrenis & spiritualibus potestatibus suae auctoritatis privilegium conservetur. Quod si regulariter fuerit conservatum, implebitur illud quod salvator noster in evangelio praecipiens dixit: *Reddite quae sunt Caesaris Caesari, & quae sunt Deo Deo.* nec fluctuabit res firmiter & ordinabiliter stabilita, & procul aberit ab Ecclesia sancta magnus tribulationum acervus. Rex enim, sicut jamdudum praemissum est, Dei patris obtinere videtur imaginem, & Episcopus Christi. Quamvis ipse Dominus Iesus Christus in evangelio suis discipulis eorumque sequacibus dicere videatur: *Non vos me elegistis, sed ego elegi vos, & posui vos ut eatis & fructum afferatis & fructus vester maneat; & ego dispono vobis sicut disposuit mihi pater meus regnum.* regnum videlicet sanctarum animarum, non regnum seculi huius, sicut ipse passionis suo tempore Pilato testatus est dicens: *Regnum meum non est de hoc mundo.* Nam, sicut scribit ad Timotheum Apostolus Paulus, *nemo militans Deo implicat se negotiis secularibus.*



CAPVT VI.

Item de officio legitimi Regis.

Porro legitimi Regis officium est populum in iustitia & æquitate gubernare & Ecclesiam sanctam totis viribus defendere. Oportet etiam cum esse pupillorum tutorem, & viduarum protectorem, & pauperum auxiliatorem, ut cum beato Iob Domino dicere possit: *Oculus fui cæco & pes claudus, & rem quam nesciebam diligenter investigabam.* Debet proinde Deum omnipotentem, qui multis hominum millibus eum præposuit, toto mentis affectu diligere, & populum sibi à Deo commissum tamquam se ipsum. Egregij etiam Regis & Principis est Ecclesias regni sui ædificijs venustissimis decorare, & eas suis laboribus ampliare, & in eis religionis cultum propensius conservare, sicut Constantinus pius Imperator & alij quique Reges ac Principes priscis temporibus fecisse noscuntur. Debet etiam quatuor principalibus maximè pollere virtutibus, sobrietate videlicet, iustitia, prudentia, ac temperantia. Nam sobrietate ab omni desidia vel torpore mentis defenditur, iustitia verò Deo simul & hominibus sensatis acceptabilis invenitur. Per prudentiam autem iustum ab injusto separat & discernit, & temperantia omnem nimietatem evitat. Præter hæc etiam virtutum insignia decet illum esse litteris eruditum, ut acuatur cotidie ejus ingenium lectione divinorum librorum, & informetur & corroboretur tam antiquorum quàm modernorum exemplis virorum. Vana enim esse deputari potest scientia quæ litterarum notitia non fulcitur. Nam semper fluctuare cognos-

citur. Initium tamen sapientiæ, timor Domini est. Teste quippe Salomone, qui sine timore Domini est, non poterit justificari. Nam animositas & iracundia ejus, ipsius subversio est. Qui autem diligit sapientiam, dirigetur à Domino. Quod idem Salomon non ignorans, humiliter Dominum rogabat dicens. *Deus patrum nostrorum, qui fecisti omnia verbo tuo, & sapientia tua condidisti hominem, ut dominaretur creatura tua, qua à te facta est, & ut disponat orbem terrarum in aequitate, & ut in iustitia & in directione cordis iudicium judicet, da mihi sedium tuarum assistricem sapientiam, & noli me reprobare à pueris ejus; quoniam servus tuus sum ego & filius ancilla tua, homo infirmus & exigui temporis, & minor ad intellectum iudicii & legum. Tu autem elegisti me, Domine, presidere populo tuo & iudicem filiorum ac filiarum tuarum. Revela ergo mihi quod placitum est in oculis tuis & quod directum est in praeceptis tuis; quoniam ipse sapientia dux es & sapientum emendator, & nos & sermones nostri in manu tua sunt, & omnis sapientia & operum scientia & disciplina. Mitte inquam, Domine, sapientiam in precordiis meis de calis sanctis tuis & a sede magnitudinis tuae, ut mecum sit, & mecum laboret, & sciam quid acceptum sit apud te. Scit enim omnia & intelligit, & deducet me in operibus meis sobriè, & custodiet me in sua potentia; & erunt accepta opera mea, & disponam populum meum iustè. Quis hominum, Domine, poterit scire consilium tuum, aut quis poterit cognoscere quod voles, nisi spiritus scientia tua de altissimis tuis repleverit illum? Corpus enim quod corrumpitur adgravat animam, & defrimit terrena inhabitatio sensum multa cogitantem. Sed per sapientiam sanati sunt quicunque tibi placerunt. Misereberis enim omnium, quia omnia potes; & dissimulas peccata hominum propter peniten-*

Oraçio Salomonis.

tiam. Diligis enim omnia, & nihil odisti eorum quæ fecisti. Nec enim odians aliquid constituisti. Quomodo ergo posset aliquid permanere nisi tu voluisses conservare? Parcis vero omnibus, quia creaturae tuæ sunt. O quàm bonus es, Domine, & suavis in omnibus; qui cui vis misereris, & quem vis induras. Et hos quidem iustificas, alios autem vindicta iustitiæ tuæ in perpetuum exerces. Alios verò per quæ peccant, per hæc etiam in presenti torques. Omnibus tamen flagellis & miserationibus tuis multis consulis & alloqueris ut relicta malitia ad te revertantur. Et homo quidem per malitiam perdit animam suam. Nam manum tuam nequaquam effugere potest. Va autem omnibus qui non cognoverunt te Domine. Tu verò Deus noster in te confidentibus omnibus suavis & verus, patiens & misericors es, & misericorditer disponis omnia. Etenim si peccaverimus, tui sumus, scientes magnitudinem tuam. Et si non peccaverimus, scimus quoniam apud te sumus computati. Nosse autem te, Domine, consummata iustitia est; & scire iustitiam tuam, radix est immortalitatis. Negantes autem te impij, fortitudine brachij tui conterentur. Non enim timens aliquem, veniam dabis peccatis ipsius. Nam quis dicet tibi: Quid fecisti sic? Aut quis stabit contra iudicium tuum? Aut in quis conspectum tuum veniet iudex iniquorum hominum? Aut quis imputabit tibi, si perierint, quas tu fecisti? Non enim est alius Deus quam tu, cui est cura de omnibus, & omnia iusto disponis iudicio. Et neque Rex neque Tyrannus in conspectu tuo inquirent de his quos perdidisti. Tu autem, Domine Deus virtutum, cum tranquillitate iudicas, & cum magna reverentia disponis nos. Insensatis autem iudicium in derisum dedisti. & qui ludibrijs non sunt correpti, dignum iudicium sunt experti. Respicio, Domine, nationes hominum, & video quia nullus speravit in te, & confusus est, & per-

mansit in mandatis tuis, & derelictus est. Et quis invocavit & despexisti eum? Quoniam pius & misericors es, & remittis peccata in tempore tribulationis omnibus exquirentibus te in veritate. Va duplici corde & labijs scelestis & manibus malefacientibus. Va hypocrita in conspectu hominum. Va dissolutis corde, qui non credunt tibi. Ideo non protegentur à te. Qui verò credunt in te, non erunt incredibiles; sed patientiam habebunt usque ad conspectionem tuam, dicentes: Si patientiam non habuerimus, incidemus in manus tuas. Horrendum est, Domine, incidere in manibus tuis. Cor quoque quod est durum, malè habebit in novissimo; & qui amat periculum, peribit in illo. Scio, Domine, quia non abscondar in populo magno, nec latebo in immensa creatura; quia tu cœlorum contines thronum, & abyssos intueris, & respicis interiora filiorum hominum. Parce mihi, Domine, quia loquor ad te, cum sim pulvis & cinis & diversorum peccatorum plenus putredine; sed scio quia secundum magnitudinem tuam, sic misericordia tua apud te est. Domine pater & Deus vite mee, ne derelinquas me in cogitatu maligno, & delicta mea non appareant in conspectu tuo. nec gaudeat de me inimicus meus. Extollentiam oculorum meorum ne dederis mihi, & omne desiderium prævum averte à me. Averte à me ventris & concubitus concupiscentiam, & anima irreverenti & infunitæ ne tradas me; sed victui meo tribue necessaria.

Hæc est Salomonis oratio; quàm à libris ejus sparsim colligendo in hunc librum ad erudiendum Regem inclusimus, & ut sciret quæ à Deo petere deberet.



CAPVT VII.

Item de officio legitimi Regis.

Sed his interim sepositis, rursus eum monemus
ut mores subditorum exhortando, terrendo,
blandiendo, corrigendo, & boni operis exempla
monstrando, diatim emendare procuret. Studeat
quoque sapientes homines honorare & omnes pari-
ter Ecclesiæ servitores. Monita etiam sanctorum vi-
rorum ac si Dei oracula suscipiat, & Episcopis sanc-
tis rationabiliter adquiescat. Nam sic Christi servis
& sapientibus viris quasi quibusdam basibus firmis-
simis regni sustentatur & corroboratur sublimitas.
Multò enim utiliùs Pharaonem sanctus iuvit Ioseph
consilij patientia quàm si ei contulisset grandem
pecuniam. Nam pecunia facile consumitur, con-
silia verò virorum sapientium nequeunt exauriri.
Vnde apparet quia melior est sapientia negotiatio-
ne argenti & auri, primi & purissimi fructus ejus.
Sit proinde largus atque munificus, affabilis &
tranquillus. Habeat etiam animum jocundum,
linguam eruditam, sensum expeditum, verbum ve-
rax, fidem puram, devotionem præcipuam, ri-
sumque modestum. Sit ei motus impiger, & ha-
bitus & incessus honestus, & victus abundans,
non tamen talis qui superfluous sit. Invidiam au-
tem, luxuriam, & vinolentiam tamquam sordes
pessimas abiciat ab animo suo, & pessimam cu-
piditatem, quia radix omnium malorum est cupi-
ditas. Sint ministri illius modesti, & consiliatores
sensati, & præpositi fideles atque prudentes. Fi-
deles quoque suos honoret & diligat, & sibi ser-
vientes sublimet & protegat. Porro Regibus trans-
gressoribus modi curationum tales sunt adhibendi

ut & majestas regia in eis honoretur, & reatus puniatur censura justitiæ. Sub religionis enim disciplina regia potestas posita est. Nam quamvis sit Rex potestatis culmine præditus, nodo tamen christi-
næ fidei tenetur adstrictus. Corrigendus tamen est, non cum tumore superbiæ, sed caritatis affectu sapienterque. De iracundo quippe vel insipiente doctore Salomon dicit: *In ore stulti virga superbiæ*. Stulti proinde & superbi doctores disciplinæ rigorem in rabiem furoris & ad immanitatem convertunt crudelitatis. Veruntamen Reges legitimi propter reprobos spernendi non sunt: quia cælestis curiæ sacer principatus ideo non est à Deo reprobatus vel spretus quòd diabolus eorum princeps contra eum superbiens tyrannidem arripuit & sibi subjecta agmina secum nefanda suasionè peccare pellexit; sed ipse Dominus Iesus Christus postmodum ad eundem diabolum comprimendum, qui dignitatem nominis ipsius & sedem sibi præsumpserat, de cælo descendit. Post Deum enim patrem diabolus dici velint Deus, & ad dexteram Dei patris sedere temerè concupivit, cum hoc illi non contingeret, sed esset filij Dei, qui post patrem Deum, secundum quod jam dictum est, secundus est, non natura, sed ordine. Venit ergo Dominus Iesus Christus in mundum, sicut decebat, & manifestavit se, non omnibus hominibus, sed tantum suis sequacibus, ut reprobata persona diaboli hunc esse cognoscerent cujus principatum & potestatem ipse satanas sibi temeritate propria præsumpsisset. Diabolus autem & principes mundi hujus Christi divinitatem in carne latentem penitus cognoscere nequiverunt: quia, sicut Apostolus testatur, si cognovissent, nunquam dominum gloriæ crucifixissent. Vnde contigit ut qui arte, non violentia, primum hominem per consensum peccati sibi subege-

rat, Dei circumventus arte illum amitteret, dum illi mortem per suos satellites intulit quem immunem ab omni peccato necare præsumpsit. Itaque tali commercio Christus & angelorum numerum restauravit, & humanum genus suo sanguine à iugo diaboli liberavit. Contigit denique ut diabolus, qui per unum hominem peccantem totum genus humanum sibi subposuerat, per unum non peccantem hominem amitteret quod habebat. Sed hæc de diabolo & de ejus tyrannide dixisse sufficiat. Hoc tamen exemplo lucidè patet quia principatus quæ aut seditio extorquet, aut ambitus occupat, solet esse perniciosus. Difficile quippe bono exitu terminantur quæ malo sunt inchoata principio. Propterea hujusmodi Principes, non Reges, sed tyranni meritò vocitantur; & Episcopi qui eos ordinare præsumunt, aut perversæ ordinationi eorum præbent consensum, anathematis jaculo sunt puniendi. Sed & Regem hæreticum auctoritate divina pro defensione fidei catholicæ condemnare & anathematis sententia præfocare sancta consuevit Ecclesia, ne illius contubernio sanctorum catholicorum collegium maculetur. Non ab eo Apostolus Paulus nos separat & dividit dicens: *Hæreticum hominem post primam & secundam correptionem devicta, sciens quia subversus est qui hujusmodi est, & delinquit proprio judicio condemnatus.* Salomon etiam gentilem hominem hæretico meliorem esse pronuntiat, ubi ait, *Melior est canis vivus leone mortuo*, canem vivum appellans gentilem, & leonem mortuum hæreticum. Sed plerique Principum terreorum in sanctis & justis hominibus veritatem persequuntur, quoniam nolunt ab eis sua facta daminari. Veruntamen qui veritatem odit, Deum profectò non amare cognoscitur, qui veritas est. Quod providens Dominus, Episcopum qui non sua teme-

ritate, sed zelo Dei, terrenis Principibus videtur esse contrarius, exhortans ad mundi odia perferenda, de se ipso exemplum proponit & dicit: *Non est servus major domino suo. Si me persecuti sunt, & vos persequentur. Si sermonem meum servaverunt, & vestrum servabunt.* Et item: *Si mundus vos odit, scitote quia me priorem vobis odio habuit.* in hoc loco mundum illos appellans à quibus hujus mundi scelera diliguntur. Porro ille qui ex Deo est, verba Dei audit. Vnde Rex admonitionibus episcopalibus debet aurem suam libenter accommodare & sacerdoti salubria suggerenti fideliter obaudire, quoniam de his videtur Dominus suo ore dixisse: *Qui vos audit, me audit. Et qui vos spernit, me spernit.* At si Rex aurem suam à sana & salubri doctrina cœperit avertere proprio fastu vel tumiditate, non Episcopo sed Deo contumax & rebellis videtur existere, cujus iram incurrere nimis periculosum est ac formidabile. Scriptum est enim: *Deus superbis resistit, humilibus autem dat gratiam.* Mortem autem aut scandalum illis inferre nullatenus Rex præsumere debet. Nam pro hoc facinore comperimus multos Reges & Imperatores miserabiliter & inopinabiliter ex hac vita migrasse. De his nempe, id est, de Præsulibus & sanctis hominibus Dominus dicit: *Qui vos tangit, quasi qui tangit pupillam oculi mei.* At si contigerit ut hæc viro catholico conditio proponatur ut aut hæretico fauveat aut pro defensione fidei catholicæ subeat mortem, eligat magis mori quàm vivere violata sanctæ fidei sinceritate, revolvens illud in corde suo quod scriptum est in evangelij libro: *Quid prodest homini si universum mundum lucretur, anima verò sua detrimentum patiatur. Aut quam dabit homo commutationem pro anima sua?* Et illud item quod Dominus suis repromittit fidelibus dicens: *Qui me*

*confessus fuerit coram hominibus, confitebor & ego
eum coram patre meo qui in cælis est.*

CAPUT VIII.

De reprobis Regibus atque Principibus:

Porrò ipsi Reges & Principes atque Tyranni, dum Deo subesse & ejus præcepta custodire renuunt, dominationis suæ vim & potestatem plerunque solent amittere; sicut primus homo dominationis suæ vigorem & dignitatis prærogativam post suam transgressionem cognoscitur amisisse. Postquam nempe divino noluit esse subjectus imperio, ipsa etiam corporis sui membra sibi rebellare & ignitos aculeos carnalis concupiscentiæ statim contra suam voluntatem in sua carne sævire persensit. Pisces quoque maris & volucres cæli & bestię agri, quæ illi ante commissum facinus quasi privata animalia subjacebant, jugum dominationis ejus à se cœperunt abigere, & jam ei amplius solito servire nolebant. Quæ tamen omnia vi rationis suæ cœpit demum paulatim sibi subigere & ad suos usus exquisitis artibus retorquere. Itaque pari modo Regi Deo contrario populus sibi subjectus multoties incipit adversus eum insurgere & varijs ac multiplicibus insidijs illum appetere & multis adversitatibus fatigare. Ad quam rem pertinere videtur quòd Deus Regem Babylonium non bestijs ferocibus, sed muscis & serpentibus punire decrevit. Ut intelligat humana superbia quòd per humiles & infimos homines soleat sæpe tumidos & superbos quosque comprimere & à sublimitate deponere. Solent etiam homines hujusmodi ignominiosa morte vitam terminare aut in turpi paupertate deficere, sicut Herodes & Pilatus; quorum Herodes

vermibus

vermibus scaturiens miserabiliter expiravit, & Pilatus exilio condemnatus, pauper & inops defunctus est. Illi quoque qui recta pervertunt judicia amore, odio, metu, misericordia, incuria, temeritate, aut gratia quæstus, circa finem vitæ horribilibus infirmitatibus molestari solent, vel vilitate vel inopia rerum, aut membrorum languore suorum.

CAPVT IX.

De dignitate sacerdotum.

VErùm quia jam satis de his, sicut reor, secundum ingenij mei facultatem visus sum perorasse, restat nunc ut de his quæ ad Episcopum pertinent pauca subiciam. Igitur Episcopo à Deo & Domino Iesu Christo privilegium est concessum aperire & claudere cælum hominibus. Huic etiam Reges & omnes terrenæ potestates pro Christi amore capita subdunt: quia licet Rex vel Imperator culmine regni sit præditus, nodo tamen fidei tenetur astrictus. Hic quoque propter condimentum doctrinæ, quo mentes fidelium debet condire, sal terræ vocatur, & Rex propter ducatum quem præbere populo debet, & angelus, quia bona nuntiat, & pastor, quia divini verbi dapibus homines explet. Quibus etiam moribus debeat pollere, & quibus virtutibus effulgere, Apostolus Paulus declarat in epistola sua dicens: *Oportet, inquit, Episcopum incomprehensibilem esse, sobrium, pudicum, hospitalem, prudentem, non neophytum, non violentum, non percussorem, non litigiosum, sed modestum. Oportet etiam illum habere bonum testimonium ab his qui foris sunt.* Nam, sicut alio continetur

in loco ; ipse debet exemplum bonorum operum , non solum sibi subiecto populo , sed etiam discipulis hominibus , id est , gentilibus , vitæ melioris ostendere , ut fiat in eo quod in evangelio Dominus suis Apostolis præcipiens dixit : *Sic luceat lux vestra coram hominibus ut videant opera vestra bona & glorificent patrem vestrum qui in cælis est.* Hic quoque debet divitibus præcipere non sublime sapere nec sperare in incerto divitiarum , sed in Deo vivo & vero , qui præstat omnibus omnia ad fruendum , bene agere , divites fieri in operibus bonis , facile tribuere , thesaurizare sibi fundamentum bonum in futurum , ut possint apprehendere vitam æternam. Ceterum contra Regem catholicum armis dimicare nullatenus debet ; licet ministerij dignitate multum illi præmineat , tantum scilicet quantum officia divina sua sanctitate noscuntur negotijs secularibus eminere. Nam & regalem dignitatem habere sanctæ scripturæ testimonio videtur Episcopus. Ait enim Dominus Iesus Christus suis Apostolis eorumque sequacibus : *Ego dispono vobis sicut disposuit mihi pater meus regnum.* Et Apostolus : *Vos estis genus electum , regale sacerdotium.* Vnde si contigerit ut Episcopus reprehensibilis inveniat , (Non est enim homo qui non peccet) non in curia seculari , sed in synodo generali , res hujusmodi terminetur. Ipse proinde Episcopus inter Regem & oves sibi creditas officium optimi pastoris debet peragere & pro grege sibi commisso discrimini se pronus obicere. Ipse inquam toto nisu Regis ac Principis iram à populo debet avertere & pro Regis & populi salute pariter pijs precibus ante Deum nocte dieque persistere. Vices enim Christi filij Dei summi in terra videtur obtinere , qui se pro nobis peccatoribus obtulit immolandum. Vnde inter nos & Deum me-

diator debet existere. Ipse est sanctus sanctorum, Clericorum scilicet ac Presbyterorum, quibus omnibus eminet ac præcellit. Hic est Ecclesiæ sponsus, hic Christi Vicarius, ut compatiatur infirmitatibus nostris; de quo Paulus Apostolus dicit: *Omnis Pontifex ex omnibus assumptus, pro hominibus constituitur in his quæ sunt ad Deum, ut offerat dona & sacrificia pro peccatis eorum.* Honorandi igitur sunt omnes Episcopi, sicut regni cælestis claviculæ & iudices culparum humanarum. Ad eorum enim jus pertinet viros seculares pro illis criminibus quæ in locis Deo consecratis committunt judiciali severitate distringere & pro aliis criminibus iusta consideratione pœnitentiâs dare. Ipsi quoque debent omnes Presbyteros & Clericos sententia judiciali distringere, ut & terrenis & spiritalibus iudiciis suæ auctoritatis privilegium conservetur. Ipsi denique sunt qui bonum quod per gratiam sancti spiritus intelligendo didicerunt, subjectorum mentibus profuturum, secundum Apostoli Pauli præceptum, arguendo, obsecrando, & increpando inserere nituntur, corda fidelium divinis dogmatibus quasi imbribus irrigantes cælestibus, ut proferre immarcescibilem bonorum operum possint fructum.

CAPVT. X.

De his quos Episcopus excommunicat.

QUapropter summopere caveat Rex ne his quos ipsi ab Ecclesiâ pro suis criminibus anathematis sententia pepulerunt aliquo pacto communicet. Nam teste scriptura, facientes & consen-

tientes par pœna cōstringit. Consentit autem criminoso & reatum ejus sustentat qui postquam ab Ecclesia crimine suo exigente projectus est, illi communicat. Verùm plerique ideo divinum minùs formidare iudiciũ videntur quòd eorum contemptum non statim pœna prosequitur. Unde quid Regi cuidam olim ex hac re contigerit, breviter intimare curabo. Legitur enim in historia gentis Anglorum quòd quidam Episcopus duos fratres palatinos viròs pro repudio uxorum excommunicaverit. Contigit autem ut Rex ipsius gentis juxta domum ipsorum transiret. Qui multis blandimentis delinitus ut apud eos ad prandendum diverteret, tandem consensit. Expleto autem convivio, cùm jam rediret; obviavit Episcopum quĩ fratres illos excommunicaverat. Quem cùm vidisset, intremuit, & exiliens de equo, in media, ut erat, via prostravit se coram ipso. Episcopus verò ferula quam manu ferebat tetigit eum dicens: O Rex, non est meum ignoscere tibi; quia Deum contempsisti, quando te excommunicatis scienter sociasti. Iccirco data est sententia in te; & hoc anno in ipsa domo morieris in qua excommunicatis te sociasti. Quod & factum est; & evolutò anno Rex ibidem mortuus est. Ecce Rex non potuit hunc reatum nisi morte piare; nec Episcopus illi prostrato valuit ignoscere. Ex qua re colligitur quia nec Episcopus, cùs excommunicatio contempnitur, sine gravi pœnitentia facinus hujusmodi ignoscere potest. Ergo; sicut præcipit beatus Papa Gregorius, sub magno moderamine pastores Ecclesiæ solvere studeant aut ligare. Sed utrũ justè an injustè obliget pastor, pastoris tamen sententia gregi timenda, ne is qui subest, & cùm injustè forsitan ligatur, ipsam obligationis suæ sententiam ex alia culpa mereatur.

CAPVT XI.

De pravis Præsulibus.

VErùm reperiuntur quidam in numero sacerdotum qui per pecuniam sacerdotes appellari contendunt; & cùm non sint ulla scientia præditi aut aliqua religione suffulti, legis divinæ volunt videri magistri. Sed hi nimirum meritò contempnuntur, & non Episcopi, sed simoniaci à Simone magno vocitari merentur. Non enim eis est pars in sermone sacerdotij, sed à gratia spiritus sancti extorres habentur; quæ & gratis datur, & gratis accipitur. Nam, teste evangelio, qui non intrat per ostium in ovile ovium, ille fur est & latro. Qui autem intrat per ostium, pastor est ovium, & huic ostiarius aperit, & oves vocem ejus audiunt. Et post pauca: *Alienum autem non sequuntur, quia non audiunt vocem alienorum.* Quidam etiam Episcoporum se contra morem ecclesiasticum extollere cupientes, in solvendis & ligandis subditis suæ voluntatis motus, non causarum merita, exercent. Vnde populus jam legis onus, per devia currens, plus solito spernit, jaculumque anathematis ingens, dumque furit, nullas rationis sentit habenas. Nam religioni Christianæ opprobrium nascitur, & sacerdotalis dignitas inde valde contempnitur, quòd sacerdotalis insula ambitione potius quàm meritorum existimatione defertur & imperitis quibusque confertur. Nam quidam illorum illos qui juramento dominis suis constricti tenentur à sacramento fidelitatis absolvent. Quod quàm sit absurdum, Dominus indicat

tientes par pœna constringit. Consentit autem criminoso & reatum ejus sustentat qui postquam ab Ecclesia crimine suo exigente projectus est, illi communicat. Verùm plerique ideo divinum minus formidare iudiciũ videntur quòd eorum contemptum non statim pœna prosequitur. Unde quid Regi cuidam olim ex hac re contigerit, breviter intimare curabo. Legitur enim in historia gentis Anglorum quòd quidam Episcopus duos fratres palatinos viros pro repudio uxorum excommunicaverit. Contigit autem ut Rex ipsius gentis juxta domum ipsorum transiret. Qui multis blandimentis delinitus ut apud eos ad prandendum diceret, tandem consensit. Expleto autem convivio, cùm jam rediret, obviavit Episcopum qui fratres illos excommunicaverat. Quem cùm vidisset, intremuit, & exiliens de equo, in media, ut erat, via prostravit se coram ipso. Episcopus verò ferula quam manu ferebat tetigit eum dicens: O Rex, non est meum ignoscere tibi, quia Deum contempsisti, quando te excommunicatis scienter sociasti. Iccirco data est sententia in te, & hoc anno in ipsa domo morieris in qua excommunicatis te sociasti. Quod & factum est; & evoluta anno Rex ibidem mortuus est. Ecce Rex non potuit hunc reatum nisi morte piare; nec Episcopus illi prostrato valuit ignoscere. Ex qua re colligitur quia nec Episcopus, cujus excommunicatio contempnitur, sine gravi pœnitentia facinus hujusmodi ignoscere potest. Ergo; sicut præcipit beatus Papa Gregorius, sub magno moderamine pastores Ecclesiæ solvere studeant aut ligare. Sed utrum justè an injustè obliget pastor, pastoris tamen sententia gregi timenda, ne is qui subest, & cùm injustè forsitan ligatur, ipsam obligationis suæ sententiam ex alia culpa mereatur.

CAPVT XI.

De pravis Præsulibus.

VErùm reperiuntur quidam in numero sacerdotum qui per pecuniam sacerdotes appellari contendunt; & cum non sint ulla scientia præditi aut aliqua religione suffulti, legis divinæ volunt videri magistri. Sed hi nimirum meritò contempnuntur, & non Episcopi, sed simoniaci à Simone magno vocitari merentur. Non enim eis est pars in sermone sacerdotij, sed à gratia spiritus sancti extorres habentur; quæ & gratis datur, & gratis accipitur. Nam, teste evangelio, qui non intrat per ostium in ovile ovium, ille fur est & latro. Qui autem intrat per ostium, pastor est ovium, & huic ostiarius aperit, & oves vocem ejus audiunt. Et post pauca: *Alienum autem non sequuntur, quia non audiunt vocem alienorum.* Quidam etiam Episcoporum se contra morem ecclesiasticum extollere cupientes, in solvendis & ligandis subditis suæ voluntatis motus, non causarum merita, exercent. Vnde populus jam legis onus, per devia currens, plus solito spernit, jaculumque anathematis ingens, dumque furit, nullas rationis sentit habenas. Nam religioni Christianæ opprobrium nascitur, & sacerdotalis dignitas inde valde contempnitur, quòd sacerdotalis insula ambitione potius quàm meritorum existimatione defertur & imperitis quibusque confertur. Nam quidam illorum illos qui juramento dominis suis constricti tenentur à sacramento fidelitatis absolvunt. Quod quàm sit absurdum, Dominus indicat

ubi dicit : *Non perjurabis in nomine meo , nec pollues nomen Domini Dei tui.* Et ad Sedechiam Regem Iudæ , qui iuramentum quod Babylonio Regi præbuerat violaverat , ore prophetico dicit : *Vivo ego quoniam iuramentum quod spreuit , & fœdus quod prævaricatus est , ponam in capite ejus.*

CAPVT XII.

De illo qui contra Christianum frangit sacramentum.

INtelligat ergo quilibet Christianus , qui contra dominum suum aut alterum Christianum frangit sacramentum , quid mereatur , cum propter hoc scelus Sedechias vir Iudæus avulsis oculis à gentili Rege in Babyloniam captivus ductus esse cognoscatur. Non enim illi considerandum est cui jurat , sed per quem jurat. Alioquin & illum despicit per quem jurat ; & hostis fidelior invenitur , qui sacramento decipitur. Multum enim desipit qui illum decipit cui iuramento divini nominis fuerat fœderatus. Ceterum sacramentum incautè prolatum non est conservandum , veluti si quispiam adulteræ perpetuam cum ea permanendi fidem polliceatur. Tolerabilius enim est non implere sacramentum quàm permanere in stupri flagitium. Veruntamen de fatuis doctoribus in evangelio Dominus dicit : *Cacus si caco ducatum præbeat , ambo in foveam cadunt.* Superbi etiam & iracundi doctores nonnunquam disciplinæ rigorem in rabiem furoris & ad immanitatem convertunt crudelitatis. Sed , sicut item dicit beatus Papa Gregorius , judicare dignè de subditis nequeunt qui

in subje&torum causis sua vel odia vel gratiam sequuntur. De qua re Propheta etiam dicere videtur: *Mortificabant animas quæ non moriuntur, & vivificabant animas quæ non vivunt.* Non morientem quippe mortificat qui justum damnat, & non victurum vivificare nititur qui reum de supplicio absolvere conatur. Causæ ergo pensandæ sunt, & tunc ligandi atque solvendi potestas est exercenda. Considerandum est denique atque cavendum Episcopo ne ipsius vitio doctrina divina vilescat. Nam qui sicut decet non vivit, ipsam quam prædicat veritatem contemptibilem reddit. Cavendum etiam est illi qui pontificatus officium assecutus est ut se talem exhibeat, ne fortè alijs prædicans, ipse reprobis inveniatur. Subditis quoque considerandum est quia licet talis judicandi locum teneat, cujus vita loco minimè concordat, locum tamen Apostolorum in ligandi & solvendi officio retinet. Quapropter excommunicatio & prædicatio illius non ex ejus persona debet contempni, sed ex auctoritate summi judicis observari. Nam pastor animarum nostrarum Christus esse cognoscitur, qui in Præsulibus auditur atque contempnitur. De quibus Dominus in evangelio dicit: *Super cathedram Moysi sederunt Scribe & Pharisei. Quæ dicunt vobis, facite. Quæ autem faciunt, facere nolite.* Et non solum Episcopi, sed & omnes Presbyteri & Clerici ab universis Dei fidelibus sunt honorandi sicut Dei domestici, cui servire nocte dieque videntur. Porro Præsules atque Presbyteri bases & columnæ videntur esse sanctæ Ecclesiæ, & Clerici & monachi ejus videntur esse ministri. Horum enim manibus ministrorum sacro baptismo quisque fidelis abluitur, & horum iterum manibus sacratissimum mysterium corporis & sanguinis Christi conficitur; per quæ mysteria Deo regeneramur atque conjun-

gimur. Omnis inquam qui de Christi corpore est, eis meritò subdī debet & eorum salutaribus monitis obedire & paternam eis reverentiam exhibere. Ipsi inquam sunt qui nostrorum munera precum offerre & Deo pro nobis incessanter supplicare noscuntur. Ipsi inquam pro nostris criminibus Deum exorantibus sit nobis ipse Deus propitius, & avertit iram suam à nobis. Ipsi pro vivis ac defunctis ante Deum semper indefessis precibus instant, & ipsi nobis frugum ubertatem obtinent, & ipsi tempestates & quæque discrimina à Christi grege repellunt. Ipsi etiam mater nostra, sancta videlicet Ecclesia, quasi nobilibus satellibus decoratur, illustratur, atque servatur. Et si reprehensibiles quidam illorum fore reperiuntur, ideo ceteri contempnendi non sunt, quia & in angelis pravitas reperta est. Consideranda quippe est hominibus illa beati Iob sententia dicentis : *Quis potest mundum statuere de immundo conceptum semine, nisi tu qui solus es ; subaudis, mundus.* Vnūquisque proinde, sive laicus, sive Clericus, Dei munere est quod est ; si tamen aliquid est. Vnde dicitur in evangelio : *Nolite iudicare, & non iudicabimini ; & nolite condemnare, & non condemnabimini.* Verū quamvis de filiis Dei scriptum sit, *Quotquot spiritu Dei aguntur, hi filij sunt Dei*, tamen omnes mortales, quando in hac corruptibili carne tenentur, peccant. Sed ne facinora ad immensum cumulum peccatorum prorumpant, aliqua pœna in hoc seculo plecti debent. Vnde pro illis qui sceleratissimè vivere decreverunt, nec volunt vitam suam moresque corrigere, id est, propter fornicatores & adulteros, sive propter fures atque sacrilegos & alios flagitiosos comprimendos & corrigendos, Regem Deus hominibus præesse voluit, ne æterni pœna supplicij eis reserve-tur in posterum. Nam illa crimina quæ in hoc seculo

puniuntur, profectò in futuro seculo non nocbunt. Fit igitur in his quod ab Apostolo dictum est: *Si nosmetipsos dijudicaremus, non utique judicaremur. Cùm judicamur autem, à Domino corripimur, ut non cum hoc mundo damnemur.* Multa enim bona invitis præstantur quando eorum consulitur utilitati, non voluntati, qua sibi inveniuntur esse inimici. Scriptum quippe est quia qui diligit iniquitatem, odit animam suam. Igitur amici malignantium hominum sunt illi qui eorum iniquitates corripiunt, & pro commissis criminibus eorum corpora aliqua pœna emendatoria puniunt. Peccata enim quæ feriri gehennæ ignibus possunt, disciplinæ sunt verbere corrigenda; ut qui Dei mandata contempnunt, temporali supplicio terreantur. Quod psalmista dicere videtur cùm ait: *In chamo & frano maxillas eorum constringe qui non approxi- mant ad te.* Verùm sicut sub igne aurum rutilat & palca fumat, & quemadmodum sub eadem tritura frumenta purgantur & palcæ conteruntur, ita communis pœnæ bonos purificat, malos exterminat. Nam boni quique igne tribulationum excoquuntur, & mali murmurant & puniuntur. In quibusdam autem gravis inest stultitia; & sic eos iniquitas obligat ut à culpa nec pœna compescat. Alij verò mala perpeti immeritò videntur. Sed hæc divinitas fieri sinit ut cruciatibus & flagellis erudiantur. Flagellat enim Deus omnem filium quem recipit. Sed licet non sint omnes filij qui flagellantur, tamen nullus est filius qui non flagelletur. Porro quidam sine verbere relinquuntur. Vnde ad æterna tormenta, mala agendo, liberiùs festinant. De quibus in beati Iob libro scriptum est: *Vidi stultum firma radice.* Stultus inquam firma radice stare conspicitur quando in hac vita continua prosperitate lætatur. Veruntamen in futurum districtus

judex tanta adversitate feriet quos reprobat quanta nunc severitate corripit quos amat. Sed ne facinora ad immensum cumulum peccatorum prorumpant, aliqua pœna, sicut prœmissum est, plecti debent. Nam inordinata pietas cum temporaliter parcit, & ad æterna supplicia pertrahit & vitia pullulare permittit. Discretionis tamen modus in omnibus est à judicibus observandus; & ut sit ordinata pietas, ad scientiam est transcendendum, ut sciat judex quid justè puniat & quid ex misericordia dimittat. Sic denique debet prudentia judicum corda in bonum semper acuere ne aut ipsa prudentia rectitudinis modum excedat, aut simplicitas in ignorantiae fallacia corruat. Porro ipsi Reges, Imperatores, ac judices, cum justæ rationis imperio sceleratos morte puniunt, aut æquitate dictante bella gerunt, nequaquam contra præceptum legis facere putandi sunt quo dictum est: *Non occides*. Nam ideo criminosi lege perimuntur ne mortifero peccato perniciofa securitas detur. Et ideo non injustè bella geruntur ut pax adquiratur. Moyses namque, vir mitis atque sanctissimus, legis divinæ mandato multos legitur homines occidisse & multas etiam gentes, Deo sibi ducatum præbente, armis victricibus extinxisse. Hoc etiam multi alij Principes novi ac veteris testamenti divino fervore succensi fecisse leguntur. Timor enim Dei & timor supplicij retrahit hominem à peccato. Verùm illa Principum vel Prælatorum omnium cautela utilis est atque laudabilis in qua totum agit ratio, & furor nihil sibi vindicat. Pro pœnitentibus verò Deus Episcopum in Ecclesia statuit, quamvis ipse cor contritum & humiliatum non despiciat. Debet enim Episcopus quosdam eorum, id est, pœnitentem, secundum modum culpæ in actione pœnitentiæ à corpore Christi & sanguine separare, &

quibusdam certum pœnitentiæ pondus imponere; qua peracta, reconcilientur, & fidelibus fratribus rursus adgregentur, & in gremium sanctæ recipiantur Ecclesiæ, à cuius societate aberraverant peccando. Extra quam Ecclesiam non remittuntur peccata; nec quisquam, nisi per eam, vitam potest assequi sempiternam. Ipse denique pro suo officio alios corrigit, & alios erudit; & alios censura justitiæ dic-tante excommunicat. Ipse quoque quosdam nonnunquam objurgare detrectat, quia vel aptius tempus expectat, vel metuit ne increpati deteriores fiant. Non est enim omnibus hominibus una adhibenda doctrina; sed pro qualitate morum diversa debet esse exhortatio doctorum. Nam quosdam increpatio dura, quosdam verò exhortatio corrigit blanda. Non omnia denique tempora congruunt doctrinæ; sed secundum Salomonis sententiam tempus tacendi, & tempus loquendi. Vnde etiam sæpefatus Papa Gregorius in vicesimo moralium libro dicit: *Sancti, inquit, viri cum vident quosdam sua verba despicere, intelligunt eos divinitus deseri, & ideo gementes conticescunt.* Veruntamen non dicimus ut conticescat Episcopus odio malorum hominum territus, sed consilio caritatis; cui jubet Apostolus dicens: *Iusta opportune importune, obsecra, increpa, in omni patientia & doctrina.* Hæc nos de duabus sufficiat dixisse potestatibus quibus in præ-senti vita sancta regitur & gubernatur Ecclesia, quibus etiam post Deum sic inlustrari cognoscitur sicut duobus magnis luminaribus, sole videlicet & luna, tota mundi fabrica, aut sicut duobus oculis totum humanum corpus decoratur & illuminatur. Quas nimirum potestates sanctas fore nemo debet ambigere. Ipsas enim Deus & Dominus in sua persona sacravit, univit, & sanctificavit. Quibus etiam liber sapientiæ præcipit dicens:

Diligite justitiam qui judicatis terram. Sentite de Domino in bonitate, & in simplicitate cordis querite illum: quoniam invenitur ab his qui non tentant illum, apparet autem eis qui fidem habent in illum. His inquam potestatibus ac principatibus terrenum regnum est distinctum atque dispositum. Vnde illi qui hanc positionem ab omnipotente Deo congruo ordine distinctam atque dispositam conantur pervertere, de illorum numero videntur existere qui ignorantes Dei justitiam, & suam volentes constituere, justitiæ ejus non sunt subjecti. Nonne ipse Deus omnia in numero & mensura & pondere fecit? Nonne elementa hujus mundi, quamvis unum ab altero valde diversum sit, sibi invicem concordantoscuntur? Nonne Dominus in evangelio dicit: *Omne regnum in se ipsum divisum desolabitur, & domus super domum cadet?* Denique quidam sapiens dicit: *Concordia res minima crescunt, & discordia res maxima dilabuntur.* Verum nunc operæ pretium est illud audire vel considerare quod olim Gregorius Papa sanctissimus Sabino Constantinopolitano Diacono scripsit. Ait enim: *Vnum est quod breviter suggeras serenissimo Domino nostro Imperatori, quia ego servus ejus, si in ejus mortem vel in Languobardorum consilijs me voluissim inferere, hodie Languobardorum gens nec Regem nec Duces nec Comites haberet, sed in summa confusione essent omnia. Sed quia Deum timeo, in mortem cujuslibet hominis me miscere formido.* Proinde ego non astruo ut liceat cuiquam Regi vel Imperatori quicquam contra Dei præcepta aut sanctorum canonum constituta facere vel instituere. Sed dico quòd sicut bonus Christianus Regum legibus contra Deum constitutis obedire non debet, sic & qui rationaliter constitutis non obedit, malè facit. Nam sicut beatus testatur Augustinus, pax omnium rerum

est tranquillitas ordinis. Ordo verò est parium & disparium rerum sua cuique rei dispositio. Sed quia jam noster sermo forsitan nimis in longum protrahitur, restat ut amodo terminetur, ne prolixitate sua generet legenti fastidium. Claudendus inquam est liber iste, quem ego Dei opitulante clementia, non tumore superbiæ, sed fraterno compunctus affectu composui, desiderans ut non tantum hæ duæ, de quibus hætenus tractavimus, potestates, sed etiam omnes Christi cultores, concordēs & sibimet invicem sint cohærentes. Quod etiam præcipit sanctus & sapiens Apostolus dicens: *Pacem*, inquit, *sectamini cum omnibus & sanctimoniam*, *sine qua nemo videbit Deum*. Hoc quoque mandatum pium ac saluberrimum Christus Dominus suis tradidit discipulis dicens: *Mandatum novum do vobis, ut diligatis invicem*. Et passioni jam proximus iterum dixit eis: *Pacem relinquo vobis, pacem meam do vobis*. Porro ego præsentem libellum exemplis sanctæ scripturæ diligenter corroborare curavi, ne fortè inveniatur vacuus & inutilis labor meus. Opto proinde ut omnes qui eum pio & benigno animo suscepturi sunt, valeant semper in Christo Iesu Domino nostro. Amen.

Explicit liber primus.





INCIPIT LIBER SECVNDVS.

Finito præcedenti libello, tacere deliberaveram, id est, à præsentī negotio quiescere, & aliàs animum applicare; cū ecce venit mihi in mentem illud quod scriptum est, quia in ore duorum vel trium testium stabit omne verbum. Et mox recaluit animus meus, & opportunum esse judicavi ut de hac eademque re, de qua jam unum librum edideram, facerem & secundum, quatinus duobus libris res una validius firmetur & corroboretur. Porro libro superiori omnem potestatem à Deo esse dispositam satis, sicut reor, ostendimus. Nunc autem legentibus evidenter notificare decrevimus quòd ipse Deus duas specialiter potestates in Ecclesia sua sancta collocavit atque constituit, regiam videlicet & sacerdotalem, non absque magno ac saluberrimo sacramento. Quas duas potestates ipsa Dei sapientia, carnem, in qua videri posset, assumens, in unitate suæ personæ suscepit, & eas in ea ideo quadam germanitate sibi mutuò sociavit atque conjunxit ut & unum sit in eis, vinculum caritatis semper, quod nunquam disjungatur, & ut ambæ sibi invicem fideliter adhærentes mutuò socientur & compaginentur. Vicaria enim sui ope vel opitulatione semper indigent; & nisi sibi invicem conveniant, fluctuat omne corpus Ecclesiæ, & per incerta populus evagatur. Proinde quia in duobus præceptis totam legem & Prophetas pendere ipse Dominus dixit in evangelio, & quia caritas gemina esse dinoscitur, (duo quippe sunt ipsius caritatis præcepta, sicut jam diximus) duas convenienter potestates Deus & Dominus omnium in Ecclesia statuit, quibus dispensationem omnium

quæ intra ipsam geruntur committere procuravit. His inquam duabus potestatibus quasi alis duabus fulcitur & sustentatur; & his prædita, libero volatu penetrat cælum. Harum etiam industria potestatum olim tam in Iudæa quàm inter gentiles meruit exaltari & nobiliter sublimari, & harum potestatum pia cura ac vigilantia sollertia extendit palmites suos à mari usque ad mare. Quod quomodo contigerit, id est, qualiter per has duas potestates Dei gratia comitante creverit & adoleverit, pro modulo nostræ scientiæ nostris nunc auditoribus referemus. Summatim tamen quædam perstringam, quia cuncta ad hæc pertinentia generatim complecti non valeo. A Regibus tamen & Prophetis Iudaicæ gentis exordium sumam. Moyse igitur dux pariter & Propheta Israheliticæ gentis, ut modò melius Davitico utamur eloquio, percussit Ægyptum cum primogenitis eorum, & eduxit Israël de medio ejus in manu potenti & brachio excelsa, & divisit mare rubrum in divisiones, & eduxit Israhel per medium ejus, & excussit Pharaonem & virtutem ejus in mari rubro, & transduxit populum suum per desertum, & percussit gentes multas, & occidit Reges fortes, Seon Regem Amorreorum, & Og Regem Basan, & dedit terram eorum hereditatem populo suo, illum significans Regem ac pastorem mitissimum qui transfert in se credentes per spem & fidem de mortalitate ad immortalitatem. Vnde, sicut in libro superiori jam diximus, sacrosancto mysterio in eremo Dei tabernaculum ædificavit, & Aaron consecravit, ac populo divinæ legis præcepta proposuit. Aaron vero in virga, quam ei ipse tradiderat, operabatur signa & prodigia coram Pharaone & optimatibus ejus. Post Moysem verò surrexit Iesus filius Nave; cujus imperio impeditus est sol ab itinere suo; donec

expugnaret hostes populi Dei. Hic quoque fuit vir magnus & fortis, secundum nomen suum inter Reges atque Prophetas gerens figuram salvatoris nostri, qui est Rex pariter & sacerdos; qui & in figura & mysterio Iordanis alveum transiens, divisit populo terram repromissionis in funiculo distributionis. Post hunc autem Samuel Propheta renovavit regnum, ungens Saulem in Regem; qui & hostes populi Dei superavit, & fines regni sui fideliter ampliavit. Veruntamen postea fortunæ suæ prosperitatibus evectus, superbiens, Deo displicuit. Vnde pro eo modò dictus Propheta frequenter Dominum oravit; sed tamen exauditus non est. Iam enim iusto iudicio Dei condemnatus erat. Post Saulem autem regnavit David, qui interpretatur Rex fortis, qui vicit Goliath hostem immanissimum, significans Regem illum fortissimum qui devicit diabolum totius humani generis inimicum. Porro David in toto corde suo dilexit eum qui exaltavit illum, & primus intulit arcam Dei in Ierusalem cum laudibus & gloria magna; ediditque volumen egregium quod appellatur psalterium. Quapropter transtulit Deus peccatum illius, & confirmavit regnum ejus in multas generationes. Cum enim in occulto, non in aperto, Vriæ militis suæ uxorem adulterij contagio maculasset, & postmodum ipsum Vriam, ut facinus admissum tegi posset, hostium manibus mala fraude necari fecisset, Nathan illum Propheta de suo facinore invectione publica redarguens increpavit, & confessione correptum consequenter absolvit. Post David autem regnavit Salomon filius ejus. Hic condidit templum Domino Deo suo ex lignis impubilibus & pretiosis lapidibus, in quo sancta figurabatur Ecclesia; & constituit in eo sacerdotum officia in ministerijs suis, & Levitas in ordine suo,

fuo, ut ministrarent Domino juxta ritum uniuscujusque diei, sicut præceperat ei David pater ejus. Sed & hic repletus sapientia composuit Syralirim, in quo per epithalamium carmen canit mysticè conjunctionem Christi & Ecclesiæ. In proverbij quoque & in interpretationibus factus est admirabilis; & divulgatum est nomen ejus longè latèque. Sed cum polleret magnis opibus & gloria magna nimis, intumescens corde, effrænatus est in libidinem, & exarsit in concupiscentia feminarum alienigenarum, & insuper adoravit deos earum. Quam ob rem indignatus est Dominus, & concitavit adversus eum Ieroboam filium Nabat servum ipsius. Scidit quoque regnum de manu filij ejus. Nam in Ierusalem regnavit Roboam filius Nabat. Sed ne in singulis immorer, dum regnaret postmodum in Ierusalem Rex Ezechias, & fecisset quod erat placitum coram Domino Deo, juxta omnia quæ fecerat David pater ejus, surrexit contra eum Sennacherib Rex Assyriorum multo valatus exercitu. Tunc surgens Rex Ezechias & Isaïas Propheta oraverunt ad Dominum; quos Dominus exaudivit. Et in castris Sennacherib angelus descendit, qui de ejus exercitu centum octoginta quinque milia interfecit. Igitur Reges gloriosi à Deo inspirati pro viribus suis sanctam extulerunt Ecclesiam; & eorum pia cura ac vigilantia sollertia adolevit primùm in Iudæa, & demum in gentibus suos palmites dilatavit. Nihilominus etiam sancti Prophetæ illam suarum virtutum decore pariter ornaverunt, & auro suæ sapientiæ nobilitaverunt. Constat ergo Reges atque Prophetas sanctissimos vicaria sui ope semper indiguille. Ecclesiam autem synagogam appello; quoniam illa quæ in ea fiebant, præsentis Ecclesiæ figuram gerebant; & in illo sacrificio Christi figurabatur occisio, cujus

sumus sanguine redempti atque reparati. Sed & per sabbati otium figurabatur requies beatorum. Ipsa etiam lex novum testamentum in figura præcessit. Vnde superveniente evangelica luce, umbra consequenter abscessit. Nunc autem sanctorum Prophetarum vicem in Ecclesia Christi retinent sacerdotes. Sic enim Dominus ad ipsam loquitur per Isaiam Prophetam : *Ecce, inquit, constituam principes tuos sicut antea, & consiliarios tuos sicut ab initio.* Et psalmista : *Pro patribus tuis nati sint tibi filij; constitues eos principes super omnem terram.* Igitur regiam & sacerdotalem dignitatem Deus in terris ordinavit sive disposuit non absque magno ac saluberrimo sacramento. Vnde congruit & valde conveniens est ut hæ duæ potestates sibi invicem fraterna caritate semper adhæreant, & ut se mutua sollicitudine tueantur. Nam nisi invicem conveniant, fluctuat omne corpus Ecclesiæ, & per devia populus agitur. His enim duabus potestatibus quasi duabus columnis fortibus atque firmissimis fulcitur atque sustentatur. His etiam duabus potestatibus quasi alis duabus ab adversitatibus mundi hujus fœtus ejus ambiuntur ac proteguntur. Illi verò qui his alis ambiri refugiunt, rebellare Deo noscuntur. Hæc & de Regibus & Prophetis Iudaicæ gentis dixisse sufficiat, ut paulatim & seriatim quod proposuimus explanemus. Igitur postquam Deus ac Dominus noster Iesus Christus hominem quem fecerat morte sua à morte redemit æterna, & captivitatem nostræ carnis resuscitavit à mortuis & invexit in cœlum, vetus evacuatum est testamentum, sicut evacuari solet puerilis ætas fortiori ætate superveniente. Vnus enim Deus per sanctos Prophetas & famulos suos secundum ordinatissimam distributionem temporum dedit minora præcepta populo, quem timore adhuc alligari

in subjectorum causis sua vel odia vel gratiam sequuntur. De qua re Propheta etiam dicere videtur: *Mortificabant animas quæ non moriuntur, & vivificabant animas quæ non vivunt.* Non morientem quippe mortificat qui justum damnat, & non victurum vivificare nititur qui reum de supplicio absolvere conatur. Causæ ergo pensandæ sunt, & tunc ligandi atque solvendi potestas est exercenda. Considerandum est denique atque cavendum Episcopo ne ipsius vitio doctrina divina vilescat. Nam qui sicut decet non vivit, ipsam quam prædicat veritatem contemptibilem reddit. Cavendum etiam est illi qui pontificatus officium assecutus est ut se talem exhibeat, ne fortè alijs prædicans, ipse reprobus inveniatur. Subditis quoque considerandum est quia licèt talis judicandi locum teneat, cujus vita loco minimè concordat, locum tamen Apostolorum in ligandi & solvendi officio retinet. Quapropter excommunicatio & prædicatio illius non ex ejus persona debet contempni, sed ex auctoritate summi judicis observari. Nam pastor animarum nostrarum Christus esse cognoscitur, qui in Præsulibus auditur atque contempnitur. De quibus Dominus in evangelio dicit: *Super cathedram Moysi sederunt Scriba & Pharisei. Quæ dicunt vobis, facite. Quæ autem faciunt, facere nolite.* Et non solum Episcopi, sed & omnes Presbyteri & Clerici ab universis Dei fidelibus sunt honorandi sicut Dei domestici, cui servire nocte dieque videntur. Porro Præsules atque Presbyteri bases & columnæ videntur esse sanctæ Ecclesiæ, & Clerici & monachi ejus videntur esse ministri. Horum enim manibus ministrorum sacro baptismo quisque fidelis abluitur, & horum iterum manibus sacratissimum mysterium corporis & sanguinis Christi conficitur; per quæ mysteria Deo regeneramur atque conjun-

gimur. Omnis inquam qui de Christi corpore est, eis meritò subdī debet & eorum salutaribus monitis obedire & paternam eis reverentiam exhibere. Ipsi inquam sunt qui nostrorum munera precum offerre & Deo pro nobis incessanter supplicare noscuntur. Iplis inquam pro nostris criminibus Deum exorantibus sit nobis ipse Deus propitius, & avertit iram suam à nobis. Ipsi pro vivis ac defunctis ante Deum semper indefessis precibus instant, & ipsi nobis frugum ubertatem obtinent, & ipsi tempestates & quæque discrimina à Christi grege repellunt. Iplis etiam mater nostra, sancta videlicet Ecclesia, quasi nobilibus satellibus decoratur, illustratur, atque servatur. Et si reprehensibiles quidam illorum fore reperiuntur, ideo ceteri contempnendi non sunt, quia & in angelis pravitas reperta est. Consideranda quippe est hominibus illa beati Iob sententia dicentis : *Quis potest mundum statuere de immundo conceptum semine, nisi tu qui solus es ; subaudis, mundus.* Vnusquisque proinde, sive laicus, sive Clericus, Dei munere est quod est, si tamen aliquid est. Vnde dicitur in evangelio : *Nolite iudicare, & non iudicabimini ; & nolite condemnare, & non condemnabimini.* Verùm quamvis de filiis Dei scriptum sit, *Quotquot spiritu Dei aguntur, hi filij sunt Dei*, tamen omnes mortales, quandiu in hac corruptibili carne tenentur, peccant. Sed ne facinora ad immensum cumulum peccatorum prorumpant, aliqua pœna in hoc seculo plecti debent. Vnde pro illis qui sceleratissimè vivere decreverunt, nec volunt vitam suam moresque corrigere, id est, propter fornicatores & adulteros, sive propter fures atque sacrilegos & alios flagitiosos comprimendos & corrigendos, Regem Deus hominibus præesse voluit, ne æterni pœna supplicij eis reserveetur in posterum. Nam illa crimina quæ in hoc seculo

puniuntur, profectò in futuro seculo non nocebunt. Fit igitur in his quod ab Apostolo dictum est: *Si nosmetipsos dijudicaremus, non utique judicaremur. Cùm judicamur autem, à Domino corripimur, ut non cum hoc mundo damnemur.* Multa enim bona invitis præstantur quando eorum consulitur utilitati, non voluntati, qua sibi inveniuntur esse inimici. Scriptum quippe est quia qui diligit iniquitatem, odit animam suam. Igitur amici malignantium hominum sunt illi qui eorum iniquitates corripiunt, & pro commissis criminibus eorum corpora aliqua pœna emendatoria puniunt. Peccata enim quæ feriri gehennæ ignibus possunt, disciplinæ sunt verberare corrigenda; ut qui Dei mandata contempnunt, temporali supplicio terreantur. Quod psalmista dicere videtur cùm ait: *In chamo & frano maxillas eorum constringe qui non approxi- mant ad te.* Verùm sicut sub igne aurum rutilat & palca fumat, & quemadmodum sub eadem tritura frumenta purgantur & palcæ conteruntur, ita communis pœnæ bonos purificat, malos exterminat. Nam boni quique igne tribulationum excoquuntur, & mali murmurant & puniuntur. In quibusdam autem gravis inest stultitia; & sic eos iniquitas obligat ut à culpa nec pœna compescat. Alij verò mala perpeti immeritò videntur. Sed hæc divinitas fieri sinit ut cruciatibus & flagellis erudiantur. Flagellat enim Deus omnem filium quem recipit. Sed licet non sint omnes filij qui flagellantur, tamen nullus est filius qui non flagelletur. Porro quidam sine verberare relinquuntur. Vnde ad æterna tormenta, mala agendo, liberiùs festinant. De quibus in beati Iob libro scriptum est: *Vidi stultum firma radice.* Stultus inquam firma radice stare conspicitur quando in hac vita continua prosperitate lætatur. Veruntamen in futurum districtus

novo testamento beatus Ambrosius Mediolanensis Episcopus majorem Theodosium Imperatorem pro suo facinore ab ecclesiastica communione publicè palamque suspendit, & ad pœnitentiam redegit regiam potestatem. Sanctus etiam Germanus Parisiorum Episcopus Aribertum Regem Francorum, quia uxore sua legitima derelicta, duas sibi subintroduxerat uxores, excommunicavit. Et quia correptus non est, Dei judicio percussus, in eadem excommunicatione mortuus est. Necesse est enim ut temeritas malorum Principum sanctorum auctoritate Præfulum refrænetur & dignis coërtionibus comprimatur: quæ si non fuerit digna castigatione reme-stricta, præbebit populo facilem peccandi facultatem. Fornicatores autem & adulteros Apostolus Paulus à contubernio ceterorum separat Christianorum, ubi cum ejusmodi nec cibum dicit esse sumendum. Vnde meritò ab Ecclesia segregantur, & à sacramentis altaris arcentur. Ecclesiasticæ verò disciplinæ jugum nemo catholicus à cervice sua debet abigere, sed sacerdoti salubria sibi suggerenti parere: quia, sicut Samuel Propheta testatur, melior est obedientia quàm victimæ, & auscultare magis quàm offerre adipem arietum. Obedientia ergo victimis jure præponitur: quia per victimas aliena caro, per obedientiam verò voluntas propria mac-tatur. Tanto inquam quisque Deum citius placat quanto ante ejus oculos arbitrij sui repressa superbia gladio timoris Dei voluptates suas à se præci-dendo debilitat. Obedientia nempe est virtus quæ principaliter fidei meritum possidet: qua quisquis caruerit, infidelis esse convincitur, etiam si fidelis esse probetur: quam qui sacerdotibus non exhibet, Deo repugnare videtur. Ab eis enim, id est, à sanctis Præfulibus, sicut supra retulimus, per univer-sum orbem quondam fides catholica diffusa est.

Apostoli quippe, quorum ipsi sunt heredes, sive discipuli, adhærentes Christo summo Pontifici, inventi sunt præcipuè persecutionis tempore fide firmi ac religione præcipui & metu mortis interriti. Vnde nunc omnis Christianus rectè eorum expetit suffragio à peccatorum suorum nexibus enodari, & eos honorat & excolit velut patres atque magistros. Verùm quia de his pro tempore satis jam diximus, decet ut iterum de Regum antiquorum magnificentia vel liberalitate, qua sanctam extulerunt Ecclesiam, pauca nescientibus retegamus. Pipinus Rex Francorum Adriani Papæ precibus invitatus Romam venit, & eundem Romanum antistitem ab infestatione Haistulti Regis Italiae magnificè liberavit, & prædia ei erepta restituit. Adriano verò Papæ Leo successit; quem Romani multis injuriis affecerunt, & à sua sede pariter expulerunt. Sed & hunc Karolus Rex Francorum magnificus Romam veniens loco suo restituit, & inimicos ejus morte multavit, multaque in auro & argento Ecclesiæ beati Petri largitus est munera. Imperatoris quoque Henrici secundi temporibus iterum Romani Clementem Papam multis contumelijs affectum à sua cathedra pepulerunt. Quod præfatus audiens Imperator, Romam venit, & eum in propria sede reposuit. Post decessum verò Papæ Clementis, rursus Romani quondam inutilem puerum Papam ordinaverunt, Sed & hunc Henricus tertius, Henrici supradicti successor & filius, à sede deposuit, & Gregorium sextum illi substituit. Quidam denique Regum & Imperatorum pro Dei amore & delictorum suorum expiatione, alios benignitatis fructus indigentibus exhibuere. Alij verò pro sibi subdita gente multas pertulerunt anxietates, & quidam pacem regni suis prætulere periculis. Sed & quidam illorum fures, adulteros, & omnes æquè

sacrilegos exquisitis interimentes supplicijs, magna populo suo beneficia contulerunt. Alij quoque leges discretionem præcipuas & honestas populis tradiderunt. Alij verò fuerunt benignitate præcipui, & alij sensati, & facundia præditi, & alij pacifici, & alij universa morum probitate conspicui. Alij ipsorum etiam diversis ædificijs Ecclesias ornaverunt, & alij victricibus armis gentem perfidam à regni sui finibus expulerunt: quibus omnibus indiget Ecclesia. Quidam etiam in suis fundis ædificaverunt Ecclesias, in quibus viros posuere religiosos, & eis sua prædia contulerunt, ut ex eorum redditibus viverent, & ibi dein sine sollicitudine nocte dieque Domino ministrarent, homines sanctos & honestos eis præponentes, quos appellamus Abbates, qui eos diligenter divinis mandatis imbuerent, & eis pariter necessaria providerent. Ex eo quoque tempore cœperunt etiam præsulatus honorem quibusque viris religiosis & divinis dogmatibus diligenter excutis regali munificentia tribuere & Ecclesiæ Dei pastores dignissimos prævidere. Quam discreta consuetudine usi sunt multi Reges & Principes usque ad tempora nostra in promovendis viris doctissimis atque sanctissimis, sicut in superiori jam diximus libro. Vnde etiam ille magnus Papa Gregorius, cujus hodie sacri flores eloquij redolent in sancta Ecclesia, Mauricio Imperatore jubente consecrari non renuit. Quod & ante eum beatus fecisse legitur Ambrosius Mediolanensis Archiepiscopus, vir sanctissimus; qui Valentiniano Imperatore jubente, præsulatum prædictæ suscepit Ecclesiæ. Hoc etiam fecere multi viri catholici, quos & decorabat morum elegantia atque sanctissima vita. De quorum numero fuisse noscuntur sanctus Andoënus Rothomagensis Archiepiscopus & sanctus Eligius Noviomensis antistes, viri Deo gratissi-

mi, sicut eorum indicant actus, qui Regis Dagoberti munere pontificari meruere. Veruntamen propter eos qui violenter in Ecclesia se ingerunt, & præsulatus honorem ab inreligiosis Principibus pecunia comparant, amantes superbiam & temporalem dominationem cum vana pompa & arrogantia mundi hujus, statuit sancta Nicæna synodus ne quis præter voluntatem & consensum Metropolitanæ sui ullatenus fiat Episcopus. Quod & postmodum venerabiles Romani corroboravere Pontifices, videlicet Gelasius, Cælestinus, & Leo sanctissimus, decernentes ut nulla ratione fiat Episcopus qui nec à Clericis est electus, nec à plebibus expetitus, nec à provincialibus Episcopis Metropolitanæ judicio consecratus. Vnde salutiferum & opportunum esse speramus ut si Rex aut quislibet pius Princeps præsulatus honorem viro sancto ordinabiliter tribuere vult, ne hoc suo solo faciat arbitrio, sed consilio & consensu Metropolitanæ Episcopi. Nam pro eis qui se contra censuram religiosam provehant, & culmen regiminis potius sibi rapiunt quàm assequuntur, solet sæpe dissensio pullulare, & oritur nonnunquam in populo gravis perniciēs. Vnde nobis cautum fore videtur ut si res hujusmodi, pravorum studiis obstantibus, competenter minimè perfici potuerit, ut tamdiu differatur donec in generali synodo rationabiliter atque legitimè terminetur. Proinde Regis officium est etiam dissidentes Episcopos reconciliare, sicut multis documentis possumus adprobare. Imperatoris quippe Valentiniani junioris temporibus Sixtus Romanus Pontifex incriminatus est à quodam Basso. Quod audiens modò dictus Augustus, pia cura jussit Concilium celebrari; in quo purgatus est Papa Sixtus à crimine, & Bassus condemnatus est. Theodorici etiam Regis Italiæ temporibus Sym-

machus sedem obtinuit apostolicam, & eodem die Laurentius provectus est ad eundem gradum per seditionem. Quod senatus Romanus Regi Theodorico intimavit, & ut eis mitteret qui ordinaretur Apostolicus suggessit. At ille misit eis Petrum Altinæ civitatis Episcopum. Sed Symmachus convocavit Concilium centum & viginti quinque Episcoporum, in quo purgavit se ab his quæ ei obiciebantur; & ita demum usque ad diem suæ dormitionis permansit Apostolicus, & Laurentius privatus est sede sua. Anno quoque incarnationis dominicæ nongentesimo sexagesimo secundo Octavianus Papa, cum de inreligiositate culparetur, Othone Romano Imperatore iubente à sua sede expulsus est, & Iohannes septimus ei est substitutus. Verum cum modò dictus Imperator à Roma discessisset, Romani Octavianum receperunt, & Iohannem ab urbe expulerunt, & Benedictum Papam ordinaverunt. Quod Imperator Otho comperiens Romam redijt, & præfatum Papam Benedictum iudicio synodali deposuit, & Iohannem loco suo restituit. Itaque, sicut evidenter sermo noster aperuit, Regi rite subjacere videntur omnes regni ipsius Episcopi, sicut patri filius deprehenditur esse subjectus, non natura, sed ordine, ut universitas regni ad unum redigatur principium. Ad eum denique pertinet illas quæ ad querelas veniunt causas in toto regno suo prudenter audire & auctoritatis suæ privilegio corrigere vel pacificare. Vnde reprehendi à quibusdam solet quòd Gregorius septimus consecrari vitavit consensu & licentia Imperatoris. Pro qua re dissensio ista processit, & fiunt cotidie cædes Christianorum, & loca Deo sacrata Romano sanguine polluantur & contaminantur, Ecclesiæ solo tenus evertuntur, & Christicolæ à suis domibus excluduntur, & castella & vici & villæ flammis ardentibus

consumuntur ; & nullus , proh dolor , invenitur qui causam istam cautè discutiat , prudenter examinet , ac justè determinet. Clerus & populus in ambiguo positus est , & magniloqui sive magnates nolunt brachia sua , id est , vires suas , extendere contra impetum tribulationis ; sed facti sunt quique potentes velut arietes invicem se debellantes. Reprehenditur etiam illud decretum ipsius in quo continetur ut nullus Episcoporum investituram episcopatus vel abbatiae de manu Regis vel Imperatoris suscipiat , propter viros sanctos qui dudum Regum vel Imperatorum munere , sicut suprà retulimus , pontificatus honorem recipere non recusaverunt. quod nunquam fecissent , si in hac re culpam latere novissent. Nec , ut speramus , Deus illos tantis miraculis coruscare faceret , nisi eorum vita coram ipso laudabilis extitisset. Supervacua igitur esse videtur. Porrò pompa mundi hujus quibulque Principibus superbiae & elationis tumoremingere solet ; & dum illicita committunt , reprehensoribus suis dicere solent , Nos à nemine debemus judicari , & sub nullius sumus positi potestate , indomabiles se praeberentes medicis spiritalibus , id est , sanctis doctoribus , qui eorum delicta paterna scient possentque pietate curare. Itaque in languore suo permanent donec deficiant , non attendentes illud sapientissimum dictum : *Omnia , inquit , mihi licent , sed non omnia expediunt.* Qui si Deum timerent , & ignem illum qui paratus est diabolo & satellitibus ejus , nimirum illud animo saepe revolverent quod in beati Iob libro scriptum est : *Nunquid justificari potest homo comparatus Deo , aut apparere mundus natus de muliere ? Ecce & luna non splendet , & stella non sunt munda in conspectu ejus. Quanto magis homo putredo , & filius hominis vermis ? Corpus enim quod corrumpitur ad-*

gravat animam, & terrena inhabitatio sensum multā cogitantem. Verūm nunc vereor ne quis me redarguens dicat. Non est tuum, frater, honorabiles ac sublimes increpare personas, quorum peccata Deus judicanda suo reservat iudicio. Sed meminerit quisquis ille est quia beatissimus Petrus Apostolus, qui ceteris omnibus Apostolis præminebat, & cui Deus ac Dominus noster Iesus Christus ore proprio locutus fuerat dicens, *Tu es Petrus, & super hanc petram adificabo Ecclesiam meam, & porta inferi non prevalebunt adversus eam, & tibi dabo claves regni calorum, & quodcunque ligaveris super terram, erit ligatum & in calis, & quodcunque solveris super terram, erit solutum & in calis,* quod hunc Paulus nuper ad fidem conversus ausus est reprehendere, ac divino zelo succensus coram omnibus increpare. Sic etenim idem Apostolus Paulus scribens ad Galatas dicit: *Cū venisset Cephas Antiochiam, in faciem ei restiti, quia reprehensibilis erat. Prius enim quā venirent quidam ab Iacob, cū gentibus edebat. Cū autem venissent, subtrahebat & segregabat se timens eos qui ex circumcissione erant. Et simulationi ejus consenserunt ceteri Iudæi, ita ut & Barnabas duceretur ab eis in illam simulationem. Sed cū vidissem quod non rectè ambulant ad veritatem evangelij, dixi Cepha coram omnibus: Si tu, Iudæus cū sis, gentiliter vivis, & non Iudaicè, quomodo gentes cogis Iudaizare. Nos natura Iudæi, & non ex gentibus peccatores. Scientes autem quod non justificatur homo ex operibus nisi per fidem Iesu Christi, & nos in Christo Iesu credimus, ut justificemur ex fide Christi, & non ex operibus legis. Ergo si tantus Apostolus, carnis infirmitate præpeditus, reprehensibilis inventus est, quanto magis ille reprehensibilis est cujus cor tumet, & quasi magna cogitans, attonitos habet oculos? Veruntamen ille*

qui ceteris Apostolis eminebat, & quem Dominus Iesus Christus magister optimus ore suo docuerat & spiritus sanctus illuminaverat, Paulum nuper ad fidem conversum salubria sibi suggerentem humiliter audire non renuit, sed illi penitus acquievit. Homo verò fastu potentiae seculi hujus prae-ditus, sicut in libro Iob legitur, in superbiam erigitur, & tamquam pullum onagri se liberum natum putat, ideoque reatum suum cognoscere & sanctis hominibus assensum praebere detrectat. Veruntamen Deus sapientes homines saepe per simplices quosque solet instruere. Vnde & Balaam Propheta, qui mercedem amavit iniquitatis, correctorem habuit suae vesaniae animal mutum cui insidere solebat. Excelsus quippe Dominus & humilia respicit & excelsa à longè cognoscit. Humilia inquam respicit ut attollat, & excelsa, id est, superba, ut deiciat. Quapropter oportet ut quicumque culmen honoris obtinet, se diligenter attendat, & nulla se ipsum adulatione seducat, sed intelligat cum quanto periculo mortis aeternae & cum quanta penuria perfectae justitiae peregrinemur à Domino. Nam licet sint speciosi pedes evangelizantium pacem, evangelizantium bona, tamen de terra sicca pulverem contrahere solent. Et si hoc dispensatores verbi Dei & ministri sacramentorum ejus, quanto magis quaedam provincia magni Regis? Vnde psalmista Domino dicit: *Beatus quem tu erudieris, Domine, & de lege tua docueris eum.* Sed his modò sepositis, operae pretium est beati Papae * Leonis decretum nostris audi- * Nicolai toribus propalare, & quid de ordinando Papa sanxerit, nescientibus intimare. Qui cum anno incarnationis dominicae M LV III. Papa Leoni successisset, anno ordinationis suae secundo Concilium habuit in basilica Lateranensi mense Aprili,

Indictione duodecima; in qua residens, omnibus sibi circumfidentibus dixit.

Novit modestia vestra, fratres carissimi & coëpiscopi, inferiora quoque membra non latuit, defuncto piæ memoriæ domno Stephano decessore nostro, hæc apostolica sedes, cui Deo actore deservio, quot adversa pertulerit, quot denique per simoniacæ hæresis trapezetas malleis & crebris confusionibus subjacuerit, adeo ut columna Dei viventis jamjam penè videretur nutare, & sagena summi piscatoris, procellis intumescantibus, in naufragij profunda submergi. Vnde, si placet fraternitati vestræ, debemus auxiliante Deo futuris casibus prudenter occurrere & ecclesiastico statui, ne rediviva, quod absit, mala prævaleant in posterum prævidere. Quapropter instructi prædecessorum nostrorum aliorumque sanctorum patrum auctoritate decernimus atque constituimus ut obeunte hujus Romanæ universalis Ecclesiæ Pontifice, in primis Cardinales Episcopi diligentissima simul consideratione tractantes, mox sibi Clericos Cardinales adhibeant, sicque reliquus clerus & populus ad consensum novæ electionis accedant. Et ne venalitatis morbus qualibet occasione subripiat, religiosi viri præduces sint in promovendi Pontificis electione, reliqui autem sequaces. Et certè rectus atque legitimus hic electionis ordo perpenditur, si perspectis diversorum patrum regulis seu gestis, etiam illa beati Leonis sententia recolatur: *Nulla, inquit, ratio sinit ut inter Episcopos habeantur qui nec à Clericis sunt electi, nec à plebibus expetiti, nec à provincialibus Episcopis Metropolitanæ judicio consecrati.* Quia verò sedes apostolica cunctis in orbe terrarum præfertur Ecclesijs, atque ideo super se Metropolitanum habere non potest, Cardinales Episcopi procul dubio Metropolitanæ vice fungantur.

qui electum antistitem ad apostolici culminis apicem provehant. Eligant autem de ipsius Ecclesie gremio, si repertus fuerit idoneus; vel si de ipsa non invenitur, ex alia assumatur. Salvo debito honore & reverentia dilecti filij nostri Henrici, qui in presentiarum Rex habetur, & futurus Imperator Deo concedente speratur, sicut jam sibi concessimus & successoribus illius qui ab hac apostolica sede personaliter hoc jus impetraverint. Quod si pravorum atque iniquorum hominum ita perversitas invaluerit ut pura, sincera, atque gratuita electio fieri in urbe non possit, Cardinales Episcopi cum religiosi Clerici catholicisque laicis, licet paucis, jus potestatis obtineant eligere apostolicæ sedis antistitem ubi congruentius judicaverint. Planè postquam electio fuerit facta, si bellica tempestas vel qualiscunque hominum conatus malignitatis studio restiterit ut is qui electus est in apostolica sede juxta consuetudinem inthronizari non valeat, electus tamen sicut Papa auctoritatem obtineat regendi sanctam Romanam Ecclesiam & disponendi omnes facultates illius: quod beatum Gregorium ante electionem suam fecisse cognoscimus. quod si quis contra hoc decretum nostrum synodali sententia promulgatum per seditionem vel præsumptionem aut quodlibet ingenium electus aut etiam ordinatus seu inthronizatus fuerit, auctoritate divina & sanctorum Apostolorum Petri & Pauli perpetuo anathemate cum suis auctoribus, factoribus, sequacibus, à liminibus sanctæ Dei Ecclesie separatus, subiiciatur sicut Antichristus & invasor atque destructor totius Christianitatis, nec aliqua super hoc audientia aliquando ei reservetur, sed ab omni ecclesiastico gradu, in quocunque prius fuerat, sine retractatione deponatur: cui quisquis adæserit, vel qualemcunque tamquam Pontifici.

» reverentiam exhibuerit , aut in aliquo cum defen-
 » dere præsumpserit , pari sententia sit mancipatus.
 » Quisquis autem hujus nostri decreti vel sententiæ
 » violator extiterit , & Romanam Ecclesiam sua præ-
 » sumptione confundere & perturbare contra hoc
 » statutum tentaverit , perpetuo anathemate atque
 » excommunicatione damnetur , & cum impijs ,
 » quando resurgent in judicio , reputetur. Omnipoten-
 » tis scilicet Dei patris & filij & spiritus sancti
 » contra se iram sentiat , & sanctorum Apostolorum
 » Petri & Pauli , quorum præsumit confundere Ec-
 » clesiam , in hac vita & in futura furorem reperiatur.
 » Fiat habitatio ejus deserta , & in tabernaculis ejus
 » non sit qui inhabitet. Fiant filij ejus orphani , &
 » uxor ejus vidua. Commotus commoveatur ipse &
 » filij ejus , & mendicent , & ejiciantur de habitatio-
 » nibus suis. Scrutetur fœnerator omnem substan-
 » tiam ejus , & diripiant alieni labores ejus. Orbis
 » terrarum pugnet contra illum , & cetera elemen-
 » ta sint ei contraria ; & omnium sanctorum quies-
 » centium merita illum confundant , & in hac vita
 » super eum apertam vindictam ostendant. Observa-
 » tores autem hujus nostri decreti Dei omnipotentis
 » gratia protegat , & auctoritate beatorum Petri &
 » Pauli ab omnibus vinculis absolvat peccatorum.


Ecce iste Papa sanctissimus sano ac saluberrimo
 consilio & discretionis præcipua in ordinatione
 Domini Papæ debitum honorem & reverentiam
 Imperatori reservans , illud Apostoli Petri manda-
 tum observat quod scripsit idem Apostolus in epi-
 stola sua dicens : *Subjēcti estote omni humane crea-*
tura propter Deum , sive Regi quasi præcellenti , sive
Ducibus quasi ab eo missis ad vindictam malefactorum ,
laudem verò bonorum ; quia sic est voluntas Dei
ut bene facientes obmutescere faciatis imprudentium
hominum ignorantiam , quasi liberi , non quasi velamen
habentes

habentes malitia libertatem, sed sicut servi Dei. Per terrenum quippe regnum cœleste tunc proficit dum quod sacerdos non prævalet efficere per doctrinæ sermonem, regia potestas hoc agit vel imperat per disciplinæ terrorem. Decet igitur ut unicuique potestati suæ auctoritatis privilegium sibi semper salvum & incolume perseveret. Denique, sicut Paulus Apostolus docet, nemo sacerdotium sibi præripere debet, sed qui vocatur à Deo tamquam Aaron. Nam & Christus non semetipsum clarificavit ut Pontifex fieret, sed qui locutus est ad eum, *Filius meus es tu, ego hodie genui te.* Et in alio loco: *Tu es sacerdos in æternum secundum ordinem Melchisedech: qui in diebus carnis suæ preces supplicationesque ad eum qui possit eum à morte salvum facere cum clamore valido & lacrymis offerens, exauditus est pro sua reverentia.* Et quidem cum esset filius, didicit ex his quæ passus est obedientiam, & consummatus factus est in omnibus obtemperantibus sibi causa salutis æternæ, appellatus à Deo Pontifex juxta ordinem Melchisedech. Ergo decet ut Episcopi quique sequantur formam quæ præcessit in capite, ut & ipsi inveniantur digni offerre spirituales hostias acceptabiles Deo per eundem Christum Dominum nostrum, cujus umbra noscuntur existere. Denique regia potestas spernenda non est; quia Regis officium est totum sibi subjectum populum ab errore corrigere & ad æquitatis atque justitiæ semitam revocare. Vnde in libro Iudicum reperies quia antequam Regem haberent filii Israël, Ionathas filius filii Moyli, cum inter Levitas deputatus esset, præsumpsit sibi sacerdotium; quia unusquisque, inquit, sibi placita faciebat, cō quod non esset Rex in Israël. Ipsius etiam officium est moliri iniqui conterere & de faucibus ejus prædam eripere, ut rectè pater pauperum & oculus cæcorum & pes claudorum nominari possit & esse. Ipse quoque de-

bet esse sanctæ defensor Ecclesiæ. Vnde honorandus est tam ab omnibus sui regni Præsulibus quam à ceteris omnibus quibus præest, etsi non propter se, vel propter honorem & gradum quem à Deo accepit. Nec nos movere debet quia multi pravi & pauci boni Reges inveniuntur. Frumentum enim in comparatione pælearum valde exiguum esse videtur. Sed novit agricola quid faciat de ingenti acervo pælearum, & novit Deus qui sunt ejus. Sustinet tamen pravos, ut suorum electorum fidem atque prudentiam per illorum perversitatem exercendo confirmet, & quia de numero eorum multi convertuntur & corriguntur. Sustineamus ergo & nos eos quos esse videmus injustos, & amemus eos quos justos esse videmus. Non tamen dico ut toleremus malos carnali timore, sed Dei amore. Nec dico ut amemus eos expectantes ab eis pro nostro amore carnalem retributionem, aut ut serviamus eis propter commoda temporalia aut propter gloriam temporalem, nec ut ponamus in eis spem nostram; quoniam maledictus est homo qui spem suam ponit in homine. Nec dico ut exhibeamus eis nosmetipsos ministros ad malè faciendum, ut eis placere possimus: quoniam dissipabit Deus ossa eorum qui hominibus placent, sicut psalmista testatur. Sed ut amemus justos quia justii sunt, & toleremus malos caritate illius qui eos nobis æquo judicio prætulit atque præposuit. Legem quippe non implet nisi caritas. Et si nos diabolus per eos occultus impugnat, clamemus illud psalmistæ. *Deus meus, eripe me de manu legem prætereuntis & iniqui, quoniam tu es patientia mea à juventute mea.* Et precemur illum ut misericordiæ suæ dulcedinem instillet in nobis. Etenim, sicut testatur psalmista, custodit Dominus omnes diligentes se, & omnes peccatores disperdet. Et liber sapientiæ dicit: *Multi potentes oppressi sunt validè, & glo.*

riofī traditi sunt in manus exterorum. Et Iob: Adprehendet impium quasi aqua inopia, nocte opprimit eum tempestas, & tollet illum ventus urens. Denique si per eos, id est, si per pravos Prælatos diabolus nos instigat verbo aut urget tormento ut malum peragamus, mox illis respondeamus, quia obedire Deo oportet magis quàm hominibus. Nec quibuscumque tormentis exuperemur, quia non sunt condignæ passionēs huius temporis ad futuram gloriam quæ revelabitur in nobis. Proinde movet plerumque quod iusti in hac vita multa patiantur adversa, mali verò magnis prosperitatibus gaudent. Sed de suis tribulationibus exultat Paulus Apostolus dicens: *Gloriamur in tribulationibus, scientes quoniam tribulatio patientiam operatur, patientia verò probationem, & probatio spem. Spes autem non confundit, quia caritas Dei diffusa est in cordibus nostris per spiritum sanctum qui datus est nobis.* Quo spiritu referti vel inebriati quique viri perfecti omnes adversitates mundi huius propter eum tolerant qui pro eis mori non dedignatus est. Pro eo inquam quod ardenti amore diligitur omnia tolerantur. At impatiens, dum mala quæ ei iustè à Deo inferuntur pati renuit, non efficit ut à malis cruatur, sed ut mala graviora patiatur. Nemo enim leges omnipotentis evadit; sed omnis creatura, velit nolit, militat Deo & illius subjacet potestati. Sed boni libera voluntate, sicut boni filii, Deo servire noscuntur, & faciunt quod bonum est. Mali quoque Deo serviunt, sed necessitate; & fit de illis quod iustum est. Itaque & de bonis & de malis Deus bene facere consuevit. Veruntamen quicquid ab eo fit, iustè fit. Igitur æquius est ut nos ejus sequamur quàm ille nostram sequatur voluntatem; ut eo ipso quo nos ejus sequimur voluntatem, ordinati esse incipiamus. Vnde congruum est ut si quis uspiam est qui duas has de quibus loquimur po-

testates ab invicem per discordiam sejunxit ac separavit, ne negligat agere pœnitentiam, & nequaquam letali & mortiferæ plagæ per pudorem addat tumorem. Nihil enim est infelicius, nihil scelestius, quàm de vulnere quod latere non potest non erubescere & de ligatura ejus erubescere. Satagat inquam qui hoc scelus admisit Deo satisfacere per pœnitentiæ dolorem & per humilitatis gemitum & per contriti cordis sacrificium, cooperantibus eleemosynis. Non enim præcipitur nobis ut tantummodo cellemus à peccatis; sed & de præteritis, inquit, deprecare Dominum. Omnibus denique peccatoribus pœnitentia necessaria est: quam qui contemnit agere, aut Dei flagello plerunque percutitur, aut morte conteritur. Vnde peccatorem admonet liber sapientiæ dicens: *Fili, ne tardes converti ad Dominum, & ne differas de die in diem. Subitò nempe veniet ira illius, & in tempore vindictæ disperdet te.* Et de pœnitente in libro Iob hoc invenies scriptum: *Si reversus fueris ad omnipotentem, edificaberis & longè facies iniquitatem à tabernaculo tuo. Dabit tibi pro terra silicem, & pro silice torrentes aureos; & argentum coacervabitur tibi, & afflues delitiis; & rogabis eum, & exaudiet te. Erit omnipotens contra hostes tuos, & decernens rem, & veniet tibi.* Et paulò post: *Qui inclinaverit oculos, ipse salvabitur.* Plura parabam adhuc dicere. Sed ne legentibus tædium ingeram, non placet amplius producere librum ac protelare sermonem; maxime cùm super hæc omnia multa in altero libro dixisse me recolo, quæ semel audisse sapienti sufficere debent. *Explicit Liber secundus.*





VITA BEATI STEPHANI
ABBATIS MONASTERII OBAZINENSIS
IN LEMOVICIBVS,

Scripta ab auctore coætaneo, ejusdem
monasterii monacho, & beati
Stephani discipulo.

*Incipit præfatio in vitam Domni
Stephani Abbatis.*

Licet sanctorum gesta scribendi modò consuetudo non sit, vel potius esse defierit, non tamen hoc aliqua alia ratione fieri manifestum est nisi aut inopia relatorum, aut ipsorum raritate sanctorum, qui in tantum jam defecerunt ut vel qui scribant, vel de quibus scribant, pauci vix aut ferè nulli inveniuntur. Vnde est exclamatio illa Prophetæ dicentis: *Saluum me fac, Domine, quoniam defecit sanctus & quoniam diminuta sunt veritates à filiis hominum.* Sunt enim adhuc siue fuerunt aliqui sancti occulti, non tantummodò ante Dei oculos vita & actibus refulgentes, & qui in Ecclesia sancti habentur. Sed eorum vita in aliorum exemplum scribi non potuit, vel quia ipsi publicari timentes, maluerunt latere sub modio quàm super candelabrum poni, vel quia non adeo miraculis claruerunt. quod maxime nunc exigitur ab his qui sanctorum vitas describere volunt. Isti similes videntur lunæ obscuræ seu vetustæ; ex qua nihil apparet in ortu, sed tunc plena coruscat in cœlis. Nam qui in terris gloriosi

LIB. I. apparent, & de cœlestibus cogitant, lunæ plenæ magis assimilantur, quæ totam sui luminis claritatem exhibet mundo, obscuritatis nigredinem cœlo. Fuerunt tamen nostra ætate viri sancti utriusque lunæ imaginem præferentes, qui & apud Deum occultè merito sanctitatis gloriosi fuerunt, & apud homines signis & prodigiis mirabiliter effulserunt. Horum vita dignè scribi promeruit, id est, sancti Bernardi Abbatis & sancti Malachie Episcopi; prima tribus edita libris; sequens ab ipso sancto Bernardo, tanta elegancia sensuum atque dictorum ut nullius priorum vel illustrium dictatorum operibus inferior habeatur. Ego autem ut vitam Domini Stephani Obazinensium patris qualicunque stilo describerem, non à me ipso permotus sum, ut putatur, sed dominorum & patrum meorum iussuibus invitatus, immo compulsus; quibus etsi in tanta re periculosum fuit parere, periculosius foret non obedire. Egi autem hoc, non ut ipse per hæc innotescar, sed ut sancti viri vita vel conversatio non lateret; quatinus præsentibus & secuturi sciant quis vel qualis hic fuerit, qualiter vixerit, qualiterque mundum reliquerit, quantum denique non sibi soli sed aliis multis profuerit, quàm miranda & præclara opera suo tempore perfecit vel perficienda reliquerit, & ad postremum quàm glorioso ac mirifico obitu de hac vita exierit. Quod si hoc studium nostrum à multis fortè despiciatur vel etiam respuatur, mirandum non erit, præsertim propter operis novitatem & scribentis indignitatem. Habet hoc humanus animus ut opus ex auctore consideret, & vetustati magis assentiat, nec facilè recipiendam putet scripturam quandiu vel qui scribunt vel de quibus scribunt vixerint super terram. Vnde Iohannes Chrysostomus ait: *Sicut viventium animalium carnes non comeduntur nisi fue-*

runt prius occisa, sic scripta majorum in auctoritatem recepta non sunt nisi post mortem eorum. Inde est quod Dominus invitatis ad cœnam diei præcipiebat: Tauri mei & altilia occisa sunt, venite ad nuptias. id est, jam mortui vel occisi sunt per quos vobis scriptura confecta est, ut divini verbi epulas non quasi humanas, sed ut verè divinas, legendo percipiat. Nec ista dicimus ut quia modò non possumus, saltim post mortem recipiendi simus; sed quia quosdam super his missitalle comperimus, dicentes non debuisse à nobis ista describi, vel quia indigni vel imperiti sumus, vel quia is de quo loquimur nondum est inter sanctos canonizatus; cùm legamus plures sanctorum, quorum vitæ magna ex parte descriptæ fuerunt antequam ipsi obirent. His & aliis simili modo quærentibus nihil aliud respondemus, nisi hoc tantum, quia si Deus voluerit, hoc opus manebit, & si noluerit, non manebit. Credimus autem & indubitanter speramus quia manens manebit & proficiet, donante Deo, tam ad ejus de quo loquimur laudem quàm ad multorum ædificationem. *Explicit præfatio.*

INCIPIT VITA EIVSDEM.

I. Igitur Stephanus Aquitanica regione, territorio Lemovico, oriundus fuit, parentibus inter suos honestis & longa prosapia Christianis; cujus pater æquè Stephanus, mater Gauberta dicta est. Qui quidem parentes nec nimium locupletes, nec admodum pauperes, sufficientia vitæ satis habebant, & per cetera quoque bona probabiles, hunc Deo dilectum non tam sibi quàm Ecclesiæ Dei necessarium genuerunt. Fertur ejus genitrici visio per noctem ostensa, cùm eum prægnans utero tumefcente gestaret, quod quasi agnum in loco filii

LIB. I.

peperisset, cui adulto magnus ovium grex tradebatur. Quod dum cuidam viro Dei sancto narraret, audivit ab eo quòd talem ipsa filium generaret cui multus à Christo animarum populus crederetur cœlesti magisterio informandus. Dicunt tamen alii à prædicta femina, non regnum, sed catulum album visum fuisse, sicut legitur de sancto Bernardo. Vtrumque tamen in significatione verum apparuit; quia & agnus fuit innocentiae puritate, catulus, immo canis non mutus, in custodia gregum, id est, animarum jugi sollicitudine. Nam quantos pro Domino & grege sibi commisso latratus dederit non est nostrum evoluerè, quia ad alia festinamus. Itaque natus & adultus, præceptoribus traditur, ut in schola Ecclesiæ literis sacris imbueretur; quibus non mediocriter institutus, in brevi horum plenè scientiam attigit, earum scilicet scripturarum quæ vel ad divinum cultum vel ad ædificationem pertinent animarum. Cùm enim ad majorem pervenisset ætatem, patre jam defuncto, totius domus curam suscepit, matremque & fratres atque sorores seu omnem familiam strenuè gubernabat & cum disciplina regebat; sed plus studiosè agebat curam pauperum quàm parentum, quia melior illum causa urgebat. Nam ad illud humanitate, ad istud misericordia trahebatur & spe retributionis æternæ. Erat pater orphanorum, nutritor pauperum, susceptor peregrinorum, & pius consolator viduarum. Manus ejus plus ad dandum quàm ad suscipiendum erant porrectæ, ut impleret illud Psalmistæ: *Dispersit, dedit pauperibus; justitia ejus manet in seculum seculi*. Castum, sobrium, ac benignum, omnibusque affabilem & munificum se exhibebat; ita ut cuncti circumquaque positi illius industriam ac nimiam prudentiam mirarentur. Atta-

men adhuc venationibus & quibusdam secularibus nugis inserviebat; eratque cultus vestibus, cum tamen cultior moribus haberetur. Quod quidem prius pro cavenda inani gloria, ad occultandum cordis propositum ostentabat, & ne alii de illo plus quàm ipse de se existimarent.

II. Postquam autem largiente Deo sacerdotalis ordinis gratia sublimatus est, secularem vitam funditus deseruit, & quam prius mente despexerat, opere moribusque ei renuntiavit. Iam risus & illæ quondam nugæ convertuntur in luctum, & gaudium in mœrorem; venationes ferarum in capturam transeunt animarum; jam pretiosarum vestium cultus deponitur, & dulcium esearum despicitur apparatus. Nam pro molli indumento cilicium intrinsecus ad carnem gestabat, & pro suavi cibo panem suum cum lachrymis & potum cum fletu percipiebat. Denique tanta corpus suum austeritate tractabat ut tam frigore quàm inedia penè illud necaret. Siquidem media hyeme, quando gelu & frigore cuncta constringebantur, securi glaciem effrlegebat, ibique usque ad cervicem demersus tamdiu perdurabat donec interiora ejus vis algoris altiùs penetraret, dicens quodam modo cum Psalmista: *Quia factus sum sicut uter in pruina, justificationes tuas non sum oblitus.* Erat in jeuniis præcipuus, in vigiliis assiduus, in orationibus promptus; quas non compositio verborum, sed lachrymarum devotio divinis auribus offerebat. Sermo ejus sale conditus & caritate erat ignitus, auditoribus divini amoris incendium & sapientiæ condimentum infundens. Tanta docendi gratia ei à Domino data fuerat ut audiendi verbum ex ore ejus nulla unquam satietas sequeretur. Quòd si illo absente aliquis in Ecclesia loqueretur, velut rusticanus à populo spernebatur propter illius ad-

mirabilem & spiritu ferventem doctrinam. Nec immeritò. Nam quod ore docebat, operibus commendabat, & sermones rectissimos vita non inferior illustrabat. Divinis officiis multùm pervigil & indefestus astabat, nullis curis, nullis occupationibus proprium intermittens cursum, nisi gravi infirmitate aut inevitabili causa detineretur. In his verò rebus quæ ad altaris propriè ministerium pertinent, hoc est, vasis sacris vel vestibibus seu quibuslibet ornamentis, in Ecclesiis in quibus ministrabat tantam diligentiam impendebat ut ex hoc in ceteris admirabilis & ubique irreprehensibilis appareret. Sicut in militia aut in aliqua arte ita nonnulli instructi ac periti habentur ut inde magistri meritò censeantur, sic iste in cultu altaris & totius honestatis ac munditiæ magister & prævius habebatur. Erat assiduus in lectione divinarum scripturarum, maximè his qui evangelicas paginas exposuerunt; unde tam sibi legendo quàm aliis prædicando æternam provideret salutem. Cùmque ibi multa de contemptu mundi & gloria futuri seculi reperiret, valde accendebatur mens ejus ad despectum præsentium & desiderium futurorum, dicens quodammodo cum Propheta: *Quando veniam & apparebo ante faciem Dei?* vel iterum: *Defecerunt oculi mei in eloquium tuum, dicentes: Quando consolaberis me.* Talibus desideriis inflammatus, quotidie abrenuntiare seculo disponebat; ut terrenis curis abjectis, pauperem Christum pauper ipse ac nudus expedito gressu continuò sequeretur. Sed ne hoc temerè & absque consilio facere videretur, quendam adiit religiosum virum atque sanctissimum, Stephanum cognomento de Mercurio, qui fuerat discipulus sancti Roberti, utpote ab ipso nutritus, cujus fama sanctitatis in tota illa regione celebris habebatur. Ad hunc cùm venisset, ei-

que suæ mentis propositum indicasset, non de voto diffidens, sed consilium quærens, ita venerabilis senior illi respondit. Oportet, carissime, ut desiderium tibi divinitus inspiratum diù non protrahas, neque differas de die in diem, sciens quia semper nocuit differre paratis; quin potiùs ut mente conceperas, abjectis mundi curis, Christi vestigia felici cursu insequere, ut tuo exemplo multi convertantur ad Deum. Hoc responso tamquam divino fretus oraculo, lætus ad propria remeavit. Habebat autem in hoc proposito socium & sodalem quendam Petrum nomine, miræ simplicitatis virum, qui & ipse Presbyter nupèr fuerat ordinatus. Huic soli sui cordis secreta commiserat, tali conditione, ut pariter seculo renuntiantes, religionis sanctæ habitum incunctanter arriperent, & in eo usque ad finem vitæ perseverarent. Exinde festinabant viri sancti quod Deo voverant adimplere; quò mundi hujus nexibus absoluti, libero & absoluto gressu viam salutis incederent, ut ad Christum pariter pervenirent.

III. Igitur paucis interpositis diebus, hebdomada prima quadragesimæ, quando cineres dari solent, feria quinta, convocatis affinium turbis ultimum vale facturi, sollemne eis convivium præbuerunt, & quicquid de substantia superfuit pauperibus diviserunt. Sequentem verò noctem vigiliis & orationibus pervigilem ducunt, obsecrantes Dei clementiam ut vota sua, quæ præveniendæ eorum cordibus aspirarat, etiam adjuvando prosequeretur. Deinde religiosa veste se induentes, mox antequam illucesceret, nativo solo relicto, nudis pedibus quasi ad exilium ire cœperunt. Erat quidam illis in partibus eremita Bertrannus nomine, instituendis animabus curam gerens, habens & ipse paucos discipulos illius magisterio ad-

LII. I. hærentes. Quem cum expetissent, decem tantum menses cum eo fecerunt, non tadium passi, sed magis probati, quod non retro irent, sed fortiora appetere & viciniora saluti. Siquidem tali ad eum conditione venerant, ut si cum eo tantillo hoc spatio non convenirent, liberi & absque querela ad alia demigrarent. Egressi inde lustrabant circumquaque religiosa loca, sic ubi perfectiori instituto, tanto perfectius quanto & fortius Deo provoto famularentur. Necdum enim in his regionibus adeo religionis hujus ordo florebat. Sed Deus omnipotens noluit eos tunc alicujus magisterio subdi, ut quod de beato viro prædestinaverat adimpleret.

IV. Procedens ergo vir Dei una cum venerabili focio, lustrata undique regione, tandem saltum Obazinensem expetiit, dictum, ut credo, ab opacitate silvarum & veprium densitate quibus ex omni parte vestiebatur. Qui locus, præter densitatem silvarum, præruptis hinc inde scopulis cingebatur, quodam fluvio Correzia nuncupato inferius decurrente, qui non parvam loco præstare videtur amœnitatem. Ad hunc locum pervenientes beati viri die parasceve quod est ante Pascha, nudis, ut erant, pedibus ejus interiora in pavidum penetrarunt. Erat haut procul modica planities inter convalles depressa, sed dumorum ac veprium vastitate condensa, parvo rivulo per medium defluente; inquam post multos viarum anfractus & devexos circuitus, per concava vallium & montium prærupta ingressi, ipso & sequenti die absque cibo aut alicujus solatio ibi manserunt. Tertia die, quæ est dominicæ resurrectionis, ad vicinam Ecclesiam perrexerunt; & acceptis mutuo calciamentis, unus eorum Missam cantavit & socium communicavit. Quo peracto, redditis calciamentis, cum nullus

eos ad prandium invitaret, non absque mœstitia ad metatum redire cœperunt. Cùmque montis juga paulatim conscenderent, & in summitate ejus labore inediaque vexati paulatim requiescerent, matrona quædam ex vicino rure qui Pauliacus dicitur ad eos accessit, deferens eis dimidiam tortam panis & vas lactis; quæ ipsi cum tanto gaudio susceperunt ut testaretur postmodum vir sanctus nihil se in vita sua, quantum ad cibum, desiderabilius percepisse. Ad metatum ergo reversi, & cibo illo refecti, cùm à nullo adhuc vel qui essent vel ubi essent agnosceretur, multos ibi dies absque humano cibo fecerunt, exceptis herbarum radicibus vel quicquid in eremo reperiri posset. Sed cùm misericors Deus & eorum ærumnas solari vellet & exemplo illorum alios circumpositos informare, tali eos modo in notitiam hominum voluit devenire. Dum quadam die paterfamilias qui in vicino degebat ad Ecclesiam pergeret, venit ei in mentem, inspirante Deo, ut pauperibus ibi degentibus alimenta deferret. Cùmque ibi se pergere existimaret, repente via perditam quasi errando ad eundem pervenit locum; nec tamen errore viam perdiderat, qui illo ductore agebatur qui quondam Presbyterum ad beatum Benedictum in paschali transmisit solemnitate. Videns itaque prædictus vir ignotas in religioso habitu personas sedere, primò quidem miratus est, ac deinde miseratus, alimonias quas ferebat eis porrexit, quibus ipsa & sequenti die sustentati sunt. Nec multò post à pastoribus reperti, dum ab eis per vicina loca divulgarentur, multi ad visitandum eos venire cœperunt; qui cùm eis alimenta deferrent corporis, ab eorum ore alimenta referebant vitæ, quamvis timerent ex præcedentibus ne ibi diù perseverarent.

V. Quidam namque pseudochorita olim illuc advenerat; qui ibi manere velle se simulans, casu-

LIB. I. lam ad modum oratorii ædificavit. Cùmque ei multa populus offerret, libenter accipiebat, & quæ absumere non poterat, in pecunias redigebat. Deinde venientibus ad se diem indixit, quo quasi ad Missarum nova sollemnia unanimiter convenirent. Nocte verò quæ prædictam diem præcedebat, nescio quid opinatus, assumptis omnibus quæ habebat, subitò nusquam comparuit. Ex cujus repentino discessu & qui convenerant & qui audierant irrisi pariter & offensi, duriores ad istos esse cœperunt, æstimantes eos simili modo facturos. Vnde ab eis neglecti, tantam famis injuriam sustinebant ut etiam arborum teneritudines & quæque virentia avidè carperent & pro suavi cibo sibi apponerent. Potus aqua erat permodica; quam fragmine testæ haurientes, naturæ satisfaciebant. Etenim ipsam testam multis diebus in usum habuerunt. Stratum dura humus excipiebat, in quam exhausta jejuniis membra collidenda potius quàm quietura jactabant. Ac ne pulvilli quoque decissent, duros lapides capiti supponebant, qui & somnum arcerent & molitiem summoverent. Vestimenta carni tamdiu adhærebant quandiu sordium aut pediculorum nimietas eas mutare compelleret. Tunc exuentes ea, super ignem excutiebant, aut in aquam mittebant. Quibus lotis & pauper expressis, ita eis denuo vertiebantur ut corpore madefacto & gelido vestimento, tam pondere quàm frigore penè consumerentur. Quod maximè hyemis tempore faciebant, quando nulla erat lavandi necessitas, sed sola cruciandi voluntas. Sed cùm hæc non sufficerent, loricam sibi pater Stephanus coaptavit; quam multis annis occultè ad carnem gestavit, donec vetustate consumpta, paulatim scissa est. Taliter se bonus athleta in carne pro Christo damnaverat, ut ejus spiritus in die Domini salvaretur.

Construxit autem juxta prædictam arborem parvum ex lignis tugurium vili tegmine coopertum, in quo die ac nocte unà cum venerabili socio continuis orationibus & psalmorum decantationibus insistebat; ubi cum post modicam quietem, qua fessos paululum recreabant artus, ad divinas laudes consurgerent, mox ut se viderent somno gravari, arreptis virgarum manipulis, nudatisque lateribus, vapulabant & vicissim se verberabant. Sic caro exhausta jejuniis, & vigiliarum ac laborum pondere fatigata diutino quoque verbere fulcabatur; ut per hoc in servitutem redacta, non carnales sed spirituales fructus proferret. Vnde & Apostolus de semetipso dicebat: *Castigo corpus meum & in servitutem redigo, ne cum aliis prædioaverim, ipse reprobus efficiar.* Quod qualiter ille fecerit manifestum dabatur indicium cum sancta illius facies exarata rugis & juniorum pallore confecta rarissimos ac tenues germinaret pilos. Sed & capilli capitis ejus in suo statu manentes, nec in senectute mutati sunt, ut aut calviciem contraherent aut candorem; ita ut juvenis putaretur, nisi rugæ ipsius, ut scriptum est, testimonium illi darent.

VII. Post hæc, superius memoratus socius ejus communi assensu Lemovicam perrexit ad urbem, adjuncto sibi Clerico Bernardo nomine, qui nuper ad eos convenerat, quique postmodum relictis omnibus in eodem loco conversus est, in quo usque ad finem vitæ religiosè conversatus est, & felici obitu consummatus; cujus relatione de beati viri actibus multa addidici; quia & in seculo familiaris illi fuit, & in religione usque ad illius obitum inseparabiliter ei adhæsit. Pervenientes ad urbem, Episcopo tunc Eustorgio colloquuti sunt, diligenter ei causam suam & propositum beati viri aperientes. Qui benedicens eis, crucem quam ei

LIB. I.

detulerant consecravit, eisque cum aqua à se benedicta tradidit; dans potestatem Missam celebrandi & monasterium construendi; ita duntaxat ut morem à patribus traditum per omnia sequerentur. His auditis sive acceptis, ad patrem suum cum gaudio sunt reversi. Qui mox acceptis quæ detulerant, habitationem suam in ulteriorem rivuli ipsius partem promovit. Vnde noxia & inutilia quæque succidens, ad instar monasterii domos ædificavit; hoc est, oratorium, dormitorium, refectorium, coquinam, & in medio eorum claustrum, omnibus his vix unius haut magnæ domus spatium occupantibus. Iam enim aliquanti ad Deum conversi illius discipulatu in hærebant, & disciplinæ jugo subiecti arduam nimis ac rigidam cum eo conversationem ducebant; ideoque pauci erant qui eos imitarentur, nisi hostes propriæ carnis effecti de præsentī vita non cogitarent. Sanè quod Dei erat recipientes, & quod mundanum repudiantes, canonicam regulam in officiis & in proposito eremiticam vitam ducebant. Canonici etsi regulariter Deo canunt, est eis ex accuratis cibis lauta & copiosa refectio, ac diuturna quies, labor manuum aut nullus aut minimus. Quod vir sanctus multum abhorrens, ita statuerat, ut totius diei spatium in operibus manuum expendere, excepto quod aut lectio aut laus sibi vendicabat divina. Sicque ad vesperam modico cibo refecti, incumbente jam nocte paululum quiescebant usquequo surgerent ad matutinarum officia persolvenda; quibus vigiliis beatæ Mariæ & omnium sanctorum adjungentes, necnon etiam ordinem defunctorum cum familiaribus psalmis, non minimum noctis spatium insumebant. Sed & illud quod post vigiliis intervallum restabat non quieti aut somno deputabatur, sed peculiaribus orationibus aut operibus manuum inserviebat. Nam quæcumque

quæcumque domui necessaria erant , & sedendo cum lumine fieri poterant , non in die sed in nocte fiebant ; quia tunc maioribus laboribus occupati erant. Post primam dictis septem psalmis , cum letania prostratis , statim sequebatur Missa , nisi , quod sæpe eveniebat , calciamenta deessent. Qua cantata , mox egrediebantur ad opera manuum , viro Dei nonnunquam intra monasterium residente. In quo spatio quis æstimare sufficiat quibus lachrymis quibusve gemitibus ac suspiriis ferventi desiderio satisfaciebat , cum solus existens nec testem nec arbitrum formidaret. Et quis eum æstimet tunc somno aut quieti vacasse , qui ipsius modicæ quietis impatiens nocturna tempora orando & psallendo præveniebat ? Sed hæc ideo ad plenum exponere recusamus ; ne quia in occulto gesta sunt , opinata magis quàm cognita scripsisse inveniamur. Vnde his omis-
sis , ad ea quæ nota sunt potiùs veniamus.

VIII. Cum absentibus fratribus domi remaneret , non solum his quæ diximus studiosè vacabat , sed & coquinæ officium non segniter peragens , quæ ad refectiorem necessaria videbantur diligentius procurabat. Ipse pulmenta colligebat & præparabat , ipse ligna defererebat & incidebat , & aquam propriis humeris bajulabat. Tunc demum accenso igne , olera sive legumina diligenter coquebat & fratribus apponebat , ac circa refectiorem eorum ut Martha sollicitè satagebat. Refectione peracta , collectis ac mundatis vasis , si quid ex pulmentis supererat , pauperibus , si adessent , distribuebat , aut si fortè deessent , pulmentis iterum inferendum diligentius recondebat. quod sequaces ejus multo tempore tenuerunt , ut quoties pauperes deesse contingeret , quicquid de pulmentis vel panibus superesset fratribus denuo apponeretur , non avaritiæ causa , sed humilitatis , ac ne quid de his , utpote sanctificatis , per negligentiam deperiret.

F

LIB. I.

IX. Indisciplinationes & transgressionum suarum, maximè juvenum ac puerorum, tam districtè coërcebat vel arguebat ut videntibus terror incuteretur. Tanta erat disciplinæ censura ut vel paululum oculos erexisse, vel modicum subrisisse, vel quippiam sine præcepto egisse, districta plecteretur animadversione. Statuti termini erant, quos præteriri illicitum erat, nisi aut jussio aut indictus labor urgeret. Silentium ingens erat apud eos die ac nocte, non tantum in clauetro, sed ubicunque aliquid studii ac laboris exerceretur. Quod prioribus annis tam rigidè observabant ut nec salutati resalutarent, nec interrogati aliquid responderent, sed tamquam muti & officio linguæ privati nullam cum iter agentibus & se interrogantibus confabulationem haberent. Denique cum multi ad eos visitationis gratia convenirent, & redeunt, à suis interrogarentur de his qui vel quales existerent, aut quod institutum vitæ eorum, vel quis magister illorum, respondebant: Hominum illorum non facile sciri conversatio potest, cum tanto silentio obtegantur ut non solum verbo sed nec voce aliquatenus audiantur; sed tamen oribus silentibus, opera non tacent, quæ auctore Deo ipsorum religiositati evidens testimonium reddunt. Est autem unus inter eos qui ceteris præest, cujus magisterio edocti & informati exemplo ita refulgent. Sermo ejus quasi ignis ardens ita audientium mentes accendit & tanto amore inebriat ut manente personarum proprietate, alii quodammodo ex aliis efficiantur & vitæ eorum morumque qualitas immutetur. Sed & habitus ejus & incessus vel cuncta quæ agit quasi quidam sermo sunt, nihilque aliud indicant quam vitæ ordinem morumque & actuum disciplinam. Vnde mirum non est tales esse discipulos qui talem habent magistrum, qui eos & absque verbo sufficienter potest docere. Talia de

talibus non quidem omnes dicere poterant, sed quos sapientia & bonitas inflammabat; quia bona nec de bonis quidem mali dicere possunt, quia aut nolunt aut nequeunt. Hujusmodi fama præcurrente, ad Christi militiam plurimi convertebantur, & depositis seculi pompis, arduam conversationem ac durum propositum subire non metuebant. Novērant angustam esse viam quæ ducit ad vitam & paucos qui vadunt per eam, & rursus latam & spatiosam quæ ducit ad perditionem & multos incedentes per eam; ideoque satius ducebant salvari cum paucis quàm cum pereuntium multitudine reprobari.

X. Cùm autem locus ille & advenientium & ibi commanentium multitudine repleretur, cogitare cœpit pater Stephanus quo in loco eos aptè constituere posset. Mordebatur tamen & vehementiùs angebatur mens ejus solitudinis cupiditate, curarum impatiens, quas se ex multorum gubernatione perpeti metuebat. Neque enim ad hoc prædictum locum expetierat ut multas hominum turbas inibi congregaret, sed ut solitariè degens, quò secretiùs, eò liberiùs Deo vacaret & licentiùs carnem excrucia-
ret, cùm nullius timeret laudem vel prohibitionem. Multas enim carnis afflictiones, quas sibi ipsi propriè ingerebat, accedente tempore, aliorum monitis vel precibus intermittere est compulsus; qui cùm aliter hoc obtinere non possent, mox quæ ab illo gerebantur & ipsi agebant; sicque illis non sibi parcendo, instituta gravia paululùm remittebat. Propter quod frequenter socium alloquens suadere nitebatur ut ad Sarracenos pergerent, si fortè aliquos ex eis prædicando convertere aut ipsi ab eis non credentibus pro Christo occidi possent. Quod venerabilis ejus socius quantis poterat monitis dissuadebat, dicens melius esse eos qui jam crediderant

à pravis suis actibus verbo & exemplo convertere quam in his qui nondum crediderant, & fortè ad vitam prædestinati non erant, infructuosè laborare. Deus enim omnipotens, cujus providentia in sui dispositione non fallitur, prædestinato & suo tempore præsentato pastori incognitum præparaverat gregem, ut & ipse diceret cum Propheta: *Populum quem non cognovi servivit mihi, in auditu auris obedi- vit mihi.* Et iterum: *Ecce ego & pueri mei, quos mihi dedit Deus.* Sed & civitatem suam Christus non in imo sed in alto ædificare volens, (sicut ipse dicit: *Non potest civitas abscondi supra montem posita*) eum de inferioribus ad superiora scandere fecit, ut ascendens de virtute in virtutem, videret Deum deo- rum in Sion.

XI. Denique ipsius nemoris spatia perlustrans, cum ad superiora montis qui ad orientem promine- bat ociùs pervenisset, reperit promontorium quod- dam ita positum ut ascendèntibus ac descendèntibus per ipsum montem pervium esset; in quo loco voca- ris fratribus, ad instar priorum habitacula ædifica- vit & numero & spatio modicùm ampliora. Cum- que & ipsa rursus habitantium multitudinè reple- rentur, interiores partes exterius ponebantur, & exteriores interioribus remanebant; & sic ampliata ha- bitacula copiosiorè fratrùm numerum capiebant. Hoc bis vel ter factum fuisse dinoscitur, donec tan- dem ad hunc qui nunc cernitur statum perducta sunt. in quibus tamen ædificiis motus diabolus multis eà machinationibus destruere nitebatur.

XII. Quadam die artificem quendam lignarium, quem ipse olim pauperem vidi, qui tectum oratori- quod ædificabat tabulis ligneis intrinsecus vestiebat, in similitudinè nigrotum hominum est adgressus. Idem tunc vir vespertina hora ferramenta sua recol- ligens domum redire volebat, quem is qui ceteris

eminentior & truculentior erat ita affatur : Quis tu, inquit, es? & quid hoc in loco agis? Respondit ille, religiosorum jussione, qui in hac silva manent, prædictum opus se exercere, cum esset lignorum artifex & mercede conductus. Cui diabolus, Non ut tu ais ita est; sed sunt irreligiosi atque perversi, simulatores & callidi, qui idecirco huc venerunt ut hominum captantes laudem, multis possessionibus ac divitiis accumularentur; quin potius acquiesce consiliis nostris, & cuncta quæ hic constructa sunt igne succende, ne amplius humanam quærentes laudem simplices quosque decipiant. Ad hæc vir ille respondit: Nunc cognovi vos malignos & omni malitia plenos ac filios diaboli, qui vias sanctorum rectas tanta malignitate subvertere nitimini; propter quod non adquiescam diabolico vestro consilio, sed sanctorum jussis melius quam cœpi parebo, & in eorum obsequiis devotior permanebo. Hæc dicens, ascensa scala tectum subire volebat, ferramenta sua ibi repositurus. Tunc maligni spiritus nimio furore succensi de scala eum præcipitaverunt, & tantis verberibus affecerunt ut totus lividus ac turgens jaceret, capite graviter colliso. Demum tandem paululum recuperato flatu surrexit, & incumbente jam nocte ad hospitium cum multo labore pervenit clamans & dicens: Heu me, heu me miserum & infelicem! Cujus vocibus permoti fratres citius cum viro Dei accurrerunt; & inveniētes eum à dæmonibus tam crudeli cæde mactatum & quasi amentem effectum, in stratum eum reponunt; ubi aqua benedicta aspersus, & dominica cruce signatus, orationibus quoque fervorum Dei corroboratus, imposita sibi manu viri Dei, paucis diebus integram membrorum omnium adeptus est sospitatem. Quod ideo hic commemorandum existimavi ut agnoscat quantæ laudis iste vir fuerit, quem

LIB. I. dæmones, dum vituperare nituntur, ampliùs prædicabant.

XIII. Nam cùm in hac eremo primùm habitare cœpisset, tanta eum instantia diabolus persequebatur ut nec per noctem quiescere ei liceret. Vnde & ejus clamoribus exciti fratres, stratis exiiebant, & orationibus ac vigiliis totam ferè noctem insomnem ducebant. Cùmque iterum maligni spiritus impetum adesse sentiret, arreptis spiritualibus armis, oculis etiam ac manibus in cœlum porrectis, expugnantes se fortiter debellabat, cum fiducia clamans & dicens: *Iudica, Domine, nocentes me, expugna impugnantes me; apprehende arma & scutum, & exurge in adjutorium mihi.* & cetera. Metuebat diabolus, quod postea evenit, ne ejus exemplo ipsa deserta monachorum stiparentur choris, & ipse, amissis quos ceperat, in solitudine remaneret, impleto quod per Isaiam olim prædictum est: *Latabitur deserta & invia, & exultabit solitudo, & florebit quasi lilium; germinans germinabit, & exultabit latabunda & laudans: gloria Libani data est ei, decor Carmeli & Saron; ipsi videbunt gloriam Domini & decorem Dei nostri.*

XIV. Reædificatis igitur monasterii officinis, continuo vir Dei illuc cum fratribus ex priori loco migravit, & locum ipsum Obazinam vocari decrevit. Tunc orta est contentio inter dominum Stephanum & venerabilem ejus socium, quis eorum fratres susciperet ad regendum; nec tamen, ut multi modò faciunt, sibi met arrogando, sed honore invicem præveniando, & se ipsos alterutrum supponendo, humilitatis causa certabant. Nam cùm illuc usque patri Stephano omnes obtemperarent, tamen ipse reminiscens illius qui non suam, sed ejus à quo missus est, venit facere voluntatem, nolebat tantæ humilitatis sublimitate fraudari, malens ipse alterius

facere voluntatem quàm suam aliis imperare. Ergo dum alter alterum sibi præferri vellet, & neuter alio se præponi æquanimiter ferret, orta inter eos dissensio sedari non potuit donec in præsentiam Legati Carnotensis Episcopi, qui illis in partibus tunc morabatur, uterque adductus est. Sed & ibi in unam non valebant venire sententiam, dum hic illum literis doctiorem, ille hunc in omnibus sapientiores, vita & moribus splendidiores, regendis quoque aliis aptiores pronuntiaret. Tunc venerabilis Legatus, utriusque qualitatibus diligentius perscrutatis, altercationi finem imposuit, & domino Stephano prioratus officium & subditarum curam animarum præcipiendo commisit.

XV. Exinde Prior effectus, eadem qua prius vitæ morumque qualitate & ipse vixit & alios vivere docuit. Eadem vigiliarum & orationum observantia, idem psalmorum diurnorum ac nocturnorum cursus, idem silentium ubique & in omnibus servabatur, jejuniorum consuetudo & refectionis mensura eadem permanebat, nisi quòd tunc majori quàm prius harum rerum ubertate pollebant. Videntes namque vicini illorum veram probatamque religionem & firmam stabilitatem, tanta deferebant ut cuncta expendere non valentes, propè jam esset ut dicerent quia plus offert populus quàm necessarium est; & tamen servi Dei, prioris paupertatis non immemores, nequaquam vetera novis supervenientibus proiciebant, sed muscida ac vetustiora prius sumebant, & hoc usque ad competentem mensuram. quod faciebant, non avaritiæ consulentes, sed humilitati, gulæ etiam in hoc appetitum frænantes, ut palatus in his amaricatus ab immoderato escarum desiderio arceretur. Cuncta quæ dabantur statera ponderabantur, aut tanta æqualitate inter eos partiebantur ut nemo amplius aut mi-

L. I. c. I.

nus se habere gloriaretur vel etiam murmuraret. Nullus nisi in die dominico jejunium solvere tam æstate quam hyeme præsumebat, nisi aut juvenili ætate aut gravi infirmitate detineretur. Is autem qui hoc statuerat, his non contentus diebus, etiam dominicis jejunabat, donec tandem majorum consilio tam ipsos quam quinquaginta dies post Pascha ad prandia revocavit. Nam de dominicis quidem diebus facile adquevit; de quinquaginta vinci non potuit, donec monachus est effectus. Tanta eum abstinentiæ fervor accenderat & tanta austeritate se ipsum aliosque tractabat ut conversationis ejus asperitas vix posset ab aliquo tolerari, nisi Christi Domini adjutorio fulciretur. Sed in hoc crudelis nequaquam existens, quod subtrahebat carni, animæ conferebat, & corporeum detrimentum spiritali commodo recompensabat. Labor manuum tam illi quam fratribus assiduus erat & solito gravior, quibus nec totius diei spatium ad hoc sufficiebat; propter quod ipsam plerunque refectionem usque in vesperam differebant, ne ejus intuitu ex diurnis operibus aliquid minueretur. Finito completorio hyemis tempore, quando longiores erant noctes, omnes in unum congregati tamdiu statuto operi intendebant quousque psalterii medietatem persolverent; ubi tunc facta oratione, finem præfato operi imponentes, dormitum pergebant. Providebatur omnino ne aut lectio refectioni aut labori manuum psalmi deessent. Diurno tempore rurale opus non segniter exercebant, terram ligonibus exercentes, infructuosarum arborum & spinarum ac veprium densitatem penitus succidentes ad locorum seu hortorum spatia dilatanda; sed & habitacula ipsi sibi met construebant, lapides ex monte præcisos malleis confringentes, & ad ædificationis locum propriis humeris deportantes. Eratque mirum videre lapides præ-

grandes, qui à multis hominibus ferri nequibant, à quatuor fratribus deportari, & tam agiler incedere ut nullum onus ferre se existimarent. His & huiusmodi laboribus quamvis omnes pro posse insisterent, illi maximè qui alacritate & viribus corporis præminebant. Nam imbecilliores corpore, & qui ejus artis erant, scribendis potiùs libris aut minoribus operibus occupati erant. Et cùm talibus ac tantis laboribus incessanter quidem fatigarentur, nec jejuniorum aliquid minuebatur, nec ciborum quippiam augebatur; sed sic caro exercebatur laboribus ut nec meliori nec largiori cibo aliquatenus foveretur. Sicut Pharaon filios Israël affligere noverat, & adjuvare non noverat, sic horum magister eodem modo, sed non eadem intentione, agebat, & modico cibo suos contentos esse volebat, & magnum imperabat laborem, ut carnem affligeret & animam roboraret. Nam Pharaon carnem è diverso in feminis nutrieat, & in masculis spiritum enecabat.

XVI. Erat hic vir strenuus in disciplina, & in corrigendis delinquentium culpis multum severus. Ut enim superius diximus, si quis in Ecclesia paululum oculos erexisset, vel modicum subrisisset, vel leviter dormitaret, vel librum tenens negliger cadere sineret, aut sonum aliquem per negligentiam faceret, vel progressius aut inconcinnius psalleret, aut inordinatum motum aliquem exhiberet, continuo aut virgam accipiebat in capite aut palmam in facie, ita ut sonus percussionis omnium auribus resuaret. quod maximè pueris minori ætate impendebatur, ut & ipsi corigerentur & ceteri terrerentur. Quidam ex honoratis novitius dum in Ecclesia librum teneret, & socium juxta se positum advocans, quædam ei in ipso libro digito demonstraret, aspiciens hoc vir sanctus in personam noluit vindicare; sed arrepto libro de

L I B. I. manu ejus, in conspectu omnium ad formam confregit, & ita rediit in locum suum. Vnde tantus ceteris metus incussus est ut vix pro necessitate librum in choro aliquis aperire auderet. Hæc autem disciplina tunc maximè viguit quando velut læto principio florescebat, cùm essent & numero pauciores & vita perfectiores. Cùmque nulla alicujus ordinis lex posita haberetur, instituta magistri pro lege erant; quæ nihil aliud quàm humilitatem, obedientiam, paupertatem, ac disciplinam, & super hæc, caritatem continuam edocebant. Hæc erat tunc beati viri vera sanaque doctrina, quæ privatim & publicè sibi adhærentibus ingerebat. Hæc lex tunc promulgabatur, & Pharisaicæ traditiones non curabantur. At nos licantes culicem & glutientes camelum, dum mentam, rutam, & omne olus decimare satagimus, justitiam fidemque contemnimus: quia dum minima quæque prætendimus, majora negligimus; sed & diuturna temporis longinquitate lassati, & cohabitantium multitudine prægravati, à pristino vigore defecimus, & remissiùs nos negligentiusque tractamus; dumque infirmis condescendere volumus, eorum potiùs negligentiam sectari quàm eos ad perfectionem trahere festinamus. Quæ necessitas eo tempore non extabat, cùm & hi qui tunc erant perfectiores essent, & qui eos perturbaret aut rarus aut nullus existeret.

XVII. Ad capitulum fratres quotidie post primam vel Missam conveniebant; in quo residente Priore, finita lectione, vel quæcunque ex more ibi dicuntur, mox de institutis, de disciplina, de ordine tractabatur; & quicquid erat sinistrum, opportunè corrigebatur. Tunc si quis in aliquo culpabilem se nosset, aut ipse per se satisfaciebat, aut clamatus ab alio, ad judicium veniebat; & jam

quasi divino examini astans, pro modo culpæ pœnitentiam accipiebat, ut quantò ampliùs vel minùs peccasset, tantò majus vel minus iudicium sustineret. Is autem qui culpam suam defendendo exaggerasset, acriùs castigabatur, etsi minus fortè peccasset. Nam qui devotè, nec invitus, sed sponte satisfaciebat, minùs corripiebatur, quamquam graviùs deliquisset. Si quis verberandus esset, mox exuto eo, quinquagesimus incipiebatur psalmus, ut ad singulos versus singulos ictus acciperet; quòd si major esset culpa, ampliores psalmi apponebantur, ut ampliori verberare sulcicaretur. In die verò cœnæ dominicæ, quæ misericordia plena est, generali supplicatione ab universis venia petebatur; ut quicquid per totius anni circulum deliquissent, hac sacra & sollemni indulgentia deleteretur. Tunc venerabilis senior totus lachrymis perfusus, & peccata sua ante oculos sibi reducens, confisus de Dei misericordia, & sibi & aliis indulgentiam tribuebat, & peccatorum vincula in Dei verbo laxabat. O quanta ibi lachrymarum flumina profundebantur & quanti gemitus, quantaque suspiria cordis emittebantur, cùm nullus ibi tam ferreum pectus haberet qui non ad fletus compungeretur! Quis ibi tunc deesse crederet spiritum sanctum, in quo fit remissio peccatorum? Sanè cùm aliquem, exigentibus culpis, graviùs solito verberasset, mox se ad perferenda similia præparabat, & ab uno vel ab omnibus se flagellari præcipiebat. quòd faciebat, ne qui alios judicaret, ipse ab eorum afflictione exsors maneret, ac si quid immoderatæ correctionis censura forsitan deliquisset, vindicta proprii corporis expiaret. Præter hoc, vix aliquis prætermittebatur dies, maximè in quadragesima, quo non clam ab aliquo privatam acciperet disciplinam; sicque privatim & publicè virgis cæsus, stigmata pas-

L. 12. I.

tionum Christi in suo corpore circumferebat, ut cum Apostolo dicere posset: *Castigo corpus meum & in servitutem redigo, ne cum aliis predicaverim, ipse reprobus efficiar.*

XVIII. Post completorium fratribus ad dormiendum solito collocatis, vir Dei in oratorio sæpius remanebat, & tota nocte vigiliis & orationibus cum lachrymis sedulè insistebat. Erat ei lachrymarum gratia à cœlo concessa, ita ut mox se ad orationem prosterneret, statim lachrymarum flumina sancti ejus oculi emanarent. Memini me aliquando in una Ecclesiarum ejus, eo ignorante, ingressum fuisse, non ad orationem quidem, sed ad opus quoddam privatim agendum. Ipse verò foris in atrio cum secularibus de quibusdam negotiis loquebatur. Tum subito, relictis eis, Ecclesiam ingressus, nulumque ibi tunc esse sciens, sub formula quadam ad orationem prosternitur, tanta simplicitate & modestia ut à nullo proorsus audiri posset, etiamsi præsens adesset. Mox ubi caput humi defixit, tanta lachrymarum inundantia ex ejus oculis cœpit defluere ut non guttatim, sed, ut sic dicam, rivatim, ut ipse verè aspexi, per summitatem naris ad terram deflueret, cum nulla tussis, nulla excreatio, nullum suspirium penitus audiretur. Ego verò, tamquam fur, alligatus in parte stabam timens & tremens, non tamen ab illo visus, donec ipse sufficienter illachrymatus, eadem simplicitate qua venerat rediit, nullo penitus sentiente, ac si ad naturæ necessaria perrexisset. Quod ideo diximus, ut agnoscat, quali affectu orationi semper astabat, simulque perpendatur quanta gratia potiebatur absolutus, qui tantam habebat ligatus etiam sub momento ut nec tantis curarum nexibus à spirituali studio arceretur.

XIX. Iam verò in Ecclesia nocturno tempore

Solus degens non facile exprimi potest quibus lacrymis atque suspiriis divinas aures pulsaverit, & quadam importunitate vicerit, ita ut surgere compelleretur ipse paterfamilias & dare ei quicquid necessarium postulasset. Verè pater Stephanus à bonis Dei nunquam indignus fuit, sive temporalibus, sive æternis, sicut scriptum est: *Timentibus Deum nihil deest, nec his qui eum diligunt in veritate.* Et iterum: *Inquirentes Dominum non minuentur omni bono.* Petebat primùm regnum Dei & justitiam ejus, æterna scilicet veraque bona, & cuncta de cetero commoda se à bono patre adepturum non dubitabat. Nunc autem dum pro terrenis & caducis rebus plusquam decet solliciti sumus, & de cœlestibus non cogitamus, sit ut nec istis nec illis aliquatenus abundemus; quoniam cœlestia bona primùm, id est, potissimùm, petere jussi, ceterorum quæ restant sollicitudinem divinæ providentiæ committere debuissimus. Vnde beatus Petrus admonet ut omnem sollicitudinem nostram in Deum proiciamus, quoniam ipsi cura est de nobis. Cùm ergo diutiùs orans, nimio frigore urgeretur, ilico surgens tandiu genua flectere non cessabat quousque totum corpus ejus sudore perfunderetur; ubi tunc cappa exutus, eadem iterum repetebat, donec tandem labore confectus & vigiliarum pondere fatigatus deficeret vel etiam obdormiret. unde plerunque à fratribus ad vigiliis venientibus reperiebatur ita ut ad orationem se composuerat obdormisse.

XX. Præterea noctis tempore, si res forsitan exegisset, & occultè hoc facere possèt, etiam domus necessaria, quod alius ne attentare quidem auderet, diligenter & opportunè mundabat; ubi adhibito cophino, sordida quæque & ipso visu horrenda inibi congeriebat, & propriis humeris impo-

LIB. I.

nens, longius asportabat. Cùmque eum talia gerentem aliquis reperisset, & cum nimio stupore requireret cur tantus vir tantæ se injuriæ subjecisset, ilico respondebat: Non est mirum, frater, à terra terram & stercus à stercore bajulari, cùm in his sordibus & multò sordidioribus reversuri simus. Verè tamen in hoc illum imitabatur qui peccatorum nostrorum sordes non abhorrens, suis sacris humeris ferre non recusavit.

XXI. Diurnis horis sæpe solus, sæpe cum fratribus laborabat, ita tamen ut vix duo attentarent quod ipse solus agebat. quam fortitudinem non largiori aut meliori cibo consequabatur, sed interno animi vigore, qui tantus erat ut exteriora quoque membra non minimùm roboraret; & cùm plus ceteris vigiliis ac jejuniis macerata fuissent, majore præ illis vigore constabant & majorem ferebant laborem, ita ut ipse cum Apostolo dicere posset: *Amplius omnibus laboravi, non autem ego, sed gratia Dei mecum.* Insuper & coquinæ officium frequenter adimplens, reficientibus fratribus sollicitè ministrabat, eisque refectionis, non aliunde quàm ex eorum reliquiis cibum sibi met præparabat. In quo non solùm abstinentiæ, sed humilitatis ac vilitatis exemplum dare volebat, sicut in sexto humilitatis gradu præcipitur ut omni vilitate vel extremitate monachus sit contentus. Nam quantum ad humanos visus, quid vilius quidve abjectius esse potest quàm subjectorum ex cibis reliquias manducare & necessaria quæque mundare? Nimirum hoc est quod Apostolus de se suisque similibus ait: *Tamquam purgamenta hujus mundi facti sumus, omnium peripsēma usque adhuc.*

XXII. Diebus dominicis tam ipse quàm fratres lectionibus & Missarum celebratōibus insistebant, agentes processionem per claustrum, & sin-

gulas officinas singulis benedictionibus perlustrantes. Sabbato quoque sollemnizabant ob honorem beatæ Mariæ Dominæ nostræ cum novem lectionibus ac duabus Missis, quibusdam eas festivis decantationibus illustrantes ob honorem & reverentiam illius almæ Dei genitricis. Non tamen ipso die ab opere quiescebant, ne cum Iudæis agere viderentur. Sed & ceteris festis diebus tanta modulatione divinis laudibus insistebant ut magnorum monasteriorum morem imitari viderentur. Erat autem ipsum monasterium magnum, non quantitate, sed merito, nec spatiis, sed sanctitate diffusum, & virtutibus, non prædiis copiosum. Rector ipsius corpore modicus, sed spiritu magnus erat; statura pusillus, sed animo grandis; specie despectus, sed morum honestate præclarus; habitu vilis, sed operum prærogativa insignis; progenie humilis, sed virtutum generositate sublimis; & quamquam beatæ paupertatis merito & divinæ sapientiæ magisterio omnibus imitabilis, immo expetibilis haberetur, tamen velut dives opum & inops gratiarum diversa religiosorum loca cum xeniis visitabat, ut & illis subsidia ministraret & orationum eorum patrocinium sibi adquireret.

XXIII. Ad monasterium Dalonense, quod novem ferè millibus aberat, frequenter ibat, & ex his quæ sibi offerebantur eulogias fratribus illis, prout poterat, exhibebat. Accidit aliquando, dum illuc pergeret, ut juxta fluvium Viseræ navigium aperiens resideret, habens in comitatu puerum cum asino panibus onerato; & ecce dum psalleret Deo suo intempestæ noctis silentio, (noctibus enim tunc temporis pergere soliti erant, quod postea immutatum est) conspicatur eminus turmam latronum capta præda cum grandi strepitu illò accelerare. Denique circumdantes eum, dum ab eo quis vel unde esset,

LIB. I.

vel quid ibi ageret, petulanter inquirerent, vir sanctus nocturni silentii gravitate detentus, & divinis excubiis occupatus, nullum eis responsum dedit. Unde illi magis exacerbati, & truculentiori ira permoti, evaginatis gladiis, mortem ei, nisi citius loqueretur, minari cœperunt. Sed cum eum aut loqui aut mori necessitas perurgeret, ipse vero protensa cervice mortem magis eligeret, repente quædam vis divina tantum latronibus metum incussit ut fugam ilico, ac si ab hostibus insequerentur, omnes arriperent, cum nullus qui eos persequeretur inventus fuisset. Nec tantum eum lædere, sed nec panes quos ferebat attingere potuerunt, quos non manus humana, sed virtus servavit divina. Impletum est in eo quod dicit Psalmista: *Immittet angelum Dominus in circuitu timentium eum, & eripiet eos.* Et item scriptura: *Iustus quasi confidens absque terrore erit.* Quod cum mane Abbati, ad quem pergebat, simpliciter indicasset, multum ipse miratus, monuit tamen ne in tali necessitate, præsertim interrogatus, tacendum putaret, ne stultos homines magis exasperaret. Quod idcirco retulimus ut cognoscant posterius ejus quanto studio indictum silentium in tuto servare debeant, cum eorum magister, ne illud frangeret, mori potius elegisset. Erat ei consuetudo diversa circumquaque monasteria perlustrare, & quæque ibi honestatis vel disciplinæ exempla conspiceret, fratribus suis servanda proponere; & in hoc prudentissimæ apis operam imitabatur, diversos flores legens, & suavissima inde mella conficiens.

XXIV. Audiens autem famam Cartusiensium monachorum, quos tunc præ ceteris religionis fama nobilitabat, ad videndum eos gratam quidem sed laboriosam sibi peregrinationem assumpsit; in quo itinere multas famis ac frigoris injurias est perpessus, eo quod loca per quæ transiturus erat, cum
semper

semper frigida sint natura, tum maximè hyemis tempore nivibus erant repleta; ipse verò pedestri itinere & interdum nudis pedibus incedens, nihil ad victum pertinens secum ferebat. Erant itineris ejus comites duo Clerici fratres, cum quibus psalmos jugiter decantabat, habentes unum ex famulis qui eis in necessariis ministrabat. Gestabat etiam tunc lorica superiùs memoratam, quæ ei gravamen non minimum inferebat: quæ, dum quadam die solus & ultimus pergeret, repentè per medium est abrupta, ac si ab aliquo esset in rotundum præcisa, inferiori parte ad terram protinus decidente. Vnde mæstus effectus, quendam è sociis sibi conscium clam vocavit, ejusque auxilio quibusdam ligaminibus lorica ut potuit univit, & sibi denuo coaptavit. Cùmque paululùm processissent, iterum dirupta cecidit. Itaque eo quo priùs modo, sed fortiùs, est refarcita ac reinduta. Sed cùm jam tertio rumpetur, intellexit vir sanctus, admonente etiam fratre, non esse voluntatis Dei ut eam ulteriùs ferret. Quapropter in proximum vicum diffracta est & in necessarios usus redacta. Ita hoc onere, quamquam invitus, tamen nutu Dei relevatus est. Nam antequam hanc lorica haberet, circulos ferreos ad carnem gestasse perhibetur: qui cùm brevi tempore jam tertio essent confracti, hanc sibi lorica aptavit; quæ tamen præter pondus ita aspera erat ut carnem non solùm oneraret, sed plurimùm lacerneret.

XXV. Cùm jam Lugdunum itineris eos necessitas perduxisset, ingressi quoddam monasterium ex Canonicis regularibus, mansionem petebant; à quibus non solùm suscepti non sunt, sed non absque injuriatione repulsi. Dumque per plateas civitatis incederent, quidam ex honoratis Clericis Ecclesiæ Lugdunensis eos hospitio recepit & benignè exhi-

LIB. I. dæmones, dum vituperare nituntur, ampliùs prædicabant.

XIII. Nam cùm in hac eremo primùm habitare cœpisset, tanta eum instantia diabolus persequabatur ut nec per noctem quiescere ei liceret. Vnde & ejus clamoribus exciti fratres, stratis exiiebant, & orationibus ac vigiliis totam ferè noctem insomnem ducebant. Cùmque iterum maligni spiritus impetum adesse sentiret, arreptis spiritualibus armis, oculis etiam ac manibus in cœlum porrectis, expugnantes se fortiter debellabat, cum fiducia clamans & dicens: *Iudica, Domine, nocentes me, expugna impugnantes me; apprehende arma & scutum, & exurge in adjutorium mihi.* & cetera. Metuebat diabolus, quod postea evenit, ne ejus exemplo ipsa deserta monachorum stiparentur choris, & ipse, amissis quos ceperat, in solitudine remaneret, impleto quod per Isaïam olim prædictum est: *Latabitur deserta & invia, & exultabit solitudo, & florebit quasi lilium; germinans germinabit, & exultabit letabunda & laudans: gloria Libani data est ei, decor Carmeli & Saron; ipsi videbunt gloriam Domini & decorem Dei nostri.*

XIV. Reædificatis igitur monasterii officinis, continuo vir Dei illuc cum fratribus ex priori loco migravit, & locum ipsum Obazinam vocari decrevit. Tunc orta est contentio inter dominum Stephanum & venerabilem ejus socium, quis eorum fratres susciperet ad regendum; nec tamen, ut multi modò faciunt, sibimet arrogando, sed honore invicem præveniando, & se ipsos alterutrum supponendo, humilitatis causa certabant. Nam cùm illucisque patri Stephano omnes obtemperarent, tamen ipse reminiscens illius qui non suam, sed ejus à quo missus est, venit facere voluntatem, nolebat tantæ humilitatis sublimitate fraudari, malens ipse alterius

facere voluntatem quàm suam aliis imperare. Ergo dum alter alterum sibi præferri vellet, & neuter alio se præponi æquanimiter ferret, orta inter eos dissensio sedari non potuit donec in præsentiam Legati Carnotensis Episcopi, qui illis in partibus tunc morabatur, uterque adductus est. Sed & ibi in unam non valebant venire sententiam, dum hic illum literis doctiorem, ille hunc in omnibus sapientiore, vita & moribus splendidior, regendis quoque aliis aptior pronuntiaret. Tunc venerabilis Legatus, utriusque qualitatibus diligentius perscrutatis, altercationi finem imposuit, & domino Stephano prioratus officium & subditarum curam animarum præcipiendo commisit.

XV. Exinde Prior effectus, eadem qua prius vitæ morumque qualitate & ipse vixit & alios vivere docuit. Eadem vigiliarum & orationum observantia, idem psalmorum diurnorum ac nocturnorum cursus, idem silentium ubique & in omnibus servabatur, jejuniorum consuetudo & refectionis mensura eadem permanebat, nisi quòd tunc majori quàm prius harum rerum ubertate pollebant. Videntes namque vicini illorum veram probatamque religionem & firmam stabilitatem, tanta deferebant ut cuncta expendere non valentes, propè jam esset ut dicerent quia plus offert populus quàm necessarium est; & tamen servi Dei, prioris paupertatis non immemores, nequaquam vetera novis supervenientibus proiciebant, sed muscida ac vetustiora prius sumebant, & hoc usque ad competentem mensuram. quod faciebant, non avaritiæ consulentes, sed humilitati, gulæ etiam in hoc appetitum frænantes, ut palatus in his amaricatus ab immoderato escarum desiderio arceretur. Cuncta quæ dabantur statera ponderabantur, aut tanta æqualitate inter eos partiebantur ut nemo amplius aut mi-

Lib. I. nus se habere gloriaretur vel etiam murmuraret. Nullus nisi in die dominico jejunium solvere tam æstate quam hyeme præsumebat, nisi aut juvenili ætate aut gravi infirmitate detineretur. Is autem qui hoc statuerat, his non contentus diebus, etiam dominicis jejunabat, donec tandem majorum consilio tam ipsos quam quinquaginta dies post Pascha ad prandia revocavit. Nam de dominicis quidem diebus facile adquievit; de quinquaginta vinci non potuit, donec monachus est effectus. Tantus eum abstinentiæ fervor accenderat & tanta austeritate se ipsum aliosque tractabat ut conversationis ejus asperitas vix posset ab aliquo tolerari, nisi Christi Domini adjutorio fulciretur. Sed in hoc crudelis nequaquam existens, quod subtrahebat carni, animæ conferebat, & corporeum detrimentum spiritali commodo recompensabat. Labor manuum tam illi quam fratribus assiduus erat & solito gravior, quibus nec totius diei spatium ad hoc sufficiebat; propter quod ipsam plerunque refectionem usque in vesperam differrebant, ne ejus intuitu ex diurnis operibus aliquid minueretur. Finito completorio hyemis tempore, quando longiores erant noctes, omnes in unum congregati tamdiu statuto operi intendebant quousque psalterii medietatem persolverent; ubi tunc facta oratione, finem præfato operi imponentes, dormitum pergebant. Providebatur omnino ne aut lectio refectioni aut labori manuum psalmi deessent. Diurno tempore rurale opus non segniter exercebant, terram ligonibus exercentes, infructuosarum arborum & spinarum ac veprium densitatem penitus succidentes ad locorum seu hortorum spatia dilatanda; sed & habitacula ipsi sibi met construebant, lapides ex monte præcisos malleis confringentes, & ad ædificationis locum propriis humeris deportantes. Eratque mirum videre lapides præ-

grandes, qui à multis hominibus ferri nequibant, à quatuor fratribus deportari, & tam agiliter incedere ut nullum onus ferre se existimarent. His & huiusmodi laboribus quamvis omnes pro posse insisterent, illi maximè qui alacritate & viribus corporis præminebant. Nam imbecilliores corpore, & qui ejus artis erant, scribendis potiùs libris aut minoribus operibus occupati erant. Et cùm talibus ac tantis laboribus incessanter quidem fatigarentur, nec jejuniorum aliquid minuebatur, nec ciborum quippiam augebatur; sed sic caro exercebatur laboribus ut nec meliori nec largiori cibo aliquatenus foveretur. Sicut Pharaò filios Israël affligere noverat, & adjuvare non noverat, sic horum magister eodem modo, sed non eadem intentione, agebat, & modico cibo suos contentos esse volebat, & magnum imperabat laborem, ut carnem affligeret & animam roboraret. Nam Pharaò carnem è diverso in feminis nutrieat, & in masculis spiritum enecabat.

XVI. Erat hic vir strenuus in disciplina, & in corrigendis delinquentium culpis multùm severus. Ut enim superiùs diximus, si quis in Ecclesia paululùm oculos erexisset, vel modicùm subrisisset, vel leviter dormitaret, vel librum tenens negligerter cadere sineret, aut sonum aliquem per negligentiam faceret, vel progressiùs aut inconcinnius psalleret, aut inordinatum motum aliquem exhiberet, continuo aut virgam accipiebat in capite aut palmam in facie, ita ut sonus percussionis omnium auribus resuleret. quod maximè pueris minori ætate impendebatur, ut & ipsi corigerentur & ceteri terrerentur. Quidam ex honoratis novitius dum in Ecclesia librum teneret, & socium juxta se positum advocans, quædam ei in ipso libro digito demonstraret, aspiciens hoc vir sanctus in personam noluit vindicare; sed arrepto libro de

LIB. I. manu ejus, in conspectu omnium ad formam confregit, & ita rediit in locum suum. Vnde tantus ceteris metus incussus est ut vix pro necessitate librum in choro aliquis aperire auderet. Hæc autem disciplina tunc maximè viguit quando velut læto principio florescebat, cùm essent & numero pauciores & vita perfectiores. Cùmque nulla alicujus ordinis lex posita haberetur, instituta magistri pro lege erant; quæ nihil aliud quàm humilitatem, obedientiam, paupertatem, ac disciplinam, & super hæc, caritatem continuam edocebant. Hæc erat tunc beati viri vera sanaque doctrina, quæ privatim & publicè sibi adhærentibus ingerebat. Hæc lex tunc promulgabatur, & Pharisaicæ traditiones non curabantur. At nos licantes culicem & glutientes camelum, dum mentam, rutam, & omne olus decimare satagimus, justitiam fidemque contemnimus: quia dum minima quæque prætendimus, majora negligimus; sed & diuturna temporis longinquitate lassati, & cohabitantium multitudine prægravati, à pristino vigore defecimus, & remissiùs nos negligentiusque tractamus; dumque infirmis condescendere volumus, eorum potius negligentiam sectari quàm eos ad perfectionem trahere festinamus. Quæ necessitas eo tempore non extabat, cùm & hi qui tunc erant perfectiores essent, & qui eos perturbaret aut rarus aut nullus existeret.

XVII. Ad capitulum fratres quotidie post primam vel Missam conveniebant; in quo residente Priore, finita lectione, vel quæcunque ex more ibi dicuntur, mox de institutis, de disciplina, de ordine tractabatur; & quicquid erat sinistrum, opportunè corrigebatur. Tunc si quis in aliquo culpabilem se nosset, aut ipse per se satisfaciebat, aut clamatus ab alio, ad judicium veniebat; & jam

quasi divino examini astant, pro modo culpæ penitentiam accipiebat, ut quantò ampliùs vel minùs peccasset, tantò majus vel minus iudicium sustineret. Is autem qui culpam suam defendendo exaggerasset, acriùs castigabatur, etsi minus fortè peccasset. Nam qui devotè, nec invitus, sed sponte satisfaciebat, minùs corripiebatur, quamquam graviùs deliquisset. Si quis verberandus esset, mox exuto eo, quinquagesimus incipiebatur psalmus, ut ad singulos versus singulos ictus acciperet; quòd si major esset culpa, ampliores psalmi apponebantur, ut ampliori verberare sulcaretur. In die verò cœnæ dominicæ, quæ misericordia plena est, generali supplicatione ab universis venia petebatur; ut quicquid per totius anni circulum deliquissent, hac sacra & sollemni indulgentia deleteretur. Tunc venerabilis senior totus lachrymis perfusus, & peccata sua ante oculos sibi reducens, confusus de Dei misericordia, & sibi & aliis indulgentiam tribuebat, & peccatorum vincula in Dei verbo laxabat. O quanta ibi lachrymarum flumina profundebantur & quanti gemitus, quantaque suspiria cordis emittebantur, cùm nullus ibi tam ferreum pectus haberet qui non ad fletus compungeretur! Quis ibi tunc deesse crederet spiritum sanctum, in quo fit remissio peccatorum? Sanè cùm aliquem, exigentibus culpis, graviùs solito verberasset, mox se ad perferenda similia præparabat, & ab uno vel ab omnibus se flagellari præcipiebat. quòd faciebat, ne qui alios judicaret, ipse ab eorum afflictione exsors maneret, ac si quid immoderatæ correctionis censura forsitan deliquisset, vindicta proprii corporis expiaret. Præter hoc, vix aliquis prætermittebatur dies, maximè in quadragesima, quo non clam ab aliquo privatam acciperet disciplinam; sicque privatim & publicè virgis cæsus, stigmata pas-

LIB. I.

tionum Christi in suo corpore circumferebat, ut cum Apostolo dicere posset: *Castigo corpus meum & in servitutem redigo, ne cum aliis predicaverim, ipse reprobus efficiar.*

XVIII. Post completorium fratribus ad dormiendum solito collocatis, vir Dei in oratorio saepius remanebat, & tota nocte vigiliis & orationibus cum lachrymis sedulè insistebat. Erat ei lachrymarum gratia à cælo concessa, ita ut mox se ad orationem prosterneret, statim lachrymarum flumina sancti ejus oculi emanarent. Memini me aliquando in una Ecclesiarum ejus, eo ignorante, ingressum fuisse, non ad orationem quidem, sed ad opus quoddam privatim agendum. Ipse verò foris in atrio cum secularibus de quibusdam negotiis loquebatur. Tum subito, relictis eis, Ecclesiam ingressus, nulumque ibi tunc esse sciens, sub formula quadam ad orationem prosternitur, tanta simplicitate & modestia ut à nullo prorsus audiri posset, etiamsi præsens adesset. Mox ubi caput humi defixit, tanta lachrymarum inundantia ex ejus oculis cœpit defluere ut non guttatim, sed, ut sic dicam, rivatim, ut ipse verè aspexi, per summitatem parvis ad terram deflueret, cum nulla tussis, nulla excreatio, nullum suspirium penitus audiretur. Ego verò, tamquam fur, alligatus in parte stabam timens & tremens, non tamen ab illo visus, donec ipse sufficienter illachrymatus, eadem simplicitate qua venerat rediit, nullo penitus sentiente, ac si ad naturæ necessaria perrexisset. Quod ideo diximus, ut agnoscatur quali affectu orationi semper astabar, simulque perpendatur quanta gratia potiebatur absolutus, qui tantam habebat ligatus etiam sub momento ut nec tantis curarum nexibus à spirituali studio arceretur.

XIX. Iam verò in Ecclesia nocturno tempore

solus degens non facile exprimi potest quibus lachrymis atque suspiriis divinas aures pulsaverit, & quadam importunitate vicerit, ita ut surgere compelleretur ipse paterfamilias & dare ei quicquid necessarium postulasset. Verè pater Stephanus à bonis Dei nunquam indignus fuit, sive temporalibus, sive æternis, sicut scriptum est: *Timentibus Deum nihil deest, nec his qui eum diligunt in veritate.* Et iterum: *Inquirentes Dominum non minuentur omni bono.* Petebat primùm regnum Dei & iustitiam ejus, æterna scilicet veraque bona, & cuncta de cetero commoda se à bono patre adepturum non dubitabat. Nunc autem dum pro terrenis & caducis rebus plusquam decet solliciti sumus, & de cœlestibus non cogitamus, fit ut nec istis nec illis aliquatenus abundemus; quoniam cœlestia bona primùm, id est, potissimùm, petere jussi, ceterorum quæ restant sollicitudinem divinæ providentiæ committere debuissimus. Vnde beatus Petrus admonet ut omnem sollicitudinem nostram in Deum proiciamus, quoniam ipsi cura est de nobis. Cùm ergo diutiùs orans, nimio frigore urgeretur, ilico surgens tamdiu genua flectere non cessabat quousque totum corpus ejus sudore perfunderetur; ubi tunc cappa exutus, eadem iterum repetebat, donec tandem labore confectus & vigiliarum pondere fatigatus deficeret vel etiam obdormiret. unde plerunque à fratribus ad vigilias venientibus reperiebatur ita ut ad orationem se composuerat obdormisse.

XX. Præterea noctis tempore, si res forsitan exegisset, & occultè hoc facere possèt, etiam domus necessaria, quod alius ne attentare quidem auderet, diligenter & opportunè mundabat; ubi adhibito cophino, sordida quæque & ipso visu horrenda inibi congeriebatur, & propriis humeris impo-

LIB. I. nens, longius asportabat. Cumque eum talia gerentem aliquis reperisset, & cum nimio stupore requireret cur tantus vir tantæ se injuriæ subjecisset, ilico respondebat: Non est mirum, frater, à terra terram & stercus à stercore bajulari, cum in his sordibus & multò sordidioribus reversuri simus. Verè tamen in hoc illum imitabatur qui peccatorum nostrorum sordes non abhorrens, suis sacris humeris ferre non recusavit.

XXI. Diurnis horis sæpe solus, sæpe cum fratribus laborabat, ita tamen ut vix duo attentarent quod ipse solus agebat. quam fortitudinem non largiori aut meliori cibo consequabatur, sed interno animi vigore, qui tantus erat ut exteriora quoque membra non minimùm roboraret; & cum plus ceteris vigiliis ac jejuniis macerata fuissent, majore præ illis vigore constabant & majorem ferebant laborem, ita ut ipse cum Apostolo dicere posset: *Amplius omnibus laboravi, non autem ego, sed gratia Dei mecum.* Insuper & coquinæ officium frequenter adimplens, reficientibus fratribus sollicitè ministrabat, eisque refectionis, non aliunde quàm ex eorum reliquiis cibum sibi præparabat. In quo non solum abstinentiæ, sed humilitatis ac vilitatis exemplum dare volebat, sicut in sexto humilitatis gradu præcipitur ut omni vilitate vel extremitate monachus sit contentus. Nam quantum ad humanos visus, quid vilius quidve abjectius esse potest quàm subjectorum ex cibis reliquias manducare & necessaria quæque mundare? Nimirum hoc est quod Apostolus de se suisque similibus ait: *Tamquam purgamenta hujus mundi facti sumus, omnium peripsæma usque adhuc.*

XXII. Diebus dominicis tam ipse quàm fratres lectionibus & Missarum celebrat onibus insistebant, agentes processionem per claustrum, & sin-

gulas officinas singulis benedictionibus perlustrantes. Sabbato quoque sollemnizabant ob honorem beatæ Mariæ Dominæ nostræ cum novem lectionibus ac duabus Missis, quibusdam eas festivis decantationibus illustrantes ob honorem & reverentiam illius almæ Dei genitricis. Non tamen ipso die ab opere quiescebant, ne cum Iudæis agere viderentur. Sed & ceteris festis diebus tanta modulatione divinis laudibus insistebant ut magnorum monasteriorum morem imitari viderentur. Erat autem ipsum monasterium magnum, non quantitate, sed merito, nec spatiis, sed sanctitate diffusum, & virtutibus, non prædiis copiosum. Rector ipsius corpore modicus, sed spiritu magnus erat; statura pusillus, sed animo grandis; specie despectus, sed morum honestate præclarus; habitu vilis, sed operum prærogativa insignis; progenie humilis, sed virtutum generositate sublimis; & quamquam beatæ paupertatis merito & divinæ sapientiæ magisterio omnibus imitabilis, immo expetibilis haberetur, tamen velut dives opum & inops gratiarum diversa religiosorum loca cum xeniis visitabat, ut & illis subsidia ministraret & orationum eorum patrocinium sibi acquireret.

XXIII. Ad monasterium Dalonense, quod novem ferè millibus aberat, frequenter ibat, & ex his quæ sibi offerebantur eulogias fratribus illis, prout poterat, exhibebat. Accidit aliquando, dum illuc pergeret, ut juxta fluvium Viseræ navigium aperiens resideret, habens in comitatu puerum cum asino panibus onerato; & ecce dum psalleret Deo suo intempestæ noctis silentio, (noctibus enim tunc temporis pergere soliti erant, quod postea immutatum est) conspicatur eminus turmam latronum capta præda cum grandi strepitu illò accelerare. Denique circumdantes eum, dum ab eo quis vel unde esset,

semper frigida sint natura, tum maximè hyemis tempore nivibus erant repleta; ipse verò pedestri itinere & interdum nudis pedibus incedens, nihil ad victum pertinens secum ferebat. Erant itineris ejus comites duo Clerici fratres, cum quibus psalmos jugiter decantabat, habentes unum ex famulis qui eis in necessariis ministrabat. Gestabat etiam tunc lorica[m] superiùs memoratam, quæ ei gravamen non minimum inferebat: quæ, dum quadam die solus & ultimus pergeret, repentè per medium est abrupta, ac si ab aliquo esset in rotundum præcisa, inferiori parte ad terram protinus decidente. Vnde mæstus effectus, quendam è sociis sibi conscium clam vocavit, ejusque auxilio quibusdam ligaminibus lorica[m] ut potuit univit, & sibi denuo coaptavit. Cùmque paululùm processissent, iterum dirupta cecidit. Itaque eo quo priùs modo, sed fortiùs, est refarcita ac reinduta. Sed cùm jam tertio rumpetur, intellexit vir sanctus, admonente etiam fratre, non esse voluntatis Dei ut eam ulteriùs ferret. Quapropter in proximum vicum diffracta est & in necessarios usus redacta. Ita hoc onere, quamquam invitus, tamen nutu Dei relevatus est. Nam antequam hanc lorica[m] haberet, circulos ferreos ad carnem gestasse perhibetur: qui cùm brevi tempore jam tertio essent confracti, hanc sibi lorica[m] aptavit; quæ tamen præter pondus ita aspera erat ut carnem non solùm oneraret, sed plurimùm lacerneret.

XXV. Cùm jam Lugdunum itineris eos necessitas perduxisset, ingressi quoddam monasterium ex Canonicis regularibus, mansionem petebant; à quibus non solùm suscepti non sunt, sed non absque injuriatione repulsi. Dumque per plateas civitatis incederent, quidam ex honoratis Clericis Ecclesiæ Lugdunensis eos hospicio recepit & benignè exhi-

L I B. I.

buit. Cùmque de nocte surgentes matutinorum officia decantarent, repentè tumultus in civitate exortus est. Porro dominus domus ad fenestram sese executiens, prætereuntes interrogat quid hoc esset. Dictum est ei à quodam quòd prædictum monasterium undique ignis vastaret, nullusque ei subvenire posset. Quod audiens supradictus viri Dei famulus exultare cœpit & quædam contra eos maledica verba jactare, memor injuriæ quæ eis hesterno die illata fuisset. unde postmodum graviter in illo est animadversum, quòd tam tristi illorum casu exultare præsumpserit vel potiùs insultare. Meritò tamen eis ita evenit; ut qui in servis suis Christum expulerant, & ipsi ab igne propriis mansionibus pellerentur.

XXVI. Pervenientes ad Cartusiam, satis humanè à fratribus illis excepti sunt. Erat enim festivitas dedicationis Ecclesiæ ipsorum, quæ eos in unum omnes convexerat. Nam ceteris diebus privatis singuli in suis cellulis singulariter manent. Diebus verò festis sive dominicis in unum omnes conveniunt tam in Ecclesia quàm in refectorio vel ceteris conventibus qui fiunt ex more. Peracta verò solemnitate, ad proprias cellulas revertuntur. Habitatio eorum montaneis hyemalibus cingitur; cellulæ ipsorum quinque cubitis à se invicem determinantur. Contigerat illis ferè diebus ut immensæ nivium congeries resolutæ coacervatim ad inferiora laberentur, occupatisque cellulis fratrum, plures ex eis longiùs asportarent, habitatoribus extinctis. Cùmque post decem dies hoc audientes vicini ad eruendum eos undique convenissent, inter ceteros qui oppressi fuerant, unum adhuc spirantem invenerunt; de quo præter spem læti effecti, quòd ceteris in tanto discrimine superesset, ad focum eum mox derulerunt, ubi paululum recuperato flatu, mox ut loqui potuit, Priorem ad se venire fecit, confessionem de-

dit, pœnitentiam accepit, & ita sumpto viatico lætus animam exhalavit. Quis dubitet alios æterna requie esse susceptos, & istum ad pœnitentiam reservatum, sicque defunctum? Vir itaque Dei cum Priore loci familiariter collocutus, (erat enim discretus & religione fundatus) consilium quærebat quam sibi viam religionis decerneret eligendam. Erat enim in hoc tam ipse quàm fratres ejus ut aliqujus ordinis instituta susciperent; quia & ob hoc ibi convenerat ut illorum ordinem ad consilium & voluntatem eorum suscipere debuisset. Ad quod ille respondens dixit Cistercienses nuper exortos regiam viam tenere, eorum statuta ad omnem perfectionem posse sufficere. Nobis enim, ait, & in personis est numerus & in possessionibus terminus est præfixus. Tu verò, qui plures ad Dei servitium congregasti, & adhuc ampliores suscipere decrevisti, cœnobialem magis expetere debes professionem, quæ & multis æquè patet ut paucis; quia non numero, sed religione, pensatur, & virtutibus, non possessionibus, æstimatur. Hæc ille audiens, gratanter accepit, & consilium Prioris illius ac si divinitus datum sumens, ad propria remeavit.

XXVII. Reversus à Cartusia vir Dei, ampliat fratribus, habitacula quoque monasterii, quæ parva erant, ampliare disposuit. Ac primum à sanctuario incipiens, Ecclesiam in honore sanctæ Dei genitricis Mariæ ad instar Cartusiensis Ecclesiæ construere cœpit. Quam dum fratres ædificarent, unus ex principibus terræ illius, timens ne hæc constructio & inimicis ejus esset in refugium & sibi in exitium, venit cum magna vi prohibere eos; cujus minis perterriti fratres per biduum ferè opus ipsum infirmius quàm cœperant & absque legitimo cœmento peregerunt. Erat enim absens vir Dei. Qui reversus, cum videret parietes non cœmpta sed

LIB. I. luto compaginari, nec solùm deturpari, sed infirmari, increpatis fratribus, mox ad pristinum statum ædificationis materiam modumque correxit. Cùmque potens ille, hoc audito, iterum ut eis adversaretur rediret, ita eum vir sanctus aggreditur. O, inique & omni malignitate replete, quid persequeris servos Dei? Quid opus sanctum dissipare conaris? An quia non poterat diabolus alium invenire per quem nobis impedimenta inferret? Non enim hîc diabolo ædificatur, sed Deo, nec contra inimicos carnales, sed contra nequitias spirituales. Propter quod recede à servis Dei, & ultrà eis non audeas malignari. Nullam enim tibi injuriam faciunt, sed, si volueris, magnum apud Deum patrocinium conferunt. Nam si persistas, videbis quid possit contra te Deus, & orationes servorum ejus erunt tibi in perniciem, quæ fuerant ad salutem. His increpationibus potens ille primum motus, deinde victus, ad ultimum devotus & supplex veniam deprecatur; qua impetrata, & cœptam malignitatem deposuit, & deinceps auxilia ministravit. Cùmque structura ipsa altius consurgeret, & fratres per machinas incedentes, lapidem prægrandem in gestatorio deferrent, cœperunt machinæ pondere cedere crepitantes, ac sese inclinantes ad terram deici. Quod vir sanctus à longè prospiciens, citiùs accurrit, & signo crucis præmisso, ac se oneri supponens, tantam repentè virtutem contulit ut & machinæ dicto citiùs firmarentur, & fratres corroborati velut absque onere graderentur. Ita vir virtutum pro pondere levamen adhibuit, & inde exonerati sunt unde onerari ampliùs debuerunt.

XXVIII. Aliam quoque è latere construxit Ecclesiam in honore sancti Petri Apostoli propter hospites & quosque advenientes, ut & Missarum celebrationibus deserviret, & Ecclesiam fratrum

ab extraneorum importunitate defenderet. *Ædificavit etiam claustrum & regulares in circuitu mansiones ; inter quas & piscinam aquæ eleganti opere fabricatus est , ad quam immensi ponderis lapidem , quem triginta paria boum movere vix possent , cum maxima tabula altaris ab uno & ampliùs miliario per devia quæque & ardua loca non minùs miro quàm magno labore convexit , habens tamen in supplementum & boum & rusticorum non minimam quantitatem. Sed ut ostenderet Deus humanas vires absque ipsius auxilio nihil valere , prædictos lapides per plana quidem , ubi facile videbatur , difficillimè & cum maximo trahebant labore ; ubi verò montium ardua scandere itineris necessitate cœpissent , tanta facilitate pergebant ut nisi montes aspiceres , magis deorsum quàm sursum eos trahere existimares. Tunc enim vir sanctus accurrens , præmisso crucis signaculo , ut superiùs diximus , cum invocatione nominis Christi statim se è latere supponebat , & ex Dei adjutorio vires maximas ministrabat. Delati igitur tandem prædicti lapides , & convenienter dolati seu cavati , propriis locis convenienter aptati , multamque loco usque hodie amœnitatem præstant & utilitatem.*

XXIX. Tunc cœperunt ad monasterium de seculo nobiles & ignobiles , viri pariter ac mulieres , undecunque concurrere & suavi jugo Christi mitia colla submittere. In quibus præterire silentio non debemus quendam juxta seculi hujus ordines non ignobilem virum ad Dei servitium cum omni domo sua conversum : qui cùm adhuc seculo militaret , tanta morum honestate pollebat ut multis in religioso habitu imitabilis haberetur , justitia insignis , nullius in judicio personam accipiens , cùm in forensibus causis sæpius cognitor , nonnunquam judex eligeretur. unde à suis frequenter arguebatur.

LIB. I.

eo quod amicis in negotio nihil deferret, sed totum justitiæ condonaret. Hospitalitatem cunctis quidem peregrinis largiter exhibebat, præcipuè tamen religiosis & pauperibus clericis, quos etiam apud se discendi studio detinebat, & quæque necessaria ministrabat. Et ne prætereuntes vel ad portam clamantes vacui pertransirent aut diù clamarent, ita statutum erat, ut quicumque primus de domo ejus pauperem clamantem audiret, statim paratam semper eleemosynam absque alicujus justificatione illi deferret. In divinis officiis sic studiosus erat atque devotus ut non ei sufficeret parrochianales Missas audisse in Ecclesiis clericorum nisi inde ad monasterium, quod duobus milibus aberat, mox perrexisset, & audita majore Missa dominicis & festis diebus jejunus semper ad propria remearet. His & talibus bonis cum esset intentus, accidit ut venerabilis pater Stephanus illis in partibus iter attriperet; cumque eum hospitio gratantissimè suscepisset, in tantum conversatione & sermonibus ejus delectatus est ut ommissa intentione qua ad aliud monasterium ire decreverat, statim se ei cum suis omnibus daret. Itaque statuto die, fratribus ad se missis, parvulos vehiculis impositos cum uxore & familia utriusque sexus omnique suppellectili, cum animalibus & jumentis sive pecudibus, vel quicquid ad victum pertinebat, ad monasterium præmisit. Fratres verò qui convenerant, illo præsentem munitiones & quæque editiora deponentes, ex seculari habitatione religiosa & servis Dei opportuna habitacula construxerunt, quæ permanent usque in præsentem diem. Quicquid telorum seu armorum fuit, quibus locus ipse instructissimus habebatur, aut minutatim concisum est aut igne crematum, exceptis his quæ in meliores usus redigi potuerunt. Ita vir prædictus cum mul-

tis aliis, exceptis jam dictis, monasterium est ingressus, & religioso habitu mox indutus; tantumque doctrina moribusque profecit ut cum jam in senectutem vergeret, per singulos gradus usque ad presbyteratus ordinem perveniret, in quo gradu per multos annos feliciter militavit, sicque optimo fine conclusus ad Dominum emigravit; cuius hinc vitam breviter attingendam putavi propter novum & nostris diebus inauditum conversionis exemplum, & ut posterius discant ut qui perfecte converti desiderat, quantum in ipso est, nullum post se affectum relinquat qui ejus animum ad seculares curas reducat. Sed jam ad propositum redeamus.

XXX. Feminarum de seculo ad conversionem venientium numerus non parvus excreverat; in quibus admirabilem dexteræ excelsi mutationem nemo dignè poterit enarrare. Plures enim ex his illustrissimæ erant & multorum nobilium dominæ; quæ cum longè aliter victitassent, sponte se ad hanc paupertatem humilitatemque converterant, & quæ prius sericis auroque textis vestibus ornabantur, nunc sparto aut vili panno vestitæ vilissimarum speciem vel habitum præferebant; quæque olim facies colorare atque in speculis jugiter se inspicere & in thalamis assiduè commorari solitæ erant, nunc coquinalibus officiis ardentius insistebant; ut quæ nigrior &, ut ita dixerim, cacabator esset, hæc se pulcriorem existimaret. Pro musco aliisque odoramentis fumeos odores delectabiliter hauriebant, proque sumptuosis & exquisitis dapibus viles cibos & plerunque residuos cum mensura percipiebant. Cumque fratres fortioribus occuparentur laboribus, istæ vilia & quæque indigna opera ad se pertinere credebant; ut est olea atque legumina præparare, & coquinæ utensilia mundare,

& vestes abluere, domos scopare, & ceteras munditias sollicitè exercere. Hæc omnia apud se exercebant. Nam in habitaculis fratrum nunquam intrabant, nec ad eas aliquis absque Prioris præsentia vel licentia accedebat; & hoc tantum ædificationis gratia, vel ad opera injungenda. Habitationes autem non longè à fratribus, mansionibus separatæ, sed religione conjunctæ. Considerans autem vir totius religionis diù eas inter viros honestè habitare non posse, cogitare cœpit quonam eas aptè locare posset. Cùmque in hoc valde sollicitus esset, egressus die quadam à monasterio duobus aut tribus stadiis, reperit in remotiori parte ipsius silvæ locum saxosum, præruptis scopulis oblitum, altissimis montibus hinc inde circumdatum, ut ibi degentes præter cælum & circa positos montes nihil possint videre. Ambitur autem fluvio, parvo quidem, sed strepitu grandi, à cuius vocabulo locus ipse nomen accepit. Hunc ergo locum idem vir sanctus eò credidit sancto proposito aptiorem quò ab hominibus remotiorem esse perspexit. Siquidem præter solitudinis opportuna, materiis quoque lignorum lapidumque multipliciter affluebat, ut nihil præter calcem ædificationis causa deferri aliunde opus esset. Vocati igitur fratres, statim locum mundare, rupes excidere, spatia exoccupare cœperunt, secundum quod eis spiritualis magister & sapiens architectus spiritu sancto dictante monstrabat. Aquæductus ad necessarios usus plures fecerunt quibus aqua sponte manans per omnes monasterii officinas sufficienter administratur. Sed quid ampliùs immoramur? Tanto studio laboratum est tantaque instantia decertatum ut infra duos nec multo plus annos totius monasterii cum omnibus pertinentiis suis fabrica sit consummata. Sed jam monasterio utroque perfectò,

etiam ab hujus narrationis ordine aliquantulum est quiescendum, ut deinceps quæ sequuntur, alio incipiantur exordio. Simul & legentibus consulendum videtur, ut tam scribendi quàm legendi studiis per silentium recreatis, ipsius interpolatio operis levamen quodammodo sit laboris. *Explicit liber primus.*

Incipit præfatio in libro secundo.

Vitam sancti ac beatissimi viri & verè patroni nostri domni Stephani Obazinensis aliquadudum ex parte descripsimus, quorundam religionum fratrum precibus, & præcipuè domni Geraldi successoris ipsius jussionibus, invitati, immo compulsi. Quo migrante, veluti magno patrociniò destituti, tam felici materiæ opus per quatuordecim ferè annos omisimus. Verebatur enim detrahentium linguas, qui novis operibus semper insidiantur, ne aut tamquam falsa aut malè descripta seu verborum atque gestorum superfluitate respersa calumniarentur, qui & ipsum modicum quod exinde feceramus & tunc livido ore carpebant & adhuc lacerare non desinunt. Quod si ex vitæ meæ pravitate hoc faciunt, non culpo, nec reprehendo, sed me inde magis accuso. Dignum est enim ut qui vitam justî describere parat, etiam ipse injustus esse desistat, aut si hoc facere non potuerit, erubescat. Si autem hoc opus de imperitia reprehendunt, audiant quendam prudentem cuidam in talibus dubitanti ita dixisse. *Tu verò, inquit, aut vulgari ter aut rusticè, aut si mavis Gallicè loquere, tantum ut Martinum loquaris.* Et ego similiter Martinum hunc nostrum quamquam imperito sermone loqui non dubito; quia & ipse, quandiu vixit, nihil sapientiæ secularis in suis sermonibus demonstravit; sed in spiritu Dei

Sulp. Se-

ver. dialog.

c. 20.

LIB. II. vivi loquens, omnem mundanæ sapientiæ fastum prorsus elusit. Martinum eum dixi, virtute, non nomine, spiritu, non corpore, ea utique ratione qua & Iohannes, cùm in persona non esset, Helias erat in spiritu. Verè, in quantum ego addiscere potui, nemo ita Martinum visus est imitasse vita, moribus, conversatione, fideique virtute, & quod his præcipuum est, beatæ defunctionis admirabili fine. Quòd si mortuos ille suscitavit in corpore, certum est hunc multos utriusque sexus in profundum perditionis demersos ad vitam revocasse perpetuam, quorum erant tam scelerati actus & tam perditæ vitæ ut, sicut de ægris desperatis dici solet, nullum in eis salutis indicium, appareret. Quid enim de publicis meretricibus loquar, cùm ex matronis nobilibus quædam publicè sint professæ quòd tot viros exceperint quot vix quisquam potens in hostem ducere homines possit. Penset unusquisque, si potest, quoties istæ peccaverunt quando peccantium cum eis numerus explicari non possit. Qui ergo de talibus pœnitentiæ remedio & prævenientis gratiæ dono castas atque mundissimas Christo sponsas exhibuit, non dubito majoris hoc fuisse virtutis quàm si eas corpore mortuas suscitasset. Restat jam tertia de falsitate calumnia; quam si quis objecerit, sciat me nihil hic posuisse nisi quod aut ipse propriis oculis vidi, aut probabilibus ac veracibus referentibus viris audiivi. Quòd si in verbis quicquam vel mutatur vel minuitur vel augetur, licentia scribentis est, non falsitas narrationis; cùm egregii translatoris sit, non verbum è verbo, sed sensum ex sensu transferre. Nam & qui evangelia scripserunt, non eisdem vel totidem verbis usi sunt, dum unus his, alius aliis, & iste quidem paucis, ille verò plurioribus sermonibus suam propositionem explevit. Sed hæc referendi pulcra varietas nullam sacrosanctis evangelis in-

ducere potuit falsitatem, quorum venerabilis textus LIB. II. totius veritatis est fundamentum; quia quod in verbis dissimile est, in sensu ac rei gestæ veritate concordissimum invenitur. Cur autem hoc opus, tamdiu intermissum, modò repetimus, hæc causa est. Venerabilis Robertus quondam Abbas, & qui ei successit domnus Geraldus, cùm alimificum patrem nostrum semper magnificare studuerint, inter cetera hoc iusserunt, ut quod olim de vita ejus cœperamus ad finem usque scribendo perduceremus, præsertim cùm hoc ipsum piæ memoriæ Alexander quondam Cisterciensium pater instanter olim fieri præcepisset. Iunguntur & fratrum preces id ipsum modis omnibus flagitantium, asserendo quòd nisi hoc modò fecerimus dum adhuc vivunt qui eum in corpore præsentem viderunt, post mortem eorum nullus erit qui huic narrationi astipulari possit. Sed jam ipsius narrationis ordinem prosequamur. *Explicit præfatio.*

Incipit liber secundus.

I. Superiori libro ea continentur de beato viro quæ antequam Abbatis nomen vel ordinem sumeret gessisse dinoscitur, donec crescente fratrum & sororum numero, duo sunt eis monasteria constituta tantum inter se distantia ut signo pulsato in uno monasterio, sonus ejus, quamquam tenuiter, & hoc non semper, ex alio monasterio audiatur. Interea fratres Obazinæ nullis adhuc scriptis legibus tenebantur, sed instituta magistri venerabilis pro lege habebant; quæ tam districta & ardua erant ut cujuslibet regulæ asperitas eis in disciplinæ rigore addere nihil posset. Quia verò breves dies hominis sunt, & tamdiu humana magisteria vigent quandiu præceptor vixerit aut præsens fuerit, placuit ut ali-

L13. II. cujus ordinis eorum qui in Ecclesia auctorizati sunt professionem assumerent; ut deficientibus magistris, scriptæ legis auctoritas eis indeficiens permaneret. Cumque diù de his hæsitatum fuisset, dum quidam monachorum, quidam Canonorum regulam magis amplecterentur, tandem inspirante Deo, & sapientum interveniente consilio, præcipuè domni Aimerici Arvernorum Episcopi, qui illis familiarissimus erat, omnes in monachorum regulam assensum dederunt. Nullum regulare monasterium in illa regione tunc habebatur præter Dalonem superius memoratum. Missum est igitur illuc, atque inde magistri ad docendum ordinem assumpti sunt; & exinde sperabatur dies quo & ipsi monachorum habitum sumerent, & sanctimonialia feminas in præparatum monasterium collocarent.

II. Igitur anno ab incarnatione Domini **MCXLII.** Dominica ante Pascha quam palmas vocamus, præsentem domno Geraldo Lemovicensi Episcopo, multisque religiosis viris, venerabilis pater Stephanus à quodam Abbate, qui cum Episcopo venerat, monachus est effectus; statimque in Abbatem promotus, & ab Episcopo consecratus, omnes quos habebat Clericos fratres in monachos benedixit, ceteros in pristino habitu manere constituit. His ita peractis, præcedente Episcopo cum Clericis, Abbate novo cum monachis novis & fratribus laicis, subsequente sanctimonialium religiosa caterva, comitantibus etiam multis populorum agminibus, qui ad tam gloriosum spectaculum eo die convenerant, processionem palmarum à monasterio virorum usque ad monasterium feminarum cum magno psallentio peregerunt. O quantæ exultationis ac venerationis fuit dies illa, in qua præter generalem Ecclesiæ celebritatem, duo tam perfectæ tamque Deo dilecta tabernacula sunt collocata! Denique his ita

gestis, & cunctis ad propria remeantibus, communis pater Stephanus cum quibusdam senioribus ibi remansit, & cum ancillis Dei in refectorio ipsa die comedit, eisque qualiter conversarentur omni deinceps tempore & verbo docuit & exemplo monstravit, ac vivæ vocis sententia promulgavit. Inde egressus ante solis occasum, perpetua eas clausura munivit, firmissimo sanciens mox edicto ut nulla earum cunctis diebus vitæ suæ, quacunque occasione vel necessitate seu quolibet modo, monasterii claustrum egrediatur. Sed quia multis incredibile videtur quomodo tot feminae potuerint uno in loco simul includi, (post non multum enim tempus usque centum quinquaginta numerum pervenerunt) breviter de statu vitæ earum & positione loci aliqua referenda sunt.

III. Est Ecclesia earum in longum satis porrecta; cuius orientalem partem à cetero corpore murus à summo usque deorsum positus ita determinat ut duas intrinsecus integras & perfectas domos exhibeat, cum nonnisi una foris appareat. In superiori Ecclesia, quæ & minor habetur, & est ad orientem porrecta, ostium est ab aquilone, per quod fratres & qui ad hoc deputati sunt ad vigilias nocturnas & Missarum sollemnia celebranda semper ingrediuntur. In ipso autem muro, qui utramque Ecclesiam dividit, fenestra habetur deorsum quadrata, & ferro undique texta, & velo interius à parte feminarum obducta. Ab inferiori verò parte tantum vacuitatis relictum est ut manus sacerdotis cum sacra eucharistia perinde porrigi possit. Quando enim communicandæ sunt, vel generaliter omnes, vel specialiter infirmantes, peracta communione ad altare, corpus dominicum à sacerdote cum honore ibi deferitur, & ita remoto velo, omnes ad manum sacerdotis accedentes communicant cum

L I B. II. reverentia & timore. Si qua verò ita infirmatur ut per se ambulare non possit, ab aliis ibi deducitur, vel à pluribus inter manus aut in gestatorio tamquam funus deferitur, fenestræque applicatur, ita ut pleræque, sumpto viatico, inter manus deferentem inibi visæ sint expirasse. Quomodo autem vel qualiter à monachis in divinis officiis, in capitulistenendis, in confessionibus audiendis, & pœnitentiis injungendis, in mortuis efferendis ac sepeliendis, vel ceteris spiritualibus exhibendis, præcipiente Abbate quotidie ministrentur, ita ut illis foris astantibus, istis intus manentibus, nullus eorum accessus ad invicem habeatur, hic describere superfluum judicavimus; quia & omnibus patet, & nos ad alia festinamus. Habent tamen ad hæc omnia sacerdotem eruditum Deumque timentem, qui earum curam, quantum ad animas pertinet, post Abbatem loci specialiter habet commissam. Ipsæ verò intus manentes sub regimine Priorissæ, in diurnis horis, in silentio, in disciplina, in labore, vel ceteris conventibus qui fiunt in Ecclesia, in capitulo, in claustro, in refectorio, ita se habent pro modulo suo ut monachi; excepto quòd foras nunquam egrediuntur, & quia summissè cantant, immo nec cantant, sed quasi legendo cum summa devotione horas diei concelebrant. Quomodo autem in corporeis necessitatibus ministrentur, ita ut nec ipsæ foras exeant, nec alii intus accedant, breviter intimandum est. In exitu claustrum duo sunt ostia, unum contra alium; inter quæ brevis & modica porticus continetur. Et interioris quidem ostii clavem Priorissa custodit, exterioris verò frater maturus atque probatus, qui ipsius loci procurator est constitutus. Nam ille quem superius diximus, animarum propriè sollicitudinem gerit; ad quem specialiter pertinet cum supplemento monachorum

divina eis quotidie officia decantare, & sacrificia ministrare, confessiones accipere, & pœnitentiam dare, capitulum quoque diebus certis præmissio sermone tenere. Porro hic frater quem procuratorem vel portarium diximus, utpote laicus, exteriorum curam habet commissam, cuncta necessaria à monasterio deferens, nihil à secularibus petens nisi quod ipsi sponte dederint sive transmiserint. Cùmque diversas rerum species inter utrumque ostium collocaverit, hoc est, panem, vinum, olera, ligna, legumina, ceteraque talia tam sanis quàm infirmantibus opportuna, mox ostium exterius exhibita clave munit; bacilloque illud reperiens, janitricem interiorem sonitu commonet quatinus & ipsa suum ostium aperiat, & quæ ibi posita sunt intus deferat. Nullus horum suum unquam ostium aperire audet, nisi aliud agnoverit esse firmatum.

I V. Quis tantam & tam cautam providentiam femineo sexui impendere potuit nisi Christo donante? Quis tantæ multitudini feminarum uno loco semper manentium simul & spiritualia & corporalia sine clausuræ irruptione, sine tædio ac murmure fratrum, sine periculo animarum, & penè absque dispendio rerum, ministrare potuit nisi spiritu sancto monstrante? Quis quatuor aut quinque feminas ita claudere potuit sicut hic ferè centum quinquaginta habentur inclusæ? Quis garrula ora mulierum ita claudere potuit, cùm una vix parietibus contineatur & seris, sicut hic tot & tam diversæ feminae non solum claustris arcentur, sed perpetuo silentio constringuntur? Quis eis non concederet saltim in hortum exire, olera colligere, aquam sive ligna deferre, præsertim in tam remotissimo ab hominibus loco ut nisi devotionis causa à nullo penitus frequentetur. Sed nimirum pastor bonus, nec mercenarius, sed verè custos,

LIB. II. non eis concessit exire ad temporalia commoda; ne spiritualia incurrerent detrimenta; maluitque eis cuncta ipse subministrare quàm animarum dispendium in aliquo sustinere. Noverat satis quid vagantibus feminis, præcipuèque virginibus sacris, evenire contingat; sicut Dinæ filiæ Jacob, cùm ad mulieres visendas egrèditur, noscitur contigisse. Quod utinam mille exemplis probari non posset quam multæ feminae Deo dicatæ & ab ipsis cunabulis in monasteriis enutritæ, dum aut propria lascivia aut magistrarum incuria ad quælibet emolumenta à parentibus vel extraneis consequenda foras egrediuntur, virginitatem perdiderunt, & dum corporalia lucra mercantur, simul & animarum & corporum nunquam reparabilia damna pertulerunt. Cujus periculi malum vir sanctus à longè prospiciens, sibi creditis feminis ita prospexit ut non solùm inexibiles sed etiam inadibiles exhiberet; quatinus & illis peccandi & aliis detrahendi occasionem omnem auferret. Nullus, quamvis iniquus & domui nostræ inimicissimus, sanctitatem earum, etsi voluit, unquam valuit diffamare. Quomodo enim peccandi locus relinquitur ubi & ipse visus arcetur! Nam cùm ad eas locuturus accesseris, audire quidem eas poteris, non autem videre; ut noveris illis concessum verbo prodesse, non visu nocere. Sed & ipsæ non minùs cavent ne homines ipsos aspiciant quàm ne ab hominibus videantur. Cùmque in claustro sedentes aliquos fortè in cacumine montis, ubi tantùm videre possunt, ambulantes aspexerint, ilico vultum in terram deprimunt, aut in partem aliam transeunt, ita manentes donec illi pertranseant.

V. Quid autem referam jocundam simplicitatem earum, dum quædam earum ita simplices sint ut urbes & municipia, quæ vel legendo vel audiendo didicerunt,

didicerunt, circa montes suos æstiment collocata. LIB. II.

Nimirum, ut filiabus Loth, visioni & agnitioni earum totus mundus deperit. Plures enim ibi ab infantia vel ab ipsis cunabulis educatæ, penitus quod in seculo agatur ignorant. Nam quicquid in claustro suo videre non solent, nec esse suspicantur. Ex quo fit ut quia peccata seculi penitus nesciunt, quanto ab eis longè sunt, tanto se peccatrices altiùs ingemiscunt, & ita plangunt peccata minima sicut stulti homines plangere nesciunt peccata gravissima. Quod tamen de his sentiendum est quæ totam ferè vitam suam ibi exercuerunt. Ceterùm sunt in eis multæ quæ cunctum ferè seculum noverant, & omnes gurgites peccatorum transierant, nec quicquam scelerum eas latebat. Sed ubi abundavit peccatum, superabundavit gratia; quantoque illis plura dimissa sunt, tanto & ampliùs amaverunt.

VI. Quis autem sine invidioso gemitu gloriosum exitum earum referre valeat, cùm morientes astantium se orationibus commendent, & psalmodiarum orationumque eleemosynas postulent, moxque velut in extasi raptæ, oculis ac manibus in cælum erectis orantes, in ipso orationis fervore spiritum reddant? Quædam etiam post mortem ad viventes redeunt, & quid sibi, quid aliis contigerit, quidque eis adhuc opus sit interrogatæ studiosius pandunt, carissimas quoque sorores visitando salutant, & quid specialiter impendi sibi ab eis velint insinuant. Referunt etiam quarundam sodalium gloriam felicitatemque majorem, & quibus hæc meritis specialiter promeruerunt, ad incitamentum aliarum non tacent. Nonnullas etiam, quibus apparent, de quibusdam excessibus commovent, & per eas quasdam alias corrigunt, occulta cordis earum in medium proferentes, ita ut pleræ-

H

LIB. II. que hac declaratione convictæ inveterata & olim in corde sepulta peccata, quæ quondam in seculo contraxerant & oblivioni tradiderant, per oris confessionem foras eiciant & mortuorum ministerio peccati mortem evadant. Dicunt etiam de quibusdam quæ hic negligentes vixerunt, quòd sancti patris Stephani præsentiam illic positi præ confusione vitæ suæ sustinere non possint, eò quòd ipse, ut vivens consueverat, negligentibus terribilis quidem appareat, eos autem qui in bono profectu ex hac vita exierint amplectatur & diligat, & quasi patres in filiis complaceat sibi. Denique hæc omnia, Deus scit, non dixissem nisi ab earum ore quæ hæc in visione viderunt, vel ab his quæ viderant audierunt, certissimè didicissem. Sed quia diù immorati sumus cum feminis non feminis, (nam sexu quidem feminae sunt, sed virtutibus virorum vires transcendunt) deinceps ad cetera veniamus.

VII. Interea fratres Obazinæ monachi ex eremitis effecti, novis legibus novisque institutionibus quotidie informabantur; & quamquam essent in cœlesti militia veterani, monasticis tamen studiis adhuc videbantur indocti; erantque rudes monachi qui jam fuerant in religione perfecti. Instituebantur autem ad arbitrium Dalonensium magistrorum, qui eos vitam & conversationem monachorum docebant & regularibus præceptis erudiebant; & quia erant moribus asperi minùsque discreti, simplicitatem fratrum repentinis novitatibus ac duris reprehensionibus fatigabant, eorumque animos ad amaritudinem perducebant. Non enim didicerant eos dulciter attrahere atque à solitis ad insolita paulatim deducere; sed tamquam in his semper fuissent nutriti, omnem monasticæ disciplinæ observantiam ab eis indiscretè exigebant, eosque tam in Ecclesia quàm in ceteris locis

repentè turbabant , mutabant , reprehendebant. LIB. II.

Ipsi autem non ita consueverant sub piissimo atque doctissimo constituti magistro. Vnde ad eum tamquam ad consuetum portum confugientes , de magistrorum duritia coram eo sæpius murmurabant. Porro vir sanctus , ut pius pater & sapiens medicus , turbatos fratres & consolabatur & arguebat , dicens non debuisse eos graviter ferre eruditionem disciplinæ , quæ magistra & pædagogæ est sanctitatis , & magistrorum duritiam disciplinæ censuram nominans religionisque vigorem , quem sicut remissus tepor extinguit , sic fervor intensus accendit. Et si , inquit , hætenus multas asperitates & duros corporis labores pro Deo sustinulistis , non est magnum si pro ordine noviter suscepto quaslibet reprehensionum molestias perferatis , præsertim cùm salubria instituta ab amaritudine incipiant , sed in dulcedine finiantur. Nulla quippe ars vel absque difficultate apprehenditur , vel absque labore retinetur. Et vos igitur salutaribus studiis innutriti , quicquid pro his asperum occurrerit , forti animo tolerate , ut possitis de amaro semine dulces aliquando fructus referre. Hæc dicens , vacillantes roborabat simul & instruebat , ipsosque magistros ut cœptis persisterent & nullum timerent ampliùs commonebat.

VIII. Tunc duo monasteria ædificare cœpit , unum in Lemovicensi , aliud in Arvernensi territorio constitutum ; quibus decenter instructis , statim illuc monachorum agmina dirigit , optimis eis patribus institutis ; quorum unus , præter elegantiam personæ , scientia litterarum , eloquentia , urbanitatè , ac facundia præminebat , omnique religione pollebat ; ut si illum videres , doctrina Episcopum crederes , affectu patrem , religione , ut verè erat , monachum deputares. Alter cùm esset in se-

H ij

L I B. I I. culo nobilissimus & equestris militia dignitate conspicuus, conversus ad religionem, ex milite quidem monachus, atque ex monacho abbas est vitæ merito constitutus. Cujus monasterium cum situs asperitate rerumque inopia premeretur, suggestu ac præcepto domni Geraldii Lemovicensis Episcopi, in ipsius diocesis finibus à domno Stephano post aliquot annos fuit translatum; qui omnibus à se fundatis monasteriis, quandiū vixit, ac si de proprio, curam sollicitus adhibebat.

I X. Quotiens aliquem locum ædificaturus esset, assumpta cruce & aqua benedicta, cum paucis fratribus ibi pergebat; per mensaque tellure, juxta quod futuri ædificii qualitas vel quantitas exegisset, ubi altare fundandum esset, ibi crucem figebat, arreptaque securi vel quolibet instrumento, tugurium sicut mos est pastoribus extruebat; multisque diebus in magna egestate & penuria ibi degebat, laborans & ædificans, donec ampliatis ædificiis, aliquem ibi strenuum fratrem præficeret. Cumque locus ipse & domorum supplemento & possessionum adminiculo sufficienter esset instructus, statim illum abbatiæ titulo decorabat; aut si nimis esset vicinus, grangiæ ministerio deputabat; ut & fratrum usibus deserviret, & religionis ei opportunitas non deesset.

X. Adhuc autem in carne degebat Petrus ille venerabilis socius ejus, qui illum de seculo exeuntem & primus & solus fuerat comitatus. Erat autem Prior monasterii Obazinensis eo tempore constitutus quo locus ipse in abbatiam surrexit. Qui cum esset religiosus & sanctus, in tantum simplex dicitur extitisse ut ei persuaderetur à quibusdam pravæ mentis quod eum vellet domnus Abbas in quodam ex his qui ædificabantur loco Abbatem constituere; unde oporteret ex his quæ sibi credita

erant necessaria præparare. Quod ille timendo credens, non cupiendo, aliquot ex sibi commissa pecunia solidos occultavit, loco illi ad quem se mittendum existimabat aliquantulum profuturos. Hoc cum Abbatî compertum esset, in tantum commotus est ut eum ab officio suo deponeret, & in quadam cella remotiore habitare præciperet; ubi per aliquot annos in multa afflictione degens, tandem vocante Domino à terrenis ad cœlestia, à labore ad requiem, à peregrinatione ad patriam feliciter emigravit. Quod totum vir sanctus contra eum, non malivolentiæ studio, cum sciret eum simplicem & innocentem, sed veræ religionis zelo stimulatus egit; ut posteris daretur exemplum quo ab huiusmodi factis caverent, scientes quod si tanto viro tamque sibi caro vir sanctus non pepercerit, multo magis nec sibi parcendum existimarent. Ad hujus tamen sepulcrum multæ sanitates fiunt; ut agnoscat ipse, quicquid per negligentiam sanctitatis amiserat, totum per pœnitentiam cumulatiùs recepisse.

XI. Per idem tempus in Romana urbe defuncto summo Pontifice, reverendus vir & cunctis virtutibus adornatus Eugenius in sede apostolica subrogatur. Fuerat autem monachus Clarævallis, & à sancto Bernardo in Romanæ partibus Abbas directus; unde postmodum assumptus, Papa urbis effectus est. Hic secundo anno pontificatus sui in Galliam venit, & Concilium Remis celebravit. Tunc memorabilis pater Stephanus, sicut olim desideraverat, Cistercium cum quibusdam fratribus venit, ibique prædictum Apostolicum reperit. Erat enim ex multo tempore cupiens sancti illius ordinis societatem acquirere, & cuncta quæ ad se pertinebant ejus submittere ditioni. Eo tempore Cisterciensibus præerat Abbas nomine Rainardus, vir, in quan-

L I B. II. tum ego intelligere potui & multis aliis claruit, nullis facile comparandus. Siquidem elegantia personæ, generis nobilitate, humilitatis decore, religionis fervore cunctis quibus præerat Abbatibus præminebat, qui trecenti & eo amplius erant. Porro divini amoris & sanctæ religionis vigore ita flagrabat ut ignis superaret ardorem, & exterius tanta dulcedine præminebat ut mellis vinceret suavitatem. Ab hoc ego hujus sanctæ religionis habitum, quamvis indignus, accepi. Nam cum puer in quodam monasterio Casæ-Dei traditus essem, post aliquot annos quorundam factionibus inde avulsus, atque ad seculum sum devolutus; cumque ibi multis calamitatibus detinerer, à benignissimo patre Stephano susceptus sum pro amore Dei & parentum meorum gratia, quos omnes penè ipse habebat sicut longè superius memoratum est. Inde me ad Cistercium ire præcepit; ubi sumpto habitu monachi, post duos annos à prædicto domno Stephano Obazinæ sum revocatus, atque ab ipso regulariter in monachum benedictus; & ex tunc usque in hodiernum diem cum ipso vel ejus successoribus conversatus quicquid memoratu dignum de eo vidi vel ab aliis audivi hic inferere non neglexi; ut studiosus lector quod voluerit eligat, & quod noluerit aliis legendum relinquat. Malui siquidem videri prolixior propter devotos quàm nimis succinctor propter fastidiosos vel, ut sic dicam, indigniosos; præsertim cum facilius sit ex multis pauca eligere quàm ex paucis multa retinere. Nimius quippe breviator, præter dispendium lectionis, nonnunquam superbiæ supercilio denotatur, dum vult cavere plus justo rusticitatem & affectat nimis urbanitatem, in omnibus quærens suam, non aliorum, utilitatem.

XII. Igitur, ut dicere cœperamus, cum ad

Cistercium beatus iste venisset, memoratum Papam LIB. II.
humiliter adiit, & quid animo gereret, apostolicis
auribus intimavit, subnixè deprecans ut suum desi-
derium ipsius auctoritate ad effectum perduceretur.
Tunc ille dominum Rainardum ad se venire manda-
vit, eique sanctum virum ut patri filium ipse pater
omnium commendavit, atque ut eum in conventu
Abbatem duceret & sancto ordini sociaret præcepit.
Quem ille gratanter de manu Papæ suscipiens, in
capitulum introduxit, & jocundo ore coram cunctis
Abbatibus dixit: En cernitis, Domini fratres, Ab-
batem hunc corpore modicum, statura brevem, ha-
bitu despicabilem, vultu deformem; sed quicquid
in eo videtis, totum spiritu sancto & fide plenum
sciatis. Nec mirum si spiritu sancto repletus eum
quem in se gestabat in viro Dei recognoscere & aliis
potuit demonstrare. Talis enimerat vir iste beatus
ut quisquis illum vel simpliciter aspiceret, ex solo
habitu vel aspectu verè Dei servum indubitanter
assereret. Nec mora, prolatis Domini Papæ man-
datis, ejusque petitionibus declaratis, ipso etiam in
præsenti humiliter postulante, ab universis concor-
diter Abbatibus in societatem ordinis est receptus,
& domui Cisterciensi specialiter assignatus, cum
utique non minùs in hoc deferrent ejus religioni
quàm apostolicæ jussioni; ubi, quamquam essent
aliqua in domo ejus unde talis susceptio impediri
posset, quæ non religioni quidem sed eorum con-
suetudini viderentur adversa, illud certè majorem
invidiam seu molestiam ingerebat quòd vir sanctus
ut viros ita & feminas à Domino gubernandas acce-
perat. quod eorum ordo omnino vetabat. Attamen
pro ejus amore cuncta admissa sunt, spondente
domno Rainardo, qui eum ut suam animam dilige-
bat, quòd cuncta ordini adversantia paulatim abo-
lerentur, ne repentinam mutationem novella adhuc

L I B. I I. domus ferre non posset, ita duntaxat ut sanctæ illæ feminæ semper in ordine permanerent.

XIII. Talibus auspiciis sumpto ordine, negotiator noster latus ad propria remeavit, ducens secum magistros egregios quos illi pater Cisterciensis ad docendum ordinem speciale munus concessit: quorum duo monachi erant atque Presbyteri, viri sancti, duo verò laici non minùs religiosi & in sua quique arte decenter instructi; quintus, qui aliis transacto magisterii sui tempore ad propria redeuntibus usque ad obitum hic permansit, præter alia bona, in nutriendis animalibus solers ac peritissimus fuit, cujus labore & industria domus nostra in temporalibus multùm excrevit. Isti quidem magistri, non ut priores, inculti & asperi erant, sed blandi, suaves, atque domestici, & ad docendum ordinem idonei atque discreti. Vbi enim per eorum magisterium plura, quæ etiam monachi consueverant, mutari præciperentur, illud certè molestissimum videbatur, quòd libros, quos secundùm ordinem monachorum nuper multo labore confecerant, deponere cogebantur & ad formam Cisterciensium revocare. Itaque alios ex ipsis à fundamentis incipiebant, alios radebant & denuo rescribebant, alios ex integro dimittebant, alios paucis immutatis sibi iterum retinebant. Sed cùm & ipsi primitus per Dalonenses à Cistercio fuissent delati, mirum videtur quòd tam discordes inter se tamque dissimiles esse potuerint. Sed sciendum quòd libri quibus primò Cistercienses in divinis officiis usi sunt, valde corrupti ac vitiosi fuerunt, & usque ad tempora sancti Bernardi sic permanserunt. Tunc enim Abbatum communi decreto ab eodem sancto Abbate ejusque cantoribus sunt correcti & emendati, & sicut modò habentur dispositi. Vnde constat eos ante hanc emendationem à Dalonensibus expetitos; qui

etsi de ordine tunc non erant, secundum ordinem LIB. II;
tamen vivere gestiebant, & consuetudines ordinis
scriptas sibimet deferebant.

XIV. Inter ceteras mutationes etiam usus car-
nium infirmis secundum regulam est allatus, qui
hactenus manserat fratribus nostris incognitus.
quod gravissimè vir sanctus ferebat, in tantum ut
diceret ipse commotus quòd carnificinam introdu-
xissent in domum Dei, cum videret propter infir-
mos aliquod ex animalibus jugulari. Cumque ei ca-
pitulum regulæ pro infirmis opponeretur, ille tace-
bat; quia nec istud ei placere, nec regulæ auctori-
tas poterat displicere. Nam cum Ecclesia nostra
ædificaretur antequam monachi extitissent, retulit
mihi qui hæc audivit & præsens vidit quòd artifi-
ces conducti tam diuturnam carnis abstinentiam
non ferentes, porcum sibi emerunt, & carnes ejus
paratas in silva comederunt, & residua ad hospi-
tium deferentes absconderunt, ut futuro mane clam
ea comederent. Quod cum Abbati nuntiatum esset,
valde nimisque commotus est; & assumptis quibus-
dam ex fratribus, officinas circuire cœpit; veniens-
que ad hospitium, carnes, sicut dictum fuerat, in-
ter duo vascula absconditas reperit; quas accipiens,
& ad socios respiciens, interrogat quid de his fieri
oporteret. Cumque alii pauperibus tribuendas, alii
artificibus reddendas edicerent, ne contristati
discederent, ille respondit: Nequaquam, fra-
tres, ita fiet, sed prævenire eas faciamus viam
quam paulò post venturæ erant. Et hæc dicens,
in latrinam eas proici jussit, viaque qua venerat re-
diit. Quod cum artifices jam in opere positi compe-
rissent, nimio furore commoti instrumenta proi-
ciunt, & dimisso opere bacchantes contra virum
Dei murmurare & furiosa verba jactare cœperunt.
Ipse verò ad mitigandos eos accedens, cum eorum

LIB. II. iracundiam lenibus verbis mulcere cœpisset, conviciis eum & contumeliis aggrediuntur, minantes insuper quòd nec ipsi nec alii deinceps in ejus opere laborarent, qui tantam eis injuriam intulisset. Porro ipse minas eorum parvipendens, cœpit eis exprobrare infirmitatem eorum prandiaque furtiva, dicens quòd si illi propter gulæ illecebram opus Dei relinquerent, non deessent domui ejus necessarii structores, qui absque carnali commercio meliùs quàm ipsi eam ædificarent. Quòd si reperiri nequeant, satius est ut domus Dei non ædificetur quàm ut habitacula servorum ejus immundis obsoniis polluantur. His dictis, conversus abire cœpit. Illi autem mox compuncti, secuti sunt eum; prostratique ad pedes ejus, veniam pro stultiloquio postulabant. Qua impetrata, statim ad opera sua reversi sunt & salubriter correcti & utiliter emendati.

XV. Post hæc duo alia monasteria in locis antè ædificatis facere disposuit, unum in Caturcensi diocesi, aliud in territorio Sanctonensi. Quibus decenter instructis, idoneos satis ministros, id est, pastores cum supplemento fratrum ibi direxit, qui loca sibi credita abbatiæ titulo gubernarent. Quorum prior fuit Gerardus nomine, vir virutum & totius religionis exemplar, qui vita & verbo clarus Obazinensem domum post eum feliciter rexit, cum quo multa loca ædificaverat, & nunc cum eo tamquam individuus comes feliciter pausat. Sequens verò & ipse vita & actibus honorandus Rotbertus nomine, qui & nunc superest nostrum monasterium post illum regens, sicut de utroque postmodum suo loco dicemus. Hic sortitus est abbatiā quæ in Sanctonensi diocesi sita erat, quam etiam priùs absque Abbatis titulo multo tempore procuraverat. Erat autem ei possessionis ager fœcundus, olim domno Stephano legitimè traditus, & à fratribus

illius longo tempore jam possessus. Interea surrexit LIB. II.
quidam potens in illa regione, qui diceret agrum illum ad suum jus pertinere, olimque à suis progenitoribus possessum fuisse. Vnde cæca cupiditate pellectus, eundem agrum in suam jam redegerat ditio-
nem. Quod cum viro Dei nuntiatum esset, cui specialiter fuerat delegatus, statim ad locum perrexit, & prædictum virum aggressus rogare cœpit ut ab hac tam injusta pervasione desisteret, & quod servis Dei donatum à fidelibus fuerat, ad suam ipsius perniciem non auferret. Ille verbis ejus nequaquam acquiescens, possessionem reddere noluit, dicens se nunquam eam penitus dimissurum nisi, publico judicio causa ventilata, suam esse vir sanctus donatione legitima demonstraret. Quapropter amicis utrinque suggerentibus, dies ad definiendum constituta est, & sic ab utrisque in sua discessum. Non negligens vir ille, multos sapientes, legistas, & causidicos mercede conduxit, insuper & quosdam ad defensionem suæ partis Episcopos invitavit. Porro vir Dei, tamquam negotii nihil habens, & causam suam Deo soli committens, orationibus fervorum & pauperum Dei se muniebat, & tamquam plures habens propugnatores, ad placitum securus pergebat. Cumque dies constituta venisset, essentque in unum congregati Episcopi, principes, magnates, & populi, ut sic dicam, adversus Dominum & adversus Christum ejus, ecce vir Dei è diverso venit, quasi alter David pugnaturus adversus Goliath, non gladio, non hasta, sed fide, cum duobus solummodo sociis, & his non satis peritis. Quo viso, cum omnes stupor & admiratio detineret, alii quidem ridebant, alii verò dicebant: Estne hic adversus quem tot proceres & potentes totque populi sunt congregati? Ad quod unus satis congruè & eleganter nec minus veraciter dixisse

LIB. II. fertur : Iste quem videtis pauper & modicus , ac penè solus , hos omnes hodie superabit. Nam actor noster vix centum solidis placitores atque fautores suos hodie convivabit , exceptis muneribus donisque promissis. Porro hic simplex & vilis tribus ferè denariis advocatos suos absque donationis alicujus dispendio procurabit , & quod his majus est , solus ex hoc placito victoriam reportabit. Nec tamen , quamvis in incertum vaticinans , dictis suis ex toto frustratus est. Interea causæ ex adversa parte proferruntur quibus injusta pervasio tamquam justa possessio à tergiversatoribus quasi ex legum auctoritate decernitur , & quod ille quidem legitimè possideret , hic injustè repeteret , nec haberet justam querelam , sed injustam calumniam. Porro vir sanctus , ne sibi de Deo nimis applaudere aut humana consilia videretur sprevisse , Sanctonensem Episcopum humiliter postulavit quatenus ad agendam causam suam idoneum aliquem à latere suo præstaret executores. Quod ille justum perpendens , quamvis ejus esset adversario obligatus , Archidiaconum suum , virum industrium , & in talibus copiosè instructum , direxit ; qui sciens versutiam adversariorum , & quomodo simplicem virum illaqueare disponent , dedit ei consilium quatenus non de fundo terræ quam expetebat in præsentia ageret , sed de possessione. Ad hoc enim eum ipsi velut in præparatam foveam ducere nitebantur ut cum eis simpliciter illud concederet , nescio quibus argumentis repente simul totum amitteret. Quod cum ipse palam proclamaret , dicens , Nos non agimus de fundo terræ , sed de possessione , mox omnes causidici furore accensi violenter agere cœperunt , & calumniosis litibus innitentes , virum Dei non rectè proposuisse clamabant , eique vehementer instabant. Resistebat tamen eis prædictus Archidiaconus , & causam quam tuen-

dam susceperat non ignobiliter defensabat. Episcopi verò in parte consistentes, quamquam beatum virum justam habere causam non dubitarent, nullum ei iuvamen ferebant, quia ab illo tyranno pervasore inducti erant. Quod cum ille perpenderet, seque in illo examine gravari conspiceret, surgit in medium, & coram omnibus dixit: Ego quidem, Domini fratres, propter causam pauperum recuperandam huc veni, in Dei misericordia fiduciam habens & in præsentium Episcoporum defensione atque iustitia. Sperabam enim quod non permetterent dominari virgam peccatorum super sortem justorum, nec possessionem ovium Christi lupis ingerendam exponerent. Sed quia non sunt pastores, sed mercenarii, qui vident lupum venientem & fugiunt, & ovibus vim patientibus, ipsi se sub silentio abscondunt, & nullam eis defensionem opponunt, necessitate constrictus Romanam curiam appello, ut ibi quod justum fuerit vel accipiam vel persolvam. Ad hanc vocem tumultus levatus est omnium ferè vociferantium, quorundam indignantium & dicentium: Quis est hic qui in hac tanta curia contra tot potentes & nobiles appellavit, insuper & Episcopos non pastores sed mercenarios nominavit? Alii quidam dicebant: Iste, etsi appellavit, appellationem suam non segniter consummabit, plusque proficiet uno nuntio quatuor pitaciis pedibus insignito quàm dominus noster egregiis nuntiis multis pecuniis oneratis. Cumque in hunc modum contenderent, Episcopus Sanctonensis facto silentio ita omnes allocutus est: Scitis, fratres, quod ego hanc litem in manu mea terminandam susceperam, & quia pro pace & concordia utriusque partis quantum poteram laborabam. Sed quoniam Abbas iste gravari metuens, majus iudicium appellavit, jam non est meum de his ulterius judicare, sed nec vestrum appellatio-

LIB. II. nemejus temerè reprehendere. Vnde commonitos esse volumus utrosque, & eum scilicet qui appellavit, & illum contra quem appellavit, quatenus die debita vel per se vel per idoneos executores apostolico se conspectui repræsentent. His dictis, curia solvitur, & cunctis in sua remeantibus, vir Dei cum suis illis paucis comitibus ad propriam regreditur mansionem. Evenit tamen satis juxta quod jocundus ille vates prædixerat, ut cum ejus adversarius in suis fautoribus multa nimis expenderit, ipse penè nihil mitteret & victoriam obtineret. Nam cum ad capitulum quod tunc imminebat ex more venisset, & quosdam ibi Abbates & Episcopos reperisset Romam ire paratos, monachum suum strenuum & in talibus eruditum illis specialiter assignavit, quorum stipendiis in eundo & redeundo suffultus, & auxiliis atque consiliis in Romana curia plurimum est roboratus; qui prosperè rediens talem detulit auctoritatem quòd prædictus invasor omnes fruges quas ex agro illo assumpserat per manus servorum suorum judicio Archiepiscopi Bituricensis, in cujus curia præcepto Papæ causa ipsa denuo ventilata est, in cellariis fratrum coactus intulit, eisque terram ipsam liberam & absolutam in pace reliquit. Nam si illam fratres tunc amisissent, certum est quòd abbatia ibi nunquam fuisset, sicut permanet usque in præsentem diem. Hoc autem retulimus, non ad miraculum, sed ad exemplum probitatis ejus ac fidei, qui possessionem suam immo & Dei contra tot nobiles & potentes de manu tyranni penè ipse solus obtinuit, & in hominibus spem suam non posuit, sed causam suam soli Deo commisit.

XVI. Alio quoque tempore miles quidam paupertate constrictus, & cupiditate distentus, ex quadam grangia nostra oves & quædam alia pecora ra-

*puit, occasione sumpta quòd terra quam fratres LIB. II.
tunc incolebant ad proavos ejus aliquando perti-
nuisset. Ex ipsa autem præda quædam statim cum
suis comedit, reliqua petentibus fratribus eo pacto
concessit, quatenus ad diem determinatam Abbas
ipse veniret, & sibi de hac terra plenius responde-
ret; qui nequaquam negligens, ad diem constitu-
tam cum multis aliis venit. Porro vir ille, ut majore-
rem illis metum incuteret, in placitum venire no-
luit nisi manifestius sciret quid ex eodem placito
reportaret. Sperabat enim se multas pecunias ac-
cepturum, si hanc eis calumniam in pace dimitte-
ret. Attamen ab amicis coactus vix tandem venire
adquievit, sed non ut sperabat, terrorem detulit,
sed accepit. Videns autem eum vir Dei à longè ve-
nientem, ut erat semper urbanus atque jocundus,
cùm res poposcisset, dixit sociis ut se detinerent &
velut ab impetu revocarent dum ipse contra eum in-
surgeret. Cùmque jam propè & in auditu vocis
positus esset, ita eum impetu facto, cùm tamen à
sociis detineretur, vir sanctus aggreditur: Estne hic
qui oves nostras luporum more rapuit ac devoravit?
Estne hic qui possessionem dominicam sibimet usur-
pavit? O inique & tyranne, quid tibi cum servis
Dei? Quid eorum substantiam iniquo jure pervas-
dis? Certè, nisi me isti prohiberent, ita te excom-
municarem & diabolo manciparem ut esses in exem-
plum omnibus habitantibus in hac terra. His inve-
ctionibus vir ille concussus dirigit; vultumque viri
Dei ferre non sustinens, ultra accedere ausus non
fuit. Reprehendebat tamen, primùm quidem se
quia venisset; dehinc culpabat amicos, qui eum ad
talìa perduxissent. Tandem instinctu divino com-
monitus, & cunctis qui aderant pro eo interceden-
tibus ad pedes viri Dei procumbit, & se peccasse,
se impiè gessisse proclamans, veniam deprecatur.

LIB. II. Qua impetrata, omnem iniquæ exactiōis querelam deposuit; & qui inimicus & reus venerat, amicus & sanatus abcessit. Aliquotiens cū ad placitum veniret, videretque omnes suæ parti favere, adversarium verò undique & ab omnibus destitutum, pietate ductus aliquos è suis placitoribus clam dirigebat qui ejus partes defenderent & pro eo contra se dimicarent; gaudebatque se vinci ab eis tamquam si ipse vicisset. Si quis pauper ac rusticus, & totius artis exceptis communibus expers, illum oraret ut susciperetur; mox illum ad cellerarium dirigebat, dicens: Vade, & deprecare eum ut me roget pro te. Quod si te cum indignatione repulerit, dic ei illam & illam artem te optimè scire; & tunc videbis quid tibi respondeat. Quod cū pauper faceret, & primò quidem repulsus, postea pro scientia artis libentissimè audiretur, mox ad Abbatem cellerarius ipse accedens, rogabat ut eum valde necessarium suscipere non recusaret, & pietatis arte seductus rogabat quod priùs prohibuisset & unde postmodum pœniteret.

XVII. Inter hæc fratres Obazinæ cū augerentur de die in diem, nec possent eos capere pristinæ habitationis modicæ mansiones, consilium fuit quatenus non ut priùs habitacula ampliarentur, sed alibi ex integro mutarentur. Nec jam in ambiguo erat utrum ædificarent, sed de loco adhuc consilia volvebantur. Erant ad radices montis amœna satis loca, ubi quorundam animi erant defixi, quatenus ibi ædificarent. Alii saniori consilio non longè à priori loco ædificari volebant; ut pristina habitacula novis ædificiis deservirent, & veteres fratrum sepulturæ novis adjungi possent. Accedebat autem his & salubritas aëris, utilitas nemoris, hortus; vinearum & diversi generis arborum fœcunda satis & longo tempore exulta possessio; quæ

quæ nec relinqui sine dispendio, nec sine molestia poterant à longè positis exerceri. In illis autem op-
tatis locis plurimi rusticorum cum suis familiis morabantur; qui si relinquerentur, magnum generarent animarum periculum; si autem repellerentur, nihilominus grande peccatum. Hæc & multa alia vir sanctus altiori mente pertractans, quamquam aut nemus aut locum ubi primitus venerat relinquere nollit, tamen hoc magis aliorum consilio quàm suo arbitrio facere præoptabat. Ita enim illa sententia animo ejus insederat quæ dicit, *Omnia fac cum consilio, & post factum non pœnitebis*, ut nihil, quamvis parum, sine alterius consilio facere unquam voluerit. Quod si res in promptu esset, nec dilationem admitteret, ipse verò non haberet in præsentia nisi aliquem ex simplicibus fratribus aut unum fortè ex familia, non tamen vel ab illo consilium quærere dubitabat. Cùmque ille tremens diceret, Tu me interrogas pater, mox ei capitulum regulæ opponebat dicens: Sæpe minori revelat Dominus quod melius est. Attendant hoc & confundantur qui magnas & arduas res sine consilio agere non verentur, unde non proficiunt, sed magis cadunt; qui si alterius præveniantur bono consilio, etsi eis antè placuerat, jam id facere dedignantur quia non ab ipsis initiatum videtur. Inde senatus Romanus Christum suscipere recusavit, non ob aliam causam, nisi quia primitus ab ipso initiatus non fuit. Pudet aliquos hic referre, qui sibi magni videntur, qui consilium dant, non ad utilitatem, sed ad contrarietatem; qui cùm audierint alios aliter laudavisse, illi contra faciunt, & omni studio decertant quatenus non quod melius est fiat, sed quod illos victos, se autem victores ostendat, qui sententiam suam ultimam proferunt in consilio, sed primam volunt esse in facto, ad

Euseb. lib.
2. hist. ec-
cles. cap. 2.

L I B. II. hoc postremi loquentes ut priorum consilia destruant, ad hoc prius tacentes ut posterius vincant. Sed his omissis, quæ amaritudinem ingerunt, ad propositum redeamus.

X V I I I. Igitur post multas deliberationes in superiora monasterii nostri ædificare disponunt, ita ut prioris habitationis extremæ domus novi monasterii extremis ædificiis jungerentur; jamque lapidum & calcis atque arenæ copiosa adunata congerie, feria sexta ante Passionem, basilicæ fundamenta aperire cœperunt, prius ab Episcopo domno Geraldo in circuitu loci cimiterio consecrato. Erat annus incarnationis Christi millesimus centesimus quinquagesimus sextus. Deinde sequente feria sexta quæ est ante Palmas, omnes à monasterio usque ad locum ædificationis cum cruce & aqua benedicta devotè procedunt; dictisque letaniis & psalmis ad hoc pertinentibus, mox ab Episcopo & Abbate atque electo operis magistro cum invocatione trinæ majestatis primus lapis in fundamentum deponitur; nec immerito cum tanta veneratione locatur qui illum præcipuè figurabat de quo Apostolus ait: *Fundamentum aliud nemo potest ponere præter id quod positum est, quod est Christus Iesus.* Aderat hujus tantæ ædificationis initiis inæstimabilis hominum multitudo diversi generis atque ætatis cum multo cœtu nobilium; quorum alii potentiores auxilium & protectionem, divites pecunias offerebant, pauperes quod rebus non poterant votis supplebant, protensis in cælum manibus supplicantes ut Deus omnipotens tam sanctum opus, quod eis videntibus cœperat, perduceret ad effectum. Tamen petendi & impetrandi ad tanti operis supplementum, sicut ferè cunctis ædificantibus mos est, per Ecclesias populos commonere ipsa die apud nos & initium & finis fuit. Vbi quamvis hoc Episcopus frequenter moneret,

immo potiùs & juberet, datis litteris indulgentiarum largitate refertis, tamen ei vir sanctus nunquam adquiescere voluit dicens: Nos talem consuetudinem introducere nolumus ut populis scandalum & nobis ignominiam adquiramus circumeundo Ecclesias, ostendendo beneficia, indulgentias largiendo, quas dare non poterit nisi solus Deus. Audivi tamen referri ab his qui interfuerunt quòd cùm in quodam episcopatu domum novam ædificaret, persuasus sit à quibusdam, immo compulsus, commonitorias litteras ab Episcopo postulare ut domui illi, quandiu ædificaretur, beneficia populus impertiret. Episcopus petitioni ejus, quam quidem invitus nec per semetipsum fecerat, libentissimè annuit, statimque litteras ipsas scribi præcepit. Cùmque ventum esset ad indulgentiarum locum, mandat Abbati quantum indulgentiæ his qui in hac fraternitate se mitterent vellet ascribi. Cui ille ita remandavit. Nos, inquit, Domine, nostra adhuc premunt peccata, nec possumus levare aliena. Quod audiens Episcopus, lætus erubuit, & virum Dei, ut verè erat, Dei servum & tali timore plenum non dubitavit.

XIX. Iam verò cœpto monasterii ædificio, quis dignè referet qua austeritate corpus illud modicum fregerit multis antè afflictionibus maceratum? Tota die in opere erat, non virgam ferens, ut plerisque mos est, qui in altiori loco sedentes alios ad laborem provocant, verbo, non facto, digito, non opere, virga, non manu. Stabat autem laborans incurius ad solem & imbres, sic tamen ut omnes laborantes sive non laborantes aspiceret, & quid singuli facere deberent plus operibus quàm verbis ostenderet. Cùmque videret aliquos incongruè stantes, aut fortè sedentes & otiosa loquentes, non eos statim corripiebat; sed transiens co-

L. 13. II. ram eis, timendi & erubescendi primò copiam tribuebat; quòd si se non corrigerent, asperis eos sermonibus increpabat, ut cuncti audientes timerent. Si quos videret laboribus fatigatos, ad requiem invitabat, & mæstos eorum animos blandis sermonibus recreabat; duros & laborare nolentes duriter increpabat; verecundos & laborare volentes, sed non valentes, consolabatur atque mulcebat, & ita cum eis agebat ac si maiorem operis partem ipsi fecissent. Quosdam etiam adhuc carnales carnalibus promissionibus invitabat, dicens eos in refectorio non parum remunerandos qui sic strenuè laborassent. Nonnullos quoque laudis æmulos, & ob hoc laborare plus solitos, quamquam eos in hac parte plurimùm reprehenderet, multùm tamen illis præferebat qui nullam aut Dei timoris aut humanæ verecundiæ curam habentes totos se desidii ac negligentiae tradidissent. Hæc & his similia vir discretissimus ad relevandum laborem exterius faciebat, & ita omnibus se conformabat ut infirmis infirmum, fortibus fortem, lætis quoque lætum & mæstis mæstum se exhiberet, sed & carnalibus carnalis quodammodo videretur, & gloriam captantibus tamquam & ipse eandem omni studio sequeretur, implens illud quod Apostolus de se ipso dicebat: *Omnibus omnia factus sum ut omnes facerem salvos.* Cùm autem domi ventum esset, cuncta hæc tamquam vestimenta secularia deponebat, & quam gestabat intrinsecus religionis formam verbo & opere demonstrabat. Intus timendum, foris se jocundum præstabat; ut attraheret lenitate quos corrigeret in caritate. Nunc enim animabus perfectiùs consulebat. Porro tunc, id est, foris, corporibus immo laboribus dispensativè prospiciebat; qui ut liberiùs fierent, ex disciplinæ rigore aliquantulum remittebat. Adest testis virtutis ejus & laboris fratrum ba-

filica ipsi omni ex parte perfecta, cui in multis provinciis nulla facile similis reperitur pulcritudine, elegantia, venustate, & quod his majus est, operis firmitate ac firmissima sanitate, sicut hi quoque testimonium perhibent qui ultra citraque mare multas provincias peragrati sunt. LIB. II.

XX. Per idem tempus tanta fames tantaque frugum penuria inerat quod sicut modò frumenta veneunt ampliùs quàm in duplo cariùs venderentur, vix quisquam reperièbatur qui annonas haberet, & qui habebant ita celabant ac si omnino nihil haberent. Expectabant enim tempus majoris venditionis, sicut ait Propheta, ut augerent siclum & imminuerent mensuram & exhaurirent marsupia pauperum & sacculos suos implerent de subsidiis egenorum. Porro vir sanctus parvipendens famis invasionem, tot operarios rusticos qui onera ferrent undecunque conduxerat ut si illos videres, parochiam advenisse existimares. Habebat eos pro solo pane. Et ideo tam multos collegerat ut & ipsos pasceret & opus ædificationis magis acceleraret. Ad portam monasterii tot undique pauperes confluebant ut dinumerari non possent; nec tamen frustra se venisse dolebant, nullus aliquando recedebat impastus. Siquidem ab hora diei nona omnes fratres, quicunque adesse poterant, in distribuendis alimoniis occupati erant, & vix tandem id serò complebant. Quæ scilicet alimonix, præter ciborum reliquias, ex cellario & furno jugiter præbebantur, ita ut penè quotidie totius clibani coctura integra expenderetur, cum bis vel ter in die coquendis panibus pararetur. Hæc autem consuetudo in pauperes semper omni tempore servabatur, maximè verò tempore famis; quod si panis deesset, carnes expendebantur, pulmenta verò cum panibus semper dabantur, ubique à fratribus ad hoc depu-

LIB. II. tatis discurrebatur, cunctorum cellaria & occulta repostoria scrutabantur, & veteres annonæ è fossis abditisque terræ cuniculis proferebantur, nec aliud empturis injungebatur nisi ut quocunque modo vel pretio licerent ut nec forum publicum augerent, nec ipsi vacui remearent; quod si pretium non haberent, non tamen undecunque mutuò accipere dubitarent, fiduciam habentes in illo qui eos & ab iniquis usuris semper eripuit & turpiter egere nunquam permisit. Si autem copia nummorum supervenisset, non eam vir sanctus in thesauris condebatur, sed vocatis emptoribus & dispensatoribus suis, absque pensa & numero eis tradebat. Nunquam panes ad numerum vel à forno referebantur vel per necessaria loca distribuebantur. Nullus computare sumptus diurnos vel expensas, maximè in præsentia viri Dei, audebat; sed horum omnium pondus, numerus, atque mensura Deo largitori reservabatur. Hac indulta libertate, cautiores & sollicitiores ministri fiebant, atque in rebus commissis non minus fraudem facere quàm incurrere metuebant. Nunc autem, dum nulli credimus & omnia numeramus, fit ut nec etiam ipsi credamur, ita ut ministros ex fidelibus infideles efficiamus, Deumque largitorem bonorum offendamus potius quàm placeamus, cujus bona tamquam à nobis sint computamus.

XXI. Cui autem vir Dei monachorum fratrum atque sororum, hospitum quoque, & familiæ, ac diverso modo laborantium sollicitudine urgeretur, quibus quotidiana stipendia cum ingenti studio parabantur, maxima tamen illi cura de pauperibus erat, sciens procul dubio, quandiu haberet quod eis impenderet, nihil ceteris defuturum. Vnde non solum in abbazia, sed in omnibus grangiis, præcipuè famis tempore, largiter dari præcipiebat, ut & ipsæ benedictionem in pauperibus consequeren-

tur. Aliquando venit ad eum frater illarum gran-
giarum quæ ultra Dordoniam sunt procurator, di-
cens non habere se vel quod fratribus apponeret
vel quod pauperibus erogaret. Cui vir sanctus de
fratribus quidem nihil respondit, de pauperibus
verò præcepit ei dicens: Vade, & si panes non ha-
bes, animalia occide & pauperibus tribue; exceptis
bubus arantibus, quos ad ultimum, si aliud non ha-
bueris, incunctanter expende. Abiit ille facturus si-
cut ei fuerat imperatum. Sed quia modicum tritici
habebat, quod vix ad tres dies sufficere poterat,
statim illud impendi decrevit, ut postmodum ali-
menta fratribus emeret, & pauperibus carnes, sicut
jussum fuerat, exhiberet; & ecce dum speratur quo-
tidie vel magis timetur tritici illius defectio, in tan-
tum Deo tribuente & fide sancti viri cooperante ex-
crevit ut usque ad tempus messionis, quod longè
ab erat, tam fratres quam pauperes panes inde,
prout ratio temporis permittebat, sufficienter ha-
berent.

XXII. Eo tempore fame ingravescente, cum
audisset vir Dei apud vicum Martellum dictum duos
viros, quorum unus sacerdos, alter laicus erat,
promiscuæ annonæ quadraginta modios communi-
ter habere, quorum singuli quatuor vel quinque
animalia onerare solent, festinanter perrexerit, &
prædictas annonas, cum nihil haberet, pretio vel
conditione qua valuit sibi retinuit & monasterio
destinavit. Quæ quamvis malè congestæ, fide ta-
men boni emptoris multiplicatæ totum monaste-
rium in summa necessitate multo tempore refecer-
unt & sufficienter paverunt. Sed cum reddendi
tempus adesset, ipse verò quod redderet nihil ha-
beret, diu dubitans quid ageret, tandem ad vicum
perrexerit, ut saltem suam præsentiam exhiberet qui-
bus præsentare aliud non valebat. Cumque ibi ve-

L I B. II. nisset, exactorum faciem pertimescens, maximè unius quierat cupidus & avarus, durus, crudus & inhumanus, ad Ecclesiam perrexit, & , ut dicitur, Missam tunc celebravit. Qua peracta, egressus foras, cum ei omnes penè habitatores vici illius occurrerent, inter ceteros ille creditor venit quem præcipuè formidabat. Videns autem virum Dei humiliter stare & , ut sibi videbatur, pro debiti solutione sollicitum esse, dixit ei coram omnibus: Quid est, Domine Abbas? Attulisti pecuniam quam mihi & Presbytero te debere cognoscis? Scias enim quòd ex hac hora nihil à te nisi cum usuris recipiemus. Dixit ad eum vir Dei: Verè dico tibi quia nihil habeo quod vobis ad præsens reddere possim. Vnde rogo ut in nobis adhuc patientiam habeatis quousque Dominus largiri dignetur unde vos placare possimus. Tunc ille velut exasperatus, cum magis esset à Deo mollitus, respondit ei coram omnibus dicens: Ad illudendum nos, quantum audio, Domine, huc venisti. Frumentum nostrum tulisti & pretium non retulisti. Ego tamen placari non potero nisi sub hac conditione, quatenus monachi omnes qui fruges meas consumpserunt obsides mihi tradantur, ut ipsos interim pascam quousque debitum meum recipiam. Ad hoc dictum cum in risum omnes solverentur, vocato Presbytero venditionis socio, dixit ei, Placetne tibi, Marce, (sic enim vocabatur) pactum quod cum Abbate composui. Quale, inquit? Cui ille: Tale ut fratres suos nobis obsides reddat, quatenus eos tamdiu nos pascamus quousque debitum nostrum recipiamus. Presbyter verò respondit: Hoc pactum tu tene, qui proposuisti. Nam ego nunquam illud tenebo. Tum ille non jam exactor, sed patronus effectus, ait ad virum Dei: Perge securus jam quòd volueris, Domine Abbas; ego tibi pro me & Presbytero satis-

facio, ut nihil nobis ex debito illo nisi quod volueris & potueris facias. Tunc omnes qui aderant videntes in illo viro nimis avaro tantam dexteræ excelsi mutationem, glorificaverunt Deum. Emenso modico tempore, vir ille moriens medietatem pretii quod ad se pertinebat, id est, quingentos solidos, monasterio dereliquit, reliquos quingentos filio suo reddendos instituit. Hic cum esset patre jocundior & ad dandum profusior, etiam illos quingentos qui sibi reddendi erant ex integro solvit, & plura alia de suis rebus multotiens dedit. Nam cum esset ad beati viri funera præsens, de suis rebus tanta donavit ut omni vitæ suæ tempore lumen ad beati viri tumultum non deesset. Presbyter verò cum haberet Clericum ad se pertinentem, monasterio illum tradens, mille solidos qui sibi ex prædicta debebantur venditione cum eo dimisit, addens insuper mixturæ modios plures in rationem victus illius. Sic impletum est in viro Dei quod ait Apostolus: *Diligentibus Deum omnia cooperantur in bonum.*

XXIII. Alio quodam tempore cum idem vir sanctus in infirmitorio resideret, venit ad eum celerarius, & mæsto vultu, ore etiam taciturno, ei astabat. Dixit ad eum vir Dei: Quid habes, frater, quòd hic tam tristis assistis & nihil loqueris? Cui ille respondit. Mæstus sum, inquit, Domine, quia nihil fratres hodie manducabunt; siquidem hora refectiois urget, & panes non habemus quos reficiendis fratribus apponamus. Tunc ille, ut ei solitum erat, oculis ac manibus in cælum porrectis altius suspiravit, tandemque conversus dubitantem fratrem increpando monuit dicens: Ergo, frater, tibi soli revelatum est quia fratres hodie non manducabunt? Numquid invalida est manus Domini? aut quia tu panes non habes, idcirco ille quod tribuat non habebit? Perge ergo nil dubitans, &

L. 12. II. mensas ut solitum est præparare festina. Spero & confido in Deo quòd sibi servientes absque cibo manere non patietur. Credidit ille & paruit, refectorium ociùs præparat, & mensas mantilibus ornat. Vbi ecce dum fratres horam quæ est ante refectionem in Ecclesia canerent, subito adsunt animalia panibus onusta, quæ fideles quidam viri à Deo, ut creditur, inspirati ad supplementum victus eis transmiserant; qui de Ecclesia egressi, cum se manducaturos tunc non sperarent, reperiunt mensas insolito pane refertas. Vnde satis abundèque refectioni, largitori Deo gratias reddiderunt, & deinceps de abundantia dubitare nec in egestate potuerunt.

XXIV. Tale quid in monasterio de Grosso boscho, quod nostro juri ex multo tempore traditum est, olim accidisse ab his qui interfuerunt audivimus. Nam quadam die ad Abbatem loci illius, qui ex discipulis fuerat domni Stephani, cellerarius venit dicens in toto monasterio panes, exceptis tribus, omnimodis non haberi. Vnde quærebat ab eo utrum signum ad refectionem, cum panes deessent, pulsari deberet, vel quid de illis tribus qui reperti fuerant fieri debuisset. Abbas autem altiori præceptus consilio, tres libras in præbendis defunctorum, ut solitum erat, reponi, signum quoque ad lavandum post horam pulsari præcepit, & pulmentum loco panis per mensas disponi. Cumque horam quæ tunc vergebatur in Ecclesia canerent, princeps terræ & fundator loci illius ex insperato venit, claustrumque solito more ingressus, ceteras quoque officinas, ut consueverat, perlustrabat. nullus enim prohibere audebat. Ingressus refectorium, cum pulmenta sola absque pane vidisset apposita, festinanter egreditur, & tam suos quam sociorum equos in proximum vicum dirigit, cunctumque panem venalem dato pretio rapi & ad monasterium

facit deferri. Fratres post horam refectorium ingressi, cum se ad manducandum præparant, subito inter manducandum insperatus panis plenis sportis ingreditur, qui eos ipsa & sequenti die sufficienter pavit.

XXV. Item in monasterio Bonæ-aquæ, ubi dudum vir sanctus de hoc mundo migravit, cum in die cœnæ dominicæ innumera pauperum multitudo plus solito confluxisset, expensis panibus quancumque poterant reperiri, cum adhuc pauperes superessent, necessitate constricti fratres cunctum panem qui reficiendis eis appositus erat distribuerunt, Vbi cum jam non haberent quod manducarent, Abbas prolati solidis panes ad usum fratrum emi præceperat, cum ecce arca monasterii, in qua panes reponi solebant, plena reperta est usque ad summum, unde ipsa & sequenti die refecti sunt. Ita satis non fuit viro Dei in suo monasterio fidei suæ signa monstrare, nisi & in aliis monasteriis ad se pertinentibus hæc eadem signa post transitum suum per discipulos exhiberet.

XXVI. In nostro quoque monasterio tempore famis, præcipue à Pascha usque ad tempus messionis, tanta quotidie pauperum multitudo conveniebat ut trium milium numerum plerunque excederet. Propter quod emptores, ut superius diximus, ubique cum animalibus discurrebant, & quantumcunque frugum reperire possent, dato vel condicto pretio ad monasterium pertrahebant. Inde panis tam fratribus quàm hospitibus quàmque pauperibus parabatur, ita quòd satis inde vivere possent, etiamsi aliud nihil haberent. Cumque finito tempore debita inde contracta computari cœpissent, & plusquam tria milia solidos superadditos æstimerent, ne unum quidem solidum superexcrevisse lætati sunt. Ille enim solvebat cui impendebantur.

LII II. XXVII. Sed & tempore barbaricæ persecutionis, cùm iidem barbari totam hanc regionem longè latèque vastabant, rustici cum uxoribus & filiis atque pecoribus nostrum monasterium expetebant barbaros fugientes, ita cuncta interiùs exteriùsque complentes ut vix egrèdi vel intrare possemus. Unde necessitate constricti, & ducti pietate, non solum eos non prohibebamus, sed etiam fovebamus, & quicquid alimentorum reperiri poterat, absque ulla parcitate eis impendebamus. Denique quodam sabbato, cùm tot panes expendissemus ut penè nihil in crastinum superesset, consilium fuit ut die dominico contra morem solitum coqueremus. Mane autem facta tanta panum copia in repostoriis est reperta ut aut nobis, id est, toto conventui, aut exulibus & pauperibus consueta mensura sufficerent, si tamen totum acciperent. Sed cùm jam inter nos & illos dividi proponerentur, altiori consilio visum fuit ut illi totum panem, quia tantundem erat, acciperent, nos autem duobus pulmentis qui tunc parati erant, contenti essemus. Ita omnes panes ex integro ad portam delati sunt, ut non relinqueretur ex eis nec unus. Post tertiam iterum pistrinum ingressi, tantam panum copiam invenerunt ut totus conventus, qui tunc centum viginti & amplius erant, libram panis & dimidiam more solito singuli habuissent. Erant enim propter sacram communionem plurimi congregati, utpote octava die Pentecostes. Hoc etiam aliquotiens accidisse propriis ipsi oculis vidimus, ut cùm facta caritate vix aliquid superesset, facto mane ex hoc ipso omnes sufficienter haberent & plurimum superesset. Sed & pistorum mihi sæpius retulerunt quòd tempore supradictæ famis annonæ ad unam vix hebdomadam æstimatæ per duos menses nos protraxerunt & sufficienter paverunt, ita quòd ne-

que ipsæ exterius augerentur nec comedentes minuerentur. In cellario quoque apud Martellum, in quo frumenta ex grangiis ultra positis condebantur, ac tempore ædificationis simul & famis inde ad monasterium cum animalibus deferrebantur, post multos dies vel hebdomadas, cum jam nihil ex his superesse crederetur, immo omnes mirarentur quod tamdiu perdurassent, interrogatus frater qui hæc deferrebat, dixit quod nullam ex quo hæc deferre cepit diminutionem in his potuit invenire. Vnde postmodum præceptus est idem frater eadem frumenta iterum mensurare. Quod cum factum fuisset, offenso largitore munera defecerunt & citò consumpta sunt. Hæc autem diximus, non quod per nos qui nunc sumus, vel propter nos facta sint, sed illius merito ac virtute qui non solum apud nos, sed in multis aliis locis mirabiliter operatur.

XXVIII. Nuper à fratribus referri audiui quod in quibusdam grangiis supradictæ vastationi vicinis, cum fratres panem, quem sibi paraverant, pauperibus captivis atque exulibus ad se confugientibus largiter ministrarent, coctura panis, quæ ad quatuor vel quinque dies sufficere solita erat, tantumdem etiam tunc sufficiebat, cum in tot partes præter solitum divideretur. Sed hanc largitionem pius ille retributor, non solum in futuro, sed in præsentī quoque remunerabat, cum nec census multipliciter expensus nec expendentes minuerentur, ipsique barbari, qui Ecclesias diripiēbant, altaria nudabant, calices confractos in marsupiiis abscondebant, & sanctuaria quæque velut porci indignis & pollutis manibus contrectabant, ipsosque sacerdotes substantiis ac vestibus spoliatos ligantes trahebant & amarissimis pœnis ad redemptionem cogeant, ipsi inquam barbari qui talia faciebant, cum per nostras domos transirent & cur-

L I B. I I. tes plenas hominibus & jumentis sive pecoribus à facie eorum fugientibus cernerent, non solum quæ nostra sunt non tollebant, sed nec ipsorum quicquam contingere prorsus audebant, non nostra ter-riti sanctitate, sed divino potiùs numine, & sancti illius merito ac virtute. Sed quia hæc post ejus transitum nobis vel nostris regionibus acciderunt, ad illa quæ ipso præsentē & operante gesta sunt revertamur.

XXIX. Tempore illo portarius vir fidelis & religiosus abbatiam muro cingebat. In loco autem illo ingentis saxi moles excreverat, quæ undique terræ affixa alicujus montis speciem præferebat; & quia murus perinde transiturus erat, ita ut ab ipso loco deviari non posset, multis diebus ut lapidem frangerent idem portarius & socii ejus casso labore defecerant. Non solum enim frangi non poterat, sed multos malleos sæpe confregerat. Contigit autem ut vir Dei ad placitum pergens, per hunc locum transiret. Portarius fide plenus mox equi illius frenum apprehendit, atque ut ad terram descenderet imperavit potiùs quàm rogavit. Tunc ille paululum subridens, concitus de equo ad terram descendit. Mirabatur tamen audaciam fidei ejus, interrogans, ac si captus, quid de se facere vellet. Ille sumpto malleo, manibus ejus tradidit, eumque saxi illius verticem scandere ipsumque lapidem malleo cedere jussit. Quod cum fecisset, & tribus ictibus lapidem percussisset, mox ille recepto malleo, dixit ei: Sufficit. Pergite jam nunc feliciter in viam vestram. Qui valedicens ei atque benedicens, iter quod cœperat explicavit. Post cujus discessum venerabilis ille portarius, convocatis operariis suis, eundem lapidem non jam cedere sed penitus excidere sunt aggressi; quem tanta facilitate usque ad ipsas, ut ita dixerim, radices comminuerunt ut ni-

hil ex eo frangendum ad vesperam remaneret, & qui priùs adamante durior erat, nunc ac si panis ordeacius ad frangendum facilis fuit; ex cujus fragmentis accervum grandem fecerunt, & magnam exinde muri partem ædificaverunt. quod sancti virtute & portarii fide factum non dubitatur.

XXX. Est quædam grangia secus Dordaniam fluvium posita, olim quidem ad abbatiam ædificata, sed post docendis pueris instituta. Hæc cum ædificaretur à latere dextro Ecclesiæ, rupes, ut de alia diximus, adinstar montis excreverat, & magnam partem loci illius occupatam tenebat, & quia claustrum perinde fieri oportebat, fratres in quantum poterant decertabant saxum illud malleis conterendo in planitiem deducere & solo tenus adæquare. quod frustra nisi sunt. tanta erat vastitas ejus atque duritia. Itaque jam constructa Ecclesia, Prior loci ad Abbatem pergit sciscitans quid de ipsa rupe facerent, vel utrum claustrum ex altera parte, hoc est, sinistra ædificare deberent. Ille, quia hoc inconveniens erat, præcepit fieri foveam profundissimam è latere saxi, sicque illud cunctis impingentibus inibi sepeliri. Prior accepto mandato, quamvis ei impossibile videretur, quia tamen contradicere non audebat, reversus ad locum secundum præceptum Abbatis juxta lapidem foveam profundissimam fecit. Deinde congregatis omnibus, non solum de illo loco, sed ex villis quoque vicinis, cum rupem illam humeris & vectibus tota virtute impingerent, ita eis visum est ac si montem magnum impellerent, multis ridentibus & dicentibus quod delirarent qui non tam difficilia quam impossibilia tentavissent. Ita, relicto opere, omnes ad propria sunt reversi. Foveam tamen in testimonium reliquerunt, quò sanctus veniens eos de inobedientia culpæ non posset. Qui cum post aliquot dies venisset, vidit-

LIB. II. setque foveam sic manere, post factam orationem, vocato Priore cum fratribus, interrogat eos commotus cur lapidem illum sic reliquissent & non cum terra, sicut eis præceperat, obruissent. At illi retulerunt ei omnia quæ facta sunt, & quomodo tot viris undique congregatis & impingentibus, moveri non potuit. Tunc ipse increpans eos, Vocate mihi, ait, homines tantum nostros & fratres hic commanentes, & videbitis quia non propter impossibilitatem, ut dicitis, sed propter incredulitatem vestram & fiduciam in hominibus, non in Deo, lapis moveri non potuit. Quod cum factum fuisset, vir Dei facto signo crucis & solito clamore usus, hoc est, *In nomine Domini*, ipso cum ceteris impingente, tanta celeritate rupes illa mota est ut sub momento & absque difficultate in profundum deiceretur. Quo facto tam claustrum quam ceteræ mansiones pro voto viri Dei constructa sunt.

XXXI. Apud vicum Martellum superius memoratum domus extra muros habetur Obazinensium fratrum usibus deputata, ad coemendas vel distrahendas res necessarias utiliter procurata. Ad hanc domnus Stephanus aliquando venerat, aliquid ibi ordinaturus. Tum frater qui ipsam domum regabat coram eo conqueri cœpit quod multa in pane & lignis vel etiam aqua expenderet, unde ad procurandas communes monasterii necessitates minus valeret. Porro vir sanctus, cum ei aliqua rationaliter suggerebantur, non hæc, ut quidam faciunt, surda aure transibat, sed tacitus cogitabat qualiter cunctorum necessitatibus congruè subveniret; & de pane quidem & lignis in præsentī satisfecit, unam ex propinquioribus grangiis fratri designans ut hæc inde opportunè deferret; de aqua vero cum adhuc sollicitus esset, egressus pro foribus, è latere domus locum reperit habilem unde aqua
convenienter

convenienter ministrari posset. In illa quidem regione audiri fons poterat, non videri. Ita facta oratione, circumstantes ibi fodere præcepit, cum hoc ipse primitus inchoasset; cumque fodiendo altius penetrassent, reppererunt aquam vivam. Vnde non mediocriter læti, puteum ibi fabricati sunt, qui permanet usque in præsentem diem.

XXXII. Quodam iterum tempore memorabilis pater ad unam grangiarum suarum venit quæ sita est juxta castrum sancti Michaëlis; & dum ibi cum fratribus loqueretur, prospiciens vidit procul à quibusdam viris non sine grandi labore aquam deferri. Mox conversus ad fratres, quærebat ab eis cur aquam de longinquo deferrent, cum in promptu fontem haberent. Illi autem dixerunt ei: Aqua hujus fontis, Domine, ad omnes quidem usus habilis est, pulmenta verò aut aliud quid omnino coquere non potest, nec potuit, quantum audivimus, unquam. Tunc ille super hoc satis miratus, & velut aquæ illi indignans, perrexit ad fontem, & facta ibi oratione, aquam suppositis manibus benedixit; deinde vocatis fratribus, statim aquam inde hauriri & cacabis jussit infundi, præcipiens ut aqua ipsa deinceps ad coquendi usum inefficax nunquam esset. Quod cum factum fuisset, ex tunc & deinceps aqua illa ita sancti præceptum servat ut in illa terra usque in præsentem diem tam ad coquendum quàm etiam ad sorbendum nulla commodior habeatur.

XXXIII. In territorio Caturcensi, non longè à Tarno flumine, ad faciendam abbatiam cella edificabatur, in qua pauci monachi cum aliquantis fratribus laicis commanebant; & quia locus ipse aridus & inaquosus existit, puteum ad necessarios usus fratres competentem loco foderunt. Sed cum fodiendo ad profundum venissent, jamque quadra-

K

LIB. I I. draginta & eò ampliùs pedes fecissent , quantò profundius penetrabant , tantò aridiorem & sicciorem terram eiciebant. unde victi tædio , laborem ipsum penitus dimiserunt , ipsosque operarios ad alios labores miserunt. Interea communis pater Stephanus locum ipsum visitare disponens , confecto trium dierum itinere , quarta die , Dominica , hora quarta , ibi pervenit. Fratres , audito ejus adventu , certatim obviam pergunt , eumque cum gaudio ad cellam deducunt. Ille , facta oratione in oratorio quod ædificatum erat , & egressus pro foribus , cùm fratres breviter allocutus fuisset , præcepit ut sibi ad celebrandam Missam necessaria præpararent. Interim dum manus lavat , aspiciens vidit non procul acervos terræ quam de puteo illo ejecerant circa marginem ejus per gyrum dispositos. Interrogabat ergo quid sibi hæc vellent. Tunc illi puteum ostendentes quem foderant , narrabant ei quomodo per tanti temporis spatium in ipso callo labore sudassent. At ille increpans eos cur tam necessarium opus tam citò & absque effectu dimiserint , statim operarios vocari & in puteum mitti præcepit , præcipiens ut tandiu foderent quousque aquam reperirent. Quid plura ? Accedens enim ad Missam , antequam eam consummasset , aquam ei de puteo verè tunc novam ad abluendas manus & calicem detulerunt. Deinde post horam refectorium ingressus , cunctis pro benedictione de ipsa aqua dari præcepit. Permanet puteus ille dulcibus & perennibus aquis repletus usque in hodiernum diem.

XXXIV. Cùm ad Lemovicam pergeret aliquando civitatem , devenit ad quoddam municipium in ipso itinere constitutum , ubi quædam nobilis matrona magnis febribus urebatur , habens filiam in civitate simili morbo detentam. Hanc invisere cupiens , cùm ibi pergere vel propter ægri-

tudinem vel propter incursantes barbaros non auderet, audiens virum Dei illuc properare, statim relicto grabato, fesso corpore & anhelo spiritu, ejus se itineri copulavit. Et quia fratres comitatum feminæ ferre non poterant, à longè post ipsos cum sociis equitabat, sic tamen ut eos videret. Emenso verò aliquanto itineris spatio, non ferens pondus infirmitatis, de equo ad terram descendit, ac sese super militis gremium aliquandiu reclinavit. Porro vir sanctus, cùm eam respiciens non videret, pœnitere cœpit quòd eam à suo consortio removisset, timens ne ei in via aliquod infortunium accidisset. Ipsa autem unum ex pueris currere post illum præcepit, orans ut aut se expectaret aut sibi aliquid ex his quæ circum se erant pro benedictione transmitteret. Fratres verò videntes currentem puerum, aliquandiu substiterunt, æstimantes feminam aut mortuam aut morti vicinam. Sed cùm rem manifestius cognovissent, præcipiente viro Dei opportuno in loco divertunt, ibique laxatis equis, mulierem expectant. Quæ cùm brevi adesset, statim se ad terram dedit; tantusque eam defectus arripuit ut putaretur continuo moritura. Cùmque eam vir sanctus visitans de suo statu requireret, ipsa autem respondere non posset, hoc solùm pressis labiis orat, ut sibi morituræ subveniat, aut si abire disponit, aliquid super se ex adhærentibus sibi rebus proiciat. Tunc ille impositis capiti ejus manibus, cingulum laneum quo utebatur ei tradidit, ac sese pro ea cum fratribus in orationem dedit. Qua completa, cùm horam quæ tunc vergebatur more solito decantarent, vix eam consummant cùm mulier illa ita est incolumis reddita ut ultro equum ascenderet, & gratias agens pro sanitate, iter suum lata perficeret, & quæ priùs vix sequebatur, nunc longè præcederet, cingulum viri Dei pignus pro adepta sanitate secum reportans.

LIB. II.

Ebolus de
Turenna
Abbas Tu-
telenſis.

XXXV. Alio quoque tempore, ut sermo fertur, cum in eadem urbe synodus fieret, & ipse praesens esset, Tutelenſis Abbas, qui tunc erat Ebolus nomine, litem contra eum injuste satis commovit, & coram cunctis qui aderant ei graviter imminere coepit. Cum vir sanctus mitia ei verba responderet, & iniquas objectiones prudenter & opportunè refelleret, tunc ille fastu secularis potentiae tumefactus, & irae furore succensus, tanta ei ac talia se facturum minatus est quod rumor facti in cunctis Lemovicinii partibus resultaret. Porro vir Dei nequaquam minis ejus perterritus, sed majori fiducia tunc armatus, sic ei respondisse fertur. O Domine potens, nolite tanta in posterum comminari, cum ignoretis quid superventura pariat dies. Taliter altercantes, amicis intervenientibus, utcunque sedati sunt, atque ab invicem discesserunt. Sequenti nocte clamor in civitate cum ululatu exortus est, in quo praedictus Abbas repente mortuus signis undique concrepantibus ferebatur; & quamquam veneni haustu propria morte videretur extinctus, omnes tamen qui praedictae contentioni interfuerant mirabantur quod sermo viri Dei, quamvis illo multum dolente, tam velociter fuisset impletus, ipseque de illata injuria celeriter vindicatus.

Archambaldus Vi-
cecomes
Combor-
nenſis.

XXXVI. In confabulationibus quoque secularium tam effigax erat atque urbanus quod si quis ei injuste calumniaretur aut violenter insisteret, mox eum tali sermone retunderet quo & ipse confusus erubesceret & ceteri stupentes hoc ipsum verbum velut in proverbium retinerent. Denique Archambaldus Vicecomes, ad cujus dominium pertinet locus in quo sedemus, dum pro quibusdam causis duris cum eo contenderet & aspera contra eum & penè contumeliosa verba jactaret, ita illum confudit dicens non se debuisse ab eo ita tractari

qui cunctis ejus colonis potior esset, tamque probum in tota terra sua rusticum non haberet. Ita vir sanctus unde quasi extolli videbatur, inde se veriùs humiliabat, conferendo se rusticis atque villanis, cui vix quisquam potentum atque magnorum pro incomparabilibus ejus meritis comparari auderet. Vnde prædictus Vicecomes cum pro sua veneratione incomparabiliter eum diligeret atque timeret, ex hoc tamen non parum confusus magis magisque dilexit.

XXXVII. Similiter cum in quodam placito pro suis negotiis resideret, quidam ex adverso consistens in ipso placito judex vel cognitor fuerat ordinatus potens in verbis & divitiarum jactantia tumidus, oculis tamen privatus. Cumque injustum contra virum Dei judicium protulisset, ille nihil moratus vulgare ei proverbium subintulit dicens: Amice, sic percutit qui non videt. Quo sermone confutatus & satis irrisus in tantum confusus est ut de cetero nihil in eodem placito loqui præsumeret, cui ipsa cæcitas impropèrata est cum injusti judicii falsitate; qui tamen postmodum, sive isto sermone permotus, seu potiùs Dei timore compunctus, in nostro monasterio conversus fuit, in quo usque in finem vitæ non sine admiratione multorum laudabiliter perseveravit. Solet enim divina pietas quosdam malè agentes conviciis aliquando vel impropriis ad se reducere; ut qui sponte nolunt, saltem contumeliis provocati ad justitiæ tramitem revertantur.

XXXVIII. Nam recolo me vidisse quendam ex equestri militia juvenem in nostro monasterio olim conversum, atque inde postmodum suadente diabolo ad pristinos actus seculi devolutum; qui dum quadam die equitaturus in multa militum frequentia equum suum cum armis non absque fastu

LIB. II. I I. superbiæ sibi exhiberi præciperet, mox puer suus coram cunctis qui aderant profundè inclinans, Benedicite illi respondit, ex obliquo ei rememorans quid olim fuerit & quòd nunc talia tractare nequaquam debuerit. Ad quod ille responsum ultrà quam credi potest confusus atque turbatus, immo potiùs salubriter monitus, statim ab hominum conspectu sese removit, & de nocte confurgens ad pristinum locum unde superbus abscesserat, humilis & castigatus ilico remeavit,

XXXIX. Ceterùm vir iste sanctus quanta cura & sollicitudine pro pace, non tantùm domestica, sed & totius provinciæ, invigilaverit, hoc exemplo luce clariùs apparebit. Denique orta est aliquando lis inter Raimundum Vicecomitem Turenensem & alium quendam Vvillelmum nomine virum illustrem. Causa autem commotionis hæc fuit, quòd emissum accipitrem Vicecomitis idem Vvillelmus occupaverat, eique superbus reddere denegabat. Nihil enim diabolus impedit utrum per viles an per magnas res magnas quoque calamitates accendat. Ergo prædictus Vicecomes ablatum accipitrem non tam pro damno quam pro illata injuria graviter ferens, bellum indicit, ac nisi citiùs sibi reddatur, cuncta se depopulaturum quæ ad raptoris jus pertinent minando prædicit. Neque enim parva rura, sed tota penè provincia hoc exterminio devastanda erat, non tam pro his qui inter se confligebant quam pro eis qui ad auxiliandum undecunque conveniebant. Ipse autem Vvillelmus inde magis accipitrem detinebat, quia belli cupidus erat, ut hac occasione per terras Vicecomitis uberes se immergeret & cuncta repente vastaret. Timens verò ne sibi aliquo modo subripi posset, & sic cupiti belli materiam perderet, cuiusdam potenti viro longiùs manenti eum studuit com-

mendare , qui non minùs bello flagrabat , & ad prædam ardentius inhiabat. Cernens autem vir sanctus quia multiplicata sunt mala , nam armatis militibus de prædationes agentibus omnia replebantur & de die in diem multiplicabantur , tot calamitatibus ire obuius non despexit ; & primò quidem ipsum Vicecomitem adiit , increpans eum cur propter unam aviculam tantum populum vexaret ac perderet Christianum. Orat deinde ut facti venia tribuatur ; aut si non , ipsa injuria à raptore solummodo , & non ab innocenti populo , exigatur. Sed cùm in hoc nihil proficeret , alia via , quæ sola patebat , eum vir venerandus aggreditur. Spondet se accipitrem redditurum , tantùm ut congregati exercitus dimittantur & ad propria relaxentur. Quod cùm Vicecomes annuisset , statim fide armatus , quasi leo confidens , tam sua quàm Vicecomitis auctoritate armatas acies invadit , confertas dividit , omnesque ad propria redire compellit. Deinde ad præfatum Vvillelmum tendens , cùm didicisset pro certo apud eum accipitrem tunc non esse , confestim ad eum qui hunc commendatum habebat iter direxit , quamquam hyemis asperitas & itineris longinquitas prohiberent. Nihil enim sibi causa pacis durum aut difficile videbatur , cùm paratus esset etiam mori ut patria non periret. Cùmque ad castrum in quo morabatur jam tandem venisset , aspiciens eum vir ille , statim quid vellet , vel pro qua causa venisset , citius intellexit. Vnde nimis iratus , non solùm pro eo nihil fecit , verùm non absque injuria foribus arceri jussit. Quod ille patienter ferens , non longè ab ipso oppido ad cuiusdam pauperis tugurium , incumbente jam nocte , cum fratribus qui secum erant jejunos divertit. Habebat pauper ille uxorem & liberos adhuc teneros ita nudos ut nihil penè in membris tectum

LIB. II. haberent ; quorum miseriæ compassus , cùm jam mane profecturus esset , tunicam sibi latenter subduxit , ibique eam , nescientibus aliis , quasi oblitus reliquit. Sed cùm viderent eum fratres frigore affici & humeris commoveri , interrogant eum si omnes tunicas suas haberet. Ipse verò rem prodere nolens & mentiri cavens , Ego , inquit , & cum omnibus tunicis quas habeo frigus hoc tam validum vitare non possum. Cùmque se jam domum reversuros sperarent , ipse ad præfarum oppidum iter convertit , causantibus sociis quid facturi essent , præsertim apud eum qui illos tam injuriosè à se repulisset. Quibus ipse prophetico ore respondit : Eamus modò in nomine Domini , quia non erit hodie sicut heri. Pervenientes iterum ad castrum , cuncta quæ sibi pridem clausa fuerant , patentia invenerunt. Sentiens autem vir ille qui eos expulerat servum Dei iterum ad se venire , statim lecto proiliens , nudis ut erat pedibus , & penè toto corpore ei in platea nivibus plena occurrit ; prostratusque pedibus ejus pro illata injuria veniam deprecatur. Qua impetrata , mox allatum accipitrem manibus servi Dei tradidit , & aliquantum profecutus , lætum abire dimisit. Ita vir sanctus receptum accipitrem cuidam fratri ferendum commisit , sicque lætus remeare cœpit. Eratque mirum videre in una ave pendere totius pacem provinciæ. Delatus igitur accipiter ad Turennae castrum , mox ut emissus in aula Vicecomitis evolavit , pacem quam ablatus abstulerat , redditus reformavit. Ita jam dudum pax inchoata perfecta est , omnisque terra illa exterminio & vastatione plenius absoluta.

XL. Quidam frater Aimiricus nomine valde religiosus & cum sancto pergere solitus pro quodam negotio in itinere est ab ipso directus ; qui cùm ali-

quantam diei partem equitando fecisset, jumento parcere volens, ut ei consuetudo erat, ad terram se dedit, aliquandiu pedibus iter facturum. Porro jumentum quo vehebatur, cum se liberum cerneret, ut est consuetudo mulorum, repente aufugit & per plana perque invia currere cœpit. Puer verò ex transverso occurrere satagens, sed & frater quantum poterat per viam currens, cum uterque nihil proficeret, ipso longius abeunte, ille quidem puerum revocavit, timens ne cursu ejus concitatus mulus amplius fugeret & jam capi non posset. Desperans itaque de eo, præsertim cum nullus apparet, & ille cursum non dimitteret, conversus ad illum, Adjuro te, inquit, per obedientiæ virtutem & merita patris nostri ne longius eas, meque fatigatum valde expectes. Ad hanc vocem mulus, quamquam longissimè positus, substitit, & capite verso ad fratrem tandiu permansit immobilis, caput non deflectens, quousque idem frater pervenit eumque per frænum tenuit. Tunc conversus ad puerum, Quam bona est, inquit, obedientiæ virtus, quam muta quoque animalia reverentur.

XLI. Alius frater, ut de quodam in vita sancti Columbani scriptum est, cum vinum trahere vellet, referato dolio & vase illi appposito, mox in ipso vinum fluere sinit. Quod dum fieret, subito venit alius frater vocans eum ex parte Abbatis. Ille obedientia fervens, relicto vino, concitus ad patrem perrexit, ducillum quo vinum retinebatur manu gestans; qui cum ei quæ placuerant injunxisset, recordatus operis quod dimiserat, concitus ad dolium rediit, æstimans totum vinum inde fluxisse. Reversus tamen invenit vasculum ultra solitum plenum, immo accumulatum, cum adhuc in ipso vinum deflueret, ita quòd ne una quidem gutta cecidisset in terram. Quod sancti virtute & fratris obedientia factum

LIB. II. nemo poterit dubitare. Erat enim vini præpositus Gerardus vocatus, fidelis & prudens; cujus veraci narratione hoc ita gestum agnovimus.

XLII. Apud vicum de Pleus, ubi quondam vir sanctus sacerdotis officio ministrarat, duæ feminæ una domo pariter morabantur: quarum una leprosa, altera paralytica erat, per multos annos de lecto surgere aut se movere non valens. Has enim idem beatus, ut legitur de Martha & Maria, plurimum diligebat, ita quod nunquam ad vicum illum accederet nisi eas prius quam inde recederet visitaret. Nec immerito. Vna, ac si Maria, cum aliud agere non valeret, ad Iesu pedes assidue discumbebat; altera, tamquam Martha, ubique discurrens, quicquid eleemosynæ consequi poterat, tam sibi quam sociæ, immo in ipsa Christo sedulè ministrabat. Contigit autem ut ad eundem vicum vir sanctus itineris necessitate veniret. Cumque ad celebrandam Missam se præpararet, nuntius venit ad sacerdotes dicens quod illa paralytica, quam dudum febris invaserat, viaticum peteret, posita jam in extremis. Hoc ille audiens dixit sacerdotibus eandem se feminam libenter post expletam Missam communicaturum. Quod cum devotè rogatu sacerdotum compleisset, mox à vico illo egressus, cum aliquantulum processisset, præfata mulier non solum febre, sed etiam paralytici morbo, ita repentè sanata est ut ipsa die de lecto surgens ad Ecclesiam pergeret, atque in hac vita per multos annos incolumis permaneret. Credo quod ejus sanitatem vir sanctus differri voluerit quousque à vico discederet, ut laudantium plausus evaderet.

XLIII. Cum ad Cisterciense capitulum idem sanctus aliquando pergeret, oblatis sunt ei duo pueri vario morbo obsessi; quorum unus dum in agro aperto ore dormiret, serpens ei in ventrem

ingressus est, qui illum magnis & continuis doloribus cruciabat. Alter verò sic patiebatur quòd nunquam præsente aliquo manducaret. Nam ut manducare posset, neque enim quærere sciebat, parentes ejus in abditis locis eum mittebant, ut ibi solus tamquam aliqua fera cibum non expetitur sed necessarium sumeret. Sed & aspectu, habitu, sermone, incessu lunaticus apparebat; ut quisquis illum vel simpliciter aspiceret, ipso visu insanum non dubitaret. Isti duo, quamvis diverso tempore, viro Dei in una grangia sunt præsentati. Et illum quidem qui serpentem habebat cum diu suscipere recusaret, tandem compulsus à fratribus in partem stare præcepit. Deinde facta pro eo oratione, aquam exorcizatam & sale aspersam benedixit, eique bibere dedit; cujus haustu serpens interemptus in secessum emissus est, omnem secum dolorem ex corpore patientis exportans. Lunaticus verò, cum à parentibus esset oblatus, sola oratione & manus impositione ita sanatus est ut & tunc & deinceps præsentibus & videntibus aliis manducaret, nihilque insanum ulterius in cunctis suis actibus demonstraret.

XLIV. Vna ex sacris virginibus, in puellari adhuc ætate posita, nimia vi infirmitatis oculorum lumen amiserat, ita quòd ubi opus esset alienis manibus duceretur. Novissimè verò ipsi oculi, qui cæcati fuerant, ita repentè intumuerunt & foras prominere cœperunt ut à suis foraminibus viderentur avulsi. Tanto autem ex hoc dolore cruciabatur ut ceteræ sorores tam ætatis quàm passionis ejus respectu ad lacrymas moverentur. Contigit autem ut vir Dei ad visitandas sorores ex more ad fenestram veniret: quæ agnito ejus adventu, præfatam puellam ad ejus præsentiam detulerunt & juxta fenestram applicuerunt. Cumque eas interrogaret quid

LIB. II. sibi vellent de ipsa infante, illæ ei omnem ipsius infirmitatis causam diligenter aperiant. Rogant etiam ut super ejus oculos manus imponat, credentes, si hoc fecerit, quod ei sanitas à Domino conferatur. Tunc vir Dei puellam interrogat utrum credat quod per ejus manus impositionem visum recipiat. Quæ cum tertio interroganti, tertio responderet *Credo*, statim manum per fenestram mittens, facta oratione, puellæ oculos totumque caput signavit, tetigit, ac benedixit, sanamque abire præcepit. Mox illa per semetipsam surgens, quæ aliarum fuerat manibus deportata, cum ad ostium claustrum pervenisset, aperti sunt oculi ejus, omnisque dolor cum ipso tumore extemplo fugatus est. Sed & sorores videntes eam clarè cernere, nullaque in ea præteriti morbi vestigia remansisse, magis tunc præ gaudio flebant, Deumque non minus pro sancti virtute

XLV.

Deest heic una circiter pagina.

indoluit, ita ut usque ad lacrymas perveniret. Diu tamen multumque pro eis Dominum deprecatus, tandem eos ad se in secreto adduci fecit, atque uniuscujusque collum, gulam, vel cetera infirmitatis loca orationum medicamine præcurrente palpabat, signabat, oculis in cælum porrectis cum invocatione nominis Christi & sanctæ crucis salutaris impressione. Quid amplius immoremur? Ita cunctos perfectæ reddidit sanitati ut usque ad tertium diem nulla in eis præteriti morbi vestigia remansissent.

XLVI. Alter ex pueris in probatione jam positus ita circa collum quibusdam strumis & furunculis erat obsessus cum inflatione gutturis & faucium tumore ut non jacere, non dormire, non denique caput huc illucque convertere aut cibum

capere posset, dolore quoque vehementi exagitatus, quid ageret ignorabat, cùm nec ipse quiescere posset, nec alios quietem habere permetteret, Sed cùm eum vel ejus socios sanctus pater solito visitaret, videns ejus dolorem & passionem acerbam, in partem eum tulit; & erectis in cœlum oculis more solito orans, cuncta infirmitatis loca salubri tactu modificat, ut statim ipsa die cibum sumeret & sequenti nocte vel deinceps sufficienter dormiret.

XLVII. Et quia de infantibus sermo est, non absurdum videri debet si aliqua simplicitatis eorum exempla ponamus, ut ex hoc agnoscat quàm purè fuerint ipsi nutriti & ab omni mundanæ peritiæ calliditate extranei. In monasterio feminarum quidam puer à matre sua nutriebatur; cùmque jam quinque annorum metas excederet, (ultra enim illam ætatem nullus ibi manere permittebatur) ejectus inde, ad stationem puerorum in supradictam cellam directus est. Sed cùm adhuc in itinere esset, à fratre interrogatus, qui eum ducebat, quomodo se haberent feminæ inter quas fuerat educatus, ille respondit feminas se nunquam vidisse. Nam illas de quibus interrogabatur non feminas arbitrabatur, sed sorores. Sic enim eas semper vocari sciebat. Frater autem probare volens utrum hoc simpliciter an figuratè responderit, rursus eum interrogat: Vis ergo feminas certè videre? Quo respondente *Volo*, prospiciens eminus vidit capras pascentes, & dixit ei: Ecce istæ feminæ sunt. Quod ille audiens non aliter credidit quàm audivit; & ad coævos perveniens, inter cetera jactabat se feminas in agro vidisse pascentes, simplicioribus quidem mirantibus, aliis irridentibus, qui feminas quidem certis, sed non felicibus, agnovissent.

LIB. II.

XLVIII. Ex alia quoque cella puer ad deferendum ex prato viride fœnum à Priore suo missus est. Cùmque ministri asinum ejus oneravissent, & in revertendo asinus per quoddam fossatum in longum transiret, hinc inde ab adjacentibus ripis onere sublevato, asinus subterfugit; domumque nesciente puero reversus est. Stabat tamen puer juxta fœnum, crebrò illud percutiens & quasi minans; nec motus est loco donec fratres ad requiring eum profecti, vix ei persuadere potuerunt quòd asinus jam recessisset, & fœnum absque vectore ambulare non posset.

XLIX. Hæc erat tunc puerorum illorum sancta simplicitas, hæc puritas innocentiae, quibus & divinæ cognitioni & angelicæ puritati eò veriùs propinquabant, quò ex impura hujus mundi caliditate nihil habebant. Nostri verò temporis pueri, mox ut loqui cœperint, nihil est penè de seculo quod ignorent; ut si eos loquentes audias, forenses intelligas. Nec tamen credendum est eos ita divinarum rerum capaces existere qui primordia vitæ mundialibus studiis dedicarunt, sicut nec illi de quibus diximus ita erant hebetes in divinis sicut apparebant fatui in humanis. Talibus enim dicebat Apostolus: *Malitia parvuli estote, ut sensibus perfecti sitis.* & iterum: *Volo vos simplices esse in malo, prudentes autem in bono.* Nam quidam eorum prudens atque sanctissimus puer cùm moriturus jaceret, & astitaret ei communis pater Stephanus cum venerabili Priore & quibusdam aliis sanctis fratribus, illo nondum adhuc penitus expirante, cùmque de spiritualibus studiis inter se colloquerentur, orta disputatione de virtute psalmorum, cùm eam laudibus & præconiis multis attollerent, unus inter ceteros hoc protulit, quòd nulla in psalmis maledictio contineretur, sed omnes divi-

nis benedictionibus redundarent ; tum venerabilis **Lib. II.**
puer recuperato flatu , cū penè exanimis putaretur , Non ita est , inquit , non ita est , Domini mei , sed maledictio in psalmis non minima continetur . Tunc omnibus simul stupore defixis , dixit ei pater sanctus unà cū Priore : Et ubi est ista maledictio , fili ? Quibus ille respondit : *Maledicti qui declinant à mandatis tuis.* Et hoc itaque tam purum , tam congruum , tam certum , tamque paratum responsum stupentes admirabantur , victosque se gratulabundo pudore erubescabant , præsertim à puero innocente & penè exanimi , & quem ultra nihil advertere , nedum aliquid loqui existimarent . Sed in his omnibus ille agnoscendus , ille est post Deum glorificandus qui tales in Christo filios genuit & sapientiæ studiis erudivit in quibus imago virtutis ejus velut in quodam speculo refulgeret , ita ut cum Propheta dicere posset : *Ecce ego & pueri mei quos mihi dedit Deus.*

L. Fateor , nunquam vidi in alicujus facie tantam gratiam coruscare , cū esset ipsa vilis , modica , rugis etiam exarata , rarefcentibus pilis præ abstinence , quemadmodum arida tellus exigua germinum fata producit ; & cū illi deessent omnia quibus humani vultus dignitas solet ornari , sic tamen ab interiori lumine resplendebat ut videndi faciem ejus nulla unquam satietas fieret . Propter quod eum multi curiosius observabant , universos gestus corporis ejus & quid vel quomodo loqueretur diligentius attendentes , cū non solum loquendo , sed & aliud quid vel transitoriè agendo , videntes ædificaret . Nam & quidam seculares nobiles & prudentes pertinaciter astruebant nunquam se vidisse hominem , præter illa quæ ad religiositatem pertinent , tam urbanum , providum , prudentem , honestum , atque ad omnia præparatum , ut

LII. II. nihil illi deesset quibus vel humanæ habitudinis cultus ornatur, vel internæ conversationis decus augetur. Cùmque, ut se res præberet vel occasio permisisset, suppressis labiis modicùm subrideret, mox ad instar columbarum sancti ejus humeri movebantur ut nihil unquam simplicius te vidisse existimares, nihil terribilius crederes, ita ut non minùs tunc illum timeres quàm si iratum videres. Quòd si illa hora oculorum in te radios emisisset, totum te penetrari putares, ut ipsa cordis secreta ei patere aliquatenus viderentur, nihilque esse quod ejus lateret obtutus, unde illi conridere vix ullus audebat, nec minùs timebat eum ridentem quàm irascentem. Inde est quod beatus Iob de se ipso dicebat: *Si quando ridebam ad eos, id est, domesticos, non credebant mihi. & lux vultus mei non cadebat in terram.* Verè vultus istius lux in terram non cecidit, quia nunquam absque digna & rationabili causa lætitiæ sibi fræna laxavit. Nec istud arrogantia erat, sed prudens simplicitas, quam Dominus in evangelio commendabat dicens: *Estote prudentes sicut serpentes, & simplices sicut columbae.* Nempe ut prudens cuncta sapienter prospiciebat, & ut simplex omnia credebat; nihil spernebat, cuncta aut sperabat aut amabat aut sustinebat.

LI. Porro ipse cùm à cunctis fratribus amabiliter timeretur & cum timore diligeretur, nequaquam se inde, ut multi faciunt, super eos insolentius efferebat, eisque non tam ex auctoritate quàm ex caritate imperabat, vel potiùs ministrabat, implens illud quod in evangelio, præcipiente Domino, scriptum est: *Qui major est vestrum, fiat sicut minor, & qui praeceptor est, sicut ministrator.* Unde quidam sapiens præmonet dicens: *Principem te posuerunt. Noli extolli, sed esto in illis quasi unus ex illis.* Nam & si quid præter solitum pro amore Dei

Dei tribuere vellet absentibus, hoc procuratoribus quodammodo furabatur; non quòd eos timebat, sed quia scandalizare nolebat, nec studebat ut hoc ipsi nescirent, sed ut non viderent; quia juxta vulgare proverbium, quod oculus non videt, cor non dolet. Sunt enim nonnulli qui æquanimiter videre non possunt quod de propriis rebus dari æquanimiter volunt. Inde sanctus iste & præsentibus & absentibus procuratoribus multa largiebatur, absentibus quidem modo supradicto, præsentibus rogando potius quàm jubendo. agebat hoc cauta & mirabili circumspectione ut nec illos contristaret, nec petentibus necessaria denegaret. Et quamquam ei nullus unquam in hoc contradicere ausus fuerit, immo persæpe reprehenderint cur sanctus quod suum erat alterius impetratu & non proprio magis arbitrio largiretur, respondebat nihil se ex rebus monasterii proprium vendicare, & idcirco de rebus communibus nihil præter communem assensum dari debere. Hanc autem reverentiam, non solum præpositis vel procuratoribus, sed & ceteris ministris servabat, cum culpa deesset, cum justitiæ sanctitas, vitæ integritas eis suppeditarent, cum denique ipsi in cunctis obedientes atque in nullo rebelles existerent. Quòd si culpabiles aut quadam insolentia tumidos reperisset, non eis parcebat, sed mox, ut rigidus magister & iratus dominus, eorum dorsis terribiliter immincebat. Nec ista tantum à minoribus exigebat; sed à majoribus primò incipiebat, ut nequaquam essent castigationis immunes qui fuerant magisterii dignitate sublimes. Eratque mirum videre eum qui heri velut magnus Consul omnia disponebat, cujus cuncta moderamini subjacebant, hodie exigentibus culpis ad terram deici, verberibus affici, increpationibus subdi, culpis gravioribus mancipari. Cùmque eum,

LIB. II. ut ita dixerim , funditus subvertisset & usque ad terram humiliasset , post paululum sedato dolore , in pristinam eum gratiam reducebat , cunctaque ut prius ejus dispositioni & arbitrio committebat , ita ut eum more solito veneraretur & quasi timeret , nihilque absque ejus consilio ageret vel ordinaret. Et in hoc quidem erga subjectos sapientis medici studium imitabatur , primò quidem perniciosos tumores asperè secans , deinde ipsa vulnera dulciter fovens ac recreans ; quatinus eos nec arridens prosperitas malè erigeret , nec imminens adversitas ultra modum affligeret , dum scirent sibi nec propter ingestos honores aliquatenus parci nec propter illatas afflictiones ex priori gratia aliquid mutilari. Sed & minoribus in hac parte non minimùm providebat , quibus utique verberum & tribulationum calicem non prius quàm ipsis majoribus propinabat , ut nequaquam sibi intolerandum existimarent quod cunctis æqualiter imminere viderent.

LII. Jam verò in itinere processurus , post generalem fratrum benedictionem , etiam infirmorum se orationibus commendabat ; quos utique , si longius esset iturus , in luctu & lacrymis relinquebat. Nam sicut malis dominis abeuntibus lætitia est , redeuntibus mœstitudo , & è contrà boni domini , cùm abierint , luctum post se relinquunt , quod tandem reversi in gaudium vertunt , sic proficiscente isto omnia tristabantur , revertente verò cuncta interioriùs & exterioriùs lætabantur ; ita ut , quemadmodum dici solet , ipsi parietes in adventu ejus gratulari quodam modo atque hilarescere viderentur. Ducebat autem secum honestas ipsoque visu reverendas personas , ut & consilium in promptu haberet , & persona ejus exilis & modica in eorum comparatione vilior appareret. Sed cùm jam in itinere positi , pastores vel quoslibet pueros interrogarent

quis eorum Abbas existeret, ilico relictis ceteris LIB. II.
quos vultus dignitas commendabat, ad ipsum omnes certatim currebant, illum Abbatem, illum omnium patrem & magistrum præfagis, ut sic dixerim, vocibus proclamabant, atque ab ipso eleemosynam nec frustra sperabant, nec in vacuum postulabant.

LIII. Ergo cum ad grangiam vel ad quemlibet locum sui juris venisset, quis referre valebit qualiter cuncta lustraret, omnia circuiret, nihil invisitatum relinqueret, utpote cui de omnibus cura esset. Vix equo descenderat, cum mox scapulari indutus cuncta circumquaque monasterii vel grangiae loca seu domicilia impigrè peragrabat; ac si quid in eis incongruum reperisset, vocatis fratribus & increpatis, repertas negligentias statim emendari præcipiebat. Ipse etiam sumpto bidente vel quolibet instrumento, si quid tunc agendum esset, vel incipiebat, vel jam cœptum perficiebat, & ad operandum alios invitabat. Quod si tunc frumenta excuterentur, statim ad aream convolabat, & cum sociis qui cum eo venerant diù ibi longèque excutiebat. Quid dicam de eo vel sociis ejus, cum nec jumenta in quibus venerant feriari permetteret, ne vel ipsa pabulum otiosa & absque labore perciperent. Sed & fratres longius laborantes vel in pascuis commorantes visitare non pigritabat; & qualiter unusquisque in suo ordine vel opere se haberet sollicitè perquirens, in singulis eos, prout opus esset, vel adjuvabat vel instruebat. Nihil enim ruralis exercitii eum latebat, nullumque artis vel cujuslibet exercitii genus erat in quo ipse non docere aut emendare vel meliorare aliquid posset. Cumque ipsi fratres diversæ valetudinis & qualitatis, diversis quoque laboribus intus & foris & tam longè quàm propè consiste-

LIB. II. rent, ipse tamen omnibus competenter occurrens, negligentes quidem durius increpabat, dubios confirmabat, pusillanimes confortabat, inæstos consolabatur, tristes mulcebat, fessos recreabat, & invitos ad requiem invitabat. Porro studiosos & ad laborem promptissimos nunc à nimio impetu revocabat, nunc ad laborem jocundis sermonibus amplius provocabat. Nam cum sibi contraria sint vana gloria & negligentia, & utraque sint vitia, malebat, quantum ad compendium mali, ex vana gloria aliquid vindicare quam se negligentiae committendo, propheticam illam maledictionem incurere, id est: *Maledictus qui opus Dei facit negliger.* Ita prorsus omnem negligentiam atque desidiam præcipue in juvenibus persequabatur quod, exceptis criminalibus, nihil in vitiis ceteris gravius vindicaret. Si verò per porticum ambulans, vel in quocunque loco olera sive legumina per incuriam elapsa terræque sparsa conspiceret, mox ea incurvus granatim, quantumcunque modica, colligebat; vocatisque quorum culpa deciderant, pro sua eos negligentia durius increpabat. Quod si hospites secum duxisset, aut fortè eo præsentē supervenissent, ingressus coquinam, tam in grangiis quam in abbazia quid vel quantum eis apponi deberet, quidve pauperibus superesse posset, tanta sollicitudine procurabat ne aut rara aut nimia præpararent, & in utroque aut avari aut prodigi apparerent. Quod si tanta illi cura de exterioribus ac minimis erat ne quid negliger aut superflue deperiret, quantam illum putas diligentiam impendere potuisse his quæ ad morum honestatem & animarum pertinerent salutem? Quis enim eo præsentē manum aut pedem indecenter attollere, oculos impudenter erigere, verba incondita proferre, aut nutus vanos exercere præsumeret, ne dicam tur-

piâ verba profundere aut cachinnis ora laxare ? LIB. II.

LIV. Satis ergo cognoscibile est quanta severitate gravia quæque multaret, cum minora ac levia tam districtè judicaret; quamvis quosdam excessus nulla præcedente vel subsequente vindicta plerunque solo terrore corrigeret. quod hoc manifestè liquebit exemplo. Dum quadam sabbati die post completorium officinas circuiret ex more, invenit pistorum in pistrino completo septimanali labore solito lætiores, & arreptis quibusdam lignis in hastarum modum velut inter se decertantes. Quod ipse per foramen aspiciens, cum eum penitus non viderent, facto sono gutturis, ne eos lateret, pertransiit, sed in tanto timore eos reliquit ut unus ex eis statim se ad fugam pararet, non ferens vim futuræ examinationis; sed à fratre socio vix & cum magna difficultate reventus est. Uterque tamen crastina die ad capitulum venit; uterque sponte, non expectato clamore, veniam petiit. Sed cum in iudicio muti astarent, & à sancto interrogati quam causam haberent, hoc tantum responderent, Vos scitis, velut indignans sessum eos abire præcepit. Quid enim fuit quod eos ampliùs non iudicavit, nisi quia sciebat quantum eis timorem præterita nocte incusserit. Nolebat eis addere dolorem super dolorem; ut multi faciunt, qui subjectis tantò graviùs imminet quantò ampliùs pavent, non quia plus rei, sed quia minùs timendi.

LV. Alius frater ex præminentibus graviter fuerat in capitulo verberatus. Cumque postmodum mœstus & amaritudine plenus foras solus sederet, aspiciens eum vir sanctus, & sanare cupiens, ex industria coram eo transire cœpit. Ille, quamquam invitatus, assurgens & simul pergens, neque enim audebat illo coram se transeunte non subsequi, conversus ad eum sanctus dixit: Fortè me ideo se-

L iij

L I B. II. queris ut faciamus pacem? Quo respondente, Nequaquam, absit, non cogitavi, mox apprehensa ejus cervice, strictimque eum amplectens atque deosculans, in tantam dulcedinem cor ejus convertit ut statim ad terram caderet, & amplectens ejus vestigia cum lacrymis veniam peteret pro eo quod contra eum iratus fuisset.

L V I. Sed & quidam monachus cum de monasterio non absque licentia egredi vellet, & sancto Dei pro ipsa licentia quotidie molestus esset, nec ullatenus impetraret, quadam die pro hoc in capitulo veniam petiit. Sed cum vir sanctus nec ei consentire vellet, nec pravam ejus intentionem frangere posset, tandem quasi tædio victus dixit ei. Si ergo verè exire vultis, prius reddite quod debetis. Qui cum diceret, Quid est hoc? Aptate vos, inquit, ad disciplinam. Quod cum fecisset, tam graviter eum verberari fecit ut nullus ibi esset qui non contremisceret. Cumque erectus esset, dixit ei: Iam nunc potestis abire, si placet. Ille verò cum putaretur magis tunc fuisse commotus & ad descendendum amplius incitatus, ita respondit: Nequaquam, Domine, hinc recedam, aut vos dimittam cunctis diebus vitæ meæ. Ita est enim omnis tentatio illa à me funditus extirpata ut nihil unquam minus quàm exire velim. Quis dubitet illa hora diabolus ab eo fuisse exclusum & exturbatum, ac si in illo verberatus fuisset? Ita vir sanctus noverat percutere & sanare, deducere ad inferos & reducere, occidere quodammodo & vivificare, & alios quidem blandimentis, alios increpationibus, alios alacritate, alios severitate, alios beneficiis, alios etiam verberibus corriperebat & ad vitæ semitam reducebat.

L V I I. Sed ut ad propositum redeamus, cunctorum quæ in ejus præsentia gerebantur ipse judex

& testis erat, & aut in præfenti, si differendum LIB. II.
 non esset, aut in posterum opportunè dijudicabat. Propter quod antequam à loco ad quem venerat discessisset, capitulum congregatis fratribus regulari more tenebat; in quo sedens tam districtè culpas examinabat ut nullus esset tam audax tamque de suis meritis vel ejus familiaritate præsumens qui non totus contremisceret cùm prædictum capitulum ingrederetur. Hanc autem administrationis diligentiam in omnibus à se fundatis locis æquali semper jure servabat ut dummodo aut præfens haberetur aut speraretur venturus, semper & ubique ab omnibus timeretur. Si quem verò per immoderatam correctionem aliquantò graviùs contristasset, non quiescebat donec eum blandis sermonibus aut fortè beneficiis vel etiam familiaribus osculis ejus animum mitigaret, ita ut sibi ipse gratularetur bono suo se contristatum fuisse qui tantam propter hoc sancti patris gratiam meruisset. Non tamen hanc gratiam æquè omnibus impendebat, sed quibus expedire cognosceret; quia sunt nonnulli qui instar durissimi silicis, qui frangi quidem malleis potest, sculpi non potest, verberibus coerceri possunt, verbis sive blanditiis suaderi non possunt. Scriptum est enim: *Durum baculo percutere, quia stultus non corrigitur verbis.*

LVI. Ita omnes fratres doctrina & exemplis instruxerat ut non solùm ceteris hominibus seu quibuslibet religiosis, sed & his quos idem ordo & habitus decorabat, insignis conversationis merito dissimiles viderentur. Nam etsi per publicum equitando aut quolibet alio modo incederent, mox unde essent evidentiùs apparebat, cùm eos tam habitus quàm incessus evidentiùs prodidissent. Nullus aliquando imparatus vel absque digna & rationabili causa iter arripiebat, nullus in extraneis lo-

L iij

LIB. II. cis prandere sive manere, nullus per vicos & plateas incedere solitus erat; sed aut per mediam villam vel civitatem operto capite cum disciplina transibant, aut extra per ducentem semitam ad destinatum locum pergebant. Non enim villas tunc temporis ingredi consueverant, nisi eos injuncta aut inevitabilis necessitas compulisset. Si cui casu aliquid loquerentur, tanta sermones suos circumspectione librabant quod nullus eos in verbo capere vel reprehendere posset. Nam quod tanti magistri discipuli ferebantur, hoc ipsum velut argumentum certissimum tenebatur in cunctis eos irreprehensibiles inveniri. Denique matrona quædam nobilis, cum ad fenestram domus suæ cum multis aliis resideret, prospiciens vidit procul duos fratres in religioso habitu equitare. Cumque illi inter se hæsitando quærent ex qua domo vel ordine essent qui eis apparuerant, prædicta matrona incunctanter asseruit eos Obazinenses non esse, quamvis adhuc facie non vidisset, quod in brevi probatum est. Nam protinus affuerunt, & veracem matronam suo testimonio firmaverunt. Videbat enim eos laxius equitare nec religioso more procedere, & ideo non putavit è tanti schola magistri tales discipulos potuisse prodire.


LIX. Quis enim cum aliquando loquentem, stantem, aut ambulantiem, sive aliud quid agentem videret qui non inde aliquid instructionis hauriret? Ut enim de minimis aliqua memoremus, nullum saltim spueri indecenter aut in directum volebat, nullum nudatis dentibus loqui sive ridere, nullum cum strepitu incedere vel manducare, sed nec sedere quemquam nisi per obliquum reducta cuculla; ne aut pannus in loco sessionis citius rumpetur, aut si quid inconueniens subter sedentis dorsum occurreret, hoc ipsum non à tergo sed ab

alia parte minùs turpiter apparet. Nullus, eo Li. II.
præsente, vel in Ecclesia vel in quolibet loco,
ubicunque conventus adesset, incongruè oscitare
vel subridere aut loqui indisciplinatè aut aliquod
negligentiæ vel levitatis signum ostendere prorsus
audebat; nemo de penuria murmurare, vel magi-
stris præcipientibus resistere vel contradicere præ-
sumebat.

LX. Ministri quoque altaris ut honestè induer-
rentur magnopere providebat, vestesque eorum
per semetipsum diligentius componebat, ne in-
compositi atque deformes divinis rebus assisterent
& scandalum videntibus, non ædificationem,
præberent. Ipse verò sacris vestibus ita convenien-
ter apparebat indutus quòd tamquam ei innata
ipsa vestimenta aliquatenus viderentur, ut nullus
deprehenderet, nisi sciret, cuculla eum intrinse-
cus esse vestitum. Cùmque jam ad sacra agenda
ventum esset, mox corde, ore, oculis ad Deum
conversis, manibus quoque, non ut quidam fa-
ciunt, tamquam volaturi, in sublime porrectis,
sed circa se paululùm in modum crucis expansis,
tamdiu fixus in Deo manebat quousque ad sacra sig-
nanda mysteria se aptaret. Iterumque in id ipsum
reversus, non tussim, non suspiria, non gemitus
emittebat, sed purum cor & ardentem lacrymisque
madentem spiritum divinis conspectibus offerebat.
Sicut enim sol ardens oceano se immergit ut inde
clarius surgat, sic ejus spiritus fervens lacrymarum
imbre perfusus ante Dei oculos purior emanabat.
Deinde peracta Missa, mox sanctum altare lintea-
minibus aptissimè componebat, ut nihil ejus inte-
ctum maneret, nihil foras ex linteamine turpiter
promineret, sed cuncta desuper plana deorsum
æqualiter pendentia undique bene parata & pulvere
mundata relinqueret, nihilque circum circa eo dis-

LIB. II.

cedente indecens vel incongruum remaneret. Vestimenta quibus exuebatur, quamquam ministri hinc inde parati assisterent, propriis manibus ipse plicabat; ut & minùs promptos hac sedulitate instrueret, & exemplum aliis daret ne quis, quantislibet occupationibus implicatus, hoc facere recusaret. Hæc & his similia vir iste beatus factis magis quàm verbis docebat, quæ & hic proferimus, non tantùm ad ejus laudem, quantum ad aliorum instructionem; ut qui hæc legerint, discant in minimis quid in maximis debeant imitari. Multa sunt & alia honestatis ac probitatis insignia exemplo conversationis ejus velut quodam speculo designata, quæ indocti minùsque devoti facilè spernunt, devoti & eruditi auro cariùs ambiunt, nec inter minima reputant quæ non minimum in rebus etiam maximis decorem & utilitatem præstant. Præbent enim legentibus & audientibus ad incitamentum virtutum majorem instructionem quàm si centum aut eo ampliùs cæcos illuminatos totidemque surdos aut mutos sanatos legerent vel audirent; non quòd isti sancto miracula defuerunt, sicut ex paucis quæ retulimus, plura quæ non memoravimus intelligi possunt. Quia verò de vita & actibus tanti patris multa jam dicta sunt, hic ponere finem placeat; ut deinceps quæ restant alio incipiantur exordio. Urget enim tempus, & ratio postulat ut tandem ad ejus obitum stilum vertamus; ut qui vitam ejus imitari aut noluerunt aut nequiverunt, exemplo gloriosæ mortis ejus provocentur ad meliora. *Explicit liber secundus.*



Incipit præfatio in tertio libro.

Satis superque jam diximus de vita & actibus
olim prædestinati & suo tempore præsentati
domni Stephani primi Obazinensium patris, duo-
bus præcedentibus libellis; non quòd omnia quæ
de illo dici vel scribi poterant hic censuerimus re-
ferenda, sed ut tanti viri conversatio non lateret
posteris ad ædificationem, quæ, quandiu vixit,
multis profuit ad salutem. Diximus superiùs, in
proëmio libri secundi, quibus ex causis vel quibus
præcipientibus hoc tantum opus aggressi fuerimus;
quia si hoc nostra auctoritate compegissemus, ir-
ridendum esset potiùs quàm scribendum, dig-
numque meritò cui aures publicæ non paterent.
Nulla est enim auctoritas monachi absque præci-
pientis imperio; quod sicut temeritas est prævenire,
sic præterire contemptus; ubi licèt nos ab hoc
opere multis modis excusare possemus, tamen hu-
jus rei periculum in Dei ponentes iudicio & sancti
patris auxilio, ea fiducia qua duos jam libellos
utcumque peregrimus, etiam hunc tertium, qualis-
cunque futurus sit, nos explicaturos speramus; nec
tam timemus ejus offensam pro temeritate quàm in
illius confidimus gratia pro devotione; ut sicut
quondam sanctus Martinus suo Severo adhuc vi-
venti apparens, libellum quem de ejus vita scrip-
serat, dextera præferebat; sic nobis post transi-
tum in angustia constitutis occurrat, & hujus scrip-
tionis laborem in statera appendens, deprimentia
pondera peccatorum sursum attollat, nosque per
Dei misericordiam æternis suppliciis erutos perpe-
tue vitæ restituat. Non immeritò tamen beatum
Martinum huic præfatiunculæ inferendum putavi-
mus, cujus gloriosum transitum in hujus honora-

LIB. III. bili exitu magna ex parte demonstraturi sumus. Ille enim non in sua sede, sed in Ecclesia procul posita sui juris, pace inter Clericos constituta, ex hoc mundo transiit; hic non in propria, sed in alia sui juris abbatia, Abbate ibi, quo diu caruerat; ordinato, ad Dominum emigravit. Ille media nocte dominica, iste media nocte dominica. Illum monachi & discipuli, istum monachi & discipuli, utrumque innumerabiles populi clamoribus in cœlum sublatis communi lamentatione planxerunt, & per longissimos viæ circuitus deduxerunt, postque dignas exequias dignis, ut dignum erat, tumulis condiderunt. Vnde nulli, rogo, molestum sit si ipsum transitum latius & ut sic dicam minutius descripserimus: quia etsi fastidientibus erit fortassis indignum, devotis tamen & sanctum piè amantibus, quantumcunque prolixum sit, non erit, ut credo, ingratum. *Explicit prefatio.*

Incipit liber tertius.

I. Cùm igitur vir beatus de hoc mundo transiurus esset, una ex abbatibus superius memoratis proprio pastore longo jam tempore fuerat destituta; quam visitare cupiens, ut eam legitimè ordinaret, quamquam finem dierum suorum, ut de Martino legitur, imminere non ignoraret, instantibus sollemnibus jejniis, quando cineres dari solent, cum quibusdam Abbatibus illò profectus est. Cùmque jam de re propter quam venerant tractaretur, & monachi inter se non convenirent ut ex his qui præsentes erant Abbatem assumerent, missum est retro ad monasterium ut inde Prior & alii quidam ad hoc idonei adducerentur. Interim dominus Stephanus ad visitandum Archipresbyterum regionis infirmum rogatus perrexerat; atque inde re-

gressus, corporalem molestiam statim incurrit. Exhausta enim jejuniis membra febris invaserat, quam & labor corporis & frigoris algor intimis medullis paulatim infuderat. Cùmque in crastinum electio pararetur, jam enim advenerant pro quibus fuerat destinatum, porro ipse tota nocte gravi incommodo teneretur, non tamen tam necessarium opus censuit differendum, ne fortè eo moriente aut penitus frustraretur aut negligentius impleretur. Sed quia eorum capitulo interesse non poterat, Abbati cuidam, qui auctoritate ceteris præminebat, hanc ordinationem commisit ut quem ipse jam cum consilio fratrum elegerat, ab eodem Abbate pastor ibi statueretur, quod statim absque mora vel contradictione aliqua feliciter est impletum.

II. Exinde vir sanctus morbo invalescente gravius agere cœpit. Propter quod ex communi domo in liberiores cellam translatus est. Fama quoque ægritudinis ejus cùm ubique nuntiis discurrentibus percrebuisset, postquam ad Obazinensium aures pervenit, vehementer omnes afflicti & ultrà quàm credi possit conturbati sunt. Quomodo enim quamvis tutissimus grex tanto moriente pastore non turbaretur, cùm scriptum sit: *Percutiam pastorem, & dispergentur oves.* Multi enim jam non expetita licentia ad ipsum certatim pergebant vel potiùs confluebant, ultimam saltem benedictionem, & si aliud tunc non poterant, lucraturi. Quos ille, ut pius pater, tamquam devotos filios benignè suscipiebat, & singulos quosque benedicens, tactu blandissimo confovebat. Ceteri verò qui remanserant, planctibus & ululatibus perstrepebant, & tamquam finis mundi instaret, omnes penè sua opera reliquerant, & solis fletibus hinc inde vacabant. Et re vera quasi finis mundi quodam modo videbatur adesse eis qui tanto privabantur parente; quia

cum quo familiariter ac dulciter vixerant, qualiter post ejus mortem viverent nesciebant. Videres omnes angulos gemitibus impleri, suspiria suspiriis jungi, & communi lamentatione totius loci desolationem ab omnibus deplorari. Velut enim in die parasceve, silentio cuncti vacabant, si quando à lacrymis temperarent. Nullus obviantium solitus erat occursum, nulla salutatio, nulla consolatio erat. Si quando seniores juniores fratres consolari voluissent, statim & ipsi lacrymis complebantur & cum eis pariter concidebant. Per omnes Missas pro ipsius vita generalis oratio percurrerebat, & tam publicè quàm privatim nihil aliud petebatur nisi ut grex tutorem non perderet & oves desolatæ pastorem, parvuli matrem, filii patrem, Abbatem monachi, discipuli doctorem, locus etiam protectorem, domusque rectorem, & navis jam penè contracta optimum gubernatorem. Hæc enim omnia illis semper extiterat, ut cum Apostolo dicere posset: *Omnia omnia factus sum ut omnes facerem salvos.* Hoc autem eos durius affligebat, quòd cum fortè nuntium de eo acciperent qui diceret eum desperabiliter ægrotare, facto mane alius veniebat dicens eum meliùs jam habere; & cum se quasi ad gaudium præpararent, iterum serò desperationis nuntius veniebat, qui eis omnem spem quam de eo conceperant adimebat. Deus enim, qui omnia potest, qui scit omnia antequam fiant, & qui se diligentibus omnia cooperatur in bonum, sic procuravit ut & pastor optata quiete frueretur & oves non destituerentur nec locus desolaretur, sed potius merito boni pastoris ampliori quàm priùs rerum prosperitate & fratrum numerositate polleret. Nam & Dominus noster ante passionem suam discipulis suis dicebat: *Expedi vobis ut ego vadam. Si enim non abiero, paraclitus non veniet ad vos. Si autem*

abiero, mittam eum ad vos. Et scimus quia post passionem ejus discipuli omnesque credentes magis multiplicati ac roborati sunt quàm fuerant toto tempore dominicæ prædicationis. Ipse enim in eis operabatur qui antè promiserat dicens : *Ecce ego vobiscum sum omnibus diebus usque ad consummationem seculi.* Sic iste sanctus pater præsentior & potentior futurus eis erat post depositionem quos quasi orphanos tunc relinquebat.

III. Cùm ergo idem beatus vi febrium acriùs urgeretur, gaudebat quidem quòd ad desiderata bona transiret, sed dolebat quòd suos desolatos & quasi orbatos relinqueret. Propter quod protensis in cœlum oculis ac manibus Dominum deprecabatur ut locum sibi creditum semper illustraret atque protegeret, & ovibus quas per illum hætenus aggregaverat, ipse benignus pastor existeret, & sua eas providentia gubernaret. Astabant ei omnes fratres, præcipuè qui de ejus monasterio venerant, flentes inconsolabiliter ac dicentes : Cur nos pater deseris, aut cui nos desolatos relinquis ? Sufficiebat nobis paupertas nostra, ut divitias computaremus quòd te videremus pastorem & gubernatorem animarum nostrarum. Et nunc post te quid faciemus, vel ad quem in tribulatione nostra confugiemus ? Porro ipse in quantum poterat eos consolabatur & instruebat, præcipiens eis ut Deum semper timerent, & ipse eos liberaret ab omni malo. Nam & se ipsum eis dicebat præsentiozem futurum post mortem & cuncta necessaria diligentius provisorum, si tamen illi assiduis precibus obtinerent quatinus ipse æterna requie frueretur. Cùmque illum rogarent ut fratribus Obazinæ, quos orbatos utique relinquebat, ultima saltem mandata dirigeret, ipse nihil aliud eis præcipiebat nisi ut sancti ordinis quem susceperant statuta firmiter custodirent,

Lib. III. & sanctæ paupertatis atque humilitatis observantiam non deferrent, obedientiæ quoque ac disciplinæ censuram omnibus modis servarent, & ut semper pro se Dominum exorarent. Hoc enim eis tunc promisit, quod nullum unquam legimus promisisse; quia scilicet si tantum pro se Deum roga- rent ut salvus fieret, quod ipse omnibus, præcipuè intra monasterium morientibus, æternam à Domi- no, confusus de ejus misericordia, obtineret salu- tem. Propter quod præcipiendo monebat ne à mo- nasterii habitatione ullus unquam discederet, præ- cipuè sanctimoniales feminas, quæ nuper commo- tionem assumpserant ut pars earum tamquam me- lius Domino servitura alibi commigraret. Audie- rant enim, sed falso, quantum nunc evidenter ap- paret, omnes quidem quæ in præsentierant inibi permansuras, sed nullas deinceps admittendas. un- de quasi perpetuandæ, multis & magnis auctorita- tibus fultæ, alium locum sibi met elegerunt, quem eis ex communi possessione Abbatunc Geraldus cum consilio fratrum jam delegaverat omnibus tunc bonis repletum, sed post non ita. Qualiter au- tem vel quibus auctoribus à monasterio recesserint, qualiterque in loco sibi placito conversatæ fuerint, vel qualiter post multas egestatis angustias ad mo- nasterium proprium remeaverint, quamque mise- ricorditer & benignè receptæ fuerint, sicut filius ille prodigus qui dissipavit substantiam suam non rectè, hic referendum non est, sed magis quod cœpinus explicandum.

IV. Visitantium servum Dei in infirmitate posi- tum finis non erat, cum tamen nonnisi religiosi vel quos devotio traxerat admitterentur. Nonnulli im- mo quamplurimi cereos deferebant sacro ejus fu- neri profuturos, omnesque eum non aliter quàm totius patriæ tutorem ac provisorem deslebant. Et quia

quia tempus rasuræ præterierat, ipse verò propter infirmitatem radi permissus non fuerat, incumbente jam morte radi se incunctanter præcepit, ut corpus ægrum magis excruciarer, & ad Dominum continuo migraturus novus & coronatus intraret. Quod divino nutu factum non dubitamus, ut saltem ex ejus capillis reliquias haberemus. Cuncti enim diligenter collecti sunt & diligentius reservati, multisque postmodum infirmitatibus profuerunt. Cùmque jam morti evidentiùs propinquaret, ad ipsius petitionem oleo sancto perunctus est, & sacræ communionis perceptione munitus. Exinde post modicum pulsata tabula, omnes undique convenerunt, & letanias cum magno fletu agere coram eo cœperunt; quas ipse quidem frequentius repeti faciebat, & cum eis moriens prout poterat decantabat. Cùmque jam penitus defecisset, apprehensa quidam ejus dextera monasterium omnesque fratres signabar, ipso quantum poterat annitente & benedictionis verba frigescentibus labiis vix tenuiter profundente. Sicque inter benedicendum & orandum sancta illa anima carne soluta est.

V. Igitur venerabilis pater Stephanus migravit ad Dominum VIII. Idus Martii, lætantibus cœlis, terris plorantibus, illis pro admissio concive, istis pro amisso pastore. Transiit autem circa mediam noctem, Dominica secunda quadragesimæ, anno ab incarnatione Domini millesimo centesimo quinquagesimo nono. Corpus ejus ex more compositum & sacerdotalibus indutum quantum noctis supererat in Ecclesia est observatum, omnibus fratribus cum quibusdam Abbatibus qui convenerant devotè assistantibus & vigilas cum cereorum apparatu solemniter coram eo agentibus. Manè autem facto, dictis ex more Missis, tractare cœperunt qualiter corpus ejus ad Obazinense monasterium deferretur.

LIB. III. Verùm quia inter utrumque monasterium duorum dierum iter erat, quidam velut providi consulebant ut animalia fortia quærentur, quæ ipsum per tanti itineris spatium faciliè bajularent. Ceteri verò, & præcipuè Abbas loci, contradicebant, asserentes indignum esse ut corpus sanctum & habitaculum quondam spiritus sancti irrationabilium jumentorum veheretur dorsis, dicentes nunquam defuturos qui illud certatim deferrent, dum tamen hoc ipsi à monasterio decenter & cum honore efferrent. Quod dictum cum omnibus placuisset, statim apprehensam sancti corporis glebam cum grandi psallentio exierunt, Abbatibus, monachis, & reliquis fratribus præeuntibus & subsequenteribus cum maxima multitudine Clericorum simul ac laicorum qui ad tanti patris exequias ex diversis locis se convenisse gaudebant. Quia verò illud monasterium in devexo aliquantum loco positum erat, mox ut ad altiora & planiora venerunt, statim omnes pastores regionis illius, pueri pariter & puellæ, relictis gregibus, ad sancti funus summa cum festinatione currebant, & sub feretro se ingerentes, velociter in alteram partem transibant. Cumque hoc perpetrassent, iterum sanctificandi hoc ipso aditu remeabant, & cum turbis ambulantes aliquantulum properabant. Quod videntes ceteri, exemplo priorum edocti, certatim sese impellentes sub sancti feretro cum impetu transiebant & iterum remeabant. Non tamen frustra & absque fidei suæ mercede hoc facere potuerunt. Multi enim sic transiendo diversis infirmitatibus liberati sunt, quorum vel nomina vel numerum personarum vel diversitates morborum hic referre onerosum & difficile visum fuit. Quia verò per totum illud iter multa oppida, multi vici extabant, omnes habitatores eorum, utpote feriati dominica die, ad tam glorio-

sum spectaculum undique concurrebant & gradientium agmini se admiscebant. Per omnes Ecclesias ac monasteria per quæ transitori erant, signa illico omnia concrepabant tam repentino fragore ut putarentur non humana manu pulsari, sed divinitus commoveri. Sacerdotes cum stolis, Clerici cum vestibus albis, monachi decenter ornati cum crucibus & thuribulis obviam sancto corpori longius procedebant, nec absolvendi aut quodlibet officium peragendi ulla erat facultas. Tantus erat crepitus signorum & concursus clamorque turbarum plangentium. Omnis siquidem terra luctibus personabat, aliis qui illum melius noverant desolationem patriæ deplorantibus, aliis pro ipso miraculo, cum viderent tam exigui corporis hominem ita glorificari ut præclarius esset universa terra, mundoque major & cælo ipso altior videretur. Nec solum homines plangebant eum, sed & jumenta. Nam audiui ab his qui viderunt quod jumentum quo sedere consueverat ante tres dies mortis ejus totidemque post mortem multas lacrymas fuderit, quodam modo indicans prius quid esset futurum, & post designans quod erat jam factum. Quid dicam de glorioso ejus corpore, quando pro vili suppellectili tam atrociter decertabant, propter quod ad ferendum eum facilis accessus non erat, cum defensores undique cum fustibus imminerent, propter importunè scilicet irruentes & de sancti reliquiis aliquid auferre tentantes. Erat tamen non modica consolatio, summis saltem digitis vel feretrum contigisse. Tunc manifestè clarebat quod Abbas ille vel ceteri dixerant, nunquam scilicet defuturos qui sancti corpus certatim deferrent. Verum ut sciant quanto ardore ejus reliquias ambiebant, quidam ex magnatibus marcam argenti promisit si quis calciamenti ejus sibi corrigiam detulisset. Plures etiam

LIB III. sponte se & ex industria discalciabant, sicque per scopulos & acutissimas petras cum sancto pergentes non absque cruore & vulneribus remeabant. Nec miranda est hæc in viris fides, cum mulieres tanta devotione certaverint. Matronæ siquidem nobilissimæ, relictis thalamis, & deposita feminei sexus verecundia, properantes passim cum viris ad sancti funus ardenter currebant; & quæ prius præ teneritudine incedere non valebant, nunc per paludes & quæque difficilia loca incunctanter pergebant, non pretiosis vestibis deferentes, sed cunctum earum nitorem per lutum traicientes, dum tamquam pro reliquiis ducerent quicquid in sancti obsequiis scissum vel infectum monstrare potuissent; sed & sancti feretrum viriliter apprehendebant, & per multa viarum spatia viris fortiùs supportabant. Hoc fecit Vicecomitissa terræ illius domina; quæ cum magnis & incurabilibus morbis in locis secretioribus teneretur, tantam ex tunc & deinceps virtutem consecuta est ut usque in hodiernum diem sanissima perseveret. Hæc summis precibus ambiebat ut in una Ecclesiarum suarum cum sacro funere pernoctaret, quatinus omnem terram illam ad exequias invitaret, & in via expensas omnes præberet. Quod impetrare non potuit, eò quòd fratres ad proximam grangiam, quæ in medio itineris posita erat, ad pernoctandum exissent, timentes ne fortè aliquam à muliere violentiam sustinerent. Illa tamen quod ei supererat implere non distulit, panes scilicet vel quæque necessaria tam hominibus quàm jumentis ad metatum transmittens. Pisces ad hoc sexaginta tantùm allati sunt, è quibus ducentis nec minùs viris singuli provenerunt. Porro vini non nisi unum vasculum habebat ex his quos geminos portare asinus solet; quod in vase effusum in tantum sancti virtute prævaluit ut quingentos & ampliùs

Margareta
Vicecomi-
tissa Com-
bornensis,
sepulta
apud Obaz-
zinam.

viros per totam noctem sufficienter potaret, & plurimum in crastinum superesset. Corpus verò non in fratrum habitaculis, sed in amplissima domo quæ exterius habebatur positum est; ut & plures reciperentur, & devotis mulieribus aditus non vetaretur; quæ scilicet domus cum tota esset lignea & paleis cooperta, deorsum verò ob sancti honorem & adventantium requiem eisdem paleis usque ad genua strata, tantam cereorum ardentium multitudinem continebat ut deforis aspicientibus tamquam rogius ingens exterius appareret. quod cunctis mirabilibus mirabilius æstimo, ut inter tantam copiam palearum, inter tot viros dormientes ac semivigilantes, ignis nocere nihil potuerit. Nam & qui vigilabant, sacris excubiis circa sanctum corpus occupati erant, ceteri verò in circuitu eorum semivigilabant aut penitus dormiebant. Deinde cum jam nox initium daret, omnes Clerici albis, plures sericis cappis induti, primas vigilias sollemniter peregerunt; quibus finitis, ceteri qui remanserant, & qui tunc ex diversis locis convenerant, sicut per totam noctem confluere non cessabant, ad alias vigilias se præparabant. Sic per totam noctem alternantibus vigiliis, sacræ excubiæ non cessabant, ut tam à vocibus Clericorum psallentium quàm ab splendore coruscantium lampadarum ipsa nox dici claritatem ac dignitatem assumeret, sicut scriptum est: *Quia tenebræ non obscurabuntur à te, & nox sicut dies illuminabitur.*

VI. Mane verò surgentes, assumpto sancti corpore ad Obazinense monasterium quantocius properabant. In Tutelensi autem cœnobio expectabatur, eò quòd Abbas ille & monachi obtinuerant ut in eorum Ecclesia aliquandiu poneretur. Cumque ibidem appropinquassent, mox signis sonantibus, omnes monachi sollemniter induti cum crucibus &

M iij

L I B III. thymiamateriis & cum omni populo obviam sancto corpori longius processerunt. Condixerant tamen, ut postea claruit, ut illud violenter in Ecclesia detinerent, aut aliquid pro reliquiis ex eo auferrent. Quod fratres praesentientes, statim illud post factam absolutionem humeris sustulerunt, & retro conversi, via qua venerant redierunt.

VII. Apud Obazinam nonnisi feria secunda illucescente transitus beati viri innotuit. Vnde statim dicta Missa, post primam omnes à minimo usque ad maximum praecunte cruce cum fletu & ejulatu obviam sancto patri usque ad duo miliaria processerunt, psalmos per totum iter prout in tali discrimine poterant decantantes. Statuerant enim non se nisi cum sancti funere reversuros; & quamquam eos aliqui fratrum à sancto venientium deturbarent & retro ire compellerent dicentes eum vix tandem serò venturum, nunquam potuerunt eos à cœpto itinere revocare. Cùmque jam fessi in cuiusdam promontorii planitiem devenissent, repente levatis oculis vident cum grandi caterva sancti funeris apparatus à monasterio illo exire & ad se quantocius properare. Advenerat ibi & multitudo nobilium virorum cum aliis innumeris utriusque sexus atque ætatis; quorum plurimi cereos novos detulerant, & adventum sancti cum monachis & cum omni populo accensis luminaribus expectabant. Et ecce dum apparet, dum praesto est, dum tangi potest, tantus repente clamor exortus est ut putaretur non solum terra sed & cœlum aliquatenus commoveri. Fateor, nunquam audiivi tam magnam tamque terribilem vociferationem, tam magnum luctum, tantum clamorem, tantam denique insimul lacrymarum effusionem. Quis enim tam ferreum pectus haberet qui videns tot filios circa patrem piissimum lamentantes & defuncti exuvias

vacuis spebus ac inanibus amplexantes temperare LIB. III.
se à lacrymis posset? Nam & qui in equis adven-
rant, dimissis habenis ad terram cadebant, eamque
lacrymis irrigantes, intolerabiles gemitus profun-
debant. Iam inter fratres nullus ordo, nulla disci-
plina, nulla moderatio erat, dum sanctum non jam
manibus sed & dentibus quoque appeterent, ip-
sumque feretrum more freneticorum impatienter
morderent. ac nisi defensores obsisterent non mi-
nùs monachos quàm turbas percutientes ac re-
pellentes, parum minus esset quin eum morsibus
totum dilaniassent. Et quia totus sacerdotalibus
erat opertus, sola manus osculanda cunctis patebat;
quæ tamen ita adhuc tepida atque flexibilis erat ut
in nullo à viventis alicujus manibus discreparet.
Itaque avulsum potiùs quàm assumptum sancti cor-
pus viæ reddiderunt, ad Obazinense monasterium
cum omni populo festinantes.

VIII. Ergo cùm ad monasterium unà cum co-
pervenissemus, venerabilis dominus Geraldus Abbas
longè superiùs memoratus, qui tunc advenerat,
cum paucis qui remanserant & cum multis aliis qui
convenerant foras ad novum monasterium indutus
sacris vestibus expectabat. Videns autem feretrum
adesse & sanctum in eo jacere, quem semper vi-
dere consueverat in domo vel in opere Domini fir-
miter stare, cùm eum absolvere parat, repentè
concidit, & super feretrum velut exanimis corruit.
Tunc renovatur luctus omnium, & quasi antè nihil
fecissent, non minores quàm in illo monte voces
clamoris & ejulatus emittebant. Habet hoc huma-
nus animus ut quamvis fuerit luctu & lacrymis sa-
tius, postquam alios plorare conspexerit, se à
fletu temperare non possit, non cessantibus lacry-
mis ubi lacrymarum causæ non cessant. Tandem
Abbas in se reversus, vix quidem absolutionis ver-

L I B. III. ba depromere valuit, & beatum virum ut facultas fuit absolvit. Verùm quia novum monasterium extra terminos habebatur, idem corpus venerandum propter expectantes populos & præcipuè mulieres usque ad vesperam observabant. Deinde incumbente jam nocte ad Ecclesiam cum psallentio & magno honore defertur, ibique tota nocte illa & sequenti die similiter cum nocte usque in quartam feriam incessabilibus excubiis adservatur; in qua Ecclesia, quandiu ibi fuit, solitus ordo teneri non potuit. tantus erat concursus turbarum vota deferentium, manus & feretrum osculantium, & sub eo sæpius transeuntium, dum coram eo tamquam adhuc vivente querelas suas deponerent, ejusque suffragia implorarent. Sed & illis egredientibus, alii subintrabant, & post illos alii atque alii, ut inter intrantium & exeuntium frequentiam nulla requies esset. Quòd si aliquis eos prohibere tentasset, credo quòd cuncta obstacula violenter effringerent & graviolem ruinam inferrent. Multi sanè infirmi tam ex fratribus monasterii quàm ex conflua turba sanati sunt, alii à contractione, alii à tumore, alii à capitis dolore & diversarum febrium invasione, vel ab ipsa mentis alienatione. Horum nomina vel numerus personarum quæ tam ibi vel dormiendo vel sub feretrum transeundo, sive dum tenetur foris, vel per totum iter sanati sunt, colligi non potuerunt ut possent describi, vel propter multitudinem copiosam, vel quia non fuit qui de talibus curam haberet, præsertim cùm non esset tunc qui vitam illius describere statueret vel cogitaret. Mansit ita biduo sub excubiis, non propter expectationem populi, sed propter apparatus sepulcri, & ut quidam Abbates longiùs commanentes saltim ad sepulturam occurrerent, sicut fecerunt. Omnes enim tunc præsentcs fuerunt.

IX. Itaque feria quarta hebdomadæ secundæ LIB. III.
quadragessimæ, dicta generali Missa, & à cunctis
Abbatibus qui ex diversis partibus vel ordinibus ve-
nerant facta sollemniter absolutione, (nam Episco-
pus tunc in illa regione non erat) beati viri corpus
in capitulum tumulandum defertur, & in sarcopha-
go lapideo collocatur. Aderant cum fratrum ca-
tervis & monachorum agminibus multa milia ho-
minum: qui dum cuncta interiùs exteriùsque com-
plerent, ita per claustrum & juxta capitulum con-
globati erant ut omnem diurnæ lucis splendorem,
excepto quod ex cereis fundebatur, obnubilarent
& psallentium voces luctuosis clamoribus suffoca-
rent. Eo igitur sic tumulto, stramenta funeris sta-
tim direpta sunt & & minutatim concisa, singulis
prout quisque potuit partes sibi rapientibus, & pro
his inter se pertinaciter dimicantibus. Nam & ip-
sum feretrum ferris defectum & ferramentis incisum
in minutis partibus est ablatum, ut ipsas quoque
minutias à ferræ dentibus decidentes in panniculis
ligarent & secum auferrent. Tanta erat fides & de-
votio populi ut nihil quod sancti corpus attigerat à
beneficiis vacuum deputeret.

X. His ita peractis, populus omnis abcessit,
& monachi circa tumulum congregati psalmos per
totam diem, ut mos est in parasceve, usque ad
vesperam decantarunt. Sed & cerei ardentes tota
die illa & nocte inibi permanferunt, ita ut usque in
hodiernum diem omnibus noctibus aut olei aut ce-
ræ aut insimul lumen ibi nunquam deficiat. Nihil
horum ex monasterio impenditur, totum à foris
ministratur, tam ab his qui ad tumulum devotè ac
frequenter occurrunt quàm ab his qui multas ibi
sanitates percipiunt. Sed & hi qui in domibus suis
per invocationem ejus sanantur, candelas suas ibi
transmittunt aut per se deferunt, tam ante sanita-

LIB. III. tem quàm postea , priùs poscendo , postea gratias redhibendo. Nec tantùm homines pro hominibus deprecantur , sed & pro jumentis sive pecoribus malè habentibus , pro quibus & candelas transmittunt ; ut impleatur quod scriptum est : *Homines & jumenta salvabis , Domine.* Non tamen vel pro eis frustra supplicare noscuntur. Nam & infirma statim sanantur , & sana deinceps non incurrunt. Sed & tempore barbaricæ persecutionis , cùm hostilis immanitas cuncta circumquaque vastaret , quidam ad eum confugientes & ejus patrocinium referentes , nec rerum amissionem nec captivitatem experti sunt , cùm ceteri quique bona simul cuncta amitterent , multi rebus perditis , ipsi in captivitatem hostium devenirent , nonnullis etiam in vinculis & ergastulis positis , ita ut pedes eorum artissimo constringantur ligno , statim invocatus adest , præcipiens eis ut surgant & lignum quo capti tenentur ipsi trahant , quodque eos tamquam putridum sequitur statim dissolutum. Cùmque jam liberi causari cœperint dicentes , Quomodo hinc eximus , Domine , cùm cuncta obserata sint , & custodes hinc inde observent , mox ducit eos ad quoddam posticium , & quod vix securibus ac feramentis excidi poterat , nunc levi manus impulsione facilè dissolvitur , ita ut ipse ducat eos per medias turbas eorum qui se ceperant , nullusque eorum saltim quò pergat interroget , nedum tenere præsumat. Hoc uni ex fratribus nostris ita per omnia contigit , qui nuper defunctus est , propter quam præcipuè causam ad conversionem venit ; & cùm solus hoc modo liberatus non sit , ut multorum testimonio comprobatur , nos tamen eorum quos similiter sancti virtus absolvit nec personas recolimus , nec rei gestæ veritatem ab ipsorum ore tam evidenter agnovimus. Tamen cùm ad hoc ventum

fuerit, quorundam liberationem evidentiùs proferemus; ut ex his plures alii intelligantur quos similiter liberatos audivimus, nec tamen recolimus. Nunc de his quæ post transitum ejus de eo visa sunt, & quomodo quibusdam sæpe apparuit, & apparendo sanitatem præstitit, referendum est.

LIB. III.

XI. Quidam frater cùm post obitum ejus nimia mœstitudine teneretur, ex ista mœstitia soporato astitit vir beatus in visu, dicens ad eum: Quid habes, frater, quòd tanto mœrore deprimeris? Cui ille respondit: Mœsti sumus, inquit, Domine, & vehementer afflicti, quia nos tam citò deserere voluisti, cùm posses nobis adhuc diù vivere & monasterium tuum prosperè & feliciter gubernare. Ad quem sanctus, Ergo, inquit, non videor tibi Abbas esse sicut me semper videre consuevisti? Cui frater: Verè si Abbas noster es, ut quid modò alium in sede tua videmus? Tum sanctus jocundo ore & quasi subridens ita illi respondit: Ego vos propter Abbatem istum non deserui nec desero, sed etiam quocunque ille perrexerit, ego semper vobiscum permaneo.

XII. Dominus Rotbertus Abbas tunc de Frainedia, qui tertia post ordinatione nostro monasterio præfuit, cùm peracta sepultura ejusdem sanctissimi patris in refectorio cum fratribus ad mensam sederet, ut in tali eventu accidere solet, tædio ac mœrore oppressus paululùm obdormivit. Cui repenti apparuerunt duo fratres nostri qui ante aliquot annos obierant, unus Sacerdos, alter Diaconus, olim nobis familiariter noti, sancti atque religiosi: qui cùm causas mœstitiæ ejus hilari vultu requirerent, & ille decessum viri sancti & communem orbitatem lacrymabiliter prosequeretur, dicunt ei: Scias, Domine, quia quanta est apud

LIB. III. vos de ejus abscessu tristitia, tanta est de ipsius præsentia apud nos ubique lætitia.

XIII. Alius frater, laicus quidem, sed vir simplex & innocens, virum sanctum singulariter diligebat, atque ab ipso unice amabatur. Hic cum ad vigiliis die quadam dominica ante alios surgeret, ac juxta claustrum monachorum, sicut mos est, transiret, audivit voces psallentium veluti processionem agentium monachorum; inter quas viri Dei vox, velut processionem ipsam regentis, clariùs ac robustiùs personabat. Et quia idem claustrum, utpote nocturnis horis, obseratum erat, festinanter ad Ecclesiam perrexerit, ut inde commodiùs psallentium voces audiret & virum Dei, si fieri posset, in sua sede stantem videret. Sed cum intrasset, voces illæ conticuerunt & ultra audiri non potuerunt. Unde manifestum est tam ex piorum visione quàm ex istius certo auditu virum Dei huic loco nunquam deesse & tam in Ecclesia quàm in claustro, nobis licet dormientibus, divinæ laudis officia decantare.

XIV. Quidam frater juvenis ac robustus carucis boum præerat, qui vel propter oneris sublevationem vel propter aliud quid rupturam incurrit, ita ut fieret ponderosus vel, ut dicitur manifestiùs, herniosus. Cumque pondus ipsum super inguinem promineret ac de die in diem magis magisque succresceret, cœpit frater ille incessu gravari & animo contabescere, cum rem ipsam prodere erubesceret, & propter magnitudinem mali dissimulare non posset. Verùm quia tale incommodum absque incisione curari non valet, quæ olim in nostro ordine interdicta fuit, ampliùs ex hoc anxibatur; quia & infirmitas illum gravabat, & medendi spes nulla erat. Quapropter humano destitutus, ad divinum confu-

git auxilium, sanctumque patrem Stephanum tumulo ejus crebrius advolutus assidue precabatur ut sibi in tanta afflictione posito salutari remedio subveniret. Quadam igitur nocte ei vir sanctus apparuit, & cur se tot clamoribus fatigaret, vel quam ob causam ita mœstus maneret, tamquam inscius requirere cœpit. Qui cum ei omnem passionem suam exposuisset, talem ab eo consolationem accepit: Noli fili, inquit, nimium mœstus esse pro hac incommoditate. in proximo est enim ut à Deo cureris. Evigilans autem frater nihil quidem remedii sibi provenisse deprehendit; quia tamen virum Dei videre meruit & pro hac ejus consolatione non mediocriter lætabatur. Post non multum verò temporis iterum ei modo quo prius apparuit, inquirens ab eo quomodo se haberet. Ille verò visitationi quidem ejus gratias agit, & tamen adhuc in nullo adjutum se fore respondet. Tunc sanctus divino nutu prominentem strumam salubri tactu compressam ac velut in sese refusam perfectè sanavit, eique dixit: Surge, & amplius noli vacare, sed opus tibi injunctum strenuè adimplere stude. Ad hanc vocem statim expergefactus surrexit, & tacto infirmitatis loco, ita se exterius complanatum & interius solidatum reperit ac si nihil unquam tale perpeffus fuisset. Hoc ego ab ipsius Abbatis nostri ore nuper audi, ut frater qui dudum vultu pallidus ac morituro similis apparebat, nunc fortis & alacer opus suum validius exsequatur.

XV. Sanctimonialibus quoque feminis infirmantibus nonnunquam apparet, maximè cum aliqua ex his in extremis posita jacet. Nuper mihi quædam retulit quòd cum aliqua ex sororibus in extremis esset, omnesque eam more solito circumstarent, dictis letaniis & psalmis, cum ipsa adhuc superesset, omnes ad stratus suos redierunt; cumque & ipsa

LIB. III. quæ hæc referebat sese discalcians collocare vellet ; & tamen pro sorore illa sollicita esset , repente vir sanctus ante lectum ejus astitit , eique dixit : Surge quantocius , quia soror illa modò recedit. Quo dicto , mox tabulæ sonus increpuit , & soror illa ceteris congregatis & orantibus in pace quievit.

XVI. Alio quoque tempore una ex infirmantibus , incumbente jam nocte , quibusdam sororibus pro expectatione mortis ad custodiendum tradita est. Sed cum eam ipsa nocte mori non crederent , paulatim custodiam remiserunt , & circa lectum ejus omnes ad dormiendum se composuerunt. Circa medium verò noctis sollicitus pater sanctus cuidam in dormitorio , nescio utrum dormienti an vigilianti , apparuit , eique ut surgeret imperavit. Illa verò pigritante ac differente , stramenta ei avellere cœpit , eique dixit : Surge velociter , & candelam accende , ac cinerem sterne , quia soror illa continuo est moritura. Mox illa turbata surrexit , & cum se tenebris circumseptam videret , dixit : Et quomodo possum , Domine , candelam accendere , quia lumen dormitorii modò extinctum est , & nescio ubi ignem reperiam ? Cui ille : Vade , inquit , ad coquinam , & ibi sufficienter invenies. Perrexit illa ad coquinam , sed nihil ignis ibi reperit præter unam scintillam , quæ tam modica erat ut nec tenuissimi flatus impetum sustineret ; & cum eam , ne ex toto extingueret , insufflare penitus non auderet , subito , ac si ex paleis accensis , flamma copiosa surrexit ; unde non absque admiratione candela accensa , mox ad infirmitorium cucurrit , & sororem illam jam in extremis agentem ejusque custodes circa eam dormientes invenit. Quibus excitatis , statim cum eis , ut sibi fuerat imperatum , cinerem stravit ac benedixit , & sororem illam desuper imposuit , tabulamque percussit ; ad cujus

sonitum omnibus congregatis, postquam sufficienter oratum est, illa spiritum exhalavit.

XVII. Nonnullas quoque in infirmitorio negligentius residentes ad Ecclesiam ire compellit, maximè cum sancta mysteria percipere habent. Quòd si de lecto surgere nequeant, qualiter vel quibus adminiculis ibi deferantur docet, sicut nuper quandam de hac re per visionem sufficienter instruxit. Noluit eis ullam occasionem relinquere ut aliquis ad illas vel in extremis quidem ingrediatur; ut agnoscas eum curam quam de eis vivens habuerat non deposuisse post mortem. Quasdam etiam gravissimis doloribus ex nimio languore vexatas apparendo sive tangendo curat; ita ut repenti de lecto surgant quæ prius ne jacere quidem poterant, & clamorosis vocibus ceteras conturbabant. quod hoc manifestè probatur exemplo. Quædam soror, quam bene ipse cognovi, sed nomen excidit, cum in medio domus deambulare, lignum ex alto cadens super eam venit, ejusque crus valde contrivit; ex quo casu solo dejecta, cum penè extra se esset, accurrentes undique sorores, eamque fago imponentes, vix inter manus ad infirmitorium detulerunt. Post paululum in se reversa, cum jam quid pateretur gravius persentiret, immensos clamores edere cœpit, quos extorquebat nimia vis doloris. Sanè inter ipsos clamores dominum Stephanum sæpius inclamabat, & ut sibi auxiliaretur magnis vocibus implorabat. Circa mediam verò noctem, cum sorores per circuitum obdormirent, ipsa enim præ nimio dolore dormire non poterat, adest continuo pater Stephanus, quem sequebatur juvenis monachi habitum gerens; apprehensaque tibia ejus quæ patiebatur, cum eam una manu à parte pedis, alia à superiori parte trahere cœpisset, tantum ei dolorem incussit ut clamore in altum sublato, omnes

LIB. III. per circuitum sorores evigilarent. quibus undique concurrentibus, vir sanctus disparuit; & quem prius infirma videre & sentire poterat, videri ultra non potuit. Illa tamen, quia tempus loquendi non erat, innuit eis manu ut abirent, seque jam bene habentem quiescere modicum sinerent. Diluculo autem convocatis sororibus, retulit eis qualiter sanctus illa nocte præmissio dolore se sanavisset, ita ut post paululum de lecto sana consurgens nullum in se præteritæ confractionis indicium demonstraret.

XVIII. Eustorgia quædam soror graviter infirmabatur, ita ut de lecto surgere vel in quamlibet partem se vertere absque adminiculo non valeret. Una autem die circa vesperam, cum nimis doloribus teneretur, soror aliqua ante lectum ejus casu transibat; ad quam illa protensis manibus non absque lacrymis supplicabat ut se pro Deo paululum adjuvaret, quò ægrum corpus lateris mutatione aliquantulum relevaret. Illa verò, quia tota die circa alias laboraverat, felle commota, inter cetera probra quæ ei tunc intulit, hoc etiam sibi ipsi imprecavit dicens: Manus & pes mihi arescant si tibi nunc auxilium feram. Et hæc dicens pertransiit. Nocte igitur insecuta, cum post somnum de lecto surgens alicubi pergere vellet, jamque aliquantum progressa esset, sicut tunc erat sanissima & omnibus membris incolumis, repentè sibi pedem gravari persensit; arreptaque manu sponda lectuli ad quem tunc fortè devenerat, ut saltem innitendo pergere posset, statim & ipsam similis morbus occupat & inutilem reddit. Tunc solo dejecta, cum una manu & pede quæ sibi restabant prout poterat sese per terram trahebat, ita ut accurrentes sibi sorores & casum ejus miserantes vix eam ad infirmitorium deferrent & præparato lectulo collocarent.

carent. Deinde post modicum cunctis ad propria strata redeuntibus, illa solam remansisse se cernens, elevatis sursum oculis ingemiscebat ad Dominum, & sanctum patrem Stephanum cum magno cordis gemitu invocabat ut sibi in tanta calamitate positæ subveniret. Adest continuò vigilanti & deprecanti pater sanctus, torvoque eam vultu respiciens, ait: Bene tibi contigit, misera, sicut meruisti. Scias enim tibi hoc ideo evenisse quòd sororem illam hesternæ die te deprecantem despexisti, eique auxiliari noluisti, insuper & maledicto pessimo te obligasti quod te tunc justè juxta tuum meritum apprehendit; ac nisi pro te intervenissemus, non quidem talia patereris, sed morte subita morereris. Sed & hoc scire te convenit, quia quandiu vixeris, nunquam hac passione carebis. Vnde ceteris sororibus ex nostra parte dicere ne cuncteris, ut tuo exemplo communitæ sorores infirmantes non despiciant, sed eis juxta possibilitatem suam deserviant, ne deterius eis contingat. Hæc dicens ab oculis ejus sublatus est. Mane verò factò, cùm ad visitandam ægram sorores redissent, eamque consolari niterentur & sanitatis remedia polliceri, illa respondit: Nequaquam ita erit ut dicitis, aliter enim dispositum est à Domino Deo. Tunc retulit eis qualiter dominum Stephanum illa nocte vidisset, & quæ sibi dixisset, quæque aliis dicenda mandasset. Atque ita factum est ut primùm quidem Eustorgia soror de hac vita migraret, ac deinde soror ista, nulla alia interveniente, secuta est. Verùm quia superiùs diximus plures à carceribus & vinculis ejus patrocínio liberatos, è quibus aliquantos nos hic referre promissimus, nunc quod promissimus exsequamur.

XIX. Vir quidam secularis ultra Dordonix fluvium commanens vitum Dei familiariter dilige-

N

bat, & tam ab ipso quàm à fratribus propter fidei
ejus devotionem & impensa ab eo crebrius bene-
ficia non minori affectu diligebatur. Hic post tran-
situm ejus à malignis captus, vinculis & compedi-
bus mancipatus est, & propter multas quas habere
credebatur pecunias sub stricta custodia servabatur.
Quod cum fratribus nostris nuntiatum esset, vehe-
menter afflicti sunt, & tam per se quàm per ami-
cos rogare cœperunt eos qui vinctum tenebant ut
eis suum confratrem, quem iniquè ceperant, ac-
cepta ab eo ratione dimitterent; & nihil proficere
potuerunt, sed asperiores magis fecerunt. Porro
vir ille captivus, cum se à nullo hominum juvari
posse conspiceret, suum quondam amicum, nunc
verò patronum, domnum Stephanum precibus,
non pedibus, adiit, cum multis eum gemitibus
orans ut si quid apud Deum posset, suis nunc pre-
cibus se liberaret. Deinde ex multa fatigatione &
tristitia soporatus assistere sibi vidit eundem almifi-
cum patrem velut increpantem se ac dicentem:
Quid hic sedes, cum domus tuæ opera negligantur
& res familiaris depereat? Cui ille respondit: Et
non vides, inquit, Domine, quàm districtè liga-
tus & compeditus hic teneor & erumpere nequeo?
Ad quem sanctus repetito sermone iterum dixit:
Vade securus nihil hæsitans, quia non tibi nocebunt
vincula ista quæ tu formidas. Ad hanc vocem con-
festim ille evigilavit; & cum se erigere tentat, cun-
cta repente vincula de ejus manibus & pedibus ce-
ciderunt, ita ut surgere conatus iterum caderet præ
stupore. habebat enim tibias à compedibus demo-
litas. Postea verò surgens cogitabat inter se quid
ageret, cum egredi nimium formidaret, quia cu-
stodes undique observabant, & qui eum ceperant,
foras per publicum ferè omnes astabant. Vicit ta-
men fides patroni, ita ut per medios custodes &

captivatores suos, cū aliunde exitus non pateret, liber ad propria remearet, à nullo hominum quò tenderet interrogatus, nedum detentus.

XX. Hujus quoque filius simili sorte nuper captus, ligatis manibus & pedibus in angustum est dolium missus, quod erat ab una fronte quidem apertum, ita ut eo introducto artissimè clauderetur ac si vinum in eo, non homo, adservaretur. In tantis ergo angustiis positus, cū de vita jam desperaret, tandem recordatus domni Stephani, de quo multa audierat, sed nunquam eum aliquando viderat, ad ejus statim confugit auxilium, multis clamoribus & suspiriis deprecans ut sicut quondam patrem suum à vinculis eripuerat, ita nunc ad liberandum se quantocius festinaret. Hæc cū intra semetipsum lacrymabiliter volveret, cunctis repentè vinculis absolutus est, excepto quòd intra dolium tenebatur inclusus. Cūque ad visitandum & redimendum eum amici & consanguinei convenirent, productus foras, cū solum illum custodes cernerent, vehementer commoti fortioribus eum vinculis ligaverunt & in dolium iterum retruserunt, ita ut inter frontem dolii & trabem domus ligna fortiter impingentia coartarent, ne aliquo fortè impulsu moveri possent. Nec tamen eis aliquid profuit malitia sua. Mox enim ut pii liberatoris auxilium imploravit, iterata vice cuncta ei ligamina repentè dissoluta sunt, cū tamen liberatorem suum in his omnibus non videret. Deinde protensis manibus, cū superiorem dolii frontem leniter contigisset, cuncta quæ ei impacta fuerant ligna ad terram subito ceciderunt, ipso dolio in partibus scisso, ita ut ac si pullus effracto ovo, sic iste dirupto vasculo liberatus foras profiliret. Atque ut moram non faciamus in tanta festinatione auxilii, quemadmodum pater ejus olim fecerat, sic iste præsentibus & videntibus

LII. III. inimicis liber abscessit, in tantum ut eo prætergresso mirarentur & dicerent: Nonne iste est quem tantopere vinctum adservabamus? Et quomodo eum hunc exeuntem nobis coram positis abire dimisimus? Verè quia hunc virtus absolvit divina, & nos non potuimus adversus eum. Hic ergo suo liberatori vota persolvens, die festo nativitatis sanctæ Mariæ ad tumultum ejus devotus accessit, nobisque pro tanti diei sollemnitate in capitulo congregatis quomodo liberatus fuerit jussus exposuit, & suæ liberationis quot auditores habuit, tot sibi testes fideles ascivit.

XXI. Alter quidam rusticus in regione eadem captus fuit à duobus fratribus qui ductores erant latronum, ad hoc tantum ut pecuniæ collatione sese redimeret; quem unus ante se vinctum ducebat vel potius impellebat, alter sequebatur post eos, uterque stipatus non modica turba latronum. Ergo cum se vinctum trahi doleret, ingemuit, ita ut magis cruciaretur pro timore & expectatione futurorum quàm pro his quæ in præsentī patiebatur. Videbat enim nullam sibi fore spem evadendi, tamquam si ovis inter lupos teneretur captiva. Tandem concepta spe aliquanta, mox ad Dei confugit auxilium; & recordatus domni Stephani, exemplo duorum supradictorum quos audierat liberatos, quia voce non poterat nec audebat, totis eum præcordiis invocabat ut sibi in tanto discrimine posito subveniret. Cumque hæc suspiriis magis quàm verbis exprimeret, mox ei vincula de manibus ceciderunt, ac si eum aliquis repentè solvisset; & sic concepta miro modo abeundi fiducia, cœpit ab itinere in alteram partem abire ac si ab aliquo traheretur, ita ut liber & absolutus ad propria remearet, nullo se requirente vel subsequente. Hoc modo à captivitate solutus, ereptori suo gratiarum

munus exsolvit, testes habens suæ salvationis etiam eos qui se ceperant, & abeuntem prosequi non audebant.

XXII. Nuper venit quidam ad sancti sepulcrum; factaque oratione & posito cereo, cum à loco egressus fuisset, tuli eum in partem, interrogans quis aut unde esset vel ob quam causam tumulum sancti expetivisset. Tunc ille ait: Fuimus capti ego & alii quatuor in castello Galniacensi, quod est ultra Dordoniam, pedibus singulorum arctissimè simul in una trabe constrictis: in quo ergastulo cum nihil cibi aut panis jam per quatuor dies penitus gustassemus, inedia simul ac dolore constrictus, sanctum patrem Stephanum, de quo multa audieram, intimo cordis rugitu orare cœpi ut nos ab his vinculis suis meritis & precibus liberaret. Cumque hoc mecum volverem, velut in extasim raptus, nec plenè vigilans, nec perfectè dormiens, vidi reverentissimum quendam in religioso habitu carcerem introire cum uno monacho juvenilis ætatis; qui rùm me interrogasset quomodo essem, vel quid ab eo tanto gemitu postularem, dixi ei: Domine, vides in quanta afflictione & calamitate detenti sumus; unde precamur ut si quid potes, adjuves nos misertus nostri. Tunc ille dixit: Si ergo vis cum sociis liberari, apprehende quantocius clavum ligneum quo cippus strictus tenetur, & mox dissolvetur, statimque surgens cum eis egredimini, & pergite ubicunque vos tutare possitis. Ad hanc vocem extemplo evigilavi, & ipse evanuit ab oculis meis. Statimque apprehensum clavum levi motu extraxi, & mox trabes illa ita soluta est ac si nunquam astricta fuisset. Surgens autem, socios leniter excitavi, monens ut cautè surgerent, ne quis fortè evigilaret. Erat enim circa mediam noctem, nec minùs immo ampliùs timebamus soluti quàm antea vincti; quia

L I B - III. & custodes intus ante ostium dormiebant, nec poteramus nisi per eos transire, & ipsum ostium ita ex industria erat compactum quòd nisi cum magno fragore aperiri posset. Tandem, ut dici vulgariter solet, mittentes cor in periculum & animum fiducia roborantes, in ejus fide qui eos jam solverat, & custodes transierunt, & aperto ostio exierunt, nullo eos audiente vel sentiente, sicque reliquum noctis spatium iter agendo conficientes, in ipso crepusculo ad Castrum novum, quod duobus fere milibus aberat, pervenerunt, ibique salvati sunt. Nunc qualiter quibusdam in rebus perditis opitulatus sit, referamus.

XXIII. Frater quidam nummos quos sibi comendatos habebat perdidit, sic tamen ut furatos esse ab aliquo non dubitaret; sed cum ex hoc nullum nominatim accusare auderet, duo ex his qui instituebantur adolescentes hujus furti nævo tamquam auctores aut conscij specialiter notabantur; qui tamen tanta pertinacia cum terribilibus sacramentis hoc denegabant ut nullus de eis vel suspicionem habere posset. Quapropter is qui perdiderat omni indaginis spe destitutus, ad sancti patris merita convolavit, offerens candelam ad tumulum ejus, & cum fiducia deprecans ut sibi de hac re certum à Domino indicium obtineret, auctoribus furti detectis. E vestigio unus ex præfatis juvenibus febre correptus, atque ad extrema perductus, cum anxie quæreretur cui secreta cordis confiteretur, antequam ille veniret, iste obmutuit. Deinde miserante Deo circa mediam noctem loquendi usu recuperato, astanti sibi jam sacerdoti confessus est quòd nummos illos qui quærebantur, ejus socius se conscio furatos haberet. Hæc cum dixisset, accepta pœnitentia post non multum horarum spatium expiravit. Cumque ad alium ventum esset, & ille nec socij jam defuncti testimonio

proditus confiteri vellet, sed magis pertinaciter denegaret, statim validissima febre correptus, cum similiter mori timeret, non solum illos de quibus accusabatur, sed multo plures alios solidos se furatos habere proprii oris confessione testatus est. Ita vir sanctus de utroque congruè judicavit, ut ille prior, qui minus fortè peccaverat, de hac vita protinus raperetur, ne vivens in deterius mutaretur, & sequens ad pœnitentiam servaretur, ne moriens pro his & aliis furtis ad æterna supplicia raperetur.

XXIV. Quidam Presbyter Ecclesiæ sancti Hilarii, quæ in prospectu nostri monasterij uno ferè miliario sita est, dum aliquando circa sextam horam pranderet, fur ingressus Ecclesiam, arcam ipsius quibusdam machinationibus clam aperuit; indeque ducentis ferè solidis cum aliis quibusdam rebus abstractis, latenter nullo sentiente aufugit. Presbyter post cibum Ecclesiam casu ingressus, cum arcam dissipatam & solidos furatos invenit, tanto dolore & tristitia repletus fuit ut penè sensum amitteret. Nullum enim indicium quis hoc fecisset poterat inveniri. Tandem in se reversus, consilio amicorum nostrum monasterium expetivit, ut à sancto patre Stephano aliquod hujus tantæ calamitatis remedium impetraret. Denique ad ejus tumbam accenso cereo discalciatis pedibus provolutus, tanto gemitu tantisque suspiriis querelas suas deposuit, quantum nec pro gravissimis certè peccatis affligi posset. Inde concepta aliquanta fiducia foras egressus, cum eum prout in tali discrimine opus erat consolaremur, post duarum aut trium horarum spatium nuntius ab Ecclesia directus concito cursu ad eum pervenit, furemque detentum cum solidis vel ceteris quæ furatus fuerat nuntiavit. Quo audito, quanto gaudio tripudiaverit, non est nostrum evolvere, cum in illo impleri visum sit quod ait Pro-

LIB. III. pheta: *Secundum multitudinem dolorum meorum in corde meo consolationes tue latificaverunt animam meam.* Cùmque diligenter inquireret qua hora fur inventus fuisset, ipsam eandemque reperit qua sancti patrocinium fideliter expetivit.

XXV. Quidam paterfamilias geminos boves habebat, quos tum propter agriculturam, tum quia proceritate & fortitudine præminebant, satis caros habebat. Accidit autem ut lues animalium totam illam regionem longè latèque vastaret, ita ut curtes rusticorum penè omnes animalibus vacuæ remanerent. Cùm autem quadam die præfatus homo boves ipsos vacillari conspiceret, timens ne intra domum morerentur, præcepit uxori suæ ut ipsos longè proiceret, ne sua contagione animalia quæ necdum incurrerant vitiarent. Cui illa respondit: Nequaquam, Domine, hoc faciamus, sed potiùs statuaria eis facientes, ceraque operientes, sancto patri Stephano dirigamus. potest enim, si voluerit, & istos salvare, & alios ab omni periculo immunes servare. Placuit viro prudentis consilium mulieris, ipsosque mox boves à frõntibus & à tergo funibus circumducens, ceraque operiens, monasterio destinavit ad sancti sepulcrum arsuos. Quod cùm factum fuisset, non solum boves illi repentè salvati sunt, sed & cetera animalia, juxta quod mulier fidelis promiserat, ex tunc & deinceps illæsa manserunt.

XXVI. Post paucos annos jam per terram illam animalibus restitutis, quidam miles ex his qui prædas exercere solent, cùm ad ludos quos majores vocant multa perdidisset, contracta damna ex depredatione multorum cupiens reformare, cuncta circumquaque diripiens, etiam boves illos cum multa præda captos secum abduxit. Cùmque supradictus vir circa vesperam domum reverteretur, agnito quòd boves illius capti fuissent, mox se ad ter-

ram dedit, cum multa vociferatione clamans & dicens: Heu mi domne Stephane pater, quomodo perdidisti boves meos quos antè salvasti, & quos tuæ commiseram fideli protectioni? sed qui illos salvare potuisti ne morerentur, quomodo nunc salvare noluisti ne raperentur? Certè si illos mihi non restitueris, nunquam pro eis deinceps consueta vota persolvam. singulis siquidem annis statuaria illa mittebat. Hæc cum dixisset, ecce boves illi repentè è media præda sese abripiētes, & mutuò sese impellentes, cum tanta celeritate, nullo concitante, domum revertebantur ac si retro multis minantibus urgerentur, cum eos ex prædonibus illis nullus retinere vel insequi potuisset. Non est tamen dubium illius fuisse virtute reductos cujus suffragium super eos imploratum fuisset.

XXVII. Idem vir cum postmodum quartana febre vehementiùs urgeretur, & accitus medicus potionem ei dare vellet qua morbum depelleret, uxor ejus non adquievit dicens ad virum: Non est æquum, Domine, ut qui jamdudum præventus es sancti virtute, carnalem modò recipias medicinam. Quin potiùs accede fideliter ad ejus sepulcrum, & ille oranti tibi optatam tribuet sanitatem. Hoc ille audiens, prudenti consilio adquievit, & cum aliquibus viris die qua febris imminens accessura erat, ad monasterium, quod duobus ferè milibus aberat, veniebat: cumque jam in medio itinere juxta domum in qua lapides cædebantur, & fratres ibi manebant, transiret, subito à febre correptus, solo incubuit, & tam graviter vexari cœpit ut putaretur continuò moriturus. Denique vocatis fratribus in auxilium, tam à suis quàm ab illis ad eorum domum tamquam funus deportatus est & lectulo collocatus. Cumque jam, fociis recedentibus, ipse in quadam agonia maneret, vidit repentè domnum Stephanum

L I B. III. sacris vestibus indutum cum quibusdam albis monachis ad se venientem. Qui cum lectulo jacentis una cum sociis illis assisteret, aspergens eum aqua benedicta, & dicens ea quæ super infirmos dici solent, ita eum perfectæ reddidit sanitati ut ex tunc & deinceps sanissimus perseveret. Nam continuo viro Dei non comparente, vocatis fratribus, quæ sibi contingerant plenius enarravit; moxque cibo quem ex multis diebus exhortuerat avidè sumpto, sanus recessit qui fuerat semivivus allatus. Hoc ego ab illius ore audiui.

XXVIII. Petrus de Pleus sacerdos, vir honestate & genere clarus, oculorum dolorem incurrit; qui paulatim accrescens, totum caput ac deinde corpus ex integro occupavit. Itaque de vita diffidens, recordatus domni Stephani alumni quondam sui & cari amici, dato cereo puerum misit, præcipiens ei ut ad tumulum sancti velociter pergeret, atque ibi pro sua salute Dei misericordiam cum ipsius meritis imploraret. Quod ita factum est. siquidem ipsa hora dominus ejus ab infirmitate convaluit, ita ut manè diluculo de lecto consurgens ad Ecclesiam pergeret, & Missarum sollemniis interesset. erat enim festum Purificationis quod dicitur Ypapanti Domini. Sed quia ad referendas gratias ire neglexit, redivivus dolor, quo jam sanatus fuerat, tamdiu oculos ejus attrivit quousque tumulum sancti per se ipsum expetiit; sicque post aliquot dies lætus & incolumis ad propria remeavit.

XXIX. Mulier quædam vidua ultra Dordoniæ commanens oculorum lumen amisit, & per continuum annum cæca permansit. Audiens autem de virtutibus domni Stephani, cum ad eum ire non posset, de loco suo, ut scriptum est, assiduis Dominum precibus exorabat ut sancti illius piis ac vivacibus meritis necessarium lumen recuperaret, quod

malis suis meritis justè amiserat. Hoc cùm per bi-
duum fideliter postularet, oculorum lumen recepit,
ita ut videret clarè omnia. Sciens autem quòd nulla
unquam femina monasterium ejus ingrederetur, &
quia periculosum ei erat tanti itineris spatium pera-
grare, puerum suum ad locum direxit candelam ma-
nu gestantem; qui in ipsa vigilia Purificationis cum
puero jam dicti sacerdotis occurrens, simul cum eo
ad sancti sepulcrum accessit, quæ detulerat obtulit,
scilicet lumen pro lumine, grates pro sanitate. At-
que ita factum est ut crastino cunctis in capitulo
congregatis utriusque deprecatio sit allata, illius pro
adipiscenda salute sui domini postulantis, istius pro
adepta sanitate dominæ suæ gratias referentis.

XXX. Quædam nihilominus vidua in territo-
rio Turenneñsis castri manebat, quæ se & sua dom-
no Stephano olim commiserat, nihil habens unde
viveret, excepto quod propriis laborando manibus
adquisisset. Unus autem de servientibus Vicecomi-
tis, dum redditus coquinales de singulis mansis leva-
ret, venit ad eam similia exacturus, cùm illa dice-
ret nihil se exercere de terra unde aliquid reddere
teneretur, nec quicquam victualium possidere, nisi
quantum proxima æstate metendo vel spicas legen-
do in agris collegerat alienis. Cùmque idem exactor
hoc ipsum modicum sacco reconditum cum paucis
gallinis tulisset, illa cum lacrymis partim supplican-
do, partim interminando, quantum poterat obsis-
tebat ne victum suum iniquè auferret, & se mane-
re dimitteret fame forsitan perituram. Quam ille
non solùm audire contempsit, sed insuper calcibus
tundens, cum his quæ abstulerat, via qua venerat
rediebat. Tunc misera mulier solo dejecta, protensis
in cælum palmis, Deum judicem viduarum & san-
ctum patrem Stephanum luctuosis vocibus inclama-
bat ut si aliud obtinere non posset, vindictam sal-

L I B. III. sacris vestibus indutum cum quibusdam albis monachis ad se venientem. Qui cum lectulo jacentis una cum sociis illis assisteret, aspergens eum aqua benedicta, & dicens ea quæ super infirmos dici solent, ita cum perfectæ reddidit sanitati ut ex tunc & deinceps sanissimus perseveret. Nam continuo viro Dei non comparente, vocatis fratribus, quæ sibi contingerant plenius enarravit; moxque cibo quem ex multis diebus exhortuerat avidè sumpto, sanus recessit qui fuerat semivivus allatus. Hoc ego ab illius ore audiui.

XXVIII. Petrus de Pleus sacerdos, vir honestate & genere clarus, oculorum dolorem incurrit; qui paulatim accrescens, totum caput ac deinde corpus ex integro occupavit. Itaque de vita diffidens, recordatus domni Stephani alumni quondam sui & cari amici, dato cereo puerum misit, præcipiens ei ut ad tumulum sancti velociter pergeret, atque ibi pro sua salute Dei misericordiam cum ipsius meritis imploraret. Quod ita factum est. siquidem ipsa hora dominus ejus ab infirmitate convaluit, ita ut manè diluculo de lecto consurgens ad Ecclesiam pergeret, & Missarum sollemniis interesset. erat enim festum Purificationis quod dicitur Ypapanti Domini. Sed quia ad referendas gratias ire neglexit, redivivus dolor, quo jam sanatus fuerat, tamdiu oculos ejus attrivit quousque tumulum sancti per se ipsum expetiit; sicque post aliquot dies lætus & incolumis ad propria remeavit.

XXIX. Mulier quædam vidua ultra Dordoniæ commanens oculorum lumen amisit, & per continuum annum cæca permansit. Audiens autem de virtutibus domni Stephani, cum ad eum ire non posset, de loco suo, ut scriptum est, assiduis Dominum precibus exorabat ut sancti illius piis ac vivacibus meritis necessarium lumen recuperaret, quod

malis suis meritis justè amiserat. Hoc cùm per bi- LIB. III
duum fideliter postularet, oculorum lumen recepit,
ita ut videret clarè omnia. Sciens autem quòd nulla
unquam femina monasterium ejus ingrederetur, &
quia periculosum ei erat tanti itineris spatium pera-
grare, puerum suum ad locum direxit candelam ma-
nu gestantem; qui in ipsa vigilia Purificationis cum
puero jam dicti sacerdotis occurrens, simul cum eo
ad sancti sepulcrum accessit, quæ detulerat obtulit,
scilicet lumen pro lumine, grates pro sanitate. At-
que ita factum est ut crastino cunctis in capitulo
congregatis utriusque deprecatio sit allata, illius pro
adipiscenda salute sui domini postulantis, istius pro
adepta sanitate dominæ suæ gratias referentis.

XXX. Quædam nihilominus vidua in territo-
rio Turenneſis caſtri manebat, quæ se & sua dom-
no Stephano olim commiserat, nihil habens unde
viveret, excepto quod propriis laborando manibus
adquisisset. Vnus autem de ſervientibus Vicecomi-
tis, dum redditus coquinales de ſingulis manſis leva-
ret, venit ad eam ſimilia exacturus, cùm illa dice-
ret nihil ſe exercere de terra unde aliquid reddere
teneretur, nec quicquam victualium poſſidere, niſi
quantum proxima æſtate metendo vel ſpicas legen-
do in agris collegerat alienis. Cùmque idem exactor
hoc ipſum modicum ſacculo reconditum cum paucis
gallinis tulisset, illa cum lacrymis partim ſupplican-
do, partim interminando, quantum poterat obſi-
tebat ne victum ſuum iniquè auferret, & ſe mane-
re dimitteret fame forſitan perituram. Quam ille
non ſolùm audire contempſit, ſed inſuper calcibus
tundens, cum his quæ abſtulerat, via qua venerat
rediebat. Tunc miſera mulier ſolo dejecta, protenſis
in cœlum palmis, Deum judicem viduarum & ſan-
ctum patrem Stephanum luctuoſis vocibus inclama-
bat ut ſi aliud obtinere non poſſet, vindictam ſal-

Lib. III. tum ad consolationem de malefactore reciperet. Nec mora, exaudita est oratio ejus. Mox namque iniquissimum illum adhuc in itinere positum vehemens capitis dolor invasit cum validissima febre & mentis alienatione, ita ut capite & toto corpore tumescente vix ad proximam devenerit mansionem; unde sublatus & ad propria deportatus, post non multum horarum spatium absque viatico & aliquo salutis remedio expiravit.

XXXI. Alia quoque vidua quodam loco juxta possessionem nostram manebat, habens unum porculum, qui mox in domo progrediretur, in fata fratrum currebat, nullo clausuræ munimine circumsepta, cum jam spicæ inciperent germinare, inde frequenter ejectus, cum se liberum cerneret, mox inibi recurrebat, ut præfata mulier penè aliud agere non valeret quàm illum jugiter custodire & ab alienis agris vetare. Cumque illum vendere cogitaret, ne assiduam læsionem inferret

Desunt pauca que legi non possunt absque magno labore, & non sunt magni momenti.





ACTA
VISITATIONIS
PROVINCiarVM
BURDEGALENSIS
& Bituricensis,

FACTA A SIMONE
DE BELLO-LOCO
ARCHIEPISCOPO
Bituricensi, Aquitaniae Primate,

Ab anno Christi MCCCLXXXIV. usque
ad annum MCCXCI.

VISITATIO PROVINCIAE
Burdegalensis.

Hic habetur qualiter Reverendus Pater Dominus Simon Bituricensis Archiepiscopus, Aquitaniae Primas, primo anno Domini MCCCLXXXIV. mense Septembri, dominica die post festum beati Matthaei Apostoli & Evangelistae, Burdegalensem provinciam jure primatiae suae causa visitationis intravit. In cujus societate erant religiosi viri, Iohannes Abbas monasterij sancti Sulpitij Bituricensis, frater Gilo ejus socius, fratres Simon dictus Patruus,

& I. de sancta Severa ordinis fratrum Minorum, magister Guillelmus de Medunta Officialis & Canonicus Bituricensis, Iohannes ejus Clericus, Dominus Guido de Noyalhes Capicerius Pictavensis, Dominus Helias Porta Abbas secularis Ecclesie sancti Asterij Petragoricensis diocesis Conservator provisionis seu ordinationis à sede apostolica super jure primatie prædictæ, Helias ejus Clericus, Dominus Otho de Salinis Canonicus Magdunensis, Dominus Cono Capellanus Virsionensis capituli, Domini I. Belechiere Notarius publicus, Guido de Rans Clericus Domini, Bertrandus Gosse serviens Domini Regis, & plures alij.

Et notandum quòd cùm dictus Dominus Bituricensis concepisset & proposuisset Burdegalensem provinciam causa visitationis intrare, considerans quòd Ecclesia sua Bituricensis in justis suis possessionibus & ceteris juribus semper defensorem habeat & habuerit serenissimum Regem Francorum, eundem Regem rogavit ut unum de familiaribus suis committeret eidem iturum cum ipso in provinciam prædictam. Cujus precibus benigniter inclinatus dictus Rex virum providum, morigeratum, ordinatum, & facundum de familia sua concessit eidem cum suis literis continentibus hæc verba.

PHILIPPVS Dei gratia Francorum Rex Bertrando Gosse servienti suo salutem. Mandamus tibi quatenus non permittas quòd in senescallijs seu bajulijs Petragoricensi, Pictavensi, Xanctonensi, Agennensi, Vasconia, Arvernia indebita gravamina vel violentia aut injuria inferantur dilecto & fideli nostro Archiepiscopo Bituricensi Aquitania Primati, aut gentibus vel nuntiis suis in personis vel bonis eorum, cùm pro juribus provincia vel primatie sue exercendis ad partes provincia vel primatie earundem ipsum vel eorum aliquem contigerit declinare, & ipsum Archiepiscopum

*copum & quemlibet predictorum in suis iustis saisi-
xis ab omni injuria necnon gravaminibus & violentiis
manifestis in locis ipsis defendas ex parte nostra, quo-
tiens opus fuerit sibi & de hoc fueris requisitus. Nos
enim tenore presentium precipimus Senescallis & Insti-
tutariis locorum predictorum ut tibi ad executionem
premissorum, si eos inde requisieris, auxilium submini-
strent. Actum Parisius die Lune post festum nativita-
tis beati Iohannis Baptiste anno Domini MLCCCLXXXIV.*

Dictus verò Dominus Bituricensis antequam di-
ctam Burdegalensem provinciam, ut præmittitur,
intraret, volens consultè & cum maturitate proce-
dere, salvo tamen jure suæ Bituricensis Ecclesiæ &
honestate sua, dictum Regis servientem, ut in tuto
procederet, ita quòd à magistris suis reprehendi non
deberet, & quòd de commissis sibi nihil omitteret
super juribus poss. iustis Ecclesiæ suæ Bituricensis
& sui ipsius & prædecessorum suorum in primatia
& provincia Burdegalensi, & de cognitionibus cau-
sarum Burdegal. tam sedibus vacantibus quàm
non vacantibus, & de coercionibus quas habet in
Clericos, potissimè Burdegalenses & Burdegalensis
provinciæ, per litteras apostolicas, per acta judi-
cialia, & per testes informavit, & super informa-
tione prædicta & de modo informandi præcepit di-
ctus Dominus Bituricensis fieri ex superabundanti
cautela publicum instrumentum, unum in Gallico,
quod haberet dictus Bertrandus suis ostensurum ma-
gistris, si esset necesse, & aliud in Latino penes Do-
minum remansurum, quorum tenor inferius anno-
tatur.

Post hæc dictus Dominus Bituricensis suas man-
davit procuraciones in hunc modum.

*SIMON Dei gratia Bituricensis Archiepiscopus,
Aquitania Primas, dilectis in Christo filiis Abbati &
conventui de Anglia Pictavenfis diocesis salutem in*

Domino. Burdegalensem provinciam jure nostrâ primatiae visitantes, hac instanti die dominica post festum beati Matthaei Apostoli & Evangelistae ad locum vestrum intendimus declinare. Vnde vobis mandamus ut nobis & familia nostra dicta die necessaria praeparetis. Datum die Martis praecedenti anno Domini MCCLXXXIV.

Die igitur dominica post festum beati Matthaei Apostoli & Evangelistae dictus Dominus Bituricensis Archiepiscopus veniens de abbazia Fontis Gombaudi parochiae de Fongombaut Bituricensis diocesis, ubi sabbato praecedenti sacros celebraverat ordines & praedicaverat, Burdegalensem intravit provinciam, Abbate Angliæ se quinto in equitaturis veniente obviam Domino per leucam & amplius, & salutante Dominum cum hilaritate vultus. Et cum modicum cum Domino dictus Abbas equitasset, cum festinatione praecessit, ut se praepareret, & suos fratres & concanonicos ad recipiendum Dominum modo debito faceret praeparari. Veniente igitur Domino, dictus Abbas cum sociis suis processionaliter in capis sericis, campanis pulsatis, honorifice receperunt cantantes responsorium *Deum time*, Abbate praedicto in introitu Ecclesiae praesentante Domino aquam benedictam, & induto capam sericam, cabucam sive baculum pastorem tenente; crucem, textum evangeliorum, & reliquias Ecclesiae ceteris tenentibus in processione. Dicto vero responsorio cantato & finito cum versu & Gloria, surrexit Dominus ab oratione sua, dicens alta voce: *Sit nomen Domini benedictum*, responso, *Ex hoc nunc & usque in aeculum. Adjutorium nostrum in nomine Domini*: responso, *Qui fecit caelum & terram. Benedicat vos omnipotens Deus pater & filius & spiritus sanctus. Responso, Amen.* His factis, reliquias sanctorum super altare positas deosculatus est, & postea suam cameram introivit, sua cruce semper & ubique

ubique deportata ante ipsum. Cùm verò dictus Dominus Bituricensis suam cameram, ut dictum est, intravisset in abbazia prædicta de Anglia Pictaven-
 vensis diocesis, venit quidam Archipresbyter ve-
 nerabilis & discretus ex parte Domini Pictaven-
 sis cum litteris excusatoriis super eo quòd Domino
 non venerat obviam, quarum tenor sequitur in hæc
 verba.

*Reverendo Patri in Christo ac Domino, Domino Si-
 moni Dei gratia Archiepiscopo Bituricensi, Aquitanie
 Primati, frater Galterus permissione divina Pictaven-
 sis Episcopus salutem cum omni reverentia & honore
 se paratum ad ejus beneplacita & mandata. Litteras
 vestras accepimus in finibus diocesis nostræ versùs An-
 degaviam. Quibus receptis, mandavimus magistro Guil-
 lelmo Archipresbytero de Ambernaco ut vobis occurrat
 apud Fontem Gombaudi, pariturs vestris beneplacitis
 ac mandatis. Dictus enim Clericus, ex quo fuimus in isto
 officio, in visitando diocesim Pictavensem nobiscum fuit,
 & præ aliis viam novit. Ceterum si vobis obviam non
 venimus ita citò ut vellemus, nos excusatos habeatis.
 Nam octo diebus antequam litteras vestras recepi-
 mus publicari feceramus quòd apud Mauritaniam
 ordines faceremus, quæ villa est prope Andegaviam,
 distans ab illa parte diocesis nostræ per quam intra-
 bitis, ut dicitur, ad xxxv. leucas Pictavinas; quæ
 quales sint experientia vos docebit. Veniemus etiam
 ad vos cum Dei auxilio quamcitius poterimus. Bono
 modo valeat & proficiat semper in Domino vestra pa-
 ternitas reverenda. Datum die Lune ante festum bea-
 ti Matthæi.*

Item cum litteris credentiæ, quarum tenor talis est.

*Reverendo in Christo Patri ac Domino, Domino Si-
 moni Dei gratia Bituric. Archiepiscopo, Aquitanie
 Primati, frater Galterus eadem permissione Pictaven-
 sis Episcopus salutem cum omni reverentia & honore, &*

paratam ad ejus beneplacita voluntatem. Rogamus vos ut magistro Guillelmo de Cypra Archipresb. de Ambernaco Clerico nostro latori presentium velitis fidem adhibere. Valeat vestra reverenda paternitas in Domino Iesu Christo. Datum apud Tresdecim ventos juxta Andegaviam die Iovis in festo beati Matthaei Apostoli.

Quibus litteris lectis, & dicto Archipresbytero suum Dominum Pictavensem Episcopum curialiter & discretè excusante, & cum affectu Dominum Bituticensem rogante ex parte sui Domini Pictavensis Episcopi ut ad hospitia & maneria ipsius Domini Pictavensis fiducialiter declinaret & quiesceret in eisdem pro voluntate sua, Dominus Bituricensis, excusatione prædicta admissa, benigniter & curialiter super ipsa regratiatus est eidem, excusans se quòd ad ejus hospitia declinare non poterat ista vice. Quibus, ut præmittitur, peractis, dictus Abbas & multi de fratribus suis cum Domino comederunt & in mane & in sero, Abbate prædicto Dominum & suos sequaces peroptimè & splendidè procurante in bono pane, bono vino, bonis cibariis & pluribus, & in aliis necessariis quibuscunque. In sero verò post cœnam, præsentem Archipresbytero prædicto præmisso ab Episcopo Pictavensi, & illo qui pro Abbate & nomine suo & abbatiæ prædictæ fecerat expensas, necessaria ministraverat, & præsentibus officialibus Domini Bituricensis, fuit de expensis diligenter computatum; & omnibus computatis, videlicet pane, vino, coquina grossa & parva, equis in fœno, in avena, in lectisternio, ferratura, lumine pro equis, harnasio, cera, factura candelæ, salario portantis procuraciones, lignis, sale, salariis servitorum in coquina & extra, palea, fœno pro lectis, quia non sufficiebat palea, gagiis garcionum, & omnibus aliis habitis pro expensis tam solutis vel receptis per familiam Domini quàm per

familiam Abbatis prædicti, summa fuit expensarum xii. libr. Turon. tribus solidis minùs ; excepto quòd Abbas avenam quam manè & serò ministraverat noluit computari. Omnia computata dictus Archipresbyter, nec qui pro dicto Abbate præsentés erant, non impugnarunt, nec verbo nec signo, nisi solùm pro gagiis garcionum, & pro harnasio, & pro cera. Pro gagiis garcionum fuit computatum xi. solid. vel circiter, pro harnasio v. solid. pro cera xii. solid. pro factura rv. den. Tum curialiter fuit computatum quicquid familia Domini voluit computare, & qualitercunque voluit computare. Summam autem prædictarum expensarum arrestavit dictus Archipresbyter in sua ce. & minister domus Domini in tabulis suis.

Die verò Lunæ sequenti in mane Dominus audita Missa sua celebrata per suum Capellanium de defunctis, & cum nota, sermonem inceptum per quendam suum Pœnitentiarium fratrem Hugonem nomine monachum sancti Sulpitii Bituricensis finivit, & in fine sermonis sui tetigit negotium Arragoniæ ; & hymno *Veni creator spiritus* incepto, dum cantaretur, plures à Domino signum crucis receperunt. Quo factò, auctoritate Domini Papæ & Legati centum dies indulgentiæ contulit, & auctoritate sua quadraginta. Postea Dominus intravit capitulum, Abbate & fratribus aliis præsentibus in eodem. Et visitationis fungens officio, primò de statu spiritualium & officio divino & observatione regulæ loci ejusdem, & de temporalitate diligenter inquisivit. Cui respondit ut ceteri. Et per Dei gratiam omnia tam spiritualia quàm temporalia in statu debito & prospero satis erant. Super quibus Bituricensis Domino gratias referens, & se ipsorum orationibus commendans, se & quicquid posset facere utilitatis & salutis Ecclesiæ & personis tam ex

debito quàm ex dilectione & affectione. Super quo regratiati sunt ipsi Dominus Abbas & conventus. Hæc autem notanda sunt, quòd Dominus audita Missa sua ad majus altare in vestimentis & libris satis decentibus ipsius abbatiæ fundatæ in honore sanctæ crucis finivit sermonem, ut dictum est, factum clero & populo plebe multa cum devotione astante, quamvis die profesto. Est autem abbatia Angliæ bene sita, satis domificata ad recipiendum Prælatum & suos sequaces. Ibi Dominus Bituricensis nec confirmavit, nec tonsuravit, nec benedixit, quoniam ipsi non fuit oblatum aliquid confirmandum, tonsurandum, benedicendum.

Domino recedente ab Anglia prædicta distante ab abbazia de Fongombaut per duas leucas tantum satis mediocres, dictus Abbas Angliæ Dominum Bituricensem euntem apud abbatiam sancti Savini ordinis sancti Benedicti distantem ab abbazia Angliæ per quatuor leucas satis mediocres conduxit per duas leucas & amplius vel circiter.

Nota distributionem seu divisionem procurationum Domini Bituric. in provincia Burdegalensi, quæ sequitur in his verbis.

Frater. Iacobus miseratione divina Prænestinensis Episcopus, apostolica sedis Legatus, licet indignus, dilectis filiis Decano & Archipresbytero Turon. salutem in Domino. Cum nos juxta mandatum apostolicum ad nos directum quinquaginta procuraciones quas venerabilis Pater Bituricensis Archiepiscopus in provincia Burdeg. secundum provisionem Domini Papæ habere [dinoscitur] taliter duxerimus dividendas quòd Burdeg. diocesi sex, Agennensi tres, Angolismensis tres, Petrogoricensi quatuor, Xanctonensi novem, Pieltavensi viginti quinque decreverimus assignari, discretionis vestre qua fungimur auctoritate præcipiendo mandamus, quòd divisionem à nobis factam vice nostra faciatis.

inviolabiliter observari, contradictores per censuram ecclesiasticam compescendo. Quòd si non ambo his exequendis poteritis interesse, alter vestrum ea nihilominus exequatur. Actum apud Rothomagum iv. Nonas Junii anno Domini MCCXL.

Die Lunæ sequenti jam dicto Domino veniente ad abbatiam sancti Savini ordinis sancti Benedicti distantem ab Anglia per quatuor leucas satis mediocres, Abbas sancti Savini venit obviam in equitaturis se sexto per duas leucas vel magis. Et Domino salutato cum hilaritate, cum aliquantulum Dominus & ipse pariter super multis communibus fuissent collocuti, recessit à Domino, & processit ut ad recipiendum Dominum se pararet, & alios commonachos faceret præparari. Et cum venit Dominus, Abbas prædictus & conventus Dominum honorificè receperunt modo quo supra. Hoc responsum cantatum, *Sint lumbi vestri præcincti.* Et Dominum & suos sequaces modo quo supra procurantes in necessariis quibuscunque. Et in sero post cœnam de expensis computato modo quo supra, summa fuit expensarum xii. libr. Turon. & xvi. solid.

Est autem notandum quòd sero quolibet in primatia computabantur sex libræ ceræ; scilicet quatuor pro hospitio, & duæ pro camerariis sub nomine cereorum ponendorum cum lumine ante crucem. Computabantur etiam de harnasio quinque solidi. Etiam computabantur sex denarii pro salario portantis procurationes. Computabantur similiter pro quolibet gacione non habente lectum duo denarii. Etiam panes cum sale & panes ad candelas erant illius de familia Domini qui serviebat de pane.

Item notandum est quòd Eleemosynarius Domini ubique in primatia dabat eleemosynam. Et ubi frumentum non suppetebat, illi qui procurabant Dominum Eleemosynario panem ministrabant pau-

peribus erogandum. Et fuit in abbazia de Anglia computatum pro pane ministrato Eleemosynario & pauperibus erogato quinque solidi.

Die Martis sequenti in mane Dominus audita Missa sua ad majus altare in indumentis & libris ipsius abbatiæ, intravit capitulum, Abbate & conventu præsentibus, & prædicavit Latinè. Sermone finito, visitavit [modo] quo suprà. Interrogatus Dominus si complaceret aliquos tonsurare, respondit quòd donec Pictavis fuisset, nullos tonsuraret. Post hæc, Domino redeunte, dictus Abbas ipsum per duas leucas vel circiter conduxit. Item notandum est quòd Dominus quosdam de Bituricensi diocesi apud S. Savinum Pictavenensis diocesis vocari fecit in judicium coram ipso, videlicet Gaudinum Dominum de Comefort ipsi Domino super tangentibus executionem patris dicti Gaudini testamenti responsurum, & quosdam alios quamplures, quos in camera Abbatis prædicti ante prandium & post expedit.

Eadem siquidem die Martis post festum beati Matthæi Apostoli & Evangelistæ venit Dominus Bituricensis apud Mortuum mare, Gallicè *Mortemer*, distans ab abbazia sancti Savini prædicta per sex leucas mediocres, nullo sibi obviam veniente. Receptus processionaliter, campanis pulsanibus, Priore ceterisque Canonicis loci ejusdem capas sericas indutis, crucem, reliquias Ecclesiæ, thuribulum cum incenso, & benedictam aquam portantibus, & cantantibus hoc responsorium, *Deum time*. Ibidem sunt Canonici seculares, & in procuratione mittenda ipsis scribitur, *Priori & capitulo*. Ibi siquidem est Ecclesia satis decens, hospitia minùs decentia. Et ibidem à Priore & capitulo fuit Dominus satis laudabiliter procuratus & ejus sequaces. Et computato de expensis modo quo suprà, summa fuit

expensarum XIII. libræ & XII. denarii Turonenses.

Die Mercurii sequenti in mane Dominus audiuit Missam suam ad majus altare ipsius Ecclesiæ, in vestimentis & libris ejusdem Ecclesiæ, præsentibus Priore & capitulo. Post Missam, requisitus Dominus si quos de choro tonsurare placeret, respondit quod antea responderat, addens quòd Dominus Pictavensis Episcopus satis vicinus ipsis est, ad quem faciliter pro talibus poterant habere recursum. Post hæc Dominus Bituricensis diligenter quæsit ab ipsis si ipsi vel in personis aut in Ecclesia & ad spiritualia vel temporalia aliquo vel aliquibus indigerent quod posset facere vel deberet, offerens se personis & Ecclesiæ in quantum ex officii debito & dilectione & affectione teneretur. Super quo dicti Prior & capitulum Domino regratiantes, ipsi Domino conquesti sunt de familia sua, eò quòd expensas factas non ita rigidè computaverant ut debuissent, & prout ipsi computaverant secundum ipsorum assertionem, & ita gravabantur ut in grossis carnibus & pollatura & palea & in fœno: quibus, post multorum responsa, finaliter Dominus respondit quòd si crederent minùs fideliter computatum fuisse, venirent ipsi vel mitterent Pictavis dum ipse præsens esset, & ipse libentissimè faceret fideliter computari; præsertim cùm sua familia, cujus intererat computare, jam præcessisset. Post hæc, ipsis salutatis, recessit & ivit Pictavim. Et est sciendum quòd in omnibus suprascriptis à principio quaterni præsens fuit Capicerius Pictavensis, & Canonicus Lemovicensis, qui Domino Bituricensi venit obviam die Veneris præcedente apud Bruel diocesis Bituricensis, cujus nomen est magister Guido de Noelles, & fuit presens dictus magister Guillelmus de Chipra, Archipresbyter prædictus à prædicto Domino Pictavensi præmissus.

O iij

Eodem die Mercurii sequenti venit Dominus Pictavis distantem à Mortuo mari per quinque leucas satis mediocres , Decano , Præposito , Priore sanctæ Radegundis , Abbate beatæ Mariæ Pictavis , Officiali , Succentore , & Cantore , in dignitatibus & personatibus constitutis in majori Ecclesia Pictavenſi , necnon Abbate Auræ vallis , Abbate sancti Cypriani , & pluribus Canonicis ecclesiasticis ipsi Domino obviam venientibus per duas leucas & ampliùs. Et post modicum ipsis à Domino salutato recedentibus , & Capicerio Pictavenſi recedente cum ipsis , ut ad Dominum honorificè recipiendum se pararent : qui Dominum venientem processionaliter in capis sericis , campanis pulsatis , crucem , thuribulum , aquam benedictam , textus evangeliorum , & multa alia pretiosa deportantes , receperunt cantando hoc responsorium , *Deum time* , Decano à sinistris & Cantore à dextris Dominum ab introitu Ecclesiæ per portam majorem ducentibus usque ad altare majus , & ipsi Domino , ut dictum est , assistentibus , donec Ecclesiam exivit. Et licèt Dominum honorificè recepissent , dictus Decanus Domino supplicavit ut pro malo non haberet , sed pro excusatis , eò quòd in processione prædicta non fuerant tot quot voluissent , cùm absentes occupati essent tam in vindemiis quàm pluribus aliis. Post hæc Domino volente intrare capitulum , ut suum expleret officium , inter ipsum & Canonicos extitit finaliter concordatum quòd Dominus differret intrare capitulum usque mane crastinum. Quo facto , conduxerunt Dominum in domum suam , scilicet in domos Domini Episcopi Pictavenſis ; & ibidem splendide cum opulentia Dominum procurarunt , & comederunt cum Domino prædicti Decanus , Cantor , Præpositus , & Abbas beatæ Mariæ , Prior sanctæ Radegundis , Capicerius , Offi-

cialis, Succentor, & quamplures alii de Ecclesia tam Canonici quàm Capellani & Clerici, in expensis capituli & in mane & in sero; & Domino quandiu fuit Pictavis prædicti superiores bonam & venerabilem societatem & solatium tenuerunt, & vina multa in comestionibus in potis & barrillis, ut moris est, præsentarunt. Computato de expensis hujus diei modo quo supra, summa fuit expensarum xx. libr. & xii. den. Turon.

Die Iovis sequenti, scilicet ante festum beati Michaëlis archangeli, comedit Dominus & socii ejus & plures de domicellis suis in domo Capicerii Pictavenfis, invitatus & rogatus affectuosè ab ipso Capicerio, & die Veneris præcedenti apud Loruel, quando Domino primò venit obviam, licèt Dominus cum difficultate maxima concessisset. Ceteri de familia Domini, ut plures domicelli & garciones, comederunt in domo Domini in expensis Domini. In sero Dominus & sui sequentes in expensis Domini fuerunt.

Eodem die Iovis in mane Dominus intravit capitulum, & prædicavit ibi; Decano & Capitulo, ceterisque multis aliis præsentibus. Et post sermonem ostenso discretè & eleganter quanta sit utilitas Pictavenfis & Pictavensi diocesi necnon ipsis Canonis Pictavenfis habere tam vicinum refugium ut Biturim, cùm per Bituricensem curiam suam justitiam faciliùs & citiùs consequantur, ostenso etiam qualiter Decanus & capitulum Burdegalense minùs sano ducti consilio malitiosè jurisdictionem Bituricensis, quam in provincia Burdegalensi Dominus jure primatiæ dignoscitur habere & habuisse, impediunt & nituntur impedire, rogavit Dominus præsentis Canonicos ut si scirent in quacunque causas præfuisse quæ per appellationem ad curiam Bituricensem delatæ fuerunt & ibidem ter-

minatae, recitarent in publico, praesentibus astantibus, scilicet duobus tabellionibus, dicto Bertrando famulo Regis, & pluribus aliis fide dignis, prout omnia in instrumento publico inferius annotato dilucidè continentur. Et haec omnia faciebat Dominus ad dictum Bertrandum informandum, ut de jure suo facilius doceret tempore opportuno. Ipso die Iovis recepit Dominus litteras à Senescallo Vasconiae continentes ista verba.

Iohannes de Greilly Miles illustris Regis Anglia Ducis Aquitania, Senescallus in ipso ducatu, dilectis suis Iohanni de sancto Ergondo Militi in Burdegalensi & Vasconia curiis & Bertrando de Campania Militi in Xanctonensi locum suum tenentibus, & omnibus aliis Ballivis suis, salutem. Cum Reverendus Pater in Christo Simon Dei gratia Bituricensis Archiepiscopus nobis exposuerit quòd ad Burdegalensem provinciam intendit accedere, vobis mandamus quatinus cum dicti Domini nostri terram intraverit, sibi vestrum pro eodem Domino nostro & nobis offerentes servitium, & exhibentes honorem, ipsum & suos in personis & rebus, quandiu erit in districtu Domini nostri, à violentiis & injuriis defendatis, & si quid forasfactum fuerit, illud faciatis celeriter emendari, cum ab ipso vel mandato suo fueritis requisiti, taliter super his vos habentes quòd de vobis se possit meritò commendare ac de negligentia vestra nequeat habere materiam conquerendi. In vos etiam redundabit, si quid inventum fuerit vos contra ipsum vel suos egisse vel sustinuisse, de quo debeatis redargui vel puniri. Datum Parisius in crastino beati Matthaei Apostoli anno Domini MCCXXCIV. Item alias in haec verba.

Reverendo in Christo Patri suoque carissimo Domino Simoni divina providentia Bituricensi Archiepiscopo Iohannes Greilly Miles paratam ad ejus bene-

placita voluntatem. Licet ad partes Vasconia dirigeremus libentiùs quàm alibi gressus nostros, propter aliqua tamen tam domini nostri quàm nostra negotia nos oportet ad præsens à recto regressus nostri tramite deviare, ita quòd tam citò sicut sperabamus in illis partibus non poterimus inveniri. De quo propter adventum vestrum nobis noveritis displicere, cum personam vestram vellemus sicut patris & domini honorare. Quamobrem locum nostrum tenentibus damus per nostras litteras in mandatis ut vos & vestros à violentiis & injuriis protegant & defendant, prout in litteris nostris apertis, quas vobis mittimus, videre poteritis contineri. Si quid autem vestra federie voluntati quod nobis mandare velitis, illud prout poterimus conabimur adimplere. Valeat paternitas vestra bene & diu. Datum Parisius in crastino beati Matthæi Apostoli.

Die Veneris sequenti prædicavit in Ecclesia majori Pictaveni & de cruce Arragoniæ, & multos cruce signavit. Finito sermone visitavit abbatiam sancti Cypriani Pictaveni ordinis sancti Benedicti, receptus processionaliter ab Abbate & conventu in capis sericis, campanis pulsatis, cantando *Deum time*, & cum omnia sollemnitate, & procuratus ab Abbate prædicto, & in domibus Pictaveni Episcopi, Priore sanctæ Radegundis, Abbatæ sancti Cypriani, Cellerario, & multis aliis de monachis suis comedentibus cum Domino die illo. De expensis hujus diei fuit computatum modo quo supra, & fuit summa expensarum xix. libr. & x. solidi. Eodem die Veneris, scilicet festo beati Michaëlis archangeli, post visitationem prædictam celebravit Dominus magnam Missam ad majus altare beatæ Mariæ in pontificalibus, utendo pallio & sandaliis, Capicerio Diacono & Abbate beatæ Mariæ Subdiacono existentibus in illa Missa. Scribi-

tur autem procuratio in abbazia sancti Cypriani prædicta, *Abbati & conventui.*

Die sabbati sequenti post festum beati Michaëlis visitavit Dominus Ecclesiam beatæ Radegundis, ubi sunt Canonici regulares, & visitavit Ecclesiam sanctæ crucis, ubi sunt moniales ordinis sancti Benedicti, unam post aliam, receptus utrobique modo quo supra. Et prædicavit in capitulo monialium, ipsis monialibus astantibus, in Gallico, Abbatissa absente. Finito sermone, Dominus ad majus altare sanctæ crucis in pontificalibus celebravit cum sandaliis & sine pallio, & dedit indulgentiam & absolutionem post sermonem, procuratus à capitulo sanctæ Radegundis, & conventu sanctæ crucis Ecclesiarum prædictarum in domibus Domini Pictavenfis Episcopi. Computato de expensis totius diei modo quo supra, summa fuit xv. libræ. Modus scribendi pro procuratione habenda in locis prædictis est iste, *Priori & capitulo sanctæ Radegundis, & Abbatissæ & conventui sanctæ crucis Pictavenfis.* Cum Domino comederunt Prior sanctæ Radegundis & Capicerius prædicti.

Die dominica sequenti post festum beati Michaelis, & in festo beati Remigii, primo die mensis Octobris, fecit Dominus prædicari per fratrem Simonem de ordine Minorum socium familiarem suum in Ecclesia majori Pictavis de cruce Arragoniæ, & multos cruce signavit, & indulgentiam dedit auctoritate sibi commissa per Dominum, Domino in sua camera remanente. Facto sermone & post Missam Domini, quam audivit Dominus in capella domorum Domini Episcopi Pictavenfis, accessit Dominus ad abbatiam monasterii novi in suburbio Pictavenfi ordinis Cluniacensis, Abbate loci ejusdem tunc absente, receptus ibidem à Priore & conventu valde sollemniter modo quo supra,

ipsis cantantibus *Deum time*. Dominus ibi non visitavit, quia locus & personæ sunt exemptæ, dum obtulit se Dominus quicquid posset Ecclesiæ & personis, procuratus ab ipsis Abbate & conventu prædictis in dictis domibus Domini Pictaven- sis. Cum Domino comederunt Decanus, Præpositus, Cantor, Capicerius, Officialis, Succentor, Prior sanctæ Radegundis, Abbas beatæ Mariæ, & plures alii tam Capellani quàm Clerici de Picta- ven- si Ecclesia & aliunde. Computato de expensis totius diei modo quo supra, summa fuit xiv. libr. xviii. solid. duobus denariis minùs.

Die Lunæ sequenti, secunda die mensis Octobris, Dominus exivit civitatem Pictavensem post Missam suam. Ipsum conduxerunt dicti Cantor, Officialis, Prior sanctæ Radegundis, Abbas beatæ Mariæ, & plures alii. Domino veniente ad prioratum de Le- zigniaco distantem à Pictavis per quinque leucas sa- tis mediocres, sibi venit obviam Prior dicti loci in equitaturis sequinto, quoniam Abbas præsens non erat; & receperunt Dominum Prior & sui socii val- de sollenniter modo quo supra cantantes *Deum time*, & post, *Alma redemptoris mater*, & procurave- runt Dominum & suos sequentes. Eleemosynarius Domini semper & ubique eleemosynam pauperi- bus erogavit. Cum Domino venit Capicerius Pi- ctaven- sis. De expensis computato modo quo supra, summa fuit xiv. libræ, xii. solidi. Illo eodem die Lunæ, dum Dominus esset Pictavis, venerunt qui- dam pro Abbate sancti

Die Martis sequenti venit Dominus apud priora- tum sancti Hilarii de Metullo distantem à priora- tu de Lezeigniaco per vii. leucas Pictavinas. Priora- tus est S. Iohannis Angelliacensis Xantonensis dio- cesis, Gallicè *Anjelle*, Priore tunc absente. Ibi Do- minus receptus fuit processionaliter cum omni sol-

lennitate modo quo suprà , & procuratus ibidem satis laudabiliter & sui. Computato de expensis modo quo suprà , summa fuit xii. libr. & x. solidi. Illo die Martis Dominus audivit Missam suam in prioratu prædicto de Lezeigniaco , *de Lezeignant* Gallicè , Latinè de Lezeigniaco. Audita Missa sua , venit quædam monialis ordinis Fontis Aurardi ad Dominum , quæ à tribus annis inantea incepit jejuna , ut dicebatur , ter in sabbato , scilicet die Lunæ , die Mercurii , & die Veneris , absque aliqua comestione & sine potu , aliis diebus non multum comedebat , & sine vino & absque carnibus , & fuit secretò locuta Domino ac si confiteretur , omnibus videntibus. Illa monialis habebat matrem suam secum. Filia militis erat satis divitis commorantis in quodam manerio prope Lezeigniacum , & erat ipsa monialis de prioratu Borueul.

Die Mercurii sequenti post festum beati Remigii hyemalis , in festo beati Francisci , Domino veniente ad abbatiam beatæ Mariæ de Cella ordinis sancti Augustini , distantem à prioratu sancti Hilarii de Metulo per duas leucas parvas , Abbas beatæ Mariæ sibi venit obviam cum unico socio , & salutato Domino præcessit ; & Dominum receperunt Abbas & conventus processionaliter in capis sericis , campanis pulsatis , & cum omni alia sollennitate modo quo suprà , *Sint lumbi* cantantes , & profam unam , à Domino finiente orationem suam ante majus altare , conduxerunt Dominum ad capellam beatæ Mariæ inferiorem cantando , *Alma redemptoris mater*. Et celebravit in ipsa Ecclesia seu capella beatæ Mariæ Dominus Missam de beata Maria sine nota & voce submissa in simplicibus indumentis utendo cum dalmatica. Finita Missa , frater Simon Minor prædictus ad majus altare Missam celebravit de beato Francisco ; & post Missam

prædicavit in capitulo, Domino præfente, Abbate, conventu, & aliis, clero populo adstantibus, & dedit indulgentiam. Abbas & quidam concanonici sui cum Domino comederunt. Dominus & sui fuerunt ibi procurati. Ibi est locus pulcherrimus. Pro procuratione scribitur, *Abbati & conventui*. Computatis expensis totius diei modo quo supra, summa fuit

Die Iovis sequenti, Domino veniente post Missam suam apud abbatiam sancti Severini ordinis sancti Augustini distantem ab abbazia sanctæ Mariæ de Cella per quinque leucas Pictavinas, Abbas sancti Severini sibi venit obviam, & salutato Domino, recessit se paraturus ad Dominum recipiendum, quem, cum veniret, Abbas indutus capa serica & tenens cambucam, & conventus processionaliter receperunt, campanis pulsatis, cantantes *Sint lumbrici*, & cum omni alia sollemnitate. Quo facto, Dominus introivit Capitulum, & fecit ibi sermonem, clero & populo, Abbate & conventu præsentibus, per fratrem Iohannem socium fratris Simonis prædicti. Dominus comedit in refectorio, Abbate & quibusdam suis sociis comedentibus cum eo, & procuratus ab ipso satis laudabiliter. Computato de expensis totius diei modo quo supra summa fuit

DIOCESIS PICTAVENSIS.

Die Veneris sequenti post festum beati Remigij hyemalis exivit Dominus Bituricensis diocesim Pictavensem, & intravit diocesim Xantonensem, litteris ad Dominum Episcopum Xantonensem præmissis, quarum tenor talis est.

Simon Dei gratia Bituricensis Archiepiscopus, Aquitania Primas, venerabili viro Gaufrido ejusdem gra-

tia Xantonensi Episcopo , salutem , & cum sincera in Domino caritate paratam ad ejus beneplacita voluntatem. Significamus vobis quòd die tali post festum tale jure primatie Burdegalensem provinciam visitantes , vestram dioecesim Xantonensem intrare proponimus, Domino concedente. Vnde vestra fraternitati rogando mandamus quatenus nobis mittatis unum de Clericis & familiaribus vestris qui nobis die tali vel citius apud talem locum occurrat , & qui patriam sciat, nosque conducat , & faciat cetera consueta. Dolemus enim quamplurimum quia vobiscum loqui non potuimus Parisius pro nostra debito voluntatis in convocatione Prelatorum , quia vos & nos , prout scitis , ita negotijs eramus occupati & compressi quod alter alteri ad votum loqui non potuit illa vice , sed [Deo] dante , cum vos videbimus , bene recuperabimus , & quae vobis credemus placitura libentissimè faciemus. Valeat vestra fraternitas per tempora longiora. Datum Pictavis in festo beati Michaelis archangeli anno Domini millesimo ducentesimo octogesimo quarto.

Rescriptio D. Episcopi Xantonensis ad Dominum Bituricensem est ista.

Reverendo in Christo Patri ac Domino Domino Simoni divina providentia Archiepiscopo Bituricensi, Aquitaniaeque Primati , Gaufridus eadem permissione Xantonensis Episcopus , salutem & debitam reverentiam cum honore. Paternitatis vestrae litteras continentes quòd procurationem vestram , quam ad locum nostrum mandaveratis hac instanti die Veneris post festum beati Remigii ad diem sabbati proximo subsequenter ex causa necessaria commutatis , benignè recepimus , & gratanter commutationem illam ratam habentes pariter & acceptam , eidem paternitati vestrae tenore praesentium intimamus quòd dicta die vos quantum poterimus honorare proponimus , prout deoet , ac de jocundo adventu vestro plurimum congaudentes,

identes , ad vos mittemus aliquem de nostris ad abbatiam sancti Severini proxima die Iovis ; & die Veneris sequenti vos videbimus , Domino concedente. Bene & diu valeat in Domino vestra paternitas reverenda. Datum die Martis post dictum festum.

DIOCESIS SANTONENSIS.

Die Veneris sequenti post festum beati Remigii hyemalis Dominus Bituricensis Archiepiscopus, audita Missa sua apud sanctum Severinum in vestimentis & libris abbatiae, de Pictavensi diocesi Xantonensem diocesim intravit, veniendo ad abbatiam sancti Iohannis Angeliacensis distantem à sancto Severino per quinque leucas, Cambrelinco & quibusdam aliis monachis sancti Iohannis obviam Domino venientibus per duas leucas & plus, cum Abbas dicti loci adeo prae senectute sit debilitatus quod equitare non potest. Eodem die Veneris Dominus Xantonensi Episcopus Domino Bituricensi venit obviam cum venerabili comitiva ferè per duas leucas, & Dominum Bituricensem & suos sequaces reverenter salutavit & lætanter, & ipsum usque ad abbatiam sancti Iohannis associavit. Burgeneses etiam sancti Iohannis venerunt obviam Domino Bituricensi in multitudine magna plusquam per leucam; & salutato Domino cum reverentia & honore, Dominum devotissimè rogaverunt cum effectu ut cum ipsis & in expensis ipsorum per diem unum morari placeret, & ad hoc omnes burgeneses prædicti una voce clamosa non cessabant instare, & Dominum Xantonensem Episcopum cum instantia rogaverunt ut Dominum Bituricensem ad hoc inducere laboraret, ut cum ipsis, ut prædictum est, moraretur. Super quibus Domino excusante ipsorum precibus non posse condescendere illa vice, dum dietas suas & viam suam jam præordinasset, &

ipsis multiplicatas grates referente de curialitatibus ipsorum sibi exhibitis & oblati, venit ad abbatiam prædictam sancti Iohannis, ubi receptus fuit processionaliter, campanis pulsatis, ab Priore & conventu dicti loci in capis sericis & cum omnia reverentia & sollemnitate modo quo supra, Domino Episcopo Xantonensi à dextris & Cambrelino prædicto à sinistris Dominum ab introitu monasterii conducentibus usque ad majus altare. Dominus tamen Xantonensis Episcopus non mutavit capam quam habuerat equitando. His rite peractis, Dominus intravit capitulum, & ibi prædicavit clero & populo Gallicè & Latinè, Domino Xantonensi & multitudine alia clericorum & laicorum præsentibus & astantibus ibidem. Et post sermonem dedit indulgentiam. Qua data, & remotis qui non erant de capitulo, præter familias Dominorum Bituricensis & Xantonensis, Dominus obtulit se & quicquid posset ex officio & ultra officium quicquid posset ex dilectione & devotione monasterio & personis. Post hæc Dominus Xantonensis Dominum Bituricensem in cameram suam conduxit. Quo conducto, recessit à villa, nec cum Domino comedit illa vice. Dominus procuratus fuit ab Abbate & conventu, & comedit Abbas cum Domino. Eleemosynarius Domini dedit eleemosynam pauperibus. Frumento non sufficiente, sibi fuit panis ministratus. Computatis expensis totius diei modo quo supra, summa fuit.....

Sabbato sequenti Dominus Missam beatæ Mariæ ad majus altare sollemniter alta voce & in pontificalibus celebravit, nec fuit usus pallio. Frater Simon prædicavit, & multos cruce signavit, & dedit indulgentiam. Nota quòd quando Dominus receptus fuit, cum surrexisset ab oratione sua, fuit Domino oblatus liber, & dixit versiculum, *Fuit homo missus à Deo*, responso, *cui nomen erat Iohannes*,

dixit collectam de beato Iohanne. Postea fuit in capitulo, ut dictum est. Finita Missa & sermone, ivit Dominus apud Xantonicas.

Eodem die sabbati ante festum beati Dionysii, Domino Bituricensi eunte apud Xantonas, Decanus & Cantor & Canonici Xantonenses, Prior sancti Eutropii Xantonensis, & Prior de sancta Gemma Domino venerunt obviam per duas leucas, & salutato Domino, recesserunt. Dominus intravit civitatem Xantonensem. Episcopus Xantonensis indutus capa serica pretiosa, mitram habens in capite, cambucam in manu & annulum, & capitulum & ceteri clerici capis sericis induti, cantando *Sint lumbi*, processionaliter cum cruce, reliquiis, textu evangeliorum, thuribulis, ceroferariis cum cereis ardentibus, dicto Domino Xantonensi aquam benedictam ipsi Domino Bituricensi offerente, in introitu majoris Ecclesiæ receperunt, campanis pulsatis & cum omni alia sollemnitate, ut est moris. Finito responso, surgente Domino ab oratione sua, dixit versiculum *Annuntiaverunt* & collectam de Apostolis, Domino Xantonensi sibi librum portante & tenente ex una parte, scilicet à dextris, & Decano à sinistris. Hoc facto, duxit Dominus Xantonensis Dominum Bituricensem in domibus suis; & comederunt dicti Bituricensis & Xantonensis Domini insimul in eadem mensa in domibus Episcopi, Cantore solum de Canoniciis Xantonensibus comedente cum ipsis. Eleemosynarius Domini Bituricensis collegit eleemosynam & dispersit pauperibus, familia Domini Xantonensis sibi adjuvante; & habuerunt omnes pauperes eleemosynam quotquot fuerunt, Eleemosynario Domini Xantonensis panem ministrante ubi defuit frumentum. De expensis totius diei more solito ut supra fuit computatum, & fuit summa expensarum.....

Decano & capit. loci mandata fuit in hunc modum.

Simon & c. venerabili fratri in Christo G. eadem gratia Dei Episcopo Xantonensi, ac dilectis in Christo filiis Decano & capitulo loci ejusdem, salutem & sinceram in Domino caritatem. Burdegalensem provinciam jure primatie nostrae visitaturi ac instanti tali die post tale festum ad locum vestrum intendimus declinare. Vnde vobis mandamus quatinus dicta die nobis & familie nostrae procuracionem nostram preparatis. Datum & c.

Eadem die dominica ante festum beati Dionysii fuit Dominus Bituricensis receptus processionaliter modo quo suprà in dicto prioratu sancti Eutropii, & procuratus est. Et fuit computatum de expensis modo quo suprà. Summa expensarum fuit.

Die Lunæ sequenti in festo beati Dionysii venit Dominus ad prioratum sancti Martini de Ponte Xantonensi, receptus & procuratus sollemniter modo quo suprà. Computato de expensis ut suprà, summa fuit expensarum Et distat dictus locus, videlicet prioratus de Ponte prædictus, à Xantonis per quatuor leucas. Illa die Dominus audivit Missam suam in dicto prioratu sancti Eutropii in vestimentis & libris ipsius prioratus.

Die Martis sequenti Domino Bituricensi post Missam suam auditam in dicto prioratu de Ponte veniente apud prioratum de Niorto prope Mirabellum distantem à Ponte per quinque leucas, antequam ibi veniret, declinavit ad abbatiam albam de Tenalla, Gallicè *de la Tenalle*, distantem à Ponte per quatuor leucas; ubi fuit receptus processionaliter modo quo suprà, Abbate dicti loci obviam Domino veniente per quatuor leucas. Ab illa abbatia venit Dominus ad dictum prioratum de Niorto, ubi receptus fuit procuratus sollemniter modo quo suprà. Et venit cum Domino & comedit dictus Abbas & dedit Dominus Abbati prædicto & suis licentiam & præ-

ceptum carnes comedendi, præsertim cùm pisces in sufficientia non possent haberi. Expensas factas totius diei solverunt dicti Abbas de Tenalla & Prior de Niorto, quilibet pro medietate, ne alter ipsorum solus in solutione nimis gravaretur. Nota quòd fuit procuratio scripta dictis Abbati & conventui & Priori ab ipsis insimul apud dictum prioratum de Niorto Domino præparanda. Summa fuit expensarum

DIOCESIS BURDEGALENSIS.

Die Mercurii sequenti post festum beati Dionysii exivit Dominus Bituricensis diocesim Xantonensem, & intravit diocesim Burdegalensem. Venienti de Niorto ad abbatiam sancti Romani de Blavia Burdegalensis diocesis, ubi est distantia scilicet inter Niortum & Blaviam septem leucarum, Domino Bituricensi veniente usque ad introitum Blaviæ, Abbas sancti Romani de Blavia obviam venit Domino, uno tabellione & quibusdam aliis secum. Domino salutato ab eis, dixit Abbas Domino: Domine, scitote quòd libenter & libentissimè vos reciperem quantum est de me, & doleo vehementer quòd secundum meum desiderium explere non possum, sed à Dominis nostris Decano & capitulo Burdegalensi in mandatis recepi ne vos admittam ad visitationem nec ad procurationem ratione primatiæ; sed si ratione provisionis seu ordinationis factæ per Dominum Gregorium Papam IX. inter Bituricensem & Burdegalensem Archiepiscopos petitis admitti ad præmissa, parati sumus vos recipere honorificè & eo modo quo debemus; sed jure primatiæ nullo modo vos recipemus, cùm nobis sit inhibitum à prædictis, de quorum inhibitione & mandato offerimus vobis facere fidem; & si aliàs quàm ut præmissum est petitis admitti, scitote nos in monasterio nostro ad sedem

apostolicam appellasse cū vestros nuntios & familiam vestram vidimus prævenire ; cui appellationi adhæremus , & supponimus nos protectioni ejusdem. Ad hoc Dominus Bituricensis respondit quod jure suæ Bituricensis Ecclesiæ & suo & omni jure sibi competente Burdegalensem provinciam visitabat , & eo jure petebat admitti eo modo quo sui prædecessores admissi fuerant , nec intrindecabat à provisione prædicta recedere nec eam infringere , sed in omnibus & per omnia desiderabat servare & servari facere. Hanc autem responsionem Dominus pluries repetiit , nec in sua responsione variavit. Tandem verbis partis utriusque residentibus in finibus istis , Abbas festinanter præcessit processionem paraturus , & Dominum uua cum suo conventu processionaliter receperunt , cum omni alia sollemnitate & reverentia qua supra. Domino recepto sicut præmittitur , intravit capitulum , & ibi fecit fratrem Simonem prædicare clero & populo ibidem assistenti in multitudine copiosa. Dum prædicaretur & jam in prædicatione processum fuisset , Major ecce & majores communie Burdegalensis intrant capitulum , Dominum cum reverentia & honore & lætitia salutarunt. Quibus Dominus assurgens cum maturitate qua decuit , & ad relativam salutationem recipiens citius pro quibusdam expediendis prædicator sermonem finivit. Quo finito , Domino de capitulo recedente , accessit quidam dicens se velle appellare ex parte dictorum Decani & capituli Burdegalensis , quædam incepit legere , sed Dominus non arrestavit , sed suam cameram intravit cum multitudine supervenientium numerosa. Dictus legens videns se non abscultari , cessavit legere , & recessit. Postmodum venerunt dicti Decanus & capitulum , seu multi ac quidam de capitulo Burdegalensi : qui cameram Domini intrantes,

& Gardianus fratrum Minorum cum tribus suis sociis, & duo Prædicatores, & plures alii Dominum stantem invenerunt, & Dominum cum reverentia salutarunt, & Dominus ipsos. Postea sedentibus omnibus, proposuit scilicet quidem Decanus sancti Severini Burdegalensis magister in Decretis, ut dicebatur, nomine Decani sociorumque ejus & capituli & omnium aliarum Ecclesiarum civitatis & diocesis & totius provinciae Burdegalensis ac suffraganeorum ejusdem quod si placeret Domino quod ratione provisionis prædictæ tantum & non jure primatiæ, cum non esset Primas, nedum ipsorum, ut dicebant, libenter reciperent cum reverentia & honore, sed si jure primatiæ peteret admitti, aut ut Primas, ipsum nullatenus admitterent, quia nunquam Bituricenses Archiepiscopos receperunt nec intendunt recipere aut tenere pro Primate in futurum, ut dicebant, licet super jure primatiæ aliquando inter Bituricensem & Burdegalensem Archiepiscopos fuerit litigatum; & dicebat se nomine quo supra gravari in hoc quod Dominus dicebat se Primatem, cum non esset, & quod dicebat se jure suæ primatiæ Burdegalensem provinciam visitare, cum in provisione prædicta non diffiniatur quod sit Primas, & cum ratione primatiæ seu jure dictam provinciam visitare non habeat, sed ratione solum provisionis prædictæ, virtute cujus provisionis Domino Bituricensi debentur quinquaginta procuraciones in provincia Burdegalensi. Nec faciebat pro Domino Bituricensi, ut dicebat dictus Decanus, quod in provisione ipsa dicitur quod sicut aliàs ipsi scriptum est Primati, ita de cetero scribatur; quia per hoc non dicebatur ipsum esse Primatem, cum non diffiniendo nec cum decreto præmissa scribantur ibidem. Dicebat etiam quod sicut ex prædicta provisione Burdega-

lensis Ecclesia & Burdegalensis Archiepiscopus & provincia Burdegalensis obnoxii sunt Bituricensi Archiepiscopo & Ecclesie ejus, ita vice versa, sicut liquet ex provisione predicta. unde si jure primatie premissa petat, nullo modo permetterent, licet alias personam ipsius multum vellent honorare, sed ratione predictae provisionis offerebant ei & in praesentia tabellionis facere ea ad quae tenentur secundum tenorem provisionis, dum tamen jure primatie non peteret illa. His peroratis, Dominus regratatus est Decano Burdegalensi & suis super curialitate oblata de ipsum velle honorare, secundo quod videbantur sibi viri discreti & maturi & bonae voluntatis, ut credebat, sibi fuisse premissi, dum tamen ipsi complerent quod dicebant. Ad cetera omnia premissis quod de provisione seu super ipsa disputare volebat ad praesens, eandem responsionem fecit quam primo, adiciens quod volebat & multum desiderabat quod si in aliquo oberraret vel jam erraverat, viderent homines sapientes & probi, & ostenderent in quo, ab errore libentissime supersederet, & errata jam si errasset revocaret, quod tamen non credebat, nec vellet, nec erat intentionis suae nec unquam fuerat contra provisionem predictam venire nec eam infringere in aliquo, sed eandem acceptabat & libenter servare volebat, nec per modum quo scriptum fuerat in provisione mandata, ipsi provisioni intendebat derogare, seu in aliquo prajudicium generare; & ex abundanti & pro bono pacis, concordiae, & caritatis eis obtulit se sibi daturum litteras quod a provisione dicta recedere non intendebat, sed in omnibus & per omnia in ipsa contenta servare volebat & desiderabat sibi similiter integre servari nec in aliquo contraire, & quod procuracionem, visitationem, & alia jure

sua Bituricensis Ecclesiae & suo & omni jure sibi competentem quo poterat & debebat, secundum ordinationem seu provisionem praedictam petebat, & eo modo quo praedecessores sui & eo jure admissi fuerant ad praemissa, eisdem & non aliis petebat admitti. Et haec oblata ab ipso & modo offerendi in omnium assistentium memoriam rogavit inseparabiliter affigi, & super his per praesentes Notarios sic fieri publicum instrumentum. Tunc dixit quidam à latere quod omnia reducerentur ad effectum. Dominus dixit quod paratus erat quantum erat in eo, & vellet centum marchas dedisse quod Burdegalenses Domini ita tenderent ad pacem & concordiam & juris cujuslibet conservationem & ad aequitatem quantum ipse anhelabat. Et tunc Decanus & sui se traxerunt ad partem, & Dominus ivit ad Ecclesiam, & audivit Missam suam ad majus altare. Interim fabricata fuit quaedam littera & concordata cum maxima difficultate partium, quae sequitur in haec verba.

Simon Dei gratia Bituricensis Archiepiscopus Aquitania Primas universis praesentes literas inspeturis salutem in Domino. Noveritis quod intentionis nostrae non fuit nec est contra provisionem seu ordinationem dudum factam inter Bituricensem & Burdegalensem Archiepiscopos per pia memoria Dominum Gregorium Papam IX. volentem praedictis Archiepiscopis & eorum Ecclesiis providere super jure primatiae Burdegalensis provinciae aliquid indebitè usurpare, quin potius praedecessorum nostrorum vestigiis inherentes, provisionem seu ordinationem eandem tam in visitationibus quam procurationibus & aliis hujusmodi quantum secundum Deum & justitiam & ius Bituricensis Ecclesiae possumus bona fide intendimus observare. In cujus rei testimonium sigillum nostrum praesentibus duximus apponendum. Datum apud Blaviam.

Burdegalensis diocesis anno Domini MCC. octogesimo quarto, die Mercurii post festum beati Dionysii.

Qua sigillata & à Decano & suis de scrupulo ad scrupulum ruminata corrosa, tandem visi sunt acceptare, dicentes tamen quòd ad plenum eam non poterant acceptare, nisi priùs ostensa in capitulo eorundem, cum de dicto capitulo plures essent alii sapientes & probi & potentes sine quibus nihil poterant expedire, sed eam libenter suis sociis ostenderent & audirent quid placeret eis. Post hoc Dominus eos rogavit ut cum ipso comederent; qui noluerunt, dicentes jam comedisse. Post hæc Decanus Dominum cum effectu & instantissimè rogavit ut cum ipso saltem una die moraretur. quod facere Dominus recusavit, se curialiter & amicabiliter excusando. Tunc recesserunt Decanus & sui, Domino cum reverentia salutato; & Dominus comedit, & Abbas cum eo & multi alii in domibus abbatiæ, & procuratus modo quo suprà. Computato modo quo suprà de expensis dictæ diei solutis per Abbatem, summa fuit.

Eodem die venit, Domino sedente in mensa, D. Helias Abbas sancti Asterii secularis Ecclesiæ Petragoriceusis diocesis conservator Domini Bituricensis super provisione prædicta. Post comestionem Major & burgenfes Burdegalenses venerunt visum Dominum in camera sua cum buccinis & in magna sollemnitate & veneratione, & biberunt cum Domino, & de drageia comederunt. Eodem die in vespers & in claustro dictæ abbatiæ denuntiavit Officialis Domini, multitudine hominum ibi stante & sedente in figura iudicii, quasdam appellationes à quibusdam burgensibus Burdegalensibus ab audientia Officialis Burdegalensis ad Bituricensem Archiepiscopum vel ejus Officialem interjectas legitimas, & canonicè fuisse appellatum &

appellationes tenere , revocando in irritum quicquid post appellationes &c.

Die Iovis sequenti ante diem Domino & suis surgentibus & venientibus supra portum de la Gironde , & suas matutinas dicentibus ibidem , dum pararetur navigium , paratis omnibus suam navem intravit , & alii naves alias prout potuerunt. Et dum equi ponerentur in navibus , palefredus Capicerii Pictavenſis ſocii Domini cecidit in aquam in valore LX. librarum Turonenſium , vel majori , & ibi in brevi hora fuit ſubmerſus. Dominus deſcendit ad portum de Mauca diſtanti à Blavia per tres leucas , & apud Maucam ſuam Miſſam audivit in veſtimentiſ & libris ipſius Eccleſiæ. Dicti Major & burgenſes dictam aquam cum Domino in diſverſis navibus tranſierunt & Dominum aſſociarunt uſque Burdegalenſem civitatem diſtanti à dicta villa de Mauca per quatuor leucas longas. Multi burgenſes Burdegalenſes cum prædictis Domino venerunt obviam bene in quingentis equis & plus , pluſquam per leucam , & Dominum ut Primateſ ſuum reverentiſſimè cum ſalutatione devota receperunt. Domino tranſitum per civitatem faciente , & à dextris & ſiniſtris ſuam benedictionem humiliter expectantibus & inclinatis ad eandem ſuſcipiendam diſtribuente & largiente , ad abbatiam ſanctæ crucis Burdegalenſis declinavit ; & cum eandem pacificè & abſque contradictione aliqua crederet intrare , præſertim cum præcurſores Domini , & cocus clericus coquinæ , oſtiarius Domini , mareſcallus , pincerna , ceterique officiales Domini cum ſaumariis ad argentum & vexelamentum argenteum benigniter cum hilaritate vultus ibi fuiſſent recepti , & intus ſua cibaria præparata & neceſſaria quæſita , tamen undique valvas Eccleſiæ clauſas invenit , nec ſibi patuit aditus , nec ſibi vo-

Inerunt aperire qui claufas tenebant, licèt cum instantia pluries ut aperirent requisiti. Tandem venerunt Decanus Burdegalensis & Decanus sancti Severini & alii plures cum eis ad Dominum stantem ante valvas, & ei dixerunt: *Domine carissime*, litteram quam heri dedistis apud Blaviam in capitulo legimus & ostendimus concanonicis nostris; qua lecta & audita, non placuit eis, nec fuerunt ea contenti, ac tamen, si ratione compositionis seu provisionis aut ordinationis predictae petitis admitti ad visitationem & procurationem, parati sumus & vobis offerimus facere quod debemus secundum tenorem provisionis predictae; & hoc offerimus in praesentia tabellionum hic assistentium, & petimus super his fieri nobis publicum instrumentum; & si alias contra nos procedere intenditis aut petere, & ne procedatur, ad sedem apostolicam appellamus, & ejus nos supponimus protectioni. Tunc Dominus, tabellionibus publicis vocatis, & Prædicatoribus, Minoribus, & aliis adstantibus, dixit voce viva: *Domini hic adstantes*, precor vos attendite & videte & memoriae commendate quòd nos jure nostra Bituricensis Ecclesiae & nostro & omni jure nobis competenti juxta tenorem provisionis predictae ad visitationem & procurationem petimus admitti, secundum quod prædecessores nostri Burdegalensem provinciam visitantes fuerunt admissi ad præmissa, scientes quòd non est intentionis nostrae nec unquam fuit à provisione predicta recedere nec intendimus, sed observare petimus diligenter, nec in aliquo aut aliquibus contentis in ipsa contraire, & cum instantia petimus nobis reservari, & hoc petimus in publicam formam redigi & astantes inscribi. Et dixit subsequenter: *Monemus vos primò, secundò, & tertio Decanum Burdegalensem & Decanum sancti Severini & vos omnes alios ipsis assistentes ne nos ex officii nostri debito visitare vo-*

lentes nostram visitationem aliquatenus impediatis. Et quia manifestè patet quòd contra Deum & iustitiam nostram non cessatis impedire visitationem, immo plus & plus impeditis, vos in his scriptis, vestra exigente contumacia, excommunicamus, & vos excommunicatos publicè nuntiamus. Et tunc quidam ex parte Decani Burdegalensis, ut dicebat, & nomine capituli in cedula quadam nescio quædam cœpit legere, sed præ clamore nimio non potuit exaudiri. Tunc Dominus conversus ad fores Ecclesiæ sanctæ crucis Abbatem & conventum, licèt eos non videret, primò, secundò, tertio monuit ut ipsum ad visitationem & procurationem admitterent, ut præmittitur, & ut tenebantur secundùm provisionem præmissam, & in monendo ad fores pulsabat. Et cum videret se ad præmissa non admitti, nec ipsos monitionibus suis parere, in scriptis excommunicavit eosdem, & suum executorem prædictum rogavit ut id faceret ad quod erat deputatus. Et tunc dictus conservator dictos Abbatem & conventum modo quo suprà monuit ut Dominum reciperent ad præmissa secundùm tenorem provisionis prædictæ; quos monitis suis parere nolentes excommunicavit in scriptis, & Ecclesiam ecclesiastico supposuit interdicto, quam jam Dominus supposuerat eidem interdicto. Et post hæc Dominus per longum tempus cum confusione, rubore & verecundia stans ad fores clausas Ecclesiæ, plebe infinita astante, videns quòd nihil haberet quod ultrà posset facere, faciens per sollemnes nuntios, ut per Capicerium Pictavensem, Gardianum, & Priorem Prædicatorum Burdegalensium, & plures alios procurare & tractare si dictas visitationem & procurationem impedientes possent aliquatenus inducere ad aliquam viam pacis & concordie & mansuetudinis; sed ipsorum tractatus nullum consecuti sunt effectum.

Tunc Dominus dixit astantibus : *Domini , videte quantam humilitatem , mansuetudinem , patientiam eis obtulimus , sed nihil humanitatis invenimus.*

Anno Domini m c c. octogesimo quarto , die Mercurii in festo beati Lucæ , audivit Dominus Missam in aula archiepiscopali. Qua audita , venit ad Dominum magister Bonitus de sancto Quintino Archidiaconus in Ecclesia Lemovicensi , Clericus Regis Angliæ , volens honorare Dominum , & cupiens quod obediretur Domino per totam senescalliam Agennensem , D. Augerio Motet Militi Senescallo Agennensi scripsit in hæc verba.

Clarissimo suo Domino Augerio Motet Militi Senescallo Agennensi magister Bonitus de sancto Quintino illustris Regis Angliæ Clericus salutem & amoris augmentum. Litteras serenissimi Principis Domini nostri Regis Francorum vidimus & recepimus , scilicet Senescallus Vasconie , ego , & alii Consilarii Domini Regis Angliæ in hæc verba. PHILIPPVS Dei gratia Francorum Rex Bertrando Cossæ servienti suo salutem. Mandamus tibi quatenus non permittas quod in senescalliis seu balliis Petragericensi , Pictavensi , Xantonensi , Agennensi , Vasconie , atque Arvernæ indebita gravamina vel violentiæ inferantur dilecto & fideli nostro Archiepiscopo Bituricensi Aquitanie Primati aut gentibus vel nuntiis suis in personis vel bonis eorum , cum pro juribus provincie vel primatie sue exercendis ad partes provincie vel primatie earundem ipsum vel earum aliquam contigerit declinare , & ipsum Archiepiscopum & quemlibet prædictorum in suis justis saisinis ab omni injuria nec non gravaminibus & violentiis manifestis in locis ipsos defendas ex parte nostra qua opus sibi fuerit , & de hoc fueris requisitus. Nos enim tenore præsenrium præcipimus Senescallis & Iusticiariis locorum præ-

dictorum ut tibi ad executionem præmissorum, si eos inde requisieris, auxilium subministrent. Actum Parisius die Lunæ post festum beati Iohannis Baptistæ anno Domini M C C. octogesimo quarto. *Cujus virtute mandati idem Bertrandus cum instantia requisivit ut super præmissis auxilium ministremus; & nos mandato Domini Regis Francorum parere volentes, id complevimus indilatè; & vos requirimus nihilominus consulendo ut Iohanni de Drocis curia Clerico & Odardo de Bord. domicello vel eorum alteri unum servientem vestrum haberi faciatis, qui in senescallia vestra præmissa compleat secundum prædictarum continentiam litterarum, & hoc gratiosè facere nullatenus obmittatis. Datum Burdegala & sigillo nostro signatum anno Domini M C C. octogesimo quarto, die Mercurii in festo sancti Lucae.*

Postea Dominus exivit civitatem Burdegalensem cum maxima comitiva burgensium; & in via, antequam exivit de villa, ipse visitavit Bertrandum servientem Regis, qui infirmabatur, & dimisit cum eo medicum suum. Postea intravit Girondam, & conduxit eum ultra aquam Major Burdegalensis & plures alii; & venit illa die apud sanctum Geraldum abbatiam Sylvæ majoris, & fuit ibi multum honorificè & sollemniter, campanis pulsatis, & processionaliter à Priore & conventu ipsius abbatiæ, Abbate absente, receptus. Sunt ibi monachi nigri, & est locus multum insignis. Et quia non comeduntur in corpore abbatiæ carnes, Dominus cum suis sociis comedit supra portam, & comedit ibi carnes. Et venerunt ad Dominum quidam monachi inhibentes Abbati sancti Sulpitii ne carnes comederet ibi, quia ipse faceret contra constitutionem ordinis sui; sed Dominus respondit quòd Prælati & sui socii non adstringuntur regulis suis, cum sit eorum superior; & propter hoc ipse voluit quòd

quòd dictus Abbas comederet carnes. quod fecit. & fuimus bene procurati.

Die Iovis post Missam voluit Dominus intrare capitulum ad visitandum; sed quia cantabatur prima, dixerunt quidam monachi quòd Dominus expectaret quousque prima esset cantata. Et tunc Dominus intravit Ecclesiam. Et cum Abbas secularis Ecclesiæ sancti Asterii Petragoricensis gerens vices reverendissimorum patrum Archiepiscopi Turo-nensis & Episcopi Aurelianensis conservatorum Domini sequeretur Dominum ad Ecclesiam, venit ad eum quidam monachus Radulfus nomine, & est Operarius Ecclesiæ, qui contra Dominum & contra dictum Abbatem volebat appellare; sed antequam ipse monachus aliquid diceret, dictus Abbas excommunicavit ipsum, post trinam monitionem, quòd ad requisitionem Decani & capituli Burdegalensis nihil faceret vel diceret contra Dominum vel contra ipsum; & interim intrarunt Ecclesiam ad invicem litigantes; & dicto monacho coram Domino astante, Dominus monuit ipsum quòd nihil faceret vel diceret contra se. Et quia monachus volebat ipsum monere, monachum excommunicavit. Et monachus hoc non obstante Dominum voluit monere, sed non complevit dicens quòd factum ignorabat & quòd nesciebat quid faciebat. Et sic Dominus exiit Ecclesiam, facta primò monitione coram majori altari quòd ad suam visitationem in capitulo venirent. quod facere noluerunt. Et tunc Dominus intrauit capitulum causa visitationis; sed monachi noluerunt venire, quos Dominus monuit ut debuit; & quia venire noluerunt, Dominus excommunicavit Priorem, Suppriorem, & alios officiales ipsius monasterii, & Ecclesiam ecclesiastico interdicto supposuit. Postea dictus Abbas sancti Asterii monuit prædictos monachos; &

Q

quia ad monitionem suam obedire Domino noluerunt, ipsos excommunicavit. Quo facto, Dominus recessit, & venit usque ad Portum, ubi transit Dordoniam. Et antequam recederet de Portu, venit ad eum Raymundus de Curiis Domicellus, & intimavit sibi quod apud sanctum Melianum venerat Boso Archidiaconus de Blavia, qui fecerat sibi claudi portas Ecclesiae. Et tunc Dominus misit ad abbatiam Ernandum & Iohannem de Grayo servientes Domini Iohannis de Agendo tenentis locum Senescalli in Burdegalensi & Basatensi diocesibus. Et quia loqui non poterant cum Abbate, cum sit in Romana curia, locuti sunt cum fratre Abbatis & cum magistro Raymundo procuratore Abbatis. Qui Raymundus venit obviam Domino, & rogavit ipsum & supplicavit quod ipse non irasceretur super hoc quod fiebat, quia parati erant honorifice, devote, & cum summa devotione ad recipiendum Dominum, quando dictus Archidiaconus de Blavia venit ad abbatiam, qui eos monuerat ex parte Decani & capituli Burdegalensis quod ipsum non reciperent, alioquin ipsos auctoritate Decani & Capituli excommunicabat. Et quia non erant ausi incurrere malivolentiam ipsorum Decani & capituli, propter hoc rogavit Dominum quod contra Abbatem nihil faceret nec Ecclesiam interdicere, quia super impedimento huiusmodi tristabantur; & dixit: *Domine, ad Ecclesiam venite, & quamvis ipsam clausam inveniatis & hospitium monasterii, veruntamen leviter intrabitis, & omnia vobis necessaria habebitis.* Et sic Dominus venit ad Ecclesiam, & invenit eam clausam; sed ante portam extra Ecclesiam invenit unum Canonicum eiusdem monasterii, qui contra Dominum ad sedem apostolicam appellavit, (nomen Canonici est Menfredus de Salegna) & quen-

dam alium Clericum, qui Dominum denunciavit à Concilio facto Bituris excommunicatum, quòd ejus consensu & requisitione ostia domorum archiepiscopaliū fracta fuerant, & appellationem factam per Decanum & capitulum Burdegalense contra dictum Dominum innovavit; & uterque istorum appellantium apostolos petiit, quos concessit Dominus. Et ad diem Veneris sequentem citavit Decanum & capitulum Burdegalense apud la Bastide sanctæ Fidei ostensurum gravamina quæ dicebant sibi illata per Dominum; & obtulit Dominus resarcire expensas quæ factæ erant occasione dictorum gravaminum, & petiit super oblatione hujusmodi sibi fieri publicum instrumentum. Postea monuit Priorem & administratores ipsius monasterii quòd ipsum reciperent ad procurationem & visitationem. Et quia hoc facere denegarunt, ipsos excommunicavit, sed ob reverentiam ipsius Abbatis monasterii prædicti, cùm præsens non esset, ipsi pepercit, nec Ecclesiam interdixit. Et tunc Dominus intravit hospitium ejusdem monasterii, quod invenit quasi paratum. Et antequam Dominus comederet, Major villæ cum pluribus burgensibus venit videre Dominum. Ei ostendit Dominus litteras Regis Franciæ & litteras Domini Iohannis de Greilly Senescalli Vasconiæ; qui respondit Domino quòd paratus erat suam facere voluntatem. Illa die sic remansimus. Et quia nimis tardè veneramus, non comedimus nisi semel.

Die autem Veneris audita Missa in aula, antequam Dominus recederet, interim venit ad portam Ecclesiæ, & monuit iterum Priorem & alios administratores quòd ipsum reciperent ad visitationem, quod facere noluerunt. propter quod ipsos excommunicavit. Item ibidem eadem die & hora excommunicavit dictum Archidiaconum de Blavia & di-

ctum Menfredum propter hoc quòd suam visitationem impediabant ; & fecit legi suum privilegium quòd excommunicari non poterat , Gallicè & Latinè. Die autem Iovis præcedenti post monitionem Domini & ejus excommunicationem Abbas sancti Asterii usus fuit officio suo.

DIOCESIS AGENNENSIS.

Die verò Veneris post festum beati Lucæ , impletis prædictis , venit Dominus apud Bastidam sanctæ Fidei Agennensis diocesis , & fuit ibi ad expensas proprias. Prior autem loci præsentavit sibi unum coderellum vini , & Ballivus similiter unum.

Die sabbati audivit Dominus Missam suam in Ecclesia antequam recederet , & venit apud Marmande ejusdem diocesis , & fuit ad expensas suas.

Die verò dominica post dictum festum audita Missa summo mane , veniendo ad Portum sanctæ Mariæ Agennensis diocesis , venerunt obviam Domino usque ad portum de Aguillon Bernardus de Parille Prior secularis Ecclesiæ sancti Caprasii Agennensis , Iohannes de Fourgetes Canonicus Bituricensis & Agennensis , Helias de Contures Prior de Portu sanctæ Mariæ ; & venientes ad dictum Portum sanctæ Mariæ , fuit ibi Dominus receptus sollemniter & processionaliter , campanis pulsatis , præsentibus omnibus supradictis , qui cum Domino comederunt ; & fuit ibi Dominus bene procuratus. Et quia Dominus intellexerat quòd quidam Canonicus Burdegalensis venerat apud Agennum ut receptionem suam erga capitulum impediret , post comestionem misit Dominus ad capitulum Agennense Iohannem de Fourgetes præ-

dictum ut nuntiaret capitulo Canonorum Burdegalenſium errorem.

Die verò Lunæ ante feſtum Simonis & Iudæ Domino veniente apud Agennum, Cantor & plures Canonici Agennenſes ex parte capituli venerunt obviam Domino dicentes quòd Dominum honorare modis omnibus intendebant. Sed quia dictus Canonicus Burdegalenſis monuerat ut Dominum non reciperent, alioquin eos auctoritate ſui conſervatoris excommunicabat, requiſivit Dominum ex parte capituli Agennenſis Cantor Eccleſiæ quòd ſi ſuper hoc impeterentur, quòd ipſum haberent propitium & coadjutorem; & ſic à Domino receſſerunt, & venerunt ad Eccleſiam ut receptionem Domino honorificè præpararent. Dominus autem ad Eccleſiam veniens multum ſollemniter & honorificè à dicto Cantore & toto capitulo, campanis pulſatis, proceſſionaliter fuit receptus, & in domibus Epifcopi receptus, abſente Epifcopo, & procuratus. Poſt comeſtionem verò, quia quidam de Canonicis Agennenſibus dubitabant aliquantulum de proceſſu Domini, informavit eos ſuper proceſſu ſuo & ſuper ſuo privilegio quòd non poterat excommunicari. Qui, proceſſu Domini audito, pacificati remanſerunt.

Die autem Martis, antequam recederet de Agenno, celebravit in majori Eccleſia ad majus altare de beata Maria, & fecit ſermonem ad populum, & tetigit negotium Arragoniæ, & dedit indulgentiam. Miſſa celebrata, receſſit. Et veniente ipſo apud ſanctam Liberatam Agennenſis diocēſis, venit ei obviam Prior loci. Quo loco fuit receptus campanis pulſatis & proceſſionaliter & procuratus; & aſſociaverunt eum ad dictum locum dictus Prior ſancti Capraſii Agennenſis & Iohannes de Fougetes prædictus. Sed antequam recederet de

Agenno visitavit Dominus Ecclesiam sancti Caprasii, & fuit ibi campanis pulsatis & processionaliter receptus à Priorè & capitulo dicti loci. Et quia capitulum Agennense petierat à Domino quandam litteram super requisitione quam ei fecerat Cantor Agennensis ex parte capituli, & eam non habuerat, facta fuit apud sanctam Liberatam, & sigillata sigillo Domini, & tradita magistro Iohanni de Fougetes prædicto. Forma litteræ fuit in hæc verba.

Nos Simon Dei gratia Bituricensis Archiepiscopus Aquitania Primas notum facimus universis præsentibus litteras inspecturis quòd nobis jure Bituricensis Ecclesiæ & nostro Burdegalensem provinciam & diocesim Agennensem visitantibus & civitatem Agennensem causa visitationis ingressis, venerabiles viri capitulum Agennensis Ecclesiæ nos honorificè processionaliter & prout decuit receperunt, & in palatio Episcopi Agennensis more solito fuimus procurati. Verùm quia Decanus & capitulum Burdegalense & eorum Officialis sede vacante, & Sacrista Baionensis dicens se conservatorem à sede apostolica deputatum Decano & capitulo supradictis, contra capitulum Agennense ob præmissa se velle de facto procedere comminantur, nos, quia prædictum capitulum Agennense nobis & juri Bituricensis Ecclesiæ in hac parte assistunt fideliter & adherent, & in posterum se adherere & assistere profitentur, concedimus quòd nos, si occasione præmissorum conjunctim vel divisim in posterum molestentur, tam per nos quàm per conservatores nostros assistemus, eisdem favorem, consilium, & auxilium impendendo, jure Bituricensis & Agennensis Ecclesiarum in omnibus semper salvo. Datum &c.



DIOCESIS PETRAGORICENSIS.

Die verò Veneris in vigilia Simonis & Iudæ audita Missa apud sanctum Asterium, venit Dominus Petragorias, & intravit civitatem, & receptus fuit processionaliter campanis pulsatis solemniter à capitulo, absente Episcopo; & fuit Dominus in domibus Episcopi receptus & procuratus.

Die sabbati in festo Apostolorum Simonis & Iudæ celebravit Dominus cum pallio in cathedrali Ecclesia ad majus altare, & fecit fieri sermonem, & dedit indulgentias. Et post Missam venit Dominus apud sanctum Frontonem in castro Petragoricensi. Et sunt ibi Canonici seculares & Abbas secularis; & fuit ibi campanis pulsatis processionaliter receptus & procuratus.

Die dominica celebravit Dominus summo mane in Ecclesia sancti Frontonis, & fuit usus pallio, & fecit sermonem ad populum, & indulgentias dedit. Et post Missam fuit in capitulo, & denunciavit excommunicationes factas ab ipso contra Decanum & capitulum Burdegalense, & fecit fieri copiam omnium privilegiorum suorum & processuum factorum contra Decanum & capitulum. Et Officialis Burdegalensis tunc recessit à nobis peteretur qui fuit ad curiam. Postea exivit Dominus apud Maiolium prioratum monachorum nigrorum, & est de sancto Martiali Lemovicensi. Et quia Dominus jam receperat omnes procuraciones quas habebat in diocesi Petragoricensi, fuit in dicto prioratu ad expensas suas; & veniendo apud sanctum Maiolium, vidit Dominus in quadam abbacia quæ [dicitur] Chensalade Dominum Episcopum Petragoricensem. Et sunt in dicta abbacia Canonici regulares.

Q iiij

DIOCESIS ENGOLISMENSIS.

Die Lunæ ante festum omnium sanctorum misit Dominus citationes ad citandum Decanum & capitulum sancti Andreae, Abbatem & conventum sanctæ crucis Burdegalensis, Abbatem de Silva majori ad diem Veneris post festum omnium sanctorum. Veniendo apud Angolimensem civitatem, occurrit ei Dominus Amarricus de Monteforti. Et veniens ad civitatem & Ecclesiam cathedrali, fuit ibi receptus processionaliter sollemniter, campanis pulsatis, à Cantore & capitulo, absente Episcopo & Decano. Et fuit receptus in domibus Episcopi & procuratus.

Die Martis in vigilia omnium sanctorum audivit Missam Dominus in Ecclesia cathedrali; & post Missam exeundo de civitate, conduxit eum Dominus Amarricus & Cantor Ecclesiæ; & venit apud sanctum Amandum abbatiam monachorum nigrorum; & fuit ibi receptus campanis pulsatis processionaliter ab Abbate & conventu, & procuratus.

Die Mercurii in festo omnium sanctorum, antequam Dominus recederet de sancto Amando, celebravit in pontificalibus majorem Missam, & non fecit sermonem, ea solummodo causa quòd non intelligebatur à populo. Et Missa celebrata veniendo apud beatam Mariam de Hallainvilla Angolimensis diocesis, conduxit eum diu Abbas de sancto Amando. Et cum venisset ad prioratum de Hallainvilla, fuit receptus Dominus à Subpriori loci, [Priori] absente, campanis pulsatis processionaliter & procuratus. Et sunt ibi Canonici regulares. Non habent superiorem nisi Episcopum.

DIOCESIS XANTONENSIS.

Die Iovis, antequam recederet Dominus, celebravit Missam pro mortuis. Qua celebrata, venit Dominus apud Fontenay Xantonensis diocesis prioratum de sancto Iohanne Angeliacensi; ubi fuit Dominus receptus campanis pulsatis processionaliter & procuratus.

Die Veneris sequenti apud Caumacum prioratum de sancto Gildasio Bituricensis diocesis; & venit ei obviam Prior loci & fuit Dominus ibi receptus processionaliter & procuratus. Et quia Dominus Agennensis fuerat ad dictum prioratum citatus, venit pro eo magister Iohannes de Fougetes Canonicus Bituricensis & Agennensis, & apportavit literas excusatorias pro dicto Episcopo. Et quia dictus Iohannes promisit Domino quòd ipse Episcopus revocaret quicquid fecerat contra Dominum, Dominus recepit suam excusationem, & quia Prior sancti Caprasii & capitulum Agennense super hoc rogaverunt Dominum.

Die Sabbati, audita Missa, venit Dominus apud Rupellam prioratum de Clugniaco, & venit ei obviam Major & plures burgenſes de villa; & fuit receptus in dicto prioratu campanis pulsatis, sed non processionaliter, quia non erant parati; & fuit ibi procuratus.

Die verò dominica, quia die præcedenti non fuerat receptus processionaliter, receperunt ipsum campanis pulsatis & processionaliter. Et celebravit Dominus in pontificalibus, & usus fuit pallio, & post Missam fecit sermonem in cimeterio, & fecit mentionem de cruce in sermone, & plures cruceſignavit, & dedit indulgentiam. Et fecit sibi Major præſentari plures cuniculos, aves plures, & unum

heannem oneratum de daccis. Et his factis venit Dominus apud Boetum prioratum de Monasterio novo Pictavenſi ; & fuit ibi Dominus receptus campanis pulſatis proceſſionaliter. Et Prior & plures burgenſes de villa venerunt Domino obviam ; ſed eum non invenerunt , quia per aliam viam venit. Et ibi fuimus bene procurati , quia Prior eſt homo multum valens.

Die Lunæ , audita Miſſa , venit Dominus apud Affort , & conduxit eum Prior de Boeto diſt. Prioratus verò d’Affort eſt de Burgo Dolenſi Bituricensis diocesis. Et fuimus bene recepti campanis pulſatis , ſed non proceſſionaliter , quia Prior & monachi erant in Bituria ; ſed nos fuimus bene procurati.

DIOCESIS PICTAVENSIS.

Die Mercurii , audita Miſſa , venit Dominus apud Niort , & conduxit eum Prior de ſancto Iohanne prædicto & Caſtellanus de ſancto Meſſantio. Et eſt prioratus Abbatis de Charroz Pictavenſis diocesis , & ſunt monachi nigri. Et fuit receptus campanis pulſatis proceſſionaliter , & procuratus. Et ibi venit ad Dominum magiſter Guillelmus Clericus Domini Episcopi Pictavenſis ad conducendum Dominum per diocēſim Pictavenſem.

Die Iovis , audita Miſſa , venit Dominus apud S. Gelays prioratum de Clugniaco ; & fuit ibi Dominus receptus campanis pulſatis , ſed non proceſſionaliter , quia Prior non erat in partibus illis ; & ſuus ſocius , qui domum custodiebat , iverat apud Niortum pro neceſſariis Domino & familiæ quarrendis ; & fuit ibi procuratus.

Die Veneris , audita Miſſa ſummo mane , venit

Dominus apud sanctum Messantium, & est abbatia monachorum nigrorum; & fuit ibi Dominus receptus campanis pulsatis processionaliter præsente Abbate & procuratus. Et fuerunt ibi citati Decanus & capitulum Burdegalense, qui comparuerunt per procuratorem; cui Dominus obtulit quòd paratus erat revocare omnia gravamina, si quæ intulerat, dummodo doceret de eisdem. Qui respondit quòd ad hoc non venerat, & sic recessit. Et super huiusmodi processu petiit Dominus instrumentum publicum sibi fieri à quodam tabellione quem dicti Burdegalenses secum ducebant; sed recessit, instrumento non facto. Et ad dictum locum venerunt duo clerici, quorum unus Canonicus Xanctonen-sis magister Iohannes de Sours, Carnotensis diocesis scilicet, & quidam alius ad excusandum Dominum Xanctonensem Episcopum super hoc quòd ipse sigillaverat processus Burdegalenses. Quibus Dominus obtulit informationem sibi fieri per instrumenta publica de processibus suis. Qui usque in crastinum deliberationem petierunt. Et mane facto venerunt ad Dominum, & ei litteras sigillo Domini Xanctonen-sis sigillatas dederunt quòd ipse totum revocabat. Quibus factis, celebravit Dominus Missam conventualem in pontificalibus, & usus fuit pallio, & fecit sermonem ad populum, & dedit indulgentias. Quo facto,

Die sabbati in festo beati Martini venit Dominus apud Agones prioratum Canonicorum regularium, absente Priore; (& est dictus prioratus de abbacia de Lestierpe) ubi fuit receptus, campanis pulsatis, processionaliter, & procuratus.

Die dominica, audita Missa, venit Dominus apud Verinos prioratum de sancto Messantio, ubi fuit Dominus receptus campanis pulsatis processionaliter & procuratus. Quo loco fuerant nuntii

Burdegalenses , & inhibuerant Priori loci ne reciperent Dominum. Sed Abbas sancti Messantii appellaverat contra ipsos pro se & pro adhærentibus. Et ibi fecit fieri Dominus monitiones quasdam ad monendos dictos nuntios ut desisterent à talibus inhibitionibus , aliàs excommunicarentur ; & fuerunt missi ad dictam monitionem faciendam Girardus Clericus coquinæ , & Iohannes Bellechiere ; sed adhuc non invenerunt ipsos , quia non venerant ad prioratum de Pamprou , ubi credebatur quòd debebant esse.

Die Lunæ , audita Missa , venit Dominus apud Pamprou prioratum de sancto Messantio ; & venit ei obviam Abbas de sancto Messantio & Prior loci ; ubi fuit receptus campanis pulsatis processionaliter & procuratus.

Die Martis , audita Missa summo mane , venit Dominus apud Vinoniam prioratum sancti Cypriani Pictavenfis. Et veniendo ad dictum locum , conduxit eum Abbas sancti Messantii & Prior de Pamprou ; & ibi fuit receptus campanis pulsatis processionaliter à Priore loci & sociis suis , & procuratus.

Die Iovis , audita Missa summo mane , venit Dominus ad abbatiam quæ vocatur abbatia sancti Benedicti de Quinciaco , in qua sunt monachi nigri ; ubi fuit receptus ab Abbate & conventu campanis pulsatis processionaliter & procuratus. Et ibi venerunt ad Dominum majores de capitulo Pictavenfi , & informavit eos de omnibus processibus suis , & habuerunt transcriptum ut habeant consilium super dictis processibus. Et dedit ibi Dominus indulgentiam pro Ecclesia Pictavenfi. Quidam ex eis comederunt cum Domino , quidam recesserunt.

Die Mercurii sequenti , audita Missa summo

mâne , venit Dominus apud Lugudiacum prioratum de abbazia de Maselliaco ; & fuit ibi Dominus receptus campanis pulsatis processionaliter à Priore loci & sociis suis. Et ibi venit ad Dominum Subdecanus sancti Hilarii Pictavenfis. Et solebat dictus prioratus esse abbazia , ubi fuit Abbas beatus Marcus ; & sunt ibi illi duo quos resuscitavit à mortuis.

Die Veneris , audita Missa , venit Dominus apud Nobiliacum , & est abbazia monachorum nigrorum. Et venit ei obviam Abbas loci ; ubi fuit receptus campanis pulsatis processionaliter ab Abbate & conventu multum honorificè & sollemniter , & fuit procuratus ibi. Et venit ad eum Cantor Pictavenfis , Præpositus , & Officialis , & Subdecanus sancti Hilarii Pictavenfis.

Die sabbati in octavis beati Martini , antequam Dominus recederet de dicta abbazia , recepit licentiam ab eo Capicerius Pictavenfis , & audita Missa recessit. Similiter magister G. de Chypra clericus Domini Episcopi Pictavenfis , qui nos conduxerat per diocesim. Et conduxit Dominum Abbas & Prior dictæ abbatiæ. Et venit Dominus apud Boerece prioratum monachorum nigrorum , & est de abbazia de Nobiliaco ; ubi fuit receptus Dominus campanis pulsatis processionaliter , & procuratus.

Die dominica post octavas sancti Martini hyemalis visitavit Dominus prioratum de Luceyo & de sancto Martiali * Montis Marilis Lemovicensis , * *Montmorillon.* & receptus fuit processionaliter campanis pulsatis. Et quia Prior sancti Martialis , ad quem ultimo declinavit , non habebat domos sufficientes ad recipiendum Dominum , venit ad domum Dei Montis Marilis ; & receptus ibidem processionaliter , procuratus fuit in dicta domo Dei & ad expensas dictorum Priorum. In dicta domo non erat

rektor, nisi duo procuratores, & litigabant quidam in curia Romana ut essent rectores dictæ domus.

DIOCESIS BURDEGALENSIS.

Die Mercurii ante festum sancti Lucæ evangelistæ procuratus fuit Dominus in prioratu sancti Romani de Blavia Burdegalensis diocesis. Qua die Decani sancti Andreæ & sancti Severini & multi alii Canonici Burdegalenses venerunt ad Dominum conquerentes inter cetera de forma litterarum quas miserat pro procurationibus suis petendis in locis ad quæ declinaverat. Vnde tunc inter Dominum & prædictos Decanos fuit forma litteræ quæ sequitur in hæc verba.

Simon Dei gratia Bituricensis Archiepiscopus, Aquitanie Primas, dilectis in Christo talibus Prioribus vel Abbatibus talis diocesis, salutem in Domino. Burdegalensem provinciam visitantes omni eo jure quo possumus & debemus juxta provisionem seu ordinationem sedis apostolicæ super hoc editam à bona memoria Domino Gregorio Papa IX. & prout prædecessores nostri à vobis consueverunt admitti, tali die ad locum vestrum proponimus favente Domino declinare. Vnde vobis mandamus, nihilominus vos monentes, quatinus dicta die procurationem nostram & nobis & nostræ familia præparetis. Datum &c.

DIOCESIS BITVRICENSIS.

1283.

ANno Domini millesimo ducentesimo octogesimo tertio, die Veneris post Oculi mei, sive post festum beati Gregorii, mense Martii, reverendo patre Domino Simone Bituricensi Archiepiscopo Aquitanie Primate diocesim Claramontensem causa visitationis intrare volente, de

Chabreyz venit Exoldunum in abbatiam loci Exoldunensis, ubi suam procurationem recepit; sed ibi receptus non fuit processionaliter, nec campanis pulsatis, quia jam aliàs visitaverat ibidem. Summa expensarum vii. libræ.

Sabbato sequenti visitavit Ecclesiam beati Cirici Exoldunensis, & fuit per ipsum Dominum Archiepiscopum & Canonicos præsentés de Missa defunctorum celebranda ibidem per unum Canonikum vel per alium quem procuraret, de residentia Canonikum facienda, & de pœna deficientium in ipsa, quæ est quinquaginta solidorum, & quòd possint Canonici studere in illa in qua magis poterunt proficere facultate, nisi de dolo fraudeque liquidò appareret; de quibus, si appareat, corrigetur per Prælatum. De his omnibus confecta fuit littera. Dicti verò Canonici procurationem Domini solverunt in abbacia prædicta propter honestatem domorum.

Dominica qua cantatur *Latare Ierusalem*, sive ante festum beati Benedicti Abbatis, visitavit Dominus in Ecclesia sancti Dionysii Exoldunensis. Canonici sancti Dionysii medietatem procurationis solverunt, & Prior sancti Paterni Exoldunensis aliam medietatem, Domino remanente in abbacia prædicta propter honestatem domorum. Dicta die celebravit Dominus apud sanctum Paternum in pontificalibus, & sermōcinatus fuit ibidem, & confirmavit. Et est sciendum quòd uterque, scilicet capitulum sancti Dionysii & Prior sancti Paterni, ad integram procurationem tenentur.

Die Lunæ sequenti fecit Dominus reconciliari cimiterium sancti Dionysii Exoldunensis per Archipresbyterum Exoldunensem virtute sui privilegii, aqua prius per ipsum Dominum benedicta.

Inde venit ad Casale benedictum, ubi fuit receptus processionaliter campanis pulsatis.

Die Martis sequenti Dominus intravit capitulum Casalis benedicti, & ibi fecit sermonem; & inquisito de statu monasterii tam in capite quàm in membris, post multa per multos de monasterio Domino relata & revelata tam palam quàm secreto, dictum capitulum & Prior loci ejusdem per suas litteras sigillo conventus sigillatas Domino dederunt potestatem plenariam & specialem providendi ipsi monasterio per se vel per alium de Abbate, de monasterio vel aliunde, quandocunque ipsum monasterium per resignationem fratris Iohannis tunc Abbatis monasterii ejusdem contigèrit vacare.

Ipsa die Martis, scilicet in festo sancti Benedicti Abbatis, venit Dominus ad prioratum de Vodolione spectantem ad Burgum Dolensem; & ibi receptus fuit processionaliter, campanis pulsatis, & ibi procuratus; & confirmavit Dominus ibidem. Non fuit computatum.

Die Mercurii sequenti venit Dominus ad prioratum de Lineriis, ubi receptus fuit processionaliter & procuratus. Summa expensarum sex libræ, tres solidi, duo denarii.

Die Iovis sequenti apud Aliscampum venit Dominus; ubi fuit procuratus, & ibi benedixit aquam pro Ecclesia de Chatel-Meillant reconcilianda, & mandavit reconciliari per Archipresbyterum loci.

Die Veneris sequenti venit Dominus apud Nigrum lacum, ubi fuit cum Abbate loci.

Die sabbati sequenti, in festo Annuntiationis dominicæ, venit Dominus apud sanctum Aman-dum; ubi Dominus sacros ordines celebravit, visitavit, & fuit procuratus; & in crastino confirmavit ibidem.

Dominica sequenti, scilicet Dominica in passione,

sione, sive die dominica post Annunciationem dominicam, venit Dominus ad abbatiam de Charenton, ubi fuit procuratus. Die Lunæ sequenti intravit Dominus capitulum; & super statu monasterii inquisitione facta diligenti tam in temporalibus quam in spiritualibus, post multos tractatus carentes effectu, tandem finaliter Priori de Linceyo commissa fuit administratio bonorum temporalium ipsius monasterii abbatiæ Nigri lacus, ipso Priori deputato habente Domini quoad hoc potestatem, ut ipsius Abbatis consilio dictus Prior tractaret & faceret quæ majoris essent inquisitionis. Qui Prior tactis sacrosanctis evangeliiis juravit se fideliter facturum & tractaturum diligenter quæ ipsi monasterio de Charenton viderit & crediderit expedire tam in solutione debitorum, receptione, conservatione, & expeditione bonorum, quam familiæ permutatione. Præcepit etiam Dominus ut totus status monasterii in scriptis redigeretur & quadruplicaretur, ita quòd Dominus unum scriptum haberet, Abbatissecundum, dictus Prior tertium, & quartum Abbas prædictus; ut de diligentia, fidelitate, & curiositate dicti Prioris liquidius appareret. Item benedixit Dominus aquam pro quodam cimiterio reconciliando, scilicet de sancto Stephano de Graverio, quod mandavit reconciliari per Archipresbyterum loci.

DIOCESIS CLAROMONTENSIS.

ANno Domini millesimo ducentesimo octogesimo tertio, die Martis ante ramos palmarum, intravit Dominus Simon Bituricensis Archiepiscopus Aquitanie Primas diocesim Claromontensem causa visitationis; & primò declinavit apud Silvigniacum, & visitavit Ecclesiam parochialem

1283.

R

dicti loci ; ubi fuit receptus processionaliter pulsatis campanis , & procuratus in domo Capellani dicti loci ad expensas dicti Capellani.

Die Mercurii sequenti in mane audivit Missam Dominus in eadem Ecclesia , confirmavit , tonsuras fecit , ac aquam benedixit pro quodam cimiterio reconciliando in diocesi Bituricensi ; & exinde venit apud Pessoy prioratum de sancto Porciano , ubi fuit receptus processionaliter ut supra , & procuratus ad expensas Prioris dicti loci. Summa expensarum octo libræ.

Die Iovis , scilicet penultima die mensis Martii , venit Dominus apud monasterium Gelleiguy prioratum conventualem de Casa Dei ; ubi receptus fuit processionaliter campanis pulsatis cum cantu , & procuratus à Priore loci , sex de monachis suis præstantibus cum Domino. Fecit ibi prædicari indulgentiam , & confirmavit.

Eodem die finavit Prior de Firmitate super Aligerim de 1 x. libris pro procuratione. Item eodem die finavit Prior de Lengero Clugnacensis ordinis de x. libris pro procuratione. Item idem Prior pro prioratu de Dreturay pro procuratione finavit similiter de decem aliis libris.

Die Veneris sequenti venit Dominus apud Fleurey prioratum de abbazia Turnonensi , receptus modo quo supra , solutis expensis Domini per Priorem loci pro medietate & per Capellanum loci ejusdem pro alia medietate. Ibi confirmavit , tonsuravit pueros , & quædam ornamenta , altaria , & sacerdotalia benedixit.

Sabbato in ramis palmarum , scilicet in prima die mensis Aprilis , venit Dominus apud Verennes super Aligerim prioratum de sancto Porciano , receptus processionaliter campanis pulsatis ; & ibi Missas suas audivit , confirmavit , fecit coronas ,

ornamenta sacerdotalia benedixit. Medietatem expensarum solvit Prior loci.ejusdem, & duo Curati ipsius villæ aliam medietatem solverunt.

Die dominica in ramis palmarum, scilicet secunda die mensis Aprilis, venit Dominus ad abbatiam sancti Geleberti Præmonstratensis ordinis, processionaliter receptus campanis pulsatis cum cantu; & ibi ramos palmarum benedixit, Missam in pontificalibus celebravit, prædicavit, dedit indulgentiam, confirmavit, coronas fecit, quædam ornamenta benedixit. Fuit ibi procuratus.

Die Lunæ sequenti venit Dominus apud Arthornam visitaturus Ecclesiam Canoniorum. Canonici Dominum non receperunt processionaliter, nec pulsaverunt, nec cantaverunt. Eodem die ipsi Canonici suum recognoscentes errorem, defectum, & negligentiam, quod dictum Dominum Bituricensem Archiepiscopum cum debita reverentia & honore non receperunt, pœnitentia ducti, miserunt ad Dominum & venerunt humiliter supplicantes ne per dictam negligentiam contra ipsos moveretur nec offenderetur; & ad excusandas excusationes in peccatis, simplicitates & fatuitatem in præmissa negligentia assertivè prætendebant & quod malitiosè non fecissent, & adventum Domini sufficienter non præscitum. Veruntamen Cantor nomine suo & capituli & quilibet Canonicus qui præsentés erant dictam negligentiam in manu Domini singulariter emendarunt, taxatione emendæ & levatione per fidem cujuslibet ipsorum in voluntate Domini relictis, & expressè recognoscentes ad exhibitionem reverentiæ & honoris & processionis ipsi Domino & suis successoribus se teneri; & ad supplendum quod omiserant, in crastino dictæ diei Lunæ dictum Dominum processionaliter receperunt, campanis pulsatis, cum cantu occurrentes

ipsi Domino usque ad exitum cimiterii , super ipsum pallio usque ad altare per ipsos deportato. Dominus ibi suas Missas audivit, fecit prædicari, dedit indulgentiam, confirmavit, ornamenta benedixit, & fecit coronas, & Ecclesiam tam in spiritualibus quàm in temporalibus visitavit, inveniens quòd dicta Ecclesia, potissimè in administratione temporalium, reformatione & consilio indigebat. Auditis quæ sibi Canonici dicere voluerunt in quibus reformatio necessaria videbatur, respondit Dominus quòd super iis Domino Claromontensi Episcopo libentissimè loqueretur, & super iis de exhibendo remedio cum ipso tractaret. Expensas verò Domini dicti Canonici persolverunt. Summa expensarum ix. libræ.

Die Martis venit Dominus apud Telleide, Latine Thecletas, prioratum Casæ Dei, receptus processionaliter cum capis sericis, campanis pulsatis, cantando. Et licèt Prior loci ejusdem aliquibus de familia ipsius Domini grosso modo in ipso adventu loqueretur & superbè, dicendo quòd Dominum recipere non tenebatur nisi cum equis xxx. & expendere non poterat ultra quatuor libras, nec debebat, & quòd plus non solveret, tamen totas solvit expensas quas Dominus & sui fecerunt in loco. Ibidem Dominus audivit Missas suas, confirmavit, ornamenta benedixit. Et fuit summa expensarum x. lib. & v. solidi.

Die Mercurii sequenti venit Dominus apud abbatiam de Chaucuent ordinis Augustinorum propè & in suburbio civitatis Claromontensis, receptus modo quo supra & procuratus.

Die Iovis sequenti, scilicet in cœna Domini Iesu, venit Dominus visitationis causa ad majorem Ecclesiam Claromontensem, receptus processione sibi occurrente usque ad gradus ante valvas

maiores ipsius Ecclesiæ, pallio super ipsum Dominum in quatuor hastilibus usque ad altare majus campanis pulsatis cum cantu honorificè deportato, omnibus de choro sericeis capis indutis. Hoc factò, Dominus intravit cum Canonicis capitulum, & post septem psalmos & letaniam dictos in capitulo, absolutione per ipsum Dominum facta super Canonicos & assistentes, Dominus prædicavit Latine, post sermonem Canonicis tantum in capitulo cum Domino remanentibus. Visitavit Dominus, & cum Canonicis de multis habuit sermonem & tractatum, potissimè de Abbate Casæ Dei; qui etsi privilegiatus cum monachis suis quòd suspendi, interdici, seu excommunicari non possit existat, tamen in locis interdictis non privilegiatis divina celebrare & ecclesiastica sacramenta per suos monachos facere ministrari & permittere non veretur. quod ecclesiasticæ rationi contrarium & articulis fidei dissonum cunctis patet. Hoc factò fecit fieri sermonem populo Gallicè. Et ibidem Dominus celebravit, & consecrationem chrismatis fecit, & deliberato consilio per quatuor dies consequentes apud Prædicatores perendinavit in domibus Episcopi, ut videretur omnibus minùs onerosus. Expensas dictæ diei Iovis quas fecit Dominus solvit.

Die Veneris sequenti in Paraceve, Dominus audito divino officio, prout dies requirit, ivit visitatum ad abbatiam sancti Andreæ Præmonstratensis ordinis, receptus absque processione, quia Dominus de sua humanitate noluit quòd illa die processionaliter reciperetur nec cum cantu. Pulsatum non fuit, quia illa die non pulsatur. Visitavit ibidem & * sciente, ut minùs in expensis dicta abba- * *f. secretè.* tia gravaretur, condescendens loci ipsius sive compatiens paupertati.

R ij

In sabbato Paschæ sancto Dominus in mane visitavit Chamaleriam & sanctum Genesium, in quibus Ecclesiis sunt Canonici seculares. Quibus visitatis, venit Dominus ad Ecclesiam majorem, & in pontificalibus celebravit, & fontes benedixit ibidem, quoniam à Canonicis majoris Ecclesiæ sibi post fuerat supplicatum ut dicta die sabbati & die Paschæ ipsis divinum officium celebraret. Et fuit receptus ibi, visitavit, processionaliter cantando, pallio super ipsum honorificè deportato.

Die Paschæ sequenti celebravit Dominus in pontificalibus in Ecclesia majori, & interfuit matutinis, & in domo Episcopi nocte præcedenti cum parte suæ familiæ jecuit ut matutinis interesset, scilicet in domo Episcopi juxta Ecclesiam. Præpositum Ecclesiæ, hebdomadarios, & multos Canonicos alios & non Canonicos communicavit. Et ipsa eadem die Ecclesiam beatæ Mariæ de Portu post Missam visitavit; ubi receptus fuit cantando à Canonicis & processionaliter pallio in quatuor hastilibus super ipsum honorificè deportato. Die Lunæ sequenti, scilicet in crastino Paschæ, Dominus audita Missa sua ad Ecclesiam majorem accessit, & in capitulo, Canonicis salutatis, fecit coronas plures, & recessit.

Eadem die venit Dominus apud Sarellac prioratum Casæ Dei. Prior loci ejusdem cum duobus sociis & duobus armigeris Domino venit obviam ferè per dimidiam leucam, & Dominum honorificè salutaverunt & reverenter. Tamen Dominum non receperunt nec processionaliter nec aliàs, sed Dominus invenit ostia aperta & intravit. Prior & sui socii cum Domino comederunt. Dominus ibidem, audita Missa sua, confirmavit, ornamenta benedixit, multis etiam ad supplicationem Prioris fecit coronas. Prior Domino de necessariis noluit provi-

dere. Tamen idem Prior totas solvit expensas, dicens quòd Abbas suus eidem inhibuerat ne Dominum reciperet nec eidem in aliquo provideret. Domino volente in crastino recedere, dictus Prior in præsentia Domini fuit protestatus quòd cum familia Domini prioratum violenter intravisset, quia ostium fregerat, ut dicebat, nolebat sibi præjudicari in posterum, nec per hæc quæ facta fuerant intelligebat Domino nec suis successoribus in aliquo se teneri; Domino incontinenti in contrarium protestante & dicente quòd possessionem suam retinebat, & quandiu viveret jus visitandi & procuracionem recipiendi reclamaret ibidem. Domino recedente, Prior ipsum associavit satis longè. Habuit tamen Dominus, cum dictum prioratum intravit, unum servientem Domini ad tollendam armorum violentiam, si prædicto Domino aliqua violentia pararetur. Summa expensarum fuit ix. libr. quas omnes solvit Prior dicti loci.

Die Martis sequenti venit Dominus apud la Foulouse, Ecclesia parochiali primò visitata, antequam domum Templariorum intraret, quia ratione parochiæ ipsius, quam tenent Templarii, debetur procuratio, ut Domino dicebatur. In ipsa domo Templariorum Dominus, audita Missa, confirmavit, benedixit ornamenta, fecit coronas; & receptus processionaliter in dicta Ecclesia, ab ipsis Templariis fuit procuratus. Summa expensarum viii. libr. & vii. solidi.

Die Mercurii sequenti venit Dominus apud Bulou prioratum Casæ Dei, receptus cum reverentia processionaliter & procuratus. Noluerunt computare gentes Prioris.

Die Iovis sequenti accessit Dominus apud Luseillac prioratum Casæ Dei, receptus processionaliter cum reverentia & honore, quoniam tenet Prior de

Bullou. In ipso proratu non invenit Dominus aliquid faciendum, sed Ecclesia & domibus visitatis rediit apud Bullou. In prioratu de Bullou confirmavit, ornamenta benedixit, & coronas fecit; & die qua primò venit fuit phlebotomatus. Et ratione visitationis istius extitit procuratus. Super prioratu de Luseillac non fuit computatum.

Die Veneris sequenti, scilicet ante *Quasi modò*, venit Dominus apud Thuriacum prioratum sancti Illidii Claromontensis ordinis sancti Benedicti, receptus processionaliter pulsatis campanis, cum cantu, & procuratus. Ibi non invenit Dominus aliquid faciendum. Dictum prioratum tenebat Abbas sancti Illidii prædictus.

Sabbato sequenti visitavit Dominus prioratum de Vichiaco spectantem ad monasterium sancti Illidii Claromontensis, Gallicè *de saint Alirey*. Quo visitato, venit Dominus apud Cuciacum directè ad hospitium Domini Claromontensis, & ibi procurationem sibi ratione visitationis debitam à dicto prioratu de Vichiaco recepit; quia Prior de Vichiaco paralyticus erat, nec domos habebat ubi Dominum honorificè posset hospitare.

Die dominica sequenti fuit Dominus receptus processionaliter campanis pulsatis ab Abbatissa & Clericis de Cussey, Clericis capis indutis sericis, in capella beatæ Mariæ. Postea incontinenti intravit Dominus capitulum monialium; & ibidem suo fungens officio, inquisivit diligenter de statu monasterii tam in temporalibus quàm in spiritualibus; sed non fuit quod correctione indigeret sibi in publico revelatum. Dominus suam procurationem à dicta abbazia recepit in supradictis domibus Domini Claromontensis, quoniam honestius fuit Dominum in dictis domibus pernoctare quàm in domibus monialium prædictarum. Et fuit Abbatissa cum

quatuor monialibus in prandio cum Domino. Dominus verò dicta die Missam in pontificalibus in dicta capella celebravit, monialibus divinum officium cantantibus & offertorium quod venit ad manum Domini recipientibus, primò tamen recognito quòd sociorum Domini erat offertorium, si placeret retinere, & ipsum offertorium Clerici & socii dicti Domini dictis monialibus dimiserunt. Dicta Missa, Dominus confirmavit, ornamenta benedixit, in crastino quosdam confirmavit.

Die Lunæ sequenti, scilicet in crastino octavarum dominicæ resurrectionis, venit Dominus apud abbatiam Montispetrosi ordinis Cisterciensis, processionaliter cum cantu, campanis pulsatis, receptus; ubi Dominus in crastino audita Missa sua, confirmavit, ornamenta benedixit, quosdam coronavit, unum potissimè sibi à Priore & monachis dicti loci præsentatum, dicentibus illum suum esse condonatum & monachum futurum, Abbate dicti loci tunc in remotis agente. Verùm cum dictis monachis scriptum fuisset sub hac forma verborum, *Vobis mandamus quatinus nobis & nostris necessaria præparetis*, hoc verbum *mandamus* multipliciter impugnarunt. Tandem illud verbum *mandamus* sublatum fuit, & ipsi Domino necessaria ministrarunt. Veruntamen ipsi monachi eleemosynam dederunt præsentibus pluribus de familia Domini supradicti.

Die Martis sequenti venit Dominus apud Laudosum, receptus processionaliter cum cantu, campanis pulsatis, pallio super ipsum in quatuor hastilibus deportato à capitulo Canonicoꝝ, & receptus & procuratus, Domino Claromontensi Episcopo eidem obviam veniente & Dominum collateraliter usque ad altare majus sub eodem pallio comitante. In sequenti crastino Dominus ad suppli-

cationem Canoniorum quoddam altare in quadam capella prope Ecclesiam Canoniorum in honore sancti Georgii & sanctorum omnium consecravit, & quædam benedixit ornamenta, & dedit indulgentiam iis qui ob devotionem dictæ consecrationi interfuerunt.

Die Mercurii sequenti Dominus post consecrationem altaris prædicti venit ad prioratum sancti Launomari de Blesis qui dicitur Maincao, receptus modo quo supra; & ibidem ad supplicationem Prioris & monachorum locieiusdem quasdam reliquias occultatas in altari majori dicti prioratus, videlicet duo capita ferè integra cum pluribus fragmentis ossium parvis & pluribus panniculis involuta, quorum capitum unum dicitur caput beati Launomari Abbatis, aliud sancti Ebulsi Abbatis, de dicto altari levavit, ut cum majori reverentia & honore de cetero haberentur, & ea crastino sequenti, audita Missa sua, reposuit in quadam casula quoad tempus. Eadem die Mercurii reliquiis prædictis levatis cum ea reverentia qua decens est, Missam in honore dictorum sanctorum celebravit pontificalibus indutus. Ibidem etiam Dominus confirmavit, benedixit, tonsuravit, & suam ibidem procurationem recepit. Et venerunt Dominus Claromontensis Episcopus & frater suus Senescallus Domino loquuturi. Fecit prædicari, & dedit indulgentiam, & suam ibidem Dominus procurationem recepit.

Domino die Iovis sequenti eunte apud Tyart, Dominus Claromontensis Episcopus & frater suus sibi venerunt obviam, & per magnam partem itineris simul cum Domino equitarunt. Illa die Dominus receptus modo quo supra, à capitulo & Præposito Ecclesiæ de Tyart fuit procuratus; & in crastino audita Missa sua, benedixit, confirmavit, &

in capitulo visitavit, & coronavit. Quo facto, descendit Dominus ad capellam beati Iohannis Baptistæ, & ibidem tria consecravît altaria, medium in honore beati Iohannis Baptistæ & omnium sanctorum, dextrum in beatæ Katerinæ, & sinistrum in beatæ Mariæ Magdalenæ. Quibus consecratis, celebravit sine nota, & dedit indulgentiam iis qui consecrationibus interfuerunt.

Die Veneris sequenti, præscriptis rite peractis, venit Dominus apud abbatiam monasterii Tiranensis ordinis Clugniacensis, receptus modo quo supra, & procuratus. Summa expensarum VIII. libræ.

Die sabbati sequenti venit Dominus apud Nigrum Stabulum prioratum Clugniacensem, receptus processionaliter & procuratus; & ibidem benedixit, tonsuravit, & confirmavit. Summa expensarum VIII. libr. & x. solidi.

Dominica sequenti in quindena Paschæ venit Dominus apud prioratum de Argeroles Clugniacensis ordinis, receptus processionaliter & procuratus; & ibidem confirmavit, tonsuravit, & benedixit. Summa expensarum x. libræ.

Die Lunæ sequenti, videlicet in crastino beati Georgii, venit Dominus apud Salinhac prioratum sancti Michaëlis de Clusa in Lombardia, receptus processionaliter & procuratus; & ibidem confirmavit, tonsuravit, & benedixit. Noluerunt computare.

Die Martis sequenti in festo beati Marci evangelistæ Dominus venit apud Sanctum Dider prioratum de Casa Dei, receptus processionaliter, campanis pulsatis, in capis sericis, cum cantu, & procuratus, Ibidem confirmavit & benedixit.

Die Mercurii sequenti venit Dominus apud Culiac prioratum de Clusa in Lombardia, receptus pro-

cessionaliter & procuratus; & ibidem confirmavit, tonsuravit, ornamenta & imagines benedixit.

Die Iovis sequenti venit Dominus apud Martach prioratum de Sartelenges Clugniacensis ordinis, receptus & procuratus; & ibi confirmavit, tonsuravit, benedixit. Die verò præcedenti finavit Prior d'Ambert & Prior de Chamont pro dictis prioratibus xx. libras, iv. solidos; ita quòd pro quolibet finavit x. libras & * iv. solidos.

* duos.

Die Veneris sequenti venit Dominus apud Châlure prioratum Casæ Dei, receptus processionaliter & procuratus; & ibidem sequenti sabbato celebravit cum nota.

Eadem die venit Dominus ad Sallanc prioratum Casæ Dei, receptus processionaliter & procuratus; & ibidem confirmavit.

Dominica sequenti, videlicet ante festum beatorum Philippi & Iacobi, venit Dominus apud Vignerot prioratum de Sacerlenges Clugniacensis ordinis, receptus processionaliter & procuratus; ibidem confirmavit, benedixit, & tonsuravit.

Die Lunæ sequenti, scilicet primâ die Maii, venit Dominus apud Erlant prioratum de Clusa in Lombardia, receptus processionaliter & procuratus; ibidem confirmavit, benedixit, & tonsuravit. Et die Martis sequenti misit Dominus magistrum Iohannem Gresillon Canonicum Bituricensem, fratrem Simonem de Blesis, Renaldum socium ejus de ordine fratrum Minorum, & Cononem Canonicum Versionensem ad monasterium Casæ Dei cum duobus Clericis Domini Claromontensis, magistro Iohanne scilicet & magistro Petro, ut interessent collationi faciendæ quarundam clausularum contentarum in privilegiis Casæ Dei, per quas nituntur monachi [ostendere] se esse exemptos tam in capite quàm in membris; & fuit facta

dicta collatio dictarum clausularum ad privilegia , & fuerunt lecta dicta privilegia à principio usque ad finem & diligenter inspecta tam in filo quàm in bulla per missos à dicto Domino Bituricensi , præsentibus dictis duobus Clericis Domini Claromontensis. Primum privilegium lectum & inspectum fuit Domini Urbani Papæ II. secundum Lucii III. tertium Honorii III. quartum Alexandri IV. quintum Alexandri III. sextum Clementis IV. septimum Urbani IV. octavum Paschalis.

Eodem die Martis venit Dominus apud sanctum Germanum Lerin prioratum Casæ Dei , receptus processionaliter & procuratus ; & ibidem confirmavit , benedixit , & tonsuravit.

Die Mercurii sequenti post festum beatorum Philippi & Iacobi venit Dominus apud Azeracum prioratum Casæ Dei , receptus processionaliter & procuratus ; & ibidem confirmavit , benedixit , tonsuravit , & altare quoddam in dicto prioratu consecravit in honore beatæ virginis Mariæ , & dedit indulgentiam. Ibidem ipso die venit Dominus Episcopus Claromontensis & Abbas Casæ Dei & multi boni [viri] cum [eis.] Quibus congregatis cum Domino , lectæ fuerunt clausulæ supradictæ sumptæ in privilegiis Casæ Dei prædictis ; de quibus facta fuit copia & inspectio , ut superius est expressum. Super quibus clausulis cum diutius fuisset altercatum hinc inde , multi fuerunt habiti tractatus inter dictos Dominos Bituricensem & Claromontensem ex una parte , & Abbatem Casæ Dei ex altera , super discordia reformanda inter ipsos ; qui illo die non habuerunt effectum. Quibus actis , recesserunt dicti Dominus Claromontensis & Abbas.

Die Veneris sequenti venit Dominus apud * Ville * f Vieille
Bride prioratum abbatiæ Piperacensis ordinis san- Brioude.

cti Augustini, receptus processionaliter, procuratus; & ibidem confirmavit & benedixit.

Die sabbati sequenti venit Dominus apud Couz prioratum monialium ordinis sancti Benedicti, receptus processionaliter à clero & monialibus & procuratus; & ibidem confirmavit, benedixit, & tonsuravit, & intravit capitulum; & visitationis fungens officio, invenit ipsum monasterium reformandum, potissimè circa spiritualia. Temporalia siquidem erant in manu Regis Franciæ, quoniam erant ibi duæ Priorissæ in discordia & in dissensione. Dominus, adhibendo diligentiam quam potuit, & statum monasterii debite restaurando, ordinando præcepit quòd si Priorissa de novo ibi posita post litem motam aliquam fecerat monialem, quòd amoveretur. Præcepit etiam quòd puellæ seculares quæ ibidem de bonis monasterii nutriuntur, expellerentur, & quòd volenti aliquam retinere, nihil de bonis monasterii administratur eadem. Insuper cùm quidam libri dicerentur ibidem sublatis, de quorum alienatione timebatur, præcepit Dominus infra Ascensionem omnes in medium reportari & necessarios ad officium divinum in loco prædicto seu consueto dimitti, non necessarios per Sacristam custodiri; & hoc fieri præcepit per duas juratas pro utraque parte. Et super his scripsit Dominus Ballivo Arvernæ, in cujus manu, nomine Regis, tenebatur temporalitas, ut de præmissis observari faceret quæ dicto monasterio crederet expedire. Dictis die & loco venerunt quidam magni & sollemnes ex parte Abbatis Casæ Dei, qui cum Domino multis tractaverunt, & finaliter quandam litteram concordarunt quæ se declarat, & cujus tenor sequitur in hæc verba.

Simon Dei gratia Bituricensis Archiepiscopus, Aquitania Primas, & Arbertus ejusdem gratia Ab-

bas monasterii Casa Dei in Alvernia, universis presentes litteras inspecturis salutem in Domino. Noveritis quòd [cùm] nos prefatus Archiepiscopus assereremus & adhuc asseramus debere nos ad visitationem & procurationem jure metropolitano admitti & solvi nobis in monasterio Casa Dei procurationem eandem, dicto Abbate pro se & conventu suo contrarium asserente, causa pacis & concordie sic inter nos extitit concorditer ordinatum & expresse conventum, quòd nos Archiepiscopus predictus reciperemur nunc ad processionem & procurationem tantum in dicto monasterio; ita tamen quòd per hoc vel alia quæ faciemus ibi vel fient nobis Archiepiscopo predicto aut recipiemus ab Abbate & conventu predictis, nihil nobis quoad proprietatem, possessionem, vel quasi vel cujuscunque alterius juris aut suffragii acquiratur. Si verò aliquod jus proximò ante istam compositionem nobis Archiepiscopo competebat, illud salvum sit & servetur eidem, nec in dictis proprietate, possessione, vel quasi eisdem Abbati & conventui nec eorum privilegiis aliquid præjudicii generetur. Sanè quia ex quibusdam tractatibus habitis inter nos & Abbatem predictum speramus auctore Domino inter nos & ipsum ac monasterium suum per concordiam seu per sedem apostolicam pacis fœdera reformari, ordinatum est inter nos quòd usque ad septennium ab hodie numerandum & complendum non possimus visitationem vel procurationem nec aliquid occasione earum nos vel successores nostri petere efficaciter ab eisdem; ita tamen quòd per dilationem istam nullum nobis vel Ecclesie nostre fiat præjudicium, nisi interim per compositionem amicabilem & concordem vel per declarationem apostolicæ sedis factam fuerit aliter ordinatum; ad quam declarationem seu compositionem poterimus pendente dicto septennio procedere, si viderimus expedire. Si verò interim non fuerit declaratum, nobis Archiepis-

copo prædicto id jus omnino petendum quo possumus hodie efficaciter uti & non amplius, & ipsis omnis omnino defensio qua possunt vel possent hodie se tueri per omnia reservantur. In quorum testimonium nos Archiepiscopus & Abbas prædicti sigilla nostra presentibus duximus apponenda. Actum & datum anno Domini MCC. octogesimo quarto, die sabbati in festo beati Iohannis ante portam Latinam.

Hæc autem littera clausa fuit. certo die reposita fuit.

Die dominica sequenti venit Dominus apud Mazarat prioratum Casæ Dei, receptus processionaliter & procuratus. Prior noluit computare. Eadem die dominica misit Dominus Cononem suum Capellanum cum clerico coquinæ & coquum suum & quosdam alios pedites de familia sua ad abbatiam Casæ Dei, sicut alibi consueverant præmitti. Abbas eos satis curialiter recepit, & uni monachorum suorum præcepit ipsis tam pro Domino procurando quam pro ipsius familia necessaria & interrogata affluenter ministrare; & hospitium in ambitu monasterii pro Domino & suis sequentibus assignarunt. Præmissi illo sero in villa voluerunt hospitari, quia hospitia non erant mandata in villa. Fuerunt illo sero per abbatiam procurati in fœno & avena pro equis, in pane, vino, carnibus, candela, & in aliis necessariis abundanter, prout petere voluerunt, & etiam multum plus oblatum.

Die Lunæ sequenti veniente Domino ad abbatiam & monasterium Casæ Dei, venerunt ei obviam satis longè, suum excusantes Abbatem quare non venerat obviam Domino, quia Missas suas audiebat & cantabat, & quòd modus suus erat nullius omnino vacare donec Missam

DIOCESIS

DIOCESIS LEMOVICENSIS.

1285.

ANno Domini millesimo ducentesimo octogesimo quinto, die Veneris post quindenam natiuitatis beati Iohannis Baptistæ, intravit reverendus pater Simon Bituricensis Archiepiscopus Aquitanæ Primas Lemovicensem diocesim causa visitationis. Et primò declinavit ad abbatiam de Albispetris ordinis Cisterciensis; ubi receptus fuit processionaliter à conventu dicti loci, pulsatis campanis, & prædicavit in capitulo. Et ipsa die pernoctavit ibidem ad expensas abbatiæ, nec fuit computatum. Et sciendum quòd in comitiva sua erant ii quorum nomina hic notantur, videlicet Iohannes Abbas sancti Sulpitii Bituricensis frater Domini, Gilo Capellanus suus monachus sancti Sulpitii, Guido de Nohaylhes Capicerius Pictavenfis, Stephanus Capellanus suus, Giraudus de Briva Clericus suus tabellio publicus, magister Iohannes Gressilons Canonicus Bituricensis, magister P. de Virsione, qui venit tertia die post P. de Rupe, Archipresbyter de Castro Bituricensis diocesis, frater Hugo de Ferneriis monachus sancti Sulpitii Bituricensis, Otho de Salinis Canonicus Magdunensis Capellanus Domini, Cono rector Ecclesiæ Virsionis Capellanus Domini, qui venit postmodum Guido de Ranis Clericus Domini, & plures alii.

Dominica sequenti ante festum Magdalenæ in mane audivit ibi Missam, prædicavit, indulgentiam dedit, confirmavit. Et exinde venit apud Nozerinas prioratum Dolensem; ubi receptus fuit processionaliter ut supra, & procuratus ad expensas Prioris dicti loci. Summa expensarum octo libræ.

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Nozerinas prioratum Dolensem; & receptus fuit processionaliter ut supra, & procuratus ad expensas Prioris dicti loci. Non fuit computatum de expensis.

Dicta die Lunæ remisit ista vice Dominus, ob dilectionem & amicitiam magistri Girardi de Malomonte, procurationem quam habebat in prioratu de Auzisna prioratu Dolensi; quem prioratum idem magister G. tenebat.

Die Martis sequenti in mane audivit ibi Missam, confirmavit. Et exinde venit ad abbatiam Prati-benedicti ordinis Cisterciensis; ubi receptus fuit processionaliter ut supra à conventu dicti loci, quia non habebant Abbatem; & ipsa die pernoctavit ibi ad expensas abbatiæ.

Die Mercurii sequenti audivit ibi Missam in quadam capella extra abbatiam, confirmavit ibidem, & fecit coronas. Et exinde venit apud Pradeaux prioratum Dolensem; ubi receptus fuit processionaliter & procuratus ad expensas Prioris loci dicti, qui noluit computare.

Die Veneris sequenti in mane audivit ibi Missam, confirmavit. Et exinde venit apud Iarnage prioratum conventualem de Clusa; ubi receptus fuit processionaliter ut supra, & procuratus ad expensas Prioris, qui noluit computare. Media nocte verò inventi fuerunt duo parvuli latrunculi ante ostium cameræ Domini; quorum unus recognovit se cepisse in bursis Capellani & Clerici Capicerii Pictavenfis eadem nocte usque ad summam xv. solidorum, de quibus partem reddidit. Qui latrunculi incarcerati fuerunt in carcere Prioris domini dictæ villæ de Iarnage.

Die sabbati sequenti in vigilia Magdalenæ mane audivit ibi Missam, confirmavit. Et exinde venit apud Garectum prioratum sancti Savini Pictaven-
sis diocesis. Receptus fuit processionaliter ut su-
prà, audivit vespervas, completorium, & vigili-
as in Ecclesia sollemniter; & ipsa die procuratus fuit
ad expensas Prioris dicti loci, qui noluit compu-
tare.

Dominica sequenti in festo Magdalenæ venit Dominus apud abbatiam Agedunensem ordinis sancti Benedicti; ubi receptus fuit processionaliter ut suprà ab Abbate & conventu dicti loci, cele-
bravit Missam conventualem in pontificalibus cum pallio, acolythos fecit, prædicavit, indulgentiam dedit, confirmavit; & procuratus fuit ipsa die ad expensas Abbatis, nec fuit computatum. Eadem die proposuit Geraldus de Marciaco Clericus contra Iohannem Bachalat monachum beatæ Mariæ Ageduni quod idem monachus interfuit murtro Iohannis de Marcat defuncti fratris dicti Geraldii; & est factum notorium & fama publica, & quod huiusmodi facto perpetrato prædictus monachus fugit abbatiam de nocte. Idem dixit contra Petrum Bussi monachum dictæ abbatiæ & Priorem sancti Passencii.

Die Lunæ sequenti venit Dominus apud Bonum locum abbatiam ordinis Cisterciensis, ubi receptus fuit processionaliter ut suprà ab Abbate & conventu dicti loci. Prædicavit in capitulo, audivit ibi Missam, & pernoctavit ibidem ad expensas abbatiæ; nec fuit computatum de expensis.

Die Martis sequenti in mane ibidem in Ecclesia consecravit duo altaria, unum in honore sanctæ crucis, & aliud in honore sancti Nicolai. Celebravit, tonsuras fecit, confirmavit. Et ipsa die exinde venit apud Turrem sancti Austregisili prioratum

Dolensem, quem Abbas tenet in manu sua; ubi receptus fuit processionaliter ut supra, & procuratus ad expensas ejusdem monachi procuratoris dicti Abbatis. Summa expensarum **v i i i .** libræ & **x i i .** solidi.

Die Mercurii sequenti in festo beatorum Iacobi & Christophori venit Dominus apud Goson prioratum Stirpensem, ubi receptus fuit processionaliter ut supra. Celebravit in pontificalibus cum pallio, prædicavit, indulgentiam dedit; & procuratus fuit ad expensas Prioris dicti loci, qui noluit computare.

Die Iovis sequenti venit Dominus apud abbatiam Cambonensem, ubi receptus fuit processionaliter ut supra à Præposito & conventu dicti loci. Audivit ibi Missam, & prædicavit in capitulo; & procuratus fuit ad expensas Præpositi dicti loci, qui noluit computare. Quia verò Domino datum fuerat intelligi à quibusdam monachis dicti loci quòd Præpositus dictæ Ecclesiæ bona temporalia & spiritualia dissipabat, dicto Præposito contrarium asserente, Dominus super iis volens inquirere veritatem, prout suo incumbit officio, mandavit conventum dicti loci coram se ipsa die, ut sibi super statu suæ Ecclesiæ dicerent veritatem. Qui monachi, juramento obedientiæ ad hoc adstricti, sibi responderunt omnes & concorditer, publicè tamen, quòd præfatus Præpositus laudabiliter se habebat tam in spiritualibus quàm in temporalibus, & quòd bona Ecclesiæ erant in bono statu tam in capite quàm in membris. Quorum responsionibus acquievit. Et iis actis, in inquisitione prædicta ulterius procedere noluit.

Die Veneris sequenti in mane audivit ibi Missam, confirmavit, fecit tonsuras. Et exinde venit apud abbatiam Evahonensem, ubi receptus fuit

processionaliter ut suprà à Præposito & conventu dicti loci. Audivit ibi Missam, prædicavit in capitulo, præsentibus Præposito & conventu dicti monasterii & aliis Prioribus foraneis, videlicet Priore de Cantella, Priore de Domairac, Priore sancti Petri de Montelucio, Priore de Tullo, Priore de Neris, & pluribus aliis, necnon præsentibus Decano Lemovicensi Domino Iohanne de Vernoliis, Petro Malens Canonico Lemovicensi, & sociis Episcopi Lemovicensis, magistro G. de Armento Officiali Claromontensi, & Præposito Cambonensi, & pluribus aliis Clericis & laicis. Vbi Prior de Trenant Domino contra suum Præpositum graviter conquerendo monstravit quòd cùm esset in possessione prioratus de Trenant, idem Præpositus de Evahon ipsum spoliaverat sine causa à possessione prædicta; asserens dictus Prior quòd de consuetudine in prædicta Ecclesia de Evahon approbata ita erat, quòd Præpositus non poterat aliquem prioratum conferre nisi in capitulo & de consensu capituli, nec etiam aliquem Priorem destituere, deponere, seu amovere nisi ex causa allegata & approbata & de consensu capituli ac etiam Metropolitanì; dicto Præposito contra illam consuetudinem se opponente & aliam consuetudinem allegante. Quibus sic propositis & auditis in præsentia nominatorum suprà, præcepit Dominus partibus quòd quilibet de jure suo ipsum informaret, & parti quæ potiora jura pro se ostenderet jus suum faceret deliberari. Quibus sic actis, exivit capitulum; & dictus Præpositus pro bono pacis voluit, & promisit postmodum in præsentia Domini, quòd dictus Prior possessionem bonorum dicti prioratus unà cum dicto prioratu integrè rehaberet. His actis, ipsa die procuratus fuit dictus Dominus Bituricensis ibidem ad expensas

Præpositi & conventus dicti loci, nec fuit computatum de expensis.

Die sabbati sequenti audivit ibi Missam in mane, confirmavit. Et exinde venit apud Ruygnac prioratum Evahonensem; ubi receptus fuit ut supra, & procuratus ad expensas proprias Prioris dicti loci, qui noluit computare de expensis.

Dominica sequenti in octavis Magdalenæ venit Dominus apud Manicac prioratum Silvigniacensem, ubi receptus fuit processionaliter ut supra. Audivit Missam, confirmavit, tonsuras fecit. Et quia inter Priorem & Capellatum dicti loci contentio vertebatur super hoc quod dictus Prior dicebat Capellatum teneri ad medietatem procurationis, vocatis partibus, Dominus super hoc inquisivit, & invenit per testes quod prædecessores dicti Capellani solverant medietatem procurationis. Propter quod dicto Priori, qui sibi ministraverat dictam procurationem, dedit unam litteram in qua continebatur quod nisi infra certum terminum idem Capellanus satisfecisset de medietate procurationis prædictæ prædicto Priori, quod propter hoc esset excommunicatus idem Capellanus. Et fuit summa expensarum ix. libræ & iv. solidi.

Die Martis sequenti in festo sancti Germani venit Dominus apud monasterium Rosoliense, ubi sunt Canonici seculares; & receptus fuit processionaliter ut supra à Canonicis dictæ Ecclesiæ. Celebravit in pontificalibus, fecit acolythos, prædicavit, indulgentiam dedit, confirmavit, tonsuras fecit; & procuratus fuit ibidem ad expensas capituli. Summa expensarum xi. libræ vi. solidi. Ipsa vero die quendam Clericum dictæ villæ, qui extirpaverat vineam Sacristæ dictæ Ecclesiæ, coram se citari fecit. Qui citatus, comparens recognovit se dictam vineam extirpasse. Propter quod Domi-

nus condemnauit ipsum Clericum in decem solidis Turonensibus reddendis dicto Sacristæ infra quindecim dies ; & super hoc concessit litteram dicto Sacristæ.

Die Mercurii sequenti in festo sancti Petri ad vincula venit Dominus apud Pheletinum prioratum Cambonensem ; ubi receptus fuit processionaliter ut supra. Celebravit in pontificalibus cum pallio , fecit acolythos , prædicavit , indulgentiam dedit , confirmavit , & fecit tonsuras. Procuratus fuit ipsa die ad expensas Prioris , qui noluit computare de expensis.

Die Iovis sequenti venit Dominus apud Meignac prioratum Dolensem , quem Abbas Dolensis tenebat in manu sua ; & ibi fuit receptus processionaliter ut supra , audivit Missam , & procuratus fuit ibidem. Summa expensarum viii. libræ. Eadem verò die comparuit ibidem coram Domino Iohannes Leonardi Canonicus Ecclesiæ Rosoliensis citatus de mandato Domini pro eo quod ipse manus iniecerat violentas in Iohannem Malteherbes laicum in cimiterio Rosoliensi usque ad effusionem sanguinis ; quam effusionem sanguinis recognovit idem Canonicus coram Domino , & se super hoc ordinationi Domini supposuit. Vnde Dominus condemnauit ipsum in decem solidis Turonensibus reddendis passio injuriam. Item condemnauit eundem in una capa serica in pretio sex librarum Turonensium reddenda Ecclesiæ Rosoliensi infra annum instantem (& super hoc fuerunt plegii Capellanus Ecclesiæ Rosoliensis & Petrus Tire Canonicus dicti loci) pro injuria illata Ecclesiæ prædictæ Rosoliensi pro verberatione & sanguinis effusione facta in cimiterio Ecclesiæ prædictæ ; & super hoc dedit litteras , quæ traditæ fuerunt Archipresbytero de Albuconio , ut per ipsum pœna levaretur prædicta.

Eadem verò die ad reconciliandum dictum cimiterium benedixit aquam, & mandavit dictum cimiterium benedici ex illa aqua benedicta per Capellandum de Chambonac. Hoc enim poterat facere Dominus ex privilegio speciali, videlicet cimiteria polluta sanguine vel alias reconciliari facere per quemcunque vellet, dum tamen esset idoneus & ad hoc instructus.

Die Veneris sequenti in festo inventionis sancti Stephani venit Dominus apud abbatiam de Bonaqua ordinis Cisterciensis; ubi receptus fuit processionaliter ab Abbate & conventu dicti loci, pulsatis campanis. Prædicavit in capitulo, celebravit Missam conventualem in pontificalibus cum pallio, fecit acolythos & tonsuras, & pernoctavit ibidem. Quia verò Abbas minùs sufficienter necessaria ministraverat Domino & suis, deficiendo in ferratura equorum, & culcitris, lintheaminibus, palea, & multis aliis, Dominus die crastina in mane eundem Abbatem canonicè monuit de emendando prædictum delictum. Et licèt dictus Abbas offerret se facturum voluntatem Domini verbo & non facto, Dominus eum excommunicavit; & ex abundanti appellavit idem Dominus ad sedem apostolicam pro se & suis & ad hoc consentientibus, ne ipsi Abbas & conventus vel exequutores eorum à sede apostolica deputati, si quos habebant, aliquid de facto contra ipsum vel suos attentarent. Insuper legi fecit idem Dominus ibidem privilegium quod habebat, videlicet quòd nullus delegatus, subdelegatus, conservator vel exequutores quicunque ipsum possent excommunicare.

Die sabbati sequenti venit Dominus apud Portum Dei prioratum conventualem Casæ Dei; ubi receptus fuit processionaliter & honorificè ut suprà. Audivit Dominus Missam conventualem, confir-

mavit ; & procuratus fuit ad expensas Prioris dicti loci , nec voluit computare de expensis.

Dominica sequenti in mane fecit ibi tonsuras. Et exinde venit apud Bortum prioratum Clugniacensem , quem tenebat Episcopus Claromontensis ; ubi fuit receptus ut supra. Audivit ibi Missam , confirmavit ; & procuratus fuit ibidem ad expensas procuratoris dicti Episcopi Claromontensis. Non fuit computatum de expensis.

Die Lunæ sequenti venit Dominus apud sanctum Angelum prioratum conventualem de Carroffio , ubi receptus fuit ut supra. Audivit Missam , confirmavit ; & procuratus fuit ad expensas Prioris dicti loci , qui noluit computare de expensis.

Die Martis sequenti in mane fecit ibi tonsuras, Et exinde venit apud Maimac abbatiam ordinis sancti Benedicti , ubi receptus fuit processionaliter ut supra ab Abbate & conventu dicti loci. Celebravit , & procuratus fuit ipsa die ad expensas abbatiæ. Et quia datum fuerat Domino intelligi quod monachi dictæ abbatiæ multum dissolutè vivebant jacentes in cameris , omisso eorum dormitorio , comedentes singulariter in cameris , eorum refectorio prætermisso , mandavit Dominus Abbatem & monachos dicti loci coram se , & in præsentia monachorum suorum eidem Abbati præcepit quod de cetero comederent in refectorio & jacerent in dormitorio & non alibi nisi ex causa , exceptis in officiis constitutis ; de quibus præcepit Dominus ut servaretur in eis quod hactenus fuerat observatum. Prædictus autem Abbas promisit Domino quod staret ordinationi suæ , & quod in præmissis tamquam suo ordinario obediret.

Die Mercurii sequenti venit Dominus apud Vedrines prioratum Casæ Dei ; ubi receptus processionaliter ut supra , audivit Missam , & procuratus

fuit ibidem ad expensas Prioris dicti loci. Summa expensarum, x. libræ.

Eadem die finavit Prior de Vantador Clugniacensis ordinis de procuratione sua ad x. libras.

Et ipsa die incepit Dominus dare commissiones sub hac forma.

Simon Dei gratia Bituricensis Archiepiscopus, Aquitania Primas, dilecto in Christo tali Priori vel Abbati Lemovicensis diocesis salutem in Domino. Conquestus est nobis Lemovicensem diocesim visitantibus B. ejusdem diocesis quod P. & H. Clerici vel laici præfata diocesis super terris, debitis, possessionibus, & rebus aliis vel usuris injuriantur eidem. Ideoque discretioni vestre committimus & mandamus quatinus coram vobis partibus convocatis, audiatis causas & sine debito terminetis, facientes quod decreveritis per censuram ecclesiasticam auctoritate nostra firmiter observari. Testes autem qui fuerint nominati, si se gratia, odio, vel timore subtraxerint, censura simili compellatis veritati testimonium perhibere. Datum &c.

Eadem die impetravit commissionem Iohannes de Otherarico monachus Casæ Dei contra Renaudum Alemart, Gaubertum Aboniart, Petrum Galteri, & uxorem Iohannis Boet Lemovicensis diocesis; & habuit judicem magistrum P. de Podis Canonicum Hacentensis monasterii.

Die Iovis sequenti in mane audivit ibi Missam Dominus, confirmavit, tonsuras fecit. Et exinde venit apud Tutelam abbatiam ordinis sancti Benedicti; ubi Abbas & burgenses dictæ villæ cum trumpis & instrumentis aliis jocundis obviaverunt Domino, & ipsum conduxerunt usque ad portam Ecclesiæ; & illic fuit receptus honorificè ab Abbate & conventu dicti loci, pulsatis campanis, & processionaliter, & procuratus ibidem ad expensas

abbatiæ ; & non fuit computatum de expensis.

Die Veneris sequenti in festo beati Laurentii in mane intravit capitulum, prædicavit, postmodum celebravit Missam conventualem in pontificalibus cum pallio, fecit acolythos, prædicavit populo, indulgentiam dedit; & fuit ibidem ipsa die ex gratia ad expensas & invitationem Abbatis dicti loci. Qua die, congregato capitulo, Dominus in præsentia capituli proposuit quòd monachi in prioratibus constituti sæpissime prioratibus suis debitis servitoribus destitutis veniebant ad abbatiam suam, ibidem diutiùs residentes, & in cameris dictæ abbatiæ comedebant, & secum multos monachos dictæ abbatiæ invitabant pro machinationibus & aliquibus discordiis suscitandis & ut eos possent trahere ad voluntatem suam faciendam, & ita bona abbatiæ pro nihilo consumebant, prioratus suos debito servitio defraudantes. Quare præcepit eis Dominus ut super statu abbatiæ responderent sibi veritatem. Prædicti autem Abbas & monachi responderunt concorditer quòd abbatia tam in temporalibus quàm in spiritualibus erat in bono statu. Quibus auditis, Dominus noluit procedere ulteriùs, sed recessit.

Die sabbati sequenti in mane audivit ibi Missam, confirmavit, tonsuras fecit. Et exinde venit apud Obazinam abbatiam Cisterciensem, ubi receptus fuit processionaliter ut supra. Prædicavit in capitulo, & rogavit ipsos de capitulo ut ipsum recommendatum haberent in orationibus suis & beneficiis. Qui devotè eidem annuerunt. Post prandium eadem die visitavit Dominus moniales ibidem propè existentes, quæ nullo tempore vitæ suæ exeunt claustrum, ut dicitur, nec intrant claustrum homines nisi cum Prælati vel personis honestis. Prædicavit ibidem, & dedit indulgentiam.

Die dominica in mane sequenti consecravimus ibidem in quadam capella quoddam altare in honore beatæ Mariæ Magdalenæ ; audivimus Missam , & dedit indulgentiam illis qui interfuerant consecrationi dicti altaris. Exinde venit apud Argentac prioratum conventualem de Clusa, ubi receptus fuit processionaliter ut supra ; audivimus Missam , confirmavit , & procuratus fuit ad expensas Prioris dicti loci, nec fuit computatum de expensis

Die Lunæ sequenti audivimus ibi Missam , confirmavit , tonsuras fecit. Et exinde venit apud Brivac prioratum Sollemniacensem ; ubi receptus fuit processionaliter ut supra , & procuratus ad expensas Prioris dicti loci , nec fuit computatum de expensis.

Die Martis in vigilia Assumptionis beatæ Mariæ venit Domini apud Bellumlocum , ubi fuit honorificè receptus à burgensibus & processionaliter ab Abbate & conventu dicti loci. Intravit capitulum , prædicavit & visitavit ; & in ipso capitulo recepit homagium & fidelitatis juramentum ab Abbate prædicto de villa Bellilocenſi cum pertinentiis feodis ipsius villæ , secundum quod in littera compositionis olim factæ inter Abbatem & Dominum Bituricensem Archiepiscopum continetur. Et protestatus fuit Dominus quòd licet dicta homagium & juramentum receperit in capitulo supradicto , nullum sibi & Ecclesiæ Bituricensi præjudicium generetur quin prædictus Abbas & successores ejus ea facere teneantur alibi quando fuerint requisiti ; petens idem Dominus Archiepiscopus ab ipso Abbate claves portarum dictæ villæ sibi tradi in signum domini , prout facere tenebatur. Qui respondit quòd libenter eas traderet, si haberet, sed ad præsens eas non habebat , nec habere poterat , quia Bernardus de Sacrario , cui eas commise-

rat custodiendas tempore Domini Guidonis prædecessoris Domini, sibi reddere denegabat, præsentibus pluribus monachis & burgensibus dictæ villæ, quorum nomina scripta sunt in litteris inferiùs confectis. Eodem verò die Domini fuit cum Abbate ex gratia & à burgensibus villæ.

Super homagio & juramento fidelitatis facto dedit Abbas litteram sigillo suo sigillatam sub hac forma.

Univerſis præſentes litteras inſpecturis Bego humilis Abbas Bellilocenſis Lemovicenſis dioceſis ſalutem in Domino. Noveritis quòd cùm nos & conventus noſter nomine Eccleſie noſtre Bellilocenſis à reverendo patre Domino S. Bituricenſi Archiepiſcopo Aquitania Primatè nomine ſacroſanctæ Bituricenſis Eccleſie teneamus in feodum & tenere debeamus villam noſtram Bellilocenſem cum pertinentiis & juribus ad ipſam ſpectantibus, cùm prædicta omnia moveant de feodo & dominio Bituricenſis Eccleſie, prout evidenter per probationes legitimas productas coram Officiali Nivernenſi iudice ſuper hoc delegato à reverendo patre Simone Dei gratia tituli ſanctæ Cacilia Preſbytero Cardinali tunc apoſtolice ſedis Legato apparet & per diffinitivam ſententiam ab eodem contra nos pro Bituricenſi Archiepiſcopo promulgatam. Item cùm nos teneamus in feodis à Domino Archiepiſcopo nomine Bituricenſis Eccleſie omnia temporalia prioratuum omnium, admiſtrationum, & obedientiarum ad monaſterium noſtrum ſpectantium, ac omnes alias villas noſtras cum pertinentibus ſuis & juribus omnibus, ac omnia feoda & reſeoda ad monaſterium noſtrum ſpectantia, videlicet reparium & temporalia de Scaulhac, admiſtrationem & temporalia de Friac & de Favars & de Riberia, de Biaroz, & Deuſcous, & de Burda, & de Signec, & præpoſitatum de Tudel, & temporalia Eccleſiarum de Felinis, de Girat, & de

Bonavilla, de Scauquel, & de Bochart, Datilac, de la Tuc, & de nemore, & villam de Condac, villam del Saule, homagia & feoda Vicecomitis Turrenne, domini de Castro novo, domini Rigaudi, de Cavenonac, R. de Curamonta, domini de Nioleto, domini Filberti de Pomeya, domini Gilberti de Ganerii, domini Guillelmi de Cabra, Petri Doragnac, Guillelmi de Moritanis, Guillelmi & Ademari de Favras, dominorum de Malamorte, & omnium aliarum personarum quæ nobis & monasterio nostro debent vel fecerunt homagia & quæ tenent in feodum vel re-feodum à nobis & monasterio nostro vel tenere debent, nec prædicta omnia vel aliqua de prædictis tenemus ab alio domino temporali nec tenere possumus, cum ipse Archiepiscopus noster & rerum nostrarum temporalium dominus sit superior temporalis, & resortum habet à nobis tamquam dominus temporalis superior & habere debet & successores sui in perpetuum. Nec non eidem & successoribus jurare tenemur fidelitatem, ac eidem claves Bellilocenses tradere in novo adventu suo, anno Domini millesimo ducentesimo octogesimo quinto, decimonono Kalendas Augusti, die Martis quartadecima ejusdem mensis, in vigilia Assumptionis beate Mariæ virginis, in monasterio nostro, videlicet in capitulo nostro, circa tertiam pulsata campana ad congregandum conventum nostrum in dicto capitulo, reverendo in Christo patri Domino Simoni Dei gratia Bituricensi Archiepiscopo Aquitania Primati supradicto nomine Bituricensis Ecclesiæ homagium fecimus & juramentum fidelitatis de omnibus supradictis, presentibus & ad hoc vocatis religioso viro Iohanne Abbate sancti Sulpitii Bituricensis, venerabilibus viris Domino Guidone de Nohailhes Capicerio Pictavensi, & magistro Iohanne Gresillon Canonico Bituricensi, fratribus Simone de Blesis & Iohanne de sancta Severa ordinis Minorum, P. de Rupe Archi-

presbytero de Castra Bituricensis diocesis, fratre Hugone de de Faveriis monacho sancti Sulpitii Bituricensis, Oethone de Salinis Presbytero Canonico Magdunensi, Conone Presbytero rectore Ecclesie parochialis de Versione Bituricensis diocesis, Hugone monacho Priore de Vrseto Claromontensis diocesis, Iohanne de Maimac Priore claustrali monasterii nostri, Bernardo de Quercu Infirmario, Petro de Planis Camerario, Bertrando de Favars, Stephano de sancto Badelio, Aymerico de Vigilando monachis ejusdem monasterii, Martino la Celhe, Petro Majoris, Petro del Segrey, Bertrando del Segrey, Ademaro la Truilhe, magistro Guillelmo Majoris, & Laurentio Stephani burgenfis villa nostre Bellilocensis, & pluribus aliis.

Die Veneris post Assumptionem beatæ Mariæ venit Dominus apud Albignet prioratum de Clusa, ubi receptus fuit processionaliter ut suprà. Audivit Missam, confirmavit, tonsuras fecit, & procuratus fuit ad expensas Prioris dicti loci.

Die sabbati sequenti in mane audivit ibi Missam. Et exinde venit ad Brivam prioratum ordinis sancti Augustini; ubi receptus fuit processionaliter & procuratus ad expensas Prioris dicti loci.

Die dominica sequenti fuit ibidem ad invitationem Domini Guidonis de Nohailhes Capicerii Pictavenfis ex gratia in domibus dicti Prioris. Et fuit secum Episcopus Caturcensis. Eadem die celebravit in pontificalibus cum pallio, fecit acolythos & tonsuras, prædicavit, indulgentiam dedit.

Die Lunæ sequenti in mane audivit ibi Missam. Et exinde venit apud Vosies abbatiam ordinis sancti Benedicti; ubi receptus fuit processionaliter ut suprà, & procuratus ad expensas abbatiæ, nec fuit computatum de expensis.

Die Martis sequenti audivit ibi Missam, intravit capitulum, prædicari fecit. Et exinde venit apud

Vfarchiam , ubi receptus fuit proceffionaliter ut fuprà ab Abbate & conventu dicti loci , & procuratus ad expenfas abbatia. Non fuit computatum.

Die Mercurii fequenti in octavis Affumptionis beatæ Mariæ in mane audivit Miffam ibi , prædica- vit , tonsuras fecit , & confirmavit. Et exinde venit apud Arnacum prioratum fancti Martialis Lemo- vicensis ; ubi receptus fuit proceffionaliter ut fuprà , & procuratus ad expenfas prioris dicti loci.

Eadem die conceffit commiffionem Dominus Ste- phano Salavallh Clerico conquerenti quod Bernar- dus Bonifaci , Guido Eftuderii , Bartholomæus Radulphi , Bernardus Iudicis de Capella , Petrus & Gacelinus fratres fuper terris &c. judicem Prio- rem claustralem Belliloci.

Die Iovis fequenti in mane audivit ibi Miffam , confirmavit , tonsuras fecit , Et exinde venit ad prioratum fancti Roberti de Casa Dei , ubi recep- tus fuit proceffionaliter , & procuratus ad expen- fas Prioris dicti loci.

Die Veneris fequenti in fefto beati Bartholomæi venit Dominus apud Dalon abbatiam Ciftercien- fem , ubi receptus fuit proceffionaliter ut fuprà. Et duo altaria in Ecclefia dicti loci confecravit , unum in honore beati Bartholomæi , & aliud in honore Apostolorum Simonis & Iudæ. Audivit Miffam , confirmavit , & fecit tonsuras ; & pernoctavit ibi- dem ad expenfas abbatia. Non fuit computatum de expenfis.

Die fabbati fequenti venit Dominus apud fan- ctum Aredium , ubi funt Canonici feculares ; & receptus fuit proceffionaliter ut fuprà à Decano & capitulo dicti loci. Ipfa die celebravit Dominus in pontificalibus magnam Miffam , & fuit procuratus dicta die ad expenfas Decani & capituli dicti loci. Summa expenfarum

Die

Die dominica sequenti in Ecclesia dicti loci duo altaria consecravit, unum in honore sancti Aredii, & aliud in honore sancti Iuniani. Celebravit in pontificalibus cum pallio, fecit acolythos & tonsuras, confirmavit. Et ipsa die venit apud Chalas prioratum conventualem sancti Augustini; ubi fuit receptus processionaliter ut supra, & procuratus ad expensas Prioris dicti loci.

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Sollemniacum abbatiam sancti Benedicti, ubi Episcopus Lemovicensis, Abbas sancti Martialis Lemovicensis, & plures alii venerunt Domino obviam; & fuit receptus processionaliter, ipsis presentibus, ab Abbate & conventu dicti loci processionaliter ut supra; procuratus ad expensas abbatiæ. Summa expensarum....

Eadem die concessit Dominus commissionem Abbati & conventui dicti loci conquerentibus quod Ademarus de Cambonio dictus Cechardus, Guido & Aymericus de Claro oculo, & Iohannes Medici Lemovicensis diocesis, super terris, debitis, possessionibus &c. injuriantur eisdem. judicem Priorem claustralem Bellilocensem præfatæ diocesis. Item aliam dictis conquerentibus quod Iohannes Gregorii & ejus uxor, magister Matthæus, qui moratur cum domino Gacelino de Castronovo Milite, dictus Lalamans, & dictus Baurac de Gezoni præfatæ diocesis super terris &c. injuriantur eisdem. judicem supradictum.

Item aliam Præposito de Fagia monacho Sollemniacensi ejusdem diocesis conquerenti quod P. Baylac, G. Doneu domicellus, Iohannes deu Quaro, Aymarz Samçonet, & Guido Rogerii præfatæ diocesis super terris &c. injuriantur eisdem. judicem supradictum.

T

Item aliam dicto Præposito conquerenti quòd B. Greu , B. Baylet Presbyter dictus Barrisso , P. de Broli , & Bernardus Manha præfatæ diocesis super terris &c. injuriantur eidem. judicem Priorem claustralem Bellilocensem prædictum.

Item aliam Priori de Cella monacho Sollemniacensi conquerenti quòd Guido Gergnos , dictus Gannac , dictus Bonet Cans , & Iohannes Pellissa diocesis prædictæ Lemovicensis super terris &c. injuriantur eidem. judicem supradictum.

Item aliam Guillelmo Saderia Clerico conquerenti quòd Ademarus de Saxum Miles , Guillelmus de la Rocha , Iohannes Bertrandi , G. Lacosta , P. Faure de Exanduno ejusdem diocesis super terris &c. injuriantur eidem. judicem Priorem sancti Geraldii Lemovicensis.

Item die Martis sequenti in mane audivit ibi Missam , confirmavit , & fecit tonsuras. Et exinde venit apud Calucium castrum magistri Geraldii de Malomonte , & fuit ibidem ad invitationem dicti magistri ex gratia.

Die Mercurii sequenti in festo decollationis beati Iohannis Baptistæ in mane audivit ibidem Missam , confirmavit , tonsuras fecit. Et exinde venit apud Petram-Bufferiam , ubi receptus fuit processionaliter ut supra , & procuratus ad expensas Prioris dicti loci & Præpositi de Carovico , qui duo unam procurationem dant. Prioratus de Petra - Buferia est de abbacia Sollemniacensi. Prior de Carovico est de abbacia sancti Augustini Lemovicensis. Summa expensarum

Eadem die fecit homagium Domino & juramentum fidelitatis Prior monasterii de Vicano Caturcensis diocesis de omnibus temporalibus & juribus quæ habebat seu habere poterat aut debebat in villa Vicanensi & pertinentiis suis , præsentibus religiosis

viris Iohanne Abbate sancti Sulpitii Bituricensis ,
Priore de Petra - Bufferia , Domino Guidone de
Nohailhes Capicerio Pictavenſi , Domino Ade-
maro de Riparia , magistris I. Grefillon Canonico
Bituricensi , P. de Verſione , P. de Rupe Archi-
presbytero de Caſtra Bituricensis diocesis , Oetho-
ne de Salinis Capellano Domini Canonico Mag-
dunensi , & pluribus aliis Clericis & laicis. Et licet
dictus Prior dictum homagium teneretur facere Bi-
turiſ , ad ſupplicationem dicti Prioris & multo-
rum bonorum recepit ibidem dictum homagium
exgratia. Super quibus debuit dare litteras dictus
Prior de Vicano.

Dicta die impetravit à Domino commissionem
P. de Bellomonte Clericus contra rectorem Eccle-
ſiæ de Mauzanis , Blas. Chauffandras , Bartholo-
mæum de Murato , P. Guardelli , & Geraldum
Chambafortz laicos ejuſdem diocesis ; & habuit
Bertrandum Alboyni Canonicum sancti Iuniani
ejuſdem diocesis.

Item eidem P. aliam commissionem contra re-
ctorem Eccleſiæ sancti Hilarii de Turnis , P. Hu-
gonis Dantoyr , & Bonetum ejus filium , & P.
Gardelli laicos ejuſdem diocesis ; & habuit judicem
Guillelmum Ademari Canonicum sancti Aredii
Lemovicensis diocesis.

Item idem P. aliam commissionem obtinuit con-
tra rectorem Eccleſiæ de Lestours , P. de Marilho,
Guidonem Daſſio Clericos , P. Gaurdelli & B.
las Chauffandras ejuſdem diocesis ; & habuit ju-
dicem Iunianum Canoys Canonicum sancti Iuniani
ejuſdem diocesis.

Item impetravit aliam idem P. contra Stepha-
num Chandeliers , Stephanum de Vernant , &
Stephanum la Trocharia laicos ejuſdem diocesis ;
& habuit judicem P. Faydici Canonicum Raſolien-
ſem ejuſdem diocesis.

Item impetravit idem P. aliam contra rectorem Ecclesiæ d'Autor , Bonetum ejus fratrem , Guillelmum Gaialhatz , Guillelmum Emerici de Vserchia & ejus uxorem præfatæ diocesis ; & habuit judicem Guidonem del Chauscauhier Canonicum sancti Aredii.

Item impetravit idem P. contra Priorem de Vinhareria , rectorem Ecclesiæ de Sodena , & Guillelmum Malais laicum ejusdem diocesis ; & habuit judicem Bertrandum Alboyni Canonicum sancti Juniani.

Die Iovis sequenti in mane audivit ibi Missam , confirmavit , tonsuras fecit. Et exinde venit apud Aurelium prioratum conventualem sancti Augustini ; ubi receptus fuit processionaliter , præsentate Episcopo Lemovicensi , ut supra. Et ibidem inter Dominum & Episcopum de multis contulerunt. Postea recessit Episcopus , & ivit pransum ibi propè ad duas leucas ; & Dominus remansit ; & procuratus fuit ibidem ad expensas Prioris dicti loci.

Dicta die impetravit Præpositus d'Arto monachus Sollemniacensis commissionem contra dictum Arnaus , Guillelmum Pelos , & Stephanam ejus uxorem , P. & Iohannem dictos Gautier Lemovicensis diocesis ; & habuit judicem Priorem de Bello-loco Lemovicensis diocesis.

Item aliam commissionem impetravit Prior de Layral Claromontensis diocesis ordinis sancti Benedicti contra Hugonem de Frayxainas dictum le Tondou Palic , Iohannem rectorem Ecclesiæ de Verneya , rectorem Ecclesiæ de Petrasicta , Iohannem de Vrchier Presbyterum Lemovicensis diocesis ; & habuit judicem Priorem monasterii Bellilocensis ejusdem diocesis.

Die Veneris in mane audivit ibi Missam , confirmavit , & fecit tonsuras. Et exinde venit apud Ar-

tigiam prioratum conventualem. Ordo est per se. Vbi fuit receptus processionaliter. Prædicavit in capitulo, & procuratus fuit ibidem ad expensas Prioris dicti loci.

Die sabbati sequenti in mane audivit ibi Missam, & fecit tonsuras. Et exinde venit apud monasterium Haentense; ubi receptus fuit processionaliter à Præposito & capitulo dicti loci, & procuratus fuit ipsa die ad expensas capituli dictæ Ecclesiæ.

Eadem verò die vocavit Dominus Canonicos dictæ Ecclesiæ coram se, & inquisivit de statu Ecclesiæ. Et quia venerabilis vir magister R. de Albuconio præposituram dictæ Ecclesiæ Haentensis & præposituram Ecclesiæ Rosoliensis necnon & Ecclesiam parrochiam sancti Silvani prope Bellamgardam in eadem diocesi Lemovicensi tenebat tamquam intitulata, in modum qui sequitur contra dictum Præpositum processit post multas accusationes.

Simon Dei gratia Bituricensis Archiepiscopus, Aquitania Primas, universis presentes literas inspecturis salutem in Domino. Nuper Lemovicensem diocesim visitantes, dum per villam Bellagardæ transitum faceremus, ex clamorosa insinuatione parrochianorum Ecclesiæ sancti Silvani prope villam prædictam frequenter didicimus quod venerabilis vir magister R. de Albuconio tria beneficia, quæ inferius annotantur, tamquam intitulata detinebat, quorum unum ex altero non dependet, in suæ salutis præjudicium & scandalum plurimorum, videlicet Ecclesiam sancti Silvani curam animarum habentem, ac præposituram Ecclesiæ Rosoliensis, necnon & præposituram Ecclesiæ Haentensis, quæ præpositura in dictis Ecclesiis dignitates reputantur. Postea autem ad Ecclesiam Rosoliensem descendimus, visitationis officium exercentes; ubi Canonici dictæ Ecclesiæ nobis hæc eadem retulerunt.

Tandem ad Ecclesiam Haentensem declinavimus, visitationis officium exercentes; ubi Canonici dicta Ecclesia clamorem precedentium confirmantes, non sufficiebant admirari qua conscientia tam enormem excessum, non compatiendo predictis Ecclesiis, toleravimus. Cum autem premissa essent notoria & manifesta & adhuc sint, ac Episcopus dicta Lemovicensis diocesis quoad premissa negligens fuerit, ut dicitur, & remissus, licet beneficia qua tanto tempore vacavissent quod ad nos vel ad sedem apostolicam esset eorum devoluta conferendi potestas, jure metropolitano seu auctoritate sedis apostolica conferre possimus, tandem juxta verbum Apostoli dicentis, Nemini citò manum imponas, volentes super premissis habere certitudinem plenior, ipsum magistrum R. die sabbati ante nativitatem beatae Mariae virginis vocavimus coram nobis apud Haentum, & ab ipso petimus diligenter utrum praefatum clamorem opere complevisset. Qui nobis respondit quod praefatam Ecclesiam parochialem ac dignitates predictas detinuerat per longa tempora & adhuc etiam detinebat, fructus & exitus dictorum beneficiorum levando & percipiendo; qua beneficia, ut dicebat, successivè fuerat assecutus, primò preposituram Rosoliensem, deinde preposituram Haentensem, & ultimò Ecclesiam parochialem predictam; asserens tamen fuisse super premissis cum ipso à sede apostolica dispensatum; quam dispensationem ad nostram conscientiam informandam ab ipso nobis petimus ostendi. Qui nobis respondit quod dispensationem predictam non habebat ad praesens nec habere poterat; sed die tertia à nobis sibi assignata illam nobis ostenderet & offerret; & nos ad supplicationem ipsius diem Veneris in vigilia nativitatis beatae Mariae sibi assignavimus per hac coram nobis apud Lemovicam ad ostendendum & exhibendum nobis dispensationem predictam, si quam habet, & ad procedendum ulterius ut

ius erit. Quam diem prefatus R. gratanter & voluntate acceptavit, presen-ibus religiosis viris Iohanne Abbate sancti Sulpitii Bituricensis, I. de Pheletino ordinis Prædicatorum Lemovicensis, ac discretis viris Domino Guidone de Nobaylhes Capicerio Pitavensi, magistris I. Gresillon Canonico Bituricensi, Ademaro de Riparia, & Petro de Versione Clericis, & Domino Iohanne de Vernolhiis Canonico Lemovicensi, ac religioso viro Priore de Maravalle Lemovicensis diocesis, & pluribus aliis. Datum dicta die sabbati ante nativitatem beata Maria apud Haentum anno Domini millesimo ducentesimo octogesimo quinto.

Die dominica sequenti in mane ibidem apud Haentum audivit Missam, confirmavit, tonsuras fecit. Et exinde venit Dominus apud * Paemhac * Pœnsac prioratum sancti Martialis Lemovicensis; ubi receptus fuit processionaliter ut supra; & fuit ibi procuratus ad expensas capituli dicti loci, nec fuit computatum de expensis.

Die Lunæ sequenti ante nativitatem beatæ Mariæ virginis in mane celebravit ibidem Dominus, confirmavit, tonsuras fecit. Et exinde venit apud sanctum Leonardum prioratum conventualem ordinis sancti Augustini; ubi receptus fuit processionaliter, prædicavit in capitulo, & procuratus fuit ad expensas Prioris dicti loci. In crastino celebravit ibidem, confirmavit, & tonsuras fecit.

Commissionem dedit Dominus Domino Guidoni de la Porta Præposito sancti Silvani de abbazia de Vserche Lemovicensis diocesis contra Aydemarum Forragii, I. & P. Dosa fratres, Iobertum de Bausac, & Guidonem Morselli domicellum præfatæ diocesis; & habuit iudicem Abbatem Bellilocensem.

Die Martis ante nativitatem beatæ Mariæ virgi-

nis intravit Dominus Lemovicensem civitatem. Et primò declinavit ad Ecclesiam cathedralem ; ubi fuit receptus processionaliter ab Episcopo induto vestibus pontificalibus & à Canonicis dicti loci indutis capis sericis. Et ipsa die fuit procuratus in domibus Episcopi ad expensas ipsius Episcopi nomine capituli , quia debet solvere procurationem pro capitulo secundum quod est consuetum , nec fuit computatum. Et notandum quòd antequam Dominus intraret civitatem , venerunt Domino obviam bene per unam leucam Episcopus Lemovicensis , Decanus , magnus Archidiaconus , Cantor , Archidiaconus de Malamorte , Abbas Dauratensis , magister Gillebertus , & plures alii Canonici Lemovicenses , & Abbates sanctorum Martialis & Martini , qui præcesserunt pro recipiendo Dominum processionaliter.

Die Mercurii sequenti prædicavit in capitulo , & visitavit , præsentibus in capitulo Episcopo & Canonicis dictæ Ecclesiæ , qui ex gratia speciali obtulerunt ei primam vacaturam præbendam in Ecclesia ad opus cujusdam Clerici sui. Et ipsa die celebravit in dicta Ecclesia majorem Missam in pontificalibus , præsentem Episcopo. Prædicavit populo , indulgentiam dedit. Et ipsa die dedit indulgentiam , & fuit procuratus in domibus Episcopi ab Episcopo ad expensas ipsius Episcopi.

Di Iovis sequenti visitavit Dominus prioratum sancti Andreæ Lemovicensis ; ubi fuit receptus processionaliter ut supra , præsentem Episcopo. Et declinavit ad abbatiam sancti Martini ; ubi receptus fuit processionaliter ut supra , audivit Missam , & fuit procuratus ibidem ad expensas Abbatis dicti loci ; de quibus solvit Prior sancti Andreæ Lemovicensis medietatem , prout consuetum erat.

Die Veneris sequenti in vigilia nativitatis beatæ

Mariæ virginis visitavit Dominus abbatiam sancti Augustini Lemovicensis; ubi receptus fuit processionaliter ab Abbate & conventu dicti loci, audivit Missam; & fuit procuratus ad expensas abbatiæ, nec fuit computatum de expensis.

Die sabbati in festo nativitatis beatæ Mariæ intravit Dominus ibidem capitulum, prædicavit. Et exinde venit ad abbatiam sancti Martialis Lemovicensis; ubi receptus fuit processionaliter, præsentem Episcopo, ab Abbate & conventu dicti loci, celebravit missam conventualem in pontificalibus cum pallio, acolythos fecit, populo prædicavit, & dedit indulgentiam; & ipsa die procuratus fuit ad expensas abbatiæ. in procuratione non fuit computatum.

Die dominica sequenti in mane intravit Dominus capitulum, prædicavit, & visitavit, audivit Missam; & procuratus fuit ibidem ad expensas abbatiæ in procuratione, quia Abbas dicti loci tenetur ad duas procurationes. Ipsa die dominica visitavit Dominus abbatiam de Regula Lemovicensis; ubi receptus fuit processionaliter, prædicavit & visitavit in capitulo; & procurationem suam, quam Abbatißæ & conventui mandaverat ad diem sequentem, remisit ista vice Abbatißæ dicti loci ad supplicationem ipsius Abbatißæ ac venerabilis viri Domini Guidonis de Nohaylhes Capicerii Pictavenfis, Abbatis Dauratenfis, & plurimorum aliorum.

Die Lunæ sequenti in mane audivit Dominus Missam apud sanctum Martialem. Et in camera sua, præsentibus Episcopo Lemovicensi, Decano, Archidiacono, Abbate Dauratenfi Canonico Lemovicensi, & pluribus aliis Clericis & laicis, Dominus viginti tres pueros tonsuravit. Et notandum

quòd visitando dictam Lemovicensem civitatem concessit commissiones quæ sequuntur ; quarum commissionum forma mutata fuit prout sequitur , & concessa personis infra scriptis.

Simon Dei gratia Bituricensis Archiepiscopus , Aquitania Primas , dilecto in Christo Priori de Tutela ordinis sancti Benedicti Lemovicensis diocesis salutem in Domino. Conquestus est nobis Lemovicensem diocesim visitantibus Guillelmus Iordani Miles ejusdem diocesis quòd Helias de Fonte Presbyter rector Ecclesie de Barnaco prefata diocesis super terris , debitis , possessionibus , & rebus aliis injuriatur eidem. Hinc est quòd cum de consuetudine approbata de causis , controversiis , seu litibus quibuscunque omnium subditorum dictæ diocesis , de quibus diocesanus loci cognoscere non incepit , possimus cognoscere visitando & eas sine debito terminare vel committere , & in possessione hujusmodi juris vel quasi tam nos quàm predecessores nostri fuerimus & etiam adhuc sumus , discretionis vestre mandamus quatenus coram vobis vocatis partibus , causas audiatis prædictas & eas sine debito , usuris cessantibus , terminetis , facientes quod decreveritis per censuram ecclesiasticam auctoritate nostra firmiter observari. Testes autem qui fuerint nominati , si se gratia , odio , vel timore subtraxerint , censura simili compellatis veritati testimonium perhibere. Vobis enim quoad omnia supradicta committimus vices nostras , donec eas duxerimus revocandas. Datum &c.

Sub forma prædicta idem Miles contra Guillelmum de Penavayra Militem dictæ diocesis aliam commissionem impetravit ; & habuit judicem Præpositum de Manniaco dictæ diocesis Lemovicensis.

Item idem Miles contra Hugonem Arivac Mili-

tem ejusdem diocesis impetravit aliam; & habuit judicem Petrum de Saveril Canonicum Dauratensem.

Item Bernardus Raymundi Clericus Lemovicensis diocesis contra Guaucelinum Macel, Iohannem dou Verdieri, Agnetem Faureffa, Iohannem Audibert de Crefoli, & filium Pansic Clericum dictæ diocesis, commissionem impetravit similiter; & habuit judicem Priorem claustralem monasterii de Tutela.

Item aliam commissionem impetravit Boso de Montibus domicellus dictæ diocesis contra P. Laracha, Raymundum Apicat, relictam dicti Varaymier, & uxorem dicti Sorameu, & Hubertum de Cirlot dictæ diocesis; & habuit judicem S. Chabilli Canonicum sancti Iuniani præfatæ diocesis.

Item Aymingarda dictæ diocesis impetravit contra Gaucelinum de Afforla Militem, Heliam Sulhei Militem, Heliam de Nobiliaco domicellum, Laurentium Fautoris, P. Bordanayra ejusdem diocesis commissionem; & magistrum S. de Malomonte Canonicum Lugdunensem pro iudice impetravit; proviso tamen ne virtute hujusmodi rescripti extra diocesim Lemovicensem partes protrahantur.

Item Aymericus de Iarmahc Miles contra Heliam Durandi, R. Durandi, Hemericum Bordanayra, Stephanum Denner, P. Chabnen dictæ diocesis commissionem impetravit; ac P. de Barnon Canonicum Rosoliensem Lemovicensis diocesis pro iudice sub prædicta forma impetravit.

Die Lunæ prædicta in crastino nativitatis beatæ Mariæ virginis exivit Dominus civitatem Lemovicensem. Et ipsa die venit apud Carnum juxta Axiam prioratum sancti Martialis Lemovicensis, ubi fuit

receptus processionaliter ut supra, & procuratus ad expensas Prioris dicti loci & Prioris de Ape; qui duo ad unam procuracionem tenentur. Summa expensarum xi. libræ ii. solidi.

Dicta die impetravit commissionem Aymericus Raucharens laicus cruce signatus Lemovicensis diocesis contra Heliam Pelliparii Clericum, Stephanum de Chambarac Presbyterum, P. Loven, P. Peconi laicum ejusdem diocesis. Habuit judicem Dominum Iulianum de Crozis Canonicum sancti Aredii præfatæ diocesis.

Item ibidem impetravit commissionem Thomas de Montepessulano de castro Lemovicensi cruce signatus contra Stephanum Cambofortz, P. lo Lacier, P. de Peyreygnec, P. Peconi, & Guillelmum Vachier Lemovicensis diocesis; & habuit judicem Iulianum de Crozis prædictum.

Die Martis sequenti audivit ibi Missam, confirmavit, & fecit tonsuras. Et exinde venit apud Ruppem Cavardi prioratum abbatiae de Carrofo; ubi receptus fuit processionaliter ut supra, & procuratus ad expensas Prioris dicti loci. Non fuit computatum de expensis.

Die Mercurii sequenti in mane audivit ibi Missam, confirmavit, & fecit tonsuras. Et exinde venit apud Nancronum prioratum de Carrofo; ubi receptus fuit processionaliter, & procuratus ad expensas Prioris dicti loci. Summa expensarum xiii. libræ vii. solidi.

Die Iovis sequenti in mane audivit ibi Missam, confirmavit, tonsuras fecit. Et exinde venit apud Buxeriam prioratum conventualem de Clusa; ubi receptus fuit processionaliter ut supra, & fuit procuratus ad expensas Prioris dicti loci; nec fuit computatum de expensis.

Die Veneris sequenti in festo exaltationis sanctæ crucis venit Dominus apud Salas prioratum conventualem ordinis sancti Augustini; ubi receptus fuit processionaliter ut supra, celebravit in pontificalibus, acolythos fecit; & procuratus fuit ad expensas Prioris dicti loci, qui noluit computare de expensis.

Die sabbati sequenti in octavis nativitatis beatæ Mariæ venit Dominus apud Perusiac prioratum de Caroffo; ubi receptus fuit processionaliter ut supra, celebravit in pontificalibus, prædicavit, indulgentiam dedit, confirmavit, & fecit tonsuras; & procuratus fuit ad expensas Prioris dicti loci, nec fuit computatum de expensis.

Die dominica sequenti venit Dominus ad abbatiam Stirpensem; ubi receptus fuit processionaliter ut supra, audivit Missam; & procuratus fuit ad expensas abbatiæ, nec fuit computatum de expensis.

Die Lunæ sequenti venit Dominus in mane, & intravit capitulum, & visitavit. Et exinde venit apud sanctum Iunianum; ubi receptus fuit à Decano & capitulo dictæ Ecclesiæ, & procuratus ipsa die ad expensas capituli. Summa expensarum XII. libræ v. denariis minùs.

Die Martis sequenti in mane audivit ibi Missam, populo prædicavit, indulgentiam dedit, tonsuras fecit, confirmavit, & in capitulo visitavit, & dedit commissiones quæ sequuntur.

Eadem die Catherina relicta Helix de Siens tuxtrix I. & Aymerici pupillorum suorum impetravit commissionem contra Heliam de Varenis Militem, Petrum de Molico, Heliam de Iue, & Aymericum Plaichaz Valeti, Guillelmum de Furno, & dictum Guaydamour; & habuit iudicem Heliam Borrelli Canonicum sancti Iuniani.

Item aliam commissionem obtinuit dicta relicta contra Gerardum Doveri , Gerardum Raens , & P. de Rossoays Lemovicensis diocesis. Habuit judicem supradictum.

Item commissionem obtinuit P. Borelli & Petronilla ejus soror ejusdem litis consortes contra Heliam de Malomonte Militem , P. Vermier Capellanum de Dornarac , P. Barac , & P. Roveron ejusdem diocesis ; & habuerunt judicem Gerardum Galterii Canonicum sancti Iuniani Lemovicensis diocesis.

Die Martis prædicta venit Dominus apud Beux abbatiam Cisterciensem ; ubi receptus fuit processionaliter ut supra , & pernoctavit ibidem ad expensas abbatiæ.

Die Mercurii sequenti in mane audivit Missam , confirmavit. Et exinde venit apud Grandimontem ; ubi receptus fuit processionaliter à Priore & conventu dicti loci ; & fuit procuratus in aula Prioris , & fuit Prior secum ad prandium , ad expensas Prioris dicti loci ; nec fuit computatum de expensis.

Die Iovis in mane intravit Dominus capitulum , prædicavit , & se orationibus fratrum commendavit , audivit Missam , confirmavit , fecit tonsuras. Et exinde venit apud Ambazac prioratum de abbazia sancti Augustini Lemovicensis ; ubi receptus fuit processionaliter , & procuratus ad expensas Prioris dicti loci. Summa expensarum x. libræ xvii. solidi. Et propter paupertatem loci dicto Priori parcere promisit in primo adventu suo procuracionem.



DIOCESIS CADVRCENSIS.

ANno Domini millesimo ducentesimo octogesimo quinto, die Iovis post mediam quadragessimam, intravit reverendus pater Dominus Simon Deigratia Bituricensis Archiepiscopus Aquitanie Primas diocesim Caturcensem causa visitationis. Et primo declinavit apud Martellum; ubi fuit receptus processionaliter, pulsatis campanis, & procuratus ad expensas rectoris Ecclesie dicti loci. Summa expensarum xvii. libræ & xii. solidi Turonenses.

1285.

Et notandum quod caristia temporis, quæ caristia incomparabilis erat in partibus illis, fiebant expensæ tam magnæ, & etiam quandoque propter supervenientes. Nam panis qui alio tempore non valebat nisi unum denarium, valebat & vendebatur tunc ix. denariis; & sic de aliis epulis.

Et sciendum quod in comitiva Domini erant hi quorum nomina hic notantur, scilicet religiosus vir Guido Abbas monasterii Versionis frater Domini, Magister Renerius de Senonis Archidiaconus Graciacensis in Ecclesia Bituricensi, Dominus Otho de Salinis Canonicus Magdunensis, & Conon Canonicus Mimatensis Capellani Domini, magistri P. de Versione & R. de Caritate Clerici Domini, frater Iohannes Marsac monachus Versionensis, frater Hugo monachus sancti Sulpitii Bituricensis pœnitentiarius Domini, magistri Iohannes de Camera & Iohannes de Senonis nepos dicti Archidiaconi Clerici, & plures alii Clerici & laici.

Die Veneris sequenti ibidem in mane audivit Dominus Missam, prædicari fecit, indulgentiam dedit. Et exinde venit apud Vairac prioratum de Tu-

tela Lemovicensis diocesis; ubi fuit receptus processionaliter, pulsatis campanis, & procuratus ipsa die ad expensas Prioris dicti loci. Non fuit computatum de expensis.

Eadem die finavit de sua Prior de Carennac ordinis Clugniacensis ad xiv. libras Turonenses.

Die sabbati sequenti venit Dominus ad Rupem Amatoris prioratum abbatiae Tutelae Lemovicensis diocesis; ubi fuit receptus processionaliter ab Abbate Tuteleni & Priore & conventu dicti loci, pulsatis campanis; & in dicta Ecclesia eadem die sacros ordines celebravit, & quosdam Clericos suae & Claromontensis diocesis ordinavit, & quosdam de diocesi Caturcensi de licentia Episcopi Caturcensis, qui sibi litteram clausam miserat sub hac forma. *Reverendo in Christo patri ac Domino suo carissimo Domino Simoni divina providentia Bituricensi Archiepiscopo & Aquitania Primati, Raymundus permissione divina suus devotus Caturcensis Episcopus, salutem & cum recommendatione se ipsum ad ejus beneplacita & mandata. Reverende pater, sanctitati vestrae humiliter supplicamus quatinus hac instanti die sabbati proxima post festum Annuntiationis dominica, ubicunque eadem die vos esse contingat in Caturcensi diocesi, vobis ibidem placeat sacros ordines celebrare. Nos enim dictis ordinibus supersedebimus ob vestri reverentiam & honorem. Valcat vestra reverenda paternitas bene & diu, qua nobis semper precipiat tamquam suo. Datum Caturci die Iovis post dictum festum &c.* Ordinibus vero celebratis, procuratus fuit ad expensas Prioris dicti loci. Noluit computare, quia Abbas suus & monachi dicti loci comederunt cum Domino ad prandium.

Die dominica sequenti, qua cantatur *Isti sunt dies*, ibidem apud Rupem Amatoris Dominus celebravit,

lebravit , prædicavit , indulgentiam dedit , & quàmplurimos præfente Epifcopo Caturcenfi confirmavit. Et exinde venit apud Soliacum prioratum conventualem de Aureliaco ; ubi receptus fuit proceffionaliter ut fuprà , & procuratus ad expenfas Prioris dictiloci. Noluit computare de expenfis.

Die Lunæ fequenti in mane audivit ibi Miffam, confirmavit , tonsuras fecit , prædicavit , indulgentiam dedit. Et exinde venit apud Gordonium prioratum de Vicano ; ubi receptus fuit ut fuprà , & procuratus ad expenfas Prioris dicti loci. Summa expenfarum xiii. libræ & iv. folidi Turonenfes.

Die Martis fequenti in mane audivit ibi Miffam, prædicavit , indulgentiam dedit , confirmavit , tonsuras fecit. Et exinde venit apud Vicanum prioratum conventualem ordinis fancti Auguftini ; qui prioratus cum ejus pertinentiis univerfis tenetur à Domino in feodum ; & ibi fuit receptus proceffionaliter ut fuprà , & procuratus in procuratione ad expenfas Prioris dictiloci. Summa expenfarum xxii. libræ & xvii. folidi vi. denarii Caturcenfes valentes xv. libras & v. solidos Turonenfes.

Die Mercurii fequenti fuit ibidem cum Priore ex gratia. Et eadem die ex gratia hac vice remifit Dominus Priori de Vicano procurationem fuam , quam ad dictam diem mandaverat Priori de Concoret prioratui abbatiæ fancti Ambrofii Bituricenfis ; quem prioratum idem Prior de Vicano tenebat ad firmam.

Die Iovis fequenti fuit ibidem ad expenfas proprias ; & in mane intravit capitulum , vifitavit. Et eadem die Prior & conventus de Vicano prædicti fuper homagio & fidelitate quas Domino facere tenentur de prioratu fuo & pertinentiis univerfis dederunt litteras fub hac forma.

Univerfis præfentes litteras inſpecturis. Nos Petrus
V

Stephani Prior monasterii de Vicano Caturcensis diocesis ordinis sancti Augustini, totusque ejusdem loci conventus, salutem in Domino sempiternam. Notum facimus quod cum nos nomine praedicti monasterii nostri teneamur facere fidelitatem & homagium de omnibus rebus temporalibus, quocunque nomine ad nos & monasterium nostrum, quocunque jure, seu quacunque causa vel modo pertinentibus, reverendo patri ac Domino Domino Simoni Dei gratia Bituricensi Archiepiscopo, Aquitania Primati, quas scilicet fidelitatem & homagium predecessores nostros in dicto monasterio Bituricensibus Archiepiscopis qui fuerunt pro tempore ex debito confitemur fecisse, nos ab eodem Domino Archiepiscopo nomine sue Bituricensis Ecclesiae recognoscimus tenere in feodum omnia & singula temporalia superscripta, eidemque Domino Archiepiscopo nos praedictus Petrus Stephani Prior de Vicano nomine praedicti monasterii nostri gratanter, prout tenemur, fecimus fidelitatem & homagium nostro & conventus nostri nomine apud Petram-Buferiam Lemovicensis diocesis, ubi de mera gratia ab eodem reverendo patre admissi fuimus ad praemissa; quamquam apud Bituricas, si placeret eidem Domino, praedictam fidelitatem & homagium facere teneamur. In cujus rei testimonium sigilla nostra nos Prior & conventus praedicti, quibus divisim utimur, praesentibus duximus apponenda. Datum apud Vicanium anno Domini millesimo ducentesimo octogesimo quinto, die Iovis ante ramos Palmarum.

Anno praedicto, diebus Mercurii & Iovis praedictis, scilicet ante ramos palmarum, ibidem apud Vicanium in clauastro Ecclesiae de Vicano coram Domino Archiepiscopo & mandato suo personae infra scriptae parrochiani de Gordonio qui supra usuraria pravitate erant quamplurimum diffamati coram Domino, propter hoc vocati abjuraverunt;

& mandato Domini summas infra scriptas, quas se confessi fuerunt habuisse per usurariam pravitatem, per iuramentum suum restituere promiserunt & stare juri super iis coram eo.

Bertrandus de Faveriis abjuratus usuras, ut præmittitur, promisit restituere centum solidos monetæ antiquæ, quos, prout confessus est, habuerat per usurariam pravitatem.

Girardus la Olmeida abjuratus usuras, ut præmittitur, promisit restituere quindecim solidos, quos, prout confessus est, habuerat per usurariam pravitatem.

Girardus de Molendino abjuratus usuras, ut præmittitur, promisit restituere centum solidos, quos, prout confessus est, habuerat per usurariam pravitatem.

Raymundus de Polverlel abjuratus usuras, ut præmittitur, promisit restituere octo libras, quas, prout confessus est, habuerat per usurariam pravitatem.

Girardus Molendinarii abjuratus usuras, ut præmittitur, promisit restituere decem & octo denarios, quos, prout confessus fuit, habuerat per usurariam pravitatem.

Regnaudus Constantini abjuratus usuras, prout præmittitur, promisit restituere quinquaginta solidos, quos, prout confessus est, habuerat per usurariam pravitatem.

Guillelmus de Angolismo abjuratus usuras, ut præmittitur, promisit restituere decem libras, quas confessus est se habuisse per usurariam pravitatem.

Bernardus de Faveriis abjuratus usuras, ut præmittitur, promisit restituere xxx. solidos, quos, prout confessus est, habuerat per usurariam pravitatem.

Girardus Ricardi abjuratus usuras, ut præmittitur, promisit restituere quatuor libras, quas, prout confessus est, habuerat per usurariam pravitatem.

Stephanus Masit abjuratus usuras , ut præmittitur , promisit restituere triginta solidos , quos , prout confessus est , habuerat per usurariam pravitatem.

Deodatus de Olmeida abjuratus usuras , ut præmittitur , promisit restituere centum solidos , quos , prout confessus est , habuerat per usurariam pravitatem.

Giraldus Estunraldi abjuratus usuras , ut præmittitur , promisit restituere centum solidos , quos , prout confessus est , habuerat per usurariam pravitatem.

Raymundus de Proverel abjuratus usuras , ut præmittitur , promisit restituere decem libras Caturcenses , quas , prout confessus est , habuerat per usurariam pravitatem.

Bernardus de Vineis abjuratus usuras , ut præmittitur , promisit restituere quinquaginta solidos , quos , prout confessus est , habuerat per usurariam pravitatem.

Arnāudus Novelli abjuratus usuras , ut præmittitur , promisit restituere viginti solidos , quos , prout confessus est , habuerat per usurariam pravitatem.

Raymundus Ribere abjuratus usuras , ut præmittitur , promisit restituere sexaginta solidos , quos , prout confessus est , habuerat per usurariam pravitatem.

P. Texendar. abjuratus usuras , ut præmittitur , promisit restituere centum solidos , quos , prout confessus est , habuerat per usurariam pravitatem.

Arnaudus de la Tramoylhe abjuratus usuras , ut præmittitur , promisit restituere quinquaginta solidos , quos , prout confessus est , habuerat per usurariam pravitatem.

Guillelmus de Callucio abjuratus usuras , ut præ-

mittitur, promisit restituere quadraginta octo solidos, quos, prout confessus est, habuerat per usurariam pravitatem.

Ademarus Castri abjuratus usuras, ut præmittitur, promisit restituere quinque sesterios bladi, quos, prout confessus est, habuerat per usurariam pravitatem.

Renaudus Bonardi abjuratus usuras, ut præmittitur, promisit restituere viginti quinque solidos, quos, prout confessus est, habuerat per usurariam pravitatem.

Deodatus de Mercato abjuratus usuras, ut præmittitur, promisit restituere quinquaginta solidos, quos confessus fuit se habuisse per usurariam pravitatem.

Guillelmus de Casselade abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Raymundus de Marcilac abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Raymundus de Feuborne abjuratus usuras, ut præmittitur, promisit restituere octo libras, quas, prout confessus est, habuerat per usurariam pravitatem.

Gasbertus de Carentelo abjuratus usuras, ut præmittitur, promisit restituere decem libras, quas, prout confessus est, habuerat per usurariam pravitatem.

Arnaldus Raynes abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

P. Laval abjuratus usuras, ut præmittitur, pro-

misit restituere quinquaginta solidos, quos, prout confessus est, habuerat per usurariam pravitatem.

Guillelmus de Briva abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Guillelmus de Benast abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Arnaldus de Brivis abjuratus usuras, ut præmittitur, promisit restituere viginti solidos, quos, prout confessus est, habuerat per usurariam pravitatem.

P. Roalis abjuratus usuras, ut præmittitur, promisit restituere quinque solidos, quos, prout confessus est, habuerat per usurariam pravitatem.

Bernardus de Bonperier abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Guillelmus de Livars abjuratus usuras, prout præmittitur, promisit restituere viginti quinque solidos, quos, prout confessus est, habuerat per usurariam pravitatem.

P. Seguin abjuratus usuras, ut præmittitur, promisit restituere duodecim solidos, quos, prout confessus est, habuerat per usurariam pravitatem.

Guillelmus Palmerii abjuratus usuras, ut præmittitur, promisit restituere viginti solidos, quos, prout confessus est, habuerat per usurariam pravitatem.

Guillelmus de Coffel abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Die Veneris sequenti ibidem apud Vicanum in mane audivit Missam. Et exinde venit apud Fontes prioratum conventualem abbatiæ de Figiaco Caturcensis diocesis ; ubi receptus fuit processionaliter, pulsatis campanis, & procuratus in procuratione ad expensas Prioris dicti loci. Summa expensarum xiii. libræ & vi. solidi.

Die sabbati sequenti in mane audivit ibi Missam, prædicari fecit, indulgentiam dedit, confirmavit, & fecit tonsuras. Et exinde venit apud Capdenatum prioratum de Aureliaco ; ubi fuit receptus ut supra, & procuratus ad expensas Prioris dicti loci. Summa xxii. libræ, viii. solidi, & tres denarii Caturcenses valentes xiv. libras & xix. solidos Turonenses.

Eadem die sabbati sinavit Domino de procuratione sua Prior de Cardellaco ordinis Clugniacensis ad xiv. libras Turonenses.

Die dominica sequenti in ramis palmarum venit Dominus apud Figiacum abbatiam ordinis sancti Benedicti ; ubi receptus fuit honorificè cum trum-
pis, campanis pulsatis, processionaliter, à conventu dicti loci induto capis sericis ; absente Abbate, qui erat ad Regem. Et ipsa die processionaliter cum conventu dicti loci Dominus accessit ad parrochiam Ecclesiam dicti loci ; in qua prædicavit populo, indulgentiam dedit, & postmodum rediit ad abbatiam ; & ad majus altare in pontificalibus cum pallio celebravit, acolythos fecit ; & ipsa die procuratus fuit ad expensas abbatiæ dicti loci in procuratione. Summa xxiv. lib. iiii. solidi & viii. denarii Caturcenses valentes xviii. libras, duos solidos, & vi. denarios Turonenses.

Die Lunæ sequenti visitavit Dominus prioratum de Cassagnoliis, qui prioratus est de abbazia Figiacensi & in manu Abbatis ; ubi fuit receptus ut su-

prà , audivit Missam , confirmavit , & reversus est apud Figiacum in abbacia ; ubi ipsa die fuit procuratus. Super procuratione prædicti prioratus de Castegnoliis , summa xxiii. libræ , x. solidi Caturcenses valentes xv. libras , xiii. solidos , & iv. denarios Turonenses.

Eadem die Lunæ finavit Prior de Burgo (qui prioratus est de Aureliaco) ad octo libras Turonenses , quia pauper erat.

Die Martis sequenti in mane ibidem apud Figiacum audivit Missam , confirmavit , & fecit consuras. Et exinde venit apud Marcelliacum abbatiam nigram ; ubi receptus fuit processionaliter ut supra , & procuratus ad expensas Abbatis dicti loci. Summa xxii. libræ & duo solidi Caturcenses valentes xiv. libras , & xiv. solidos , & octo denarios [Turonenses.] Et cum Domino comedit Abbas dicti loci cum viginti duabus personis de ipsius Abbatis familia. In crastino verò audivit ibi Missam Dominus in mane , & quosdam confirmavit.

Die Mercurii sequenti , scilicet ante Pascha , intravit Dominus civitatem Caturcensem ; & venerunt eidem obviam ferè per duas leucas Episcopus , Archidiaconus , & multi alii Canonici Ecclesiæ Caturcensis cum magna societate , qui postmodum ad recipiendum Dominum processerunt. Et primò declinavit ad majorem Ecclesiam ; ubi fuit receptus processionaliter , campanis pulsatis , ab Episcopo induto pontificalibus ornamentis & Canonicis dictæ Ecclesiæ in capis sericis , cum trompis & gaudio magno. Et postea venit Dominus ad monasterium monialium beatæ Mariæ Deanratæ ejusdem civitatis ; ubi fuit receptus processionaliter ut supra , & procuratus ad expensas Priorissæ & conventus dicti loci ; & fuerunt Episcopus & Archidiaconus cum Domino ad prandium. Postmodum verò ivit

Dominus in domibus Episcopi , ubi jacuit , quia domus dicti prioratus non erant sufficientes. Summa expensarum xxiii. libræ , & xvii. solidi , & sex denarii Caturcenses valentes xv. libras & xviii. solidos & tres denarios Turonenses. Et habuerunt omnes moniales panem & vinum & pictantiam sufficienter de mandato Priorissæ super expensis hujusmodi.

Die Iovis sequenti visitavit Dominus dictas moniales , prædicavit in capitulo , & dedit indulgentiam. Et postmodum venit ad majorem Ecclesiam , intravit capitulum , visitavit , & prædicavit , Episcopo & Canonicis præsentibus & multis aliis. Postea in eadem majori Ecclesia fecit servitium , chrisma , Episcopo præsentem , consecravimus , & fecit cum sollemnitate qua decet. Quo facto , visitavit Dominus prioratum sancti Ursitini ejusdem civitatis prioratum de Marsilliaco , quem tenebat Dominus Sicardus Canonicus ejusdem Caturcensis & frater Abbatis Miseracensis ; ubi fuit receptus processionaliter ut supra & procuratus in procuratione ad expensas Prioris dicti loci. Et fuit Dominus Episcopus ad prandium cum Domino & multi alii ad invitationem dicti Domini Sicardi. Nec fuit computatum de expensis.

Die Veneris sequenti cum Episcopo in domibus suis fuit Dominus ex gratia. Et eadem die fecit servitium Dominus in majori Ecclesia præsentem Domino Episcopo , & tractavit de pace inter burgeneses civitatis & Episcopum reformanda.

Sabbato Paschæ fuit Dominus cum Episcopo similiter in domibus suis in procuratione , nec fuit computatum. Et ipsa die in majori Ecclesia , Episcopo præsentem , sacros ordines celebravit , & quosdam Clericos de diocesibus Bituricensi & Claramontensi ordinavit , & quosdam de diocesi Catur-

* Vocabatur Rai-
mundus de
Cornilio.

centi de licentia ipsius ; inter quos promovit ad ordinem subdiaconatus * Archidiaconum magnum , nepotem dicti Domini Episcopi.

Dominica in festo resurrectionis Domini ibidem cum Episcopo fuit Dominus gratis. Et celebravit Dominus in pontificalibus cum pallio in Ecclesia majori magnam Missam. Et notandum quod diebus Mercurii, Iovis, & Veneris prædictis Episcopus fuit cum Domino ad vigilias.

Die Lunæ fuit ibidem apud Caturcum cum capitulo in procuratione in domo capituli ; & fuit Episcopus & omnes Canonici ad prandium cum Domino. Et eadem die audivit Missam, & prædicavit in majori Ecclesia populo, & dedit indulgentiam.

Die Martis sequenti ibidem in capella Episcopi audivit Dominus Missam. Et postmodum exivit civitatem Caturcensem, Episcopo & Canonicis & quibusdam burgensibus ipsum comitantibus & conducentibus ferè per leucam. Et eadem die venit apud Catusium prioratum conventualem de Clusa ; ubi fuit receptus processionaliter ut supra, & procuratus in procuratione ad expensas Prioris dicti loci. Et comederunt Prior & conventus cum Domino. Summa expensarum xix. libræ & sex solidi Caturcenses valentes xiii. libras & octo solidos Turonenses.

Eadem die ad supplicationem Domini Sicardi remisit Dominus ex gratia ista vice procurationem suam quam mandaverat in prioratu de Viganteria, quem prioratum idem Dominus Sicardus tenebat. Et est dictus prioratus de abbazia de Marsillaco.

Die Mercurii sequenti in mane ibidem apud Catusium audivit Dominus Missam, confirmavit, & fecit tonsuras. Et exinde venit apud Archas prio-

ratum abbatia de Marfilliaco ; ubi fuit receptus processionaliter ut supra , & procuratus ad expensas Prioris dicti loci. Summa xvi. libræ & xiv. solidi & sex denarii Caturcenses valentes x. libras & tres solidos Turonenses.

Die Iovis sequenti in mane audivit ibi Missam , prædicari fecit , indulgentiam dedit , confirmavit. Et exinde venit apud Lusér castrum Domini Episcopi Caturcensis ; & fuit ibidem cum Episcopo gratis. Eadem die finavit Domino de procuratione sua Prior de Durevello à xiiii. libris Turonensibus ; & est prioratus de Moyssiaco.

Die Veneris sequenti summo mane ibidem apud Lusér in quadam capella audivit Dominus Missam , Episcopo præsentē. Et postmodum exinde venit apud Moyssiacum ; ubi Abbas & multi alii venerunt ei obviam bene per unam leucam , qui Abbas Moyssiacensis præcessit ad recipiendum Dominum processionaliter ; & fuit Dominus ibidem receptus campanis pulsatis processionaliter ab Abbate induto pontificalibus ornamentis , scilicet capa , mitra , baculo pastorali cum chirothecis , & à conventu dicti loci cum trompis & gaudio magno ; & eadem die fuit procuratus in procuratione ab Abbate dicti loci , qui noluit computare de expensis.

Die sabbati sequenti in mane celebravit ibidem in pontificalibus cum pallio , prædicavit populo , indulgentiam dedit , confirmavit , & fecit tonsuras. Et exinde an invitationem Abbatis venit Dominus apud Castelin domum Abbatis prædicti de Moyssiaco in diocesi Tolosana , ubi fuit ad expensas Abbatis ex gratia.

Dominica sequenti in octavis Paschæ venit Dominus apud abbatiam Montisalbani , quæ est sub Abbate Casæ Dei , ut dicunt ; ubi fuit campanis pulsatis processionaliter receptus à conventu dicti

loci, Abbate absente, qui erat Romæ. Postmodum venit ad parrochiam Ecclesiam dicti loci; & celebravit ibidem in pontificalibus cum pallio, & populo prædicavit, indulgentiam dedit. Et postea reversus est ad dictam abbatiam; & fuit in ea procuratus in procuratione ad expensas abbatiæ. Summa fuit expensarum xv. libræ & x. [solidi] Caturcenses.

Die Lunæ sequenti in mane ibidem quoddam altare in honore beati Bartholomæi & plura parva altaria consecravimus, audivimus Missam, confirmavimus, tonsuras fecimus, & visitavimus in capitulo. Et exinde venit apud Caeracum prioratum conventualem de Aureliaco; ubi receptus fuit ut supra à Decano & conventu dicti loci, & procuratus ad expensas Decani dicti loci. Summa expensarum xix. libræ, xvi. solidi Caturcenses valentes xiii. libras, decem solidos, & octo denarios Turonenses.

Eadem die Lunæ Abbas sancti Marcelli ordinis Cisterciensis venit ad Dominum, cui mandaverat Dominus quod pernoctare volebat in abbatiâ sua. Qui Abbas solum allegans paupertatem loci sui, supplicavit Domino ut pro Deo parceret ei ista vice, cum non haberet propter caritatem temporis unde posset eidem providere in necessariis. Qui Dominus ista vice ex gratia pepercit eidem.

Die Martis sequenti in mane ibidem apud Caerac audivimus Missam, confirmavimus, & fecimus tonsuras. Et exinde venit apud Gardam-Dei abbatiam ordinis Cisterciensis; ubi receptus fuit ut supra ab Abbate & conventu dicti loci, intravit capitulum, prædicavit, & se orationibus conventus commendavit; & pernoctavit ibidem ad expensas abbatiæ, nec fuit computatum.

Die Mercurii sequenti in mane audivimus ibi Missam, confirmavimus. Et exinde venit apud Calciatam prio-

tatum de Figiaco ; ubi receptus fuit processionaliter ut supra. Et quia Ecclesia dicti loci erat interdicta auctoritate Episcopi Caturcensis, magister * Gaubertus Des Plas facius Episcopi Caturcensis, qui conducebat Dominum, ob reverentiam Domini relaxavit interdictum quandiu Dominus esset in villa. Et ipsa die fuit procuratus ad expensas Archidiaconi Figiaci, qui dictum prioratum tenebat. Summa expensarum xxiii. libræ Caturcenses valentes xv. libras, sex solidos, & octo denarios Turonenses.

* Gaubertus Planas
Canonicus
Cadurcensis apud
Cruceum
pag. 143.

Die Iovis sequenti in mane audivit ibi Missam, confirmavit, & fecit tonsuras. Et exinde venit apud capellam Templariorum ; ubi receptus fuit processionaliter ut supra à capellanis dictæ Ecclesiæ, & procuratus ad expensas magistri domus Templariorum dicti loci. Noluit computare.

Die Veneris sequenti ad supplicationem Prioris de Caslucio consecravit Dominus quoddam altare in honore beati Ægidii & beatæ Mariæ Magdalænæ in Ecclesia beatæ Mariæ de Ihivre spectante ad prioratum de Caslucio, & audivit Missam. Et exinde venit apud Caslucium prioratum sancti Antonini ordinis sancti Augustini ; ubi fuit receptus ut supra, & procuratus ad expensas Prioris dicti loci. Non fuit computatum.

Die sabbati sequenti venit Dominus apud sanctum Antoninum prioratum conventualem ordinis sancti Augustini ; qui prioratus partim est in diocesi Ruthenensi, & partim in diocesi Albiensi. Et dum venisset ante portas Ecclesiæ, Dominus dixit Priori ut portas Ecclesiæ faceret poni ad terram ratione injuriæ factæ quondam Domino Iohanni de Soliaco prædecessori Domini à monachis & burgensibus dictæ villæ. Qui Prior ostendit Domino quandam litteram sigillo ejusdem Domini Iohannis sigilla-

tam , in qua continebatur quod idem Dominus Iohannes , certa pecuniæ quantitate pauperibus erogata , remiserat depositionem dictarum portarum. Quibus avisatis , satisfactum fuit Domino. Et receptus fuit processionaliter ut supra à Priore & conventu dicti loci. Audivit Missam conventualem , & procuratus fuit ad expensas Prioris dicti loci. Summa expensarum xiv. libræ , decem solidi Turonenses. Et ibi finiuit visitatio Caturcensis.

DIOCESIS ALBIENSIS.

1286. **D**ie dominica ante festum Apostolorum Philippi & Iacobi eodem anno Domini m c c. octogesimo sexto , completa visitatione diocesis Caturcensis , intravit Dominus diocesim Albiensem. Et primò eadem die dominica declinavit apud Voor domum Templariorum ; ubi fuit receptus processionaliter , pulsatis campanis , & procuratus à Præceptore dictæ domus. Summa expensarum xi. libræ.

Die Lunæ sequenti in mane audivit ibi Missam , confirmavit , tonsuras fecit. Et exinde venit apud Viancium prioratum Ecclesiæ Albiensis ; ubi receptus fuit processionaliter ut supra à Præposito dicti loci , & procuratus. Summa expensarum x. libræ & x. solidi Turonenses. Eadem die venit Dominus Episcopus Albiensis ibidem obviam Domino ; & cum locuti fuissent insimul , recessit Episcopus , & ivit apud Albiam.

Eadem die finavit de procuratione sua Prior de Rabastins monasterii Moyssiæ ad xi. libras Turonenses. Et eadem die remisit Dominus procurationem quam mandaverat Priori de Podio Celsi abbatiæ Aureliaci ad supplicationem fratris Abbatissæ sancti Germani de pratis Parisiensis ex gratia.

Die Martis sequenti in vigilia Apostolorum Philippi & Iacobi ibidem in mane apud Viancium audivit Missam, confirmavit, tonsuras fecit. Et exinde venit apud Sisterol prioratum abbatiae de Galliaco; ubi receptus fuit processionaliter ut supra, confirmavit, & fecit tonsuras. Et quia domus dicti prioratus non erant sufficientes, procuravit Dominum idem Prior in abbacia Galliacensi. Summa expensarum.

Et quia idem Prior de Sisterol dicebat quod praedecessores Domini * considerantes paupertatem loci sui, eidem dare consueverant aliquem prioratum in adjutorium, quod nequaquam Dominus facere poterat nisi loco primitus visitato propter constitutiones Concilii Lugdunensis, eidem Priori parcere promisit quamprimum ipsum alias contingeret dictam diocesim visitare.

Eadem die venit Dominus apud Galliacum abbatiam ordinis sancti Benedicti, & dicunt se esse sub abbacia Casae Dei. Et quia in itinere fuit dictum Domino quod Episcopus Albiensis excommunicaverat administratores dictae abbatiae, quam sententiam ipsi administratores dicebant non tenere quia erant exempti, Dominus more praedecessoris sui voluit recipi processionaliter, pulsatis campanis, à conventu dicti loci, administratoribus dicti loci tamen absentibus. Et ipsa die procuratus fuit ad expensas illius Prioris de Sisterol.

* Et quia praedecessores nostri attendentes paupertatem sui prioratus, eidem consueverant dare aliquem prioratum in adjutorium, quod non poteramus facere nisi loco prius visitato propter constitutiones Concilii Lugdunensis repugnantes, promissimus ei parcere quamprimum nos contingerit alias dictam diocesim visitare.

Die Mercurij sequenti fuit ibidem , intravit capitulum , visitavit , & prædicavit in prato sito ante capitulum , eo quod tanta populi multitudo erat ibi quod intrare non poterant capitulum ; & audivit Missam in capella juxta capitulum , & fuit procuratus ipsa die ad expensas abbatiæ. Summ xii. libræ , xvi. solidi , ix. denarii Turonenses.

Die Iovis sequenti reconciliavit Dominus cimiterium , audivit ibi Missam , confirmavit. Et exinde venit apud Candelium abbatiam Cisterciensem ; ubi receptus fuit processionaliter ut supra ab Abbate & conventu dicti loci , intravit capitulum , prædicavit , & se orationibus fratrum commendavit ; & pernoctavit ibidem ad expensas abbatiæ.

Die Veneris sequenti in festo Inventionis sanctæ crucis in mane audivit ibi Missam , confirmavit , & fecit tonsuras. Et exinde venit apud Sanctum prioratum S. Pontii diocesis Narbonensis ; ubi fuit receptus processionaliter ut supra , & procuratus ad expensas Prioris dicti loci. Summa expensarum xi. libræ , ii. solidi , iv. denarii. Et comederunt cum Domino de familia Prioris bene viginti personæ.

Die sabbati sequenti in mane celebravit ibidem in pontificalibus cum pallio , prædicavit , indulgentiam dedit , confirmavit , tonsuras fecit. Et exinde venit apud Castras abbatiam ordinis sancti Benedicti ; ubi fuit receptus processionaliter & procuratus ut supra ab Abbate & conventu dicti loci ad expensas Abbatis , qui noluit computare.

Die dominica sequenti post festum Inventionis sanctæ crucis celebravit ibidem in pontificalibus cum pallio , prædicavit , indulgentiam dedit , confirmavit , & tonsuras fecit. Et exinde venit apud Bullatum prioratum de abbacia Castrensi ; ubi fuit receptus processionaliter , pulsatis campanis , ut supra , & procuratus ad expensas Prioris dicti loci. Summa
expensarum

expensarum xv. libræ , octo solidi , decem denarii.

Die Lunæ sequenti in mane audivit ibidem Missam , confirmavit. Et exinde venit apud sanctum Amantium prioratum S. Pontii diocesis Narbonensis, ubi fuit receptus processionaliter ut supra, & procuratus ad expensas Prioris. Summa expensarum xvi. libræ & xvii. denarii Turonenses. Et eidem Priori quamprimum dictam diocesim aliàs contingerit visitare promisit parcere , ratione qua parcere promisit Priori de Bullato prædicto.

Die Martis sequenti in mane audivit ibi Missam, confirmavit , & fecit tonsuras. Et exinde venit apud Caranam prioratum S. Pontii diocesis Narbonensis; ubi receptus fuit processionaliter ut supra , & procuratus ad expensas Prioris dicti loci. Summa expensarum xiv. libræ , duo solidi , & unus denarius. Et comederunt de familia Prioris cum domino suo ferè viginti personæ.

Eadem die Prior sancti Gervasii , cui Dominus mandaverat procurationem suam , mandavit Domino quòd libenter eum reciperet ; sed propter viarum discrimina (nam robatores erant passim per loca illa montana , qui quotidie insidiabant transeuntibus) demandavit illi procurationem suam quoad præsens.

Die Mercurii sequenti ibidem apud la Carme audivit Missam , confirmavit , & fecit tonsuras. Et exinde venit apud Ambiletum prioratum abbatiæ Marsilensis ; ubi fuit [receptus] processionaliter ut supra , & procuratus ad expensas Prioris. Summa expensarum xii. libræ , xii. solidi , & unus denarius. In crastino audivit Missam , & fecit tonsuras.

Die Iovis sequenti in festo translationis sancti Nicolai intravit Dominus civitatem Albiensem. Et venit Episcopus cum magna comitiva obviam.

Domino , qui postmodum præcellerunt ad recipiendum Dominum processionaliter. Et primò declinavit Dominus ad Ecclesiam cathedralem , ubi fuit receptus , pulsatis campanis , processionaliter ab Episcopo , Præposito , & capitulo Ecclesiæ. Et post receptionem suam declinavit ad domos episcopales ; ubi procuratus fuit ipsa die ad expensas Episcopi. Noluit computare. Eadem die post prandium venerunt Consules & burgenfes civitatis in camera quæ est juxta capellam Episcopi in domibus Episcopi ; & ibidem sex burgenfes , scilicet Pontius Hugonis , Aymericus Amati , Raymundus Hugonis , Hugo Deodatus , R. Burgensia , & Secardus Callerii tradiderunt claves civitatis Episcopo , quas tradiderat burgensibus custodiendas Episcopus , ut dicebat ; quas claves ibidem Episcopus reddidit Domino Archiepiscopo tamquam domino superiori. Et quandiu fuit in civitate prædicta Dominus Archiepiscopus , penes se custodivit. Et dictæ traditioni clavium fuerunt præsentés Raymundus de Fraxinello Præpositus Albiensis Ecclesiæ , Berengarius de Carpineis , Berengarius de Monte-Iovis Archidiaconus in Ecclesia Albiensi , magister R. de Canalibus Præpositus Viancii , Pontius Amati Sacrista , Bernardus Oliverii , magister G. de Monte-Iovis. De comitiva Domini , frater Guido Abbas Versionensis frater Domini , magistri Reinerus de Senonis Archidiaconus Graciacensis in Ecclesia Bituricensi , & P. de Versione Canonicus curatus Ecclesiæ Versionensis , & Otho de Salinis Canonicus Magdunensis , Capellani Domini , frater Hugo de Freneriis monachus sancti Sulpitii Bituricensis , frater Iohannes de Marsac monachus Versionensis , & plures alii Clerici & laici.

Die Veneris sequenti in capella Episcopi audiuit Missam Dominus ; & post Missam exivit civitati,

Episcopo cum multis Canonicis eum comitante. Et visitavit prioratum de Escuria abbatiæ Galliæ-
sis; ubi receptus fuit processionaliter ut suprâ, &
procuratus à Priore dicti loci. Summa expensarum
xii. libræ & unus denarius. Promisit parcere Priori
quamprimum ipsum eandem diocesim contigerit
visitare, semel tantum, ex gratia consimilibus con-
cessa.

Die sabbati sequenti in mane audivit ibi Missam,
confirmavit, fecit tonsuras; & exinde reversus est
in civitatem, & declinavit ad monasterium sancti
Salvii; ubi receptus fuit processionaliter ut suprâ à
Præposito & conventu dicti monasterii. Post pran-
dium intravit capitulum, visitavit Episcopo præ-
sente; & ipsa die procuratus fuit ad expensas Præ-
positi dicti monasterii. Noluit computare. Post
cœnam reversus est Dominus cum tota familia in
domibus archiepiscopalibus.

Die dominica sequenti, qua cantatur *Cantate*, in
mane visitavit in capitulo majoris Ecclesiæ, Epif-
copo & Canonicis præsentibus, prædicavit, cele-
bravit in pontificalibus cum pallio, indulgentiam
dedit; & ipsa die procuratus fuit à capitulo dictæ
Ecclesiæ in domibus archiepiscopalibus; & fuerunt
ad prandium cum Domino Episcopus & ferè omnes
Canonici.

Die Lunæ sequenti in mane audivit Missam in
capella Episcopi, & fuit cum ipso ipsa die gratis.
Ipsa verò die, hora nona, in domibus Episcopi in
camera quæ est juxta capellam.

DIOCESIS RUTHENENSIS.

ANno prædicto, die Martis ante Rogationes,
intravit Dominus diocesim Ruthenensem. Et
primo declinavit apud Varenum prioratum Aure-

1286.

X ij

liacensis abbatiæ; ubi receptus fuit processionaliter à Decano & monachis dicti loci, pulsatis campanis, & procuratus ad expensas Decani dicti loci.

Die Martis sequenti audivit ibi Missam, confirmavit, fecit tonsuras. Et exinde venit apud Bellumlocum abbatiam ordinis Cisterciensis; ubi receptus fuit processionaliter ut supra, audivit Missam, & fuit receptus à conventu dicti loci, quia Abbas eorum mortuus erat. Intravit capitulum, prædicavit, & se orationibus conventus commendavit; & ipsa die pernoctavit ibidem ad expensas abbatiæ. Noluerunt computare.

1286.

Die Iovis sequenti in mane audivit ibi Missam. Et exinde venit apud Lespinace domum Hospitaliorum; ubi fuit receptus processionaliter ut supra, audivit missam, confirmavit. Et quia domus Præceptoris non erant sufficientes ad recipiendum Dominum, ministravit idem Præceptor procuracionem Domino apud Versuel.

Eadem die finavit Prior de Valle Aureliacensis abbatiæ de Aureliaco de procuracione sua ad xv. libras & quatuor solidos Turonenses pro cambellanis.

Eadem die finaverunt monachi abbatiæ Loci-Dei ordinis Cisterciensis ad xv. libras Turonenses; quia dicebant se non habere avenam, vinum, nec panem sufficientes Domino.

Die Veneris sequenti venit Dominus apud Naia-tum [prioratum] sancti Antonini Ruthenensis diocesis; ubi fuit receptus processionaliter ut supra, audivit Missam, confirmavit, & fecit tonsuras; & procuratus fuit ad expensas Prioris dicti loci.

Die sabbati sequenti venit Dominus apud Rivum Petrosam prioratum abbatiæ sancti Martialis Lemovicensis; ubi receptus fuit processionaliter ut su-

prà, audivit Missam, confirmavit, & in crastino fecit tonsuras; & fuit procuratus ipsa die sabbati ad expensas Decani dicti loci absentis. Noluit computare. Eadem die remisit Priori de Lusuaco abbatia Casæ Dei procurationem suam ad preces Abbatis Casæ Dei & Prioris de Privazac hac vice tantum & ex gratia speciali.

Dominica sequenti, scilicet ante Ascensionem Domini, venit Dominus apud Privazac prioratum Casæ Dei; ubi fuit receptus processionaliter, ut supra, audivit ibi Missam, confirmavit; & procuratus fuit ad expensas Prioris dicti loci. Noluit computare.

Die Lunæ sequenti in mane audivit ibidem Missam, & celebravit de mortuis pro Gerardo de Vo-deio domicello quondam magistro hospitii sui, qui decesserat apud Albiam, ubi remanserat infirmus. Fecit etiam tonsuras. Et exinde venit apud Rainhae prioratum abbatia Corchensis; ubi receptus fuit processionaliter ut supra in quadam minima capella. Nam parrochialis Ecclesia dicti loci per calum fortuitum corruerat, annus erat jam elapsus. In dicta capella Missam audivit, confirmavit; & fuit procuratus ad expensas Prioris dicti loci.

Eadem die finavit Prior de Villanova monasterii Moyssiensis ad xv. libras & quatuor solidos Turonenses.

Eadem die finavit Prior de Petrucia monasterii Figiacensis ad xii. libras Turonenses.

Eadem die finavit Prior sancti Iuliani monasterii Figiacensis ad sex libras, professus de Monbailim.

Die Martis sequenti venit Dominus apud Aspre-ras prioratum sancti Martialis Lemovicensis; ubi fuit receptus processionaliter ut supra, audivit Missam, confirmavit, & in mane fecit tonsuras; &

ipsa die fuit procuratus ad expensas Prioris. Summa xv. libræ Turonenses.

Die Mercurii sequenti venit Dominus apud Fluvihac prioratum abbatix Conchensis ; ubi audivit Missam , confirmavit , & locum sic destructum invenit quod non fuit aliquis qui sibi procurationem suam ministraret. Propter quod Dominus Ecclesiam ipsam supposuit ecclesiastico interdicto. Et postmodum venit apud Conchas ; ubi fuit receptus processionaliter ut suprâ , & procuratus ad expensas Abbatis dicti loci ex gratia. Postmodum elapsis sex diebus , venit quidam Clericus tenens dictum prioratum , qui se excusavit pro posse erga dictum Dominum pro eo quod non fuerat in receptione sua ; finavit de procuratione sua ad xii. libras , quas Dominus portari præcepit Abbati Conchensi , qui dicta die ministraverat expensas ; & removit Dominus sententiam quam posuerat in dicta Ecclesia.

Die Iovis sequenti , scilicet in festo Ascensionis Domini , dictus Dominus in abbazia de Conchis suam procurationem recepit , intravit capitulum , prædicavit , celebravit majorem Missam. In sero Prior de Barvars contra ipsum Dominum , prout in processu continetur , appellavit.

Die Veneris sequenti venit Dominus apud Albuium prioratum conventualem ordinis sancti Augustini ; ubi fuit receptus ut suprâ , audivit Missam , confirmavit , & fuit procuratus , &c.

Die sabbati sequenti transivit Dominus per Monbrisain , & audivit ibi Missam , confirmavit , & fecit tonsuras. Et quia non fuit qui ipsum procuraret , Ecclesiam ipsam supposuit ecclesiastico interdicto. Et exinde venit apud Bornesellum prioratum Conchensem ; ubi fuit receptus processionaliter ut suprâ & procuratus.

Die dominica sequenti audivit ibi Missam , con-

firmavit, prædicari fecit. Et exinde venit apud Clarasvalles prioratum abbatix de Brecoline; ubi fuit receptus processionaliter, audivit Missam, & fuit procuratus.

Die Lunæ sequenti in mane fecit ibi tonsuras & confirmavit. Et exinde venit apud Marcihac prioratum Conchensem; ubi fuit receptus processionaliter ut supra, audivit Missam, & fuit procuratus.

Die Martis sequenti audivit ibi Missam, confirmavit, & fecit tonsuras. Et exinde venit apud Lemosain domum Templariorum, ubi fuit receptus ut supra & procuratus. Dedit adiutorem Priorem de Concores.

Die Mercurii venit Dominus apud Silvam domum Templariorum; ubi fuit receptus, audivit Missam, confirmavit, & fecit tonsuras, & fuit procuratus ut supra.

Die Iovis sequenti venit Dominus apud Canaberes domum Hospitalariorum; processus, audivit ibi Missam, confirmavit, & fecit tonsuras &c.

Die Veneris sequenti ad abbatiam Bonæ Combæ ordinis Cisterciensis, prædicavit in capitulo, Missam audivit, & pernoctavit ibidem ad expensas abbatix. In mane fecit tonsuras.

Die sabbati sequenti, videlicet in vigilia Pentecostes, intravit Dominus civitatem Ruthenensem. Et primò declinavit ad majorem Ecclesiam; ubi fuit receptus ab Episcopo & capitulo, & procuratus ab Episcopo.

Dominica in festo Pentecostes fuit Dominus cum Episcopo ex gratia.

Die Lunæ in crastino Pentecostes fuit Dominus cum capitulo.

Die Martis sequenti cum Priore sancti Amantii burgi Ruthenensis; & dedit sibi subsidium sexaginta solidorum Turonensium super Priorem Castriovi

de Levezone Marsilliensis abbatiae, & quadraginta super Priorem sancti Genesii ejusdem monasterii.

In eadem visitatione fuit concessa ista littera.

Nos Officialis Ruthenensis notum esse volumus per presentes quod anno Domini millesimo ducentesimo octogesimo sexto, Reverendo patre Domino Simone Dei gratia Bituricensi Archiepiscopo, Aquitania Primate, Ruthenensem diocesim jure metropolitico visitante, Priores de Campanhac, de Pratis, & de Trebes, prioratus monasterii Conchenfis ejusdem diocesis Ruthenensis, supplicaverunt eidem ut super procurationibus quas ab eis jure quo supra requirebat eisdem parcere dignaretur, insufficientiam dictorum prioratum & tenuitatem suorum reddituum & temporis caristiam praetendentes. Quorum precibus dictus Dominus Archiepiscopus condescendens, eisdem Prioribus jus Bituricensis Ecclesiae consentientibus & recognoscentibus super praedictis pepercit hac vice, salvo jure sibi aliis & successoribus competenti. In quorum testimonium ad requisitionem ejusdem, &c.

DIOCESIS MIMATENSIS.

Anno praedicto, die Martis post Trinitatem, completa visitatione Ruthenensis diocesis, intravit Dominus diocesim Mimatensem. Et primo per calles & valles venit apud sanctam Eminiam prioratum conventualem sancti Theofridi Aniciensis diocesis; ubi fuit receptus processionaliter pulsatis campanis, & procuratus ad expensas Prioris dicti loci. Summa expensarum XIII. librae & quinque solidi Turonenses.

Die Mercurii sequenti in mane audivit ibi Missam, praedicari fecit, indulgentiam dedit, confirmavit, tonsuras fecit. Et exinde ascendendo venit apud

Flurac-prioratum Casæ Dei, quem tenebat nepos Abbatis Casæ Dei studens in scholis: ubi fuit receptus ut supra, & procuratus ad expensas Prioris dicti loci. Summa expensarum xiv. libræ & vii. solidi Turonenses.

Et notandum quòd ibidem venerunt duo monachi monasterii Aureliacensis cum litteris procuratoriis Abbatis sui & litteris clausis Episcopi Ruthenensis directis Domino, loquuturi & tractaturi cum Domino super discordia quæ inter Dominum & Abbatem suum vertebatur ratione prioratum de Mombazain in Ruthenensi diocesi & de Bayvars ejusdem diocesis; & in fine finaverunt dicti procuratores de procuratione dicti prioratus de Mombazain, cujus Ecclesiam & procuratorem loci supposuerat Dominus ecclesiastico interdicto ratione dictæ procurationis sibi denegatæ ad duodecim libras Turonenses quas debuerunt tradere Domino Episcopo Ruthenensi. Et ad implendum præmissa Dominus dedit potestatem Domino Episcopo Ruthenensi amovendi sententias prædictas *quandocunque ipsi satisfactum esset loco nostri de dictis duodecim libris*, quas afferre vel mittere debebat ad Concilium Bituricense. De procuratore autem prioratus de Bayvars ejusdem monasterii supersedit Dominus ad relationem Domini Episcopi Ruthenensis asserentis per litteras suas clausas quòd locus erat pauper & quasi inhabitabilis, & quòd prædecessores Domini non consueverant ibidem procurari.

Die Iovis sequenti in mane ibidem apud Flurac audivit Missam, confirmavit, tonsuras fecit. Et exinde venit & intravit Dominus civitatem Mimatensem. Et primò declinavit ad majorem Ecclesiam; ubi fuit receptus processionaliter à capitulo dictæ Ecclesiæ. Et dum esset in choro Ecclesiæ, præsen-

tibus Canonicis ipsius Ecclesiæ & multis alijs, ob dilectionem & pacem dicti capituli ipse amovit sententias ab ipso auctoritate apostolica latas in quosdam antedictæ Ecclesiæ opposcentes se collationi factæ magistro P. de Ruthena à Domino Archiepiscopo de præpositura Mimatensi per privilegium papale sibi concessum de beneficiis quæ tanto tempore vacaverant quod eorum collatio erat ad sedem apostolicam juxta Lateranensis statuta Concilii legitime devoluta &c. Ipsa die fuit procuratus ad expensas magistri Pauli procuratoris electi Mimatensis in Romana curia existentis in domibus episcopalibus ipsius electi. Non fuit computatum.

Die Veneris sequenti in mane intravit Dominus capitulum Mimatense, prædicavit, & postmodum ad majus altare celebravit in pontificalibus cum pallio, prædicavit populo, indulgentiam dedit; & fuit procuratus in domibus episcopalibus ad expensas capituli dicti loci. Non fuit computatum.

Eadem die finavit de procuratione Prior de Espaniaco Mimatensis diocesis monasterii de Aureliaco ad XII. libras Turonenses.

Item Prior de Calviaco ordinis Clugniacensis ejusdem diocesis finavit similiter de procuratione ad decem libras Turonenses.

Eadem die finavit similiter de procuratione Prior de Chiriaco conventualis abbatiæ Marsiliensis ad duodecim libras Turonenses.

Item similiter eadem die finavit Prior de Canonica ejusdem diocesis ad decem libras Turonenses de procuratione.

Die sabbati sequenti in mane ibidem apud Mimatium in capella Episcopi audivit Dominus Missam, confirmavit, & circa triginta pueros tonsuravit. Quo facto, exivit civitatem Mimatensem, & venit

ad Ecclesiam de Rivortorto parrochialem. Ibidem visitavit, & confirmavit quosdam; & exinde ipsa die visitavit Dominus Ecclesiam parrochialem sancti Albini, ubi fuit receptus processionaliter ut supra & procuratus ad expensas Capellani dicti loci & Capellani de Rivortorto, qui per medium procurationem ipsam solverunt. Summa expensarum xv. libræ & xvi. solidi Turonenses.

Die dominica sequenti, scilicet in octavis Trinitatis, in mane audivit ibi Missam, confirmavit, & fecit tonsuras. Et exinde venit apud Melteolum prioratum sancti Ægidii; ubi fuit receptus à Capellano & quibusdam monachis dicti loci, Priore absente, qui ex pravitate sua se absentaverat, ut publicè ferebatur. Et ipsa die fuit Dominus procuratus ibidem ad expensas Prioris dicti loci. Summa expensarum xv. libræ, quas solvit quidam burgen-sis de villa; cui Dominus vendidit bladum quod in dicto prioratu invenit, & de residuo obligavit ei per litteras suas ceteros redditus dicti prioratus usque ad summam procurationis prædictæ.

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Salgue prioratum Clugniacensem; ubi fuit receptus processionaliter ut supra, & procuratus ad expensas Prioris dicti loci. Summa expensarum xx. libræ Turonenses. Et quia communiter dicebatur quòd Archiepiscopi Bituricenses ibidem non consueverant procurari, licèt locus esset sufficiens ad procurationis onera supportanda, Dominus eidem Priori ad relevationem expensarum procurationis prædictæ dedit sex libras Turonenses percipiendas super prioratum de Berlhoncle, & alias sex libras percipiendas super prioratum de Bor Claromontensis diocesis, dans eidem Priori litteras compulsorias super hoc sub hac forma.

Simon Dei gratia Bituricensis Archiepiscopus, Aquitania Primas, viro venerabili & discreto Domino Geraldo de Montealto Canonico Mimatenfi salutem in Domino. Ut nostram provinciam visitantes, in quibusdam Ecclesiis nobis, saltem quantum ad exhibitionem procuratorum, subiectis, considerata tenuitate reddituum agamus mitius cum eisdem, ubi scilicet loca potissime sunt exempta, in moderata pecunia quantitate Ecclesiis aliis quae devotè & humiliter procuratorum nostrarum onera subierunt benignè decrevimus subveniendum ab illis quos nobis quantum ad hoc subditos, prout de jure potuissimus, procuratore integra noluimus praegravare, quamquam nec gravamen sit nec dici debeat nobis & prelati aliis procuratores debitas exhibere, qui singularem Ecclesiarum commodis & affectu & officio obligamur. Proinde dilecto in Christo Priori de Berlhoncle Claromontensis diocesis summam sex librarum Turonensium ejus facultatibus imponimus, ut dictas sex libras ratione procuratorum ab ipso Priore de Berlhoncle nobis debita religiosa viro Priori de Salgue Clugniacensis ordinis, qui procuratorum nomine nobis reverenter necessaria ministravit, solvere teneatur. Quare discretionis vestrae tenore praesentium committimus & mandamus quatinus eundem Priorem de Berlhoncle auctoritate nostra metropolitana moneatis ut infra octo dies à monitione vestra eidem Priori de Salgue vel ejus mandato praedictas sex libras Turonenses solvere non omittat. Quod si monitus non fecerit, ipsum, quem ex tunc suspendimus, interdiciamus, & excommunicamus, suspensum & interdictum & excommunicatum per Capellandum curatum parochialis Ecclesia de Berlhoncle & per omnes alios circumvicinos Capellanos Ecclesiarum parochialium denunciari publicè faciatis, Ecclesiam quoque ipsam parochialem de Berlhoncle ecclesiastico vice nostra supponentes, si opus fuerit, interdicto quousque idem Prior

monitus de prædicta pecunia quantitate & de toto interesse integrè satisfecerit. Subsequenter omnes & singulos qui Priori de Berlhoncle ad exhibitionem debitorum reddituum & obventionum seu decimarum quarumlibet sunt astricti moneatis sub inhibitione sollemnne eidem Priori de Berlhoncle quicquam exhibeant de eisdem, nisi satisfactione prædictæ pecunie præcedente. Quòd si secùs egerint, ipsos, quos ex tunc pœna consimili innodamus, excommunicatos similiter publicè murtiari mandetis. Quam pœnam extendimus in omnes qui mandati vestri immo nostri circa hoc extiterint transgressores. Vt autem præmissa omnia & singula exequi necnon & prælibatas sententias aggravare per vos vel per alium valeatis, vobis tenore præsentium committimus & mandamus. Datum & sigillo nostro sigillatum anno Domini millesimo ducentesimo octogesimo sexto, die Mercurii ante festum beati Iohannis Baptiste.

Consimilem litteram compulsoriam habuit idem Prior de Salgue contra Priorem de Bor prædictum pro aliis sex libris.

Die Martis sequenti ibidem apud Salgue in mane Missam audivit, confirmavit, & fecit tonsuras. Et exinde visitatione Mimatensi completa venit apud Saucergue domum Præpositi Brujacensis juxta Votam, ubi fuit ad invitationem Præpositi procuratus ex gratia.

DIOCESIS CLAROMONTENSIS.

ANno Domini millesimo ducentesimo octogesimo sexto, die Lunæ post ramos Palmarum, intravit reverendus pater Simon Bituricensis Archiepiscopus diocesim Claromontensem causa visitationis. Et primò declinavit apud Silvigniacum prioratum conventualem ordinis Clugniacensis. Ibi fuit cum Priore in procuratione ipsa die. **Su**ma

1286.

expensarum xii. libræ & xv. solidi. In crastino audivit ibi Missam, prædicavit, indulgentiam dedit, & fecit tonsuras.

Eadem die Lunæ finavit de procuratione ad xii. libras Prior de Firmitate moniali ordinis Clugniacensis distans à Silvigniaco per tres leucas, & visitavit Dominus transeundo.

Similiter eadem die finavit de procuratione ad x. libras Prior de Barnay ordinis Clugniacensis distans à Silvigniaco per tres leucas.

Die Martis sequenti venit Dominus apud Vernolium; ubi fuit receptus processionaliter à capitulo dictæ Ecclesiæ & procuratus. Summa expensarum ix. libræ & x. solidi, de quibus ad relevationem expensarum dedit eis quadraginta solidos Turonenses, & quædam alia jura procurationis remisit eis, pro eo quod invenit locum pauperrimum. Et distat à Silvigniaco per quinque leucas. In crastino audivit ibi Missam, prædicavit, indulgentiam dedit, tonsuras fecit, & in capitulo visitavit.

Eadem die Martis finavit de procuratione ad ix. libras Prior de Salis ordinis Clugniacensis distans à Vernolio per tres leucas; nec pro tanto esset immunis, nisi magister Stephanus Curatus de Maintac conducens Dominum pro eo specialiter rogavisset.

Die Mercurii sequenti fuit Dominus apud sanctum Porcianum cum Priore ordinis Clugniacensis. In procuratione non fuit computatum. Distat à Vernolio per unam leucam. In crastino audivit ibidem Missam Dominus, prædicavit, indulgentiam dedit, & confirmavit, & fecit tonsuras.

Eadem die Mercurii finavit de procuratione ad x. libras & quatuor solidos pro cambellanis Prior de Broo ordinis Clugniacensis distans à sancto Porciano per tres leucas, & visitavit locum Dominus dicta die.

Eadem die similiter finavit de procuratione ad x. libras & quatuor solidos pro cambellanis Prior de Iauzec distans à sancto Porciano per quatuor leucas, & visitavit Dominus locum.

Die Iovis sequenti fuit Dominus in abbazia sancti Gerberti ordinis Præmonstratensis cum Abbate in procuratione, & ibi sanctum chrisma confecit. Dicta abbazia distat à sancto Porciano per duas leucas. In crastino audivit ibidem servitium, confirmavit, & fecit tonsuras.

Die Veneris sequenti venit Dominus ad prioratum de Chambarande monasterii Menatensis, & invenit Ecclesiam dicti loci valde malè ædificatam & quasi minantem ruinam; nec habebat Prior domos ubi posset habitare, excepta quadam grangia. Dominus & sui jacuerunt, & procurati fuerunt à Priore dicti loci. Summa expensarum vii. libræ & vii. solidi. Et distat ab abbazia sancti Gerberti per duas leucas.

Die sabbati sequenti, scilicet in vigilia Paschæ, visitavit Dominus Ecclesiam de Carosio pertinentem ad Præceptorem domus militiæ Templi de Marchia; qui quidem Præceptor finavit de procuratione ad xi. libras & quatuor solidos pro cambellanis, quas undecim libras Dominus expendit ipsa die in domo sua de Naves; & in Ecclesia de Naves ordines celebravit dicta die sabbati, & quosdam de Bituricensi & de Claromontensi diocesibus Clericos ordinavit.

Eadem die sabbati finavit de procuratione ad xiv. libras Prior de Escuroliis ordinis Clugniacensis distans à Marchia per duas leucas, quas expendit in domo sua de Naves ipsa die.

Die dominica sequenti, scilicet die resurrectionis, fuit Dominus apud Naves in domo sua ad proprias expensas, & ipsa die in parochiali Ecclesia dicti

loci celebravit sollemniter in pontificalibus cum pallio.

1287.

Die Lunæ sequenti anni octogesimali septimii venit Dominus apud Gannac prioratum abbatiae Ysiodorensis. Ibi fuit cum Priore in procuratione. Summa expensarum xi. libræ, vii. solidi, viii. denarii. In crastino Missam ibidem audivit, prædicavit, indulgentiam dedit, confirmavit, tonsuras fecit. Et distat villa de Gannac à castro de Navis per tres leucas.

Eadem die finavit de procuratione ad decem libras & quatuor solidos Prior sancti Boniti de Monte Pancerii ordinis Clugniacensis distans à villa de Gannac per duas leucas. Et ipsa die visitavit Dominus locum prædictum.

Die Martis sequenti fuit Dominus apud sanctum Genesium cum Priore dicti loci monasterii Ebroliensis in procuratione. Summa expensarum x. libræ, vi. solidi, iv. denarii. Et distat dictus locus à villa de Gannac per duas leucas. In crastino audivit Dominus ibidem Missam, confirmavit, & fecit tonsuras.

Eadem die finavit de procuratione ad x. libras Prior de Montibus ordinis Clugniacensis distans à villa sancti Genesii per tres leucas; quem locum Dominus transeundo visitavit.

Die Mercurii sequenti venit Dominus apud Aquam sparsam, visitavit Ecclesiam dicti loci; & fuit procuratus à capitulo de Thiarç, qui tenetur ad procurationem. Summa expensarum xi. libræ, x. solidi, & vi. denarii. In crastino Missam audivit ibidem, prædicavit, indulgentiam dedit, confirmavit, & fecit tonsuras. Distat à villa sancti Genesii per leucam.

Die Iovis sequenti visitavit Dominus prioratum de Lusillac abbatiae Casæ Dei, & fecit procurationem

nem suam Prior dicti loci apud Buyllon. Summa expensarum x. libræ, xviii. solidi, & vi. denarii. Et distat Lusillac ab Aquasparsa per duas leucas, & à Buyllon per unam leucam.

Die Veneris sequenti visitavit Dominus prioratum de Buyllon, audivit Missam, confirmavit, fecit tonsuras; & fuit procuratus à Priore dicti loci in procuratione. Summa expensarum x. libræ.

Die sabbati sequenti visitavit Dominus prioratum de Marengue monasterii Casæ Dei, ubi Missam audivit, confirmavit, tonsuras fecit; & fuit procuratus à Priore dicti loci. Summa expensarum x. libræ, xi. solidi. Et distat à villa de Buyllon per leucam.

Die dominica sequenti, scilicet in octavis Paschæ, audivit Dominus Missam apud Marengue. Et exinde venit apud Bellum-regardum; ubi fuit cum Episcopo Claromontensi gratis. Et distat à villa de Marengue per duas leucas.

Die Lunæ sequenti intravit Dominus civitatem Claromontensem, Episcopo eum semper comitante. Et primò declinavit ad Ecclesiam secularem beatæ Mariæ de Portu, intravit capitulum unà cum Episcopo, & ibidem visitavit; & procuratus fuit à capitulo dictæ Ecclesiæ in domibus Episcopi Claromontensis. Summa expensarum x. libræ, xv. solidi, octo denarii.

Die Martis sequenti visitavit Dominus Ecclesiam secularem sancti Genesii, Episcopo præsentem; & procuratus fuit ab Abbate & capitulo dicti loci in domibus Episcopi. Summa expensarum xi. libræ, xvii. solidi, vi. denarii.

Die Mercurii sequenti visitavit Dominus Ecclesiam secularem de Chamalore Claromontensem. Visitavit in capitulo, confirmavit, tonsuras fecit; & fuit procuratus à capitulo dicti loci in domibus

Episcopi. Summa expensarum x. libræ, viii. solidi, & sex denarii. Et dum Dominus fuit Claromonti, tractavit de multis, primò de contentione quæ verrebatur inter Ecclesiam Claromontensem & monasterium Casæ Dei.

Die Iovis sequenti exivit Dominus civitatem Claromontensem, & venit apud Montem Ferrandi. Visitavit Ecclesiam dicti loci, & procuratus fuit à Priore dicti loci ordinis Casæ Dei. Summa expensarum xi. libræ, v. solidi, vii. denarii. In crastino audivit ibi Missam, confirmavit, & fecit tonsuras. Et exinde venit in domum fratrum Prædicatorum Claromontensem, ubi tractavit de negotio electi Mimatensis usque ad horam meridianam.

Die Veneris sequenti visitavit Dominus prioratum de Cheronac abbatiæ Casæ Dei, & fuit procuratus à Priore dicti loci. Summa expensarum vii. libræ, x. solidi, & vi. denarii. In mane audivit Dominus Missam, confirmavit, & fecit tonsuras. Cheronac distat à Claromonte per duas leucas.

Eadem die finavit de procuratione ad x. libras & quatuor solidos Prior de Raiac ordinis Clugniacensis, distans à Claromonte per dimidiam leucam.

Die sabbati sequenti visitavit Dominus Ecclesiam de Cresto, Missam audivit; & fuit procuratus à Priore dicti loci monasterii Casæ Dei, qui solvit medietatem procurationis, & à capitulo dicti loci, qui solvit aliam medietatem. Summa expensarum xi. libræ & xi. solidi.

In crastino audivit Missam, ibidem prædicavit populo, indulgentiam dedit, confirmavit, & fecit tonsuras. Crestum distat de Charonac per leucam.

Die dominica sequenti, scilicet in quindena Paschæ, venit Dominus ad prioratum de Vrscto

monasterii de Mauriac; & fuit procuratus à Priore dicti loci. Summa expensarum ix. libræ & quatuor solidi. In crastino audivit Missam, confirmavit, tonsuras fecit.

Eadem die finavit de procuratione Prior de Chavaros ordinis Clugniacensis ad decem libras & quatuor solidos pro cambellanis.

Eadem die finavit de procuratione ad decem libras cum jure cambellanorum Prior Pontis-Castri ordinis Clugniacensis.

Die Lunæ sequenti in mane ibidem apud Vrsetum audivit Missam, confirmavit, tonsuras fecit. Et exinde venit apud sanctum Saturninum abbatiæ Ysiodorensis; ubi visitavit, & procuratus fuit ad expensas Prioris dicti loci. Summa expensarum x. libræ & v. solidi. Et eadem die ivit unam leucam. Et quia Ecclesia dicti loci erat supposita ecclesiastico interdicto auctoritate Officialis Claromontis ratione Iohannis Azam Clerici, Dominus nullum officium fecit ibidem, sed super hoc scripsit Episcopo Claromontensi.

Die Martis sequenti per viam asperrimam venit Dominus ad prioratum sancti Necterii prioratum Casæ Dei, visitavit, audivit Missam, confirmavit, tonsuras fecit; & procuratus fuit ad expensas Prioris dicti loci. Summa expensarum viii. libræ, & xix. solidi. & ipsa die fecit duas leucas.

Die Mercurii sequenti audivit ibidem Dominus Missam, prædicari fecit, indulgentiam dedit. Et exinde venit apud Montem acutum prioratum ordinis Clugniacensis; ubi in Ecclesia dicti loci duo altaria consecravit, unum in honore beati Iohannis Baptistæ & beatæ Mariæ Magdalenæ, & aliud in honore beati Mauricii; & ipsa die fuit procuratus à Priore dicti loci. Summa expensarum x. libræ. & equitavit ipsa die unam leucam.

Die Iovis sequenti celebravit ibidem Missam pro defunctis, prædicavit, indulgentiam dedit, confirmavit, tonsuras fecit. Et exinde venit apud Gressi prioratum Casæ Dei, ubi visitavit, & quatuor leucas equitavit. Et quia datum erat intelligi Domino quod domus non erant sufficientes ad ipsum recipiendum, venit apud sanctum Germanum Lambron distantem per leucam; ubi procuratus fuit à Priore de Gressiaco in domibus capituli Brivatensis. Summa expensarum x. libræ & undecim solidi Turonenses.

Die Veneris sequenti visitavit Dominus Ecclesiam sancti Germani de Lambron, audivit Missam, prædicari fecit, confirmavit, tonsuras fecit; & fuit procuratus à Capellanis sancti Germani, sancti Iohannis, sancti Clementis dicti loci; & dedit Dominus litteram compulsivam de illis qui nolebant solvere partem procurationis prædictæ.

Die sabbati sequenti venit Dominus apud Berlhoncle prioratum Salsiniarum; ubi Missam audivit, confirmavit, tonsuras fecit, & fuit procuratus ad expensas Prioris dicti loci. Summa expensarum viii. libræ, quinque solidi. Et ipsa die equitavit duas leucas.

Dominica sequenti, scilicet post festum beati Marci evangelistæ, venit Dominus apud veterem Brivatem prioratum abbatiæ Piperacensis, ubi Missam audivit, prædicavit, & confirmavit, tonsuras fecit; & fuit procuratus ad expensas Prioris dicti loci. Summa expensarum ix. libræ Turonenses. Et equitavit duas leucas.

Die Lunæ sequenti venit Dominus apud Ville prioratum Piperacensem; ubi Missam audivit, confirmavit, tonsuras fecit, & fuit procuratus ad expensas Prioris dicti loci. Summa expensarum viii. libræ & iii. solidi. & equitavit unam leucam.

Die Martis sequenti ibidem audivit Missam in mane, prædicavit, indulgentiam dedit. Et exinde equitando unam leucam venit apud Azarac prioratum Casæ Dei, & fuit procuratus ad expensas Prioris dicti loci. Summa expensarum octo libræ & quatuor solidi.

Die Mercurii sequenti quoddam cimiterium Ecclesiæ contiguum benedixit, Missam audivit, confirmavit, tonsuras fecit. Et exinde equitando tres leucas venit apud Nonnetam prioratum Casæ Dei, & fuit procuratus ad expensas Prioris dicti loci. Summa expensarum x. libræ & iv. solidi.

Die Iovis sequenti, scilicet in festo Apostolorum Philippi & Iacobi, in mane audivit ibi Missam, confirmavit, & fecit tonsuras. Et exinde venit apud Ysiodorum abbatiam sancti Benedicti, celebravit in pontificalibus cum pallio, prædicavit, indulgentiam dedit, confirmavit, & fuit procuratus ad expensas abbatiæ. Summa expensarum x. libræ & v. solidi. Et equitavit ipsa die duas leucas.

Die Veneris sequenti audivit ibi Missam in mane, tonsuras fecit. Et exinde venit apud Cornomum, ubi ipse & Claromontensis Episcopus ac Abbas Casæ Dei convenerunt ad tractandum super multis. Et exinde post tractatum habitum venit apud sanctum Andream prioratum Casæ Dei, ubi fuit procuratus ipsa die ad expensas Prioris dicti loci. Summa expensarum x. libræ & vi. solidi.

Die sabbati sequenti, scilicet post festum Apostolorum Philippi & Iacobi, in mane audivit ibidem Dominus Missam, confirmavit, tonsuras fecit. Et exinde venit apud Chavahac prioratum Salsiniarum, ubi fuit procuratus ad expensas Prioris dicti loci & capituli Vertosionis. Summa expensarum viii. libræ, x. solidi.

Die dominica sequenti in mane ibidem quandam

capellam veterem reconciliavit ; Missam audivit ; prædicari fecit , indulgentiam dedit , tonsuras fecit , confirmavit. Et exinde venit apud Vic prioratum abbatiae Magniloci , ubi fuit procuratus ad expensas Prioris dicti loci. Summa expensarum ix. libræ , x. solidi.

Die Lunæ sequenti in mane audivit ibidem Dominus Missam , prædicavit , indulgentiam dedit , confirmavit , & fecit tonsuras. Et exinde venit apud Celsinias prioratum conventualem ordinis Clugniacensis , ubi fuit procuratus ad expensas Prioris dicti loci. Non fuit computatum.

Die Martis sequenti in mane audivit ibidem Dominus Missam , confirmavit , tonsuras fecit ; & locutus fuit cum Domina Iohanna domina Soliaci , quæ ibidem venerat de Bituria ratione cujusdam declarationis quam fecerat Dominus de contentis in quodam compromisso facto super eum à Domino Henrico quondam domino Soliaci & Comite Melleduni. Et postmodum venit apud Magnumlocum abbatiam sancti Benedicti , ubi fuit procuratus ad expensas Abbatis dicti loci. Non fuit computatum.

Die Mercurii sequenti in mane ibidem audivit Missam , prædicavit , indulgentiam dedit , confirmavit , & fecit tonsuras. Et exinde venit apud la Foilleuse domum Templariorum , ubi fuit procuratus à Præceptore dicti loci. Summa expensarum x. libræ , vi. solidi.

Die Iovis sequenti in mane visitavit Ecclesiam parochialem de Cuyllac pertinentem ad dictam domum de la Foilleuse , audivit Missam , confirmavit , tonsuras fecit , & partem cimiterii dictæ Ecclesiæ reconciliavit. Et exinde venit apud Nazac Ecclesiam collegiatam , ubi fuit procuratus ad expensas capituli dicti loci. Summa expensarum viii. libræ & xvii. solidi.

Die Veneris sequenti in mane audivit ibi Missam , prædicari fecit , indulgentiam dedit , confirmavit , tonsuras fecit. E exinde venit ubi Episcopum Claromontensem invenit , & super multis tractavit cum eo , Ecclesiam de visitavit. qua visitata , venit apud Riomum in abbazia , ubi ipsa die fuit procuratus ad expensas capituli de Sabbazac pro eo quòd non habebant domos sufficientes , ut dicebant. Summa expensarum undecim libræ Turo- nenses.

Die sabbati sequenti ibidem apud Riomum in abbatia audivit Missam , confirmavit , tonsuras fecit , intravit capitulum , prædicavit , indulgentiam dedit. Et iis actis , ad muniendum se venit ad quandam domum vocatam domum de Stanno juxta Mozac , ubi ipsa die fuit ad expensas Abbatis Riomi. Summa expensarum xii. libræ & tres solidi.

Die dominica sequenti , scilicet ante Ascensionem Domini , fuit Dominus ibidem , & in mane visita- vit monasterium de Mozac , audivit ibi Missam , confirmavit , tonsuras fecit , in capitulo prædicavit ; & post reversus est ad dictam domum de Stanno , ubi fuit procuratus ad expensas abbatiæ prædictæ de Mozac , Abbate absente. Et notandum quòd dicta domus de Stanno non tenetur ad aliquam pro- curationem , sed causa recreationis venit tantum ibi.

Die Lunæ sequenti visitavit Dominus prioratum de Volvic , audivit ibi Missam , confirmavit , ton- suras fecit. Deinde venit apud Maroac prioratum monialium ; ubi prædicavit , indulgentiam dedit , & quasdam moniales confirmavit. Et exinde reversus est ad dictam domum de Stanno , ubi dicta die di- ctus Prior de Volvic fecit sibi procurationem suam , cum domus dicti Prioris non essent bene paratæ. Summa expensarum x. libræ. Equitavit duas leucas.

Die Martis sequenti transiens Dominus per abbatiam Mauziaci, audivit ibi Missam, confirmavit, fecit tonsuras. Et exinde venit apud Teilled prioratum Casæ Dei, procuratus fuit ad expensas Prioris dicti loci. Summa expensarum x, libræ & tres solidi. & equitavit per duas leucas.

Die Mercurii sequenti in mane audivit ibi Missam, confirmavit, & fecit tonsuras. Et exinde venit apud Celville prioratum de Menato; audivit ibi Missam, confirmavit, tonsuras fecit. Et quia domus dicti prioratus non erant paratæ, fecit ibidem Prior procurationem Domino in abbazia sancti Illidii Claromontensis. Et comedit ipsa die Dominus Episcopus Claromontensis cum Domino ad invitationem dicti Abbatis sancti Illidii. & ipsa die equitavit quatuor leucas.

Die Iovis sequenti, scilicet in festo Ascensionis Domini, fuit Dominus cum Episcopo Claromontensi in domo sua dou Iardin juxta Clarummontem. Et ipsa die in Ecclesia Claromontensi majori, Episcopo præsentem, celebravit in pontificalibus, acolythos fecit; & Missa celebrata, venit ad dictam domum dou Iardin, Episcopo Claromontensi eum semper comitante. Eadem die, Episcopo præsentem, in Ecclesia prædicta Claromontensi cantavit vesperras. Quibus cantatis, Episcopo Claromontensi eum semper comitante venerunt ad domum dictam dou Iardin ad cœnam; & jacuit ibidem.

Guillel-
mus Du-
randi Epif-
copus Mi-
matensis.

Die Veneris sequenti in mane audivit Dominus Missam in capella Episcopi Claromontensis, quæ est in domibus episcopalibus. Qua audita, ipse & Episcopus Claromontensis & multi alii tractaverunt de confirmatione fratris Durandi electi Mimatensis; & fuit ibidem confirmatus. Et postmodum venit Dominus apud Albiac prioratum de Riomo, ubi fuit procuratus ad expensas Prioris dicti loci.

asserentis quòd aliàs non procuraverat integrè. Summa expensarum ix. libræ Turonenses. & equitavit quatuor leucas.

Die sabbati sequenti audivit ibi Missam, confirmavit, & fecit tonsuras. Et exinde venit apud Ebrolium abbatiam ordinis sancti Benedicti, ubi fuit procuratus ad expensas Abbatis dicti loci. Non fuit computatum.

Die dominica sequenti, scilicet post Ascensionem Domini, visitavit Dominus prioratum de Velcia Abbatia Ebroliensis prædictæ; & inveniens locum interdictum pro procuratione Legati & dissipatum à Priore absente, regressus est ad dictam abbatiam Ebrolensem, ubi fuit procuratus ipsa die ex gratia.

Die Lunæ sequenti in mane ibidem apud Ebrolium audivit Missam, prædicavit, indulgentiam dedit, confirmavit, & fecit tonsuras. Et exinde venit apud Lacum rubeum prioratum conventualem ordinis sancti Augustini, ubi fuit procuratus ad expensas Prioris dicti loci. Summa expensarum x. libræ & vii. solidi. Comedit totus conventus cum Domino.

Die Martis sequenti in mane audivit ibidem Missam, confirmavit, tonsuras fecit. Et exinde venit apud Menatum, Episcopo Claromontensi sibi obviantem & comitante, & cum novo Abbate Menatensi. Et ante portam monasterii de Menato venientes, conventus dicti loci indutus capis sericis obviaverunt eis, & fuit receptus novus Abbas dicti monasterii de Menato & installatus. Et intrantes monasterium ipsum, Domino Archiepiscopo à dextris, & Episcopo à sinistris, & Abbate in medio eorum, flexerunt genua ante altare, & postmodum Dominus Archiepiscopus dedit benedictionem suam. Quo facto, quilibet in suam intravit. Postmodum

dictus Abbas Missam novam celebravit. Et ipsa die Domini Archiepiscopus & Episcopus ob reverentiam dicti Abbatis fuerunt ibidem procurati.

Die Mercurii sequenti in mane audivit Dominus ibidem Missam, confirmavit. Et postmodum Domini Archiepiscopus & Episcopus Claromontensis intraverunt capitulum; & Abbate & conventu presentibus, post sermonem factum à Domino Archiepiscopo, Dominus Episcopus ad reformationem ordinis dicti monasterii statuit quædam statuta, supplicans Domino Archiepiscopo ut ea confirmaret. Cui Dominus Archiepiscopus annuit benigniter & devotè. His actis, Dominus Archiepiscopus equitando tres leucas venit apud Bellam-aquam abbatiam Cisterciensem, ubi ipsa die pernoctavit ad expensas abbatia.

ITERVM . CLAROMONTENSIS.

1287.

ANno Domini millesimo ducentesimo octogesimo septimo, Dominica in festo beati Matthæi, intravit Dominus diocesim Claromontensem ad visitandum quæ non visitaverat in visitatione præmissa.

Eadem die declinavit primò apud Marcillac prioratum abbatia Menatensis; ubi fuit procuratus, nec fuit computatum.

Die Lunæ venit apud Montem-acutum, ubi fuit cum Priore in procuratione. Summa expensarum viii. libræ.

Die Martis sequenti venit Dominus apud Poyn-cac prioratum abbatia Ebrolensis; ubi Missam audivit, prædicavit, tonsuras fecit, & procuratus fuit à Priore dicti loci. Summa expensarum sex libræ.

Die Martis sequenti visitavit Dominus Ecclesiam parochialem sancti Gilvasii, audivit ibi Missam, tonsuras fecit; & procuratus fuit apud Chambonet à Capellano sancti Gilvasii & Priore de Chambonet; qui duo per medium tenentur ad procurationem sancti Gilvasii pro procuratione. Nota quòd sibi debebatur ratione prioratus de Chambonet. Remisit ipsa die, quia dictus prioratus eodem anno datus sibi fuit ad vitam.

Die Iovis sequenti venit Dominus apud Montem Fremim prioratum abbatiæ Ebrolensis; ubi Missam audivit, prædicavit, confirmavit, tonsuras fecit, & procuratus fuit à Priore dicti loci.

Die Veneris sequenti visitavit Dominus Ecclesiam sancti Præjecti, & fuit procuratus à Priore & Capellano dicti loci. Tamen dicebatur communiter quòd Archiepiscopi Bituricenses ibidem aliàs non fuerunt procurati. Et fuit præsens in procuratione electus * Menatensis.

Die sabbati sequenti venit Dominus apud Rumpem Dagon prioratum monasterii sancti Genulphi Bituricensis diocesis, ubi Missam audivit, tonsuras fecit, & fuit procuratus à Priore dicti loci. Summa expensarum sex libræ Turonenses.

Dominica sequenti, scilicet in vigilia beati Michaëlis, visitavit Dominus prioratum de Doutre abbatiæ sancti Genulphi; & fuit procuratus à Priore dicti loci in quadam domo vocata Beauleu, quia domus non erant sufficientes in dicto prioratu.

Die Lunæ sequenti, scilicet in festo beati Michaëlis, celebravit Dominus in Ecclesia de Doutre, prædicavit, indulgentiam dedit, fecit tonsuras; & fuit eadem die cum Abbate de Menato ex gratia in domo dicta Beauleu prædicta.

Die Martis sequenti visitavit Dominus prioratum de saint Bar abbatiæ Cambonensis Lemovicensis

* f. Mi-
matensis.

diocesis ; ubi Missam audivit , tonsuras fecit , & fuit procuratus à Priore dicti loci. Summa expensarum cx. f.

Die Mercurii sequenti venit Dominus apud Mantres prioratum similiter Cambonensem ; ubi Missam audivit , prædicari fecit , & fuit procuratus ad expensas Prioris dicti loci. Summa expensarum vi. libræ & v. solidi.

Guido
de Turre
Episcopus
Claromontensis.

Die Iovis sequenti venit Dominus apud Giac prioratum monasterii de Mozac , & invenit Ecclesiam & prioratum firmatos. Nam Episcopus Claromontensis frater Guido dictum prioratum per longum tempus tenuerat , & ideo Archiepiscopi Bituricenses ob dilectionem ipsius non declinabant. Propter quod Prior dicti prioratus dicebat quod non tenebatur ad procurationem , licet inveniretur in papiro Domini Iohannis Bituricensis Archiepiscopi quod tempore quo idem Dominus Claromontensis dictum prioratum tenebat , ibidem fuerat procuratus. Tandem post multas altercationes Dominus receptus fuit & procuratus à Priore dicti loci sub ista forma , quod per hanc receptionem nullum novum jus , nulla nova possessio acquireretur Ecclesie Bituricensi. Et super hoc facta fuit littera quæ remansit Priori ; & commissa fuit inquisitio Præposito Claromontensis Ecclesie.

Die Veneris sequenti venit Dominus apud Hermantum , ubi procuratus fuit à capitulo dicti loci. In crastino celebravit ibidem , prædicavit , indulgentiam dedit , multas tonsuras fecit.

Die sabbati sequenti venit Dominus apud Agele prioratum abbatiæ sancti Illidii Claromontensis , ubi fuit procuratus à Priore dicti loci. Summa expensarum sex libræ & tres solidi.

Dominica sequenti , scilicet ante festum beati Dionysii , venit apud Oreviallem ; ubi celebravit ,

prædicavit, fecit tonsuras, & fuit procuratus à capitulo dicti loci. Summa expensarum vii. libræ & vi. solidi. Tunc de consilio Claromontensis Episcopi & Præpositi dimisit iter suum de eundo apud Aureliacum, quia dicebant vias esse intolerabiles propter frigus.

Die Lunæ sequenti venit Dominus apud Brifont prioratum abbatiæ Casæ Dei; ubi Missam audivit, tonsuras fecit, & fuit procuratus à Priore dicti loci. Summa expensarum vi. libræ.

Die Martis sequenti venit Dominus apud Clarummontem. Visitavit Ecclesiam sancti Andréæ ordinis Præmonstratensis, & fuit procuratus ab Abbate & conventu dictæ Ecclesiæ.

Die Mercurii sequenti fuit Dominus ibidem cum Episcopo Claromontensi in domibus episcopalibus gratis.

Die Iovis sequenti, scilicet in festo beati Dionysii, fuit Dominus in abbacia sancti Illidii Claromontensis cum Abbate gratis.

Die Veneris sequenti venit Dominus apud sanctum Desiderium prioratum abbatiæ Casæ Dei; ubi Missam audivit, confirmavit, tonsuras fecit, & procuratus fuit à Priore dicti loci. Summa expensarum vi. libræ & x. solidi.

Die sabbati sequenti venit Dominus apud Cumilhac, ubi fuit procuratus à Priore dicti loci. Summa expensarum vii. libræ.

Dominica sequenti, scilicet ante festum beati Lucæ, venit Dominus apud sanctum Germanum Lemp. prioratum abbatiæ Casæ Dei; ubi Missam audivit, confirmavit, prædicavit, tonsuras fecit, & procuratus fuit à Priore dicti loci. Summa expensarum vii. libræ & xi. solidi.

Die Lunæ sequenti fuit Dominus apud Herlencum Burgi prioratum abbatiæ de Clusa; ubi Missam

audivit & prædicavit, indulgentiam dedit, & fuit procuratus ad expensas Prioris dicti loci.

Die Martis sequenti visitavit Dominus prioratus de Marcat & d' Ambert ordinis Clugniacensis; & quia pauperes erant, finaverunt pro procuratione ad octo libras; nec pro tanto essent quitti, sed gratia eis fuit facta ista vice ad preces Domini Stephani Capellani de Manicat, qui conducebat nos.

Eadem die venit Dominus apud Salviahc prioratum conventualem de Clusa; ubi in crastino Missam audivit, prædicavit, indulgentiam dedit; & ipsa die Martis procuratus fuit ad expensas Prioris dicti loci.

Die Mercurii sequenti visitavit Dominus abbatiam Thiernensem; ubi Missam audivit, prædicavit, indulgentiam dedit, & procuratus fuit ad expensas abbatiae.

Eadem die Mercurii finavit Abbas Thiernensis de procurationibus prioratum Nigri Stabuli & de Angeroles ordinis Clugniacensis, quos prioratus tenebat, ad x. l. libras & octo solidos Turonenses.

Die Iovis sequenti visitavit Dominus Ecclesiam collegiatam de Thierno; ubi Missam celebravit, prædicavit, indulgentiam dedit; & comedit, unà cum sociis suis, cum magistro G. de Malomonte gratis, & cetera familia per capitulum loci. Et fuit summa expensarum vi. libræ & ix. solidi.

Die Veneris sequenti venit Dominus apud Montem-petrosum abbatiam ordinis Cisterciensis; ubi duo altaria consecravimus, & pernoctavit ibidem.

Die sabbati sequenti, scilicet in festo beati Lucae, venit Dominus apud Cuciacum; ubi celebravit Missam, prædicavit, indulgentiam dedit, & fuit procuratus ab Abbatisa & conventu dicti loci. Summa expensarum octo libræ.

Dominica sequenti visitavit Dominus prioratum

de Montibus ordinis Clugniacensis ; ubi , quia aliàs non fuerat , fuit receptus processionaliter , & procuratus ad expensas Prioris dicti loci. Summa expensarum sex libræ.

Die Lunæ sequenti visitavit Dominus prioratum de Dreturay ; ubi fuit receptus processionaliter , audivit Missam , prædicavit , dedit indulgentiam , & procuratus fuit ad expensas dicti Prioris. Summa expensarum septem libræ.

Die Martis visitavit prioratum de Fluret ; ubi Missam audivit , confirmavit , & fuit procuratus à Priore dicti loci.

Die Mercurii sequenti venit Dominus apud Ialeigin prioratum conventualem Casæ Dei ; ubi Missam audivit , confirmavit , tonsuras fecit , & procuratus fuit à Priore dicti loci ; nec fuit computatum.

Die Iovis sequenti venit Dominus apud Beray prioratum Clugniacensem de Mozac ; ubi Missam audivit , prædicavit , indulgentiam dedit , & fuit procuratus ad expensas Prioris dicti loci. Summa expensarum septem libræ.

Die Veneris sequenti venit Dominus apud sanctum Germanum de Fossatis prioratum de Mozac ; ubi Missam audivit , confirmavit , tonsuras fecit , & fuit procuratus ad expensas Prioris dicti loci.

Die sabbati sequenti venit Dominus apud Rix prioratum conventualem Clugniacensem ; ubi Missam audivit , prædicavit , & dedit indulgentiam , & fuit procuratus à Priore dicti loci. Non fuit computatum.

Die dominica ante festum Apostolorum Simonis & Iudæ apud Laudosum cum capitulo. Ibi Missam audivit , prædicavit , & fuit procuratus. Summa octo libræ & septem solidi.

Die Lunæ apud Poillac cum Priore abbatiæ Casæ Dei. Audivit ibi Missam , prædicavit , & procura-

tus fuit. Summa octo libræ, sex solidi, novem denarii.

Die Martis in festo Apostolorum Simonis & Iudæ apud Biliomum cum capitulo procuratus fuit. Summa ix. libræ

Die Mercurii apud Manicac prioratum sancti Launomari Blesensis. Non fuit computatum. Exinde venit in Bituriam per naves.

Hæc sunt loca quæ Dominus Bituricensis non visitavit in ista visitatione Claromontensi.

P R I M Ò prioratus de Veriac.

Abbatia Broliensis, quam omisit ad visitandum ob dilectionem Senescalli Lugdunensis, qui eam tenebat.

Prioratus de la Crozille & dou Quart. qui ad unam procurationem tenentur.

Prioratus de la Mongie, quem omisit ob dilectionem Abbatis Menatensis.

Prioratus de Chambonet abbatiæ Maciacensis, quem omisit propter grangiam dicti loci combustam.

Prioratus de Baviile, quem omisit ad supplicationem Abbatis sancti Illidii.

Prioratus de Calves abbatiæ Salinarum.

Prioratus de Mauriac, qui subest abbatiæ sancti Petri Vivi Senonensis; & est ibi Decanus.

Prioratus de Drivac abbatiæ Aureliacensis.

Abbatia monialium sancti Benedicti de Breiac.

Ecclesia & prioratus de Ploes.

Abbatia Aureliacensis.

Prioratus de Charmel ordinis de Corona.

Domus Hospitalariorum de Salvitare.

Præpositura de Monte Salvii ordinis sancti Augustini. Domus

Domus Templariorum de Carlac.

Capitulum de Roillac.

Prioratus de Bredon abbatix de Moifac.

Prioratus sancti Flori Clugniacensis.

Abbatia Piperacensis ordinis sancti Augustini.

Abbatia monialium de Casis. Nunquam fuit ibi

Archiepiscopus, ut dicitur.

Prioratus de Chenteiou abbatix Casæ Dei.

Prioratus de Laviac Casæ Dei.

Prioratus de Raillac Clugniacensis.

Prioratus de Volca Clugnacensis.

Prioratus de Maferac.

Abbatia Casæ Dei, vel prioratus de Saillanz.

Prioratus de Casnia Casæ Dei.

Vsq̃ue huc possumus conduci sine expensis.

Exinde apud Clarummontem in abbatia de Chantoin, omisit Dominus propter paupertatem.

Exinde apud Ianzarz abbatix sancti Illidii.

Exinde cum capitulo de Arcona.

Exinde cum Priore de Vichiaco.

De Volca cum Abbatissa de Bleolle.

Exinde apud Comps.

Item omisit prioratus de Fornox, de Sallarc, de Martuillac, de sancto Sindulpho, de Chembon; qui omnes prioratus sunt in compositione facta inter Dominum Bituricensem & Abbatem Casæ Dei.

VISITATIO LEMOVICENSIS DIOCESIS.

ANno Domini millesimo ducentesimo nonagesimo, die Veneris ante festum beati Michaelis, intravit reverendus pater Simon Dei gratia Bituricensis Archiepiscopus Lemovicensem diocesim causa visitationis. Et primò declinavit ad abbatiam de Columba ordinis Cisterciensis, ubi ipsa die Veneris pernoctavit ad expensas abbatix,

Die sabbati sequenti equitando sex leucas venit apud Dauratum; ubi receptus fuit in processione, pulsatis campanis, à capitulo dicti loci, quia Abbas infirmabatur, Missam audivit, prædicavit, indulgentiam dedit, tonsuras fecit; & procuratus fuit ad expensas Abbatis & capituli dicti loci.

Dominica sequenti equitando sex leucas venit Dominus ad abbatiam Stirpensem ordinis sancti Augustini; ubi receptus fuit processionaliter ut supra, audivit Missam, confirmavit, tonsuras fecit; & procuratus fuit ad expensas Abbatis & conventus dicti loci, nec fuit computatum.

Die Lunæ sequenti fuit ibidem Dominus ex gratia ad invitationem Abbatis dicti loci, prædicavit in capitulo, & Missam audivit.

Die Martis sequenti, scilicet in festo beati Michaëlis, equitando tres leucas venit Dominus apud Petrusiam prioratum monasterii de Burgulio in valle; & est ibi conventus novem monachorum: ubi fuit receptus processionaliter ut supra, Missam celebravit, prædicavit, indulgentiam dedit, tonsuras fecit, & procuratus fuit ad expensas Prioris dicti loci. Summa expensarum octo libræ & tres solidi.

* f. Alpinianum.

Die Mercurii sequenti equitando quinque leucas venit Dominus apud sanctum * Pinianum; ubi fuit receptus processionaliter ut supra à capitulo dicti loci, prædicavit, Missam audivit, tonsuras fecit, & procuratus fuit ad expensas capituli dicti loci. Et ibidem venit eidem obviam Episcopus Lemovicensis, & sibi de piscibus suis grossis copiosè præsentavit. Summa expensarum octo libræ & decem solidi.

Die Iovis sequenti equitando duas leucas venit Dominus apud Rupem Cavardi prioratum de Carosio; ubi fuit receptus processionaliter ut supra,

audivit Missam, prædicavit, & procuratus fuit ad expensas Prioris dicti loci. Summa expensarum octo libræ.

Die Veneris sequenti equitando tres leucas venit Dominus apud Salas prioratum conventualem ordinis sancti Augustini; ubi fuit receptus processionaliter ut supra, audivit Missam, confirmavit, tonsuras fecit; & in crastino celebravit ibidem ordines, & quosdam de diocesi Bituricensi & quosdam de Lemovicensi diocesi ordinavit.

Die sabbati sequenti equitando duas leucas venit Dominus apud Buxeriam prioratum conventualem de Clusa; ubi fuit receptus processionaliter ut supra, audivit Missam, prædicavit, indulgentiam dedit, & procuratus fuit ad expensas Prioris dicti loci. Summa expensarum vii. libræ & vi. solidi.

Die dominica sequenti, scilicet ante festum beati Dionysii, equitando tres leucas venit Dominus apud Nantronium prioratum de Carroffio; ubi fuit receptus processionaliter ut supra, audivit Missam, confirmavit, tonsuras fecit, prædicavit; & procuratus fuit læto vultu à Priore dicti loci, nec fuit computatum.

Die Lunæ sequenti equitando sex leucas venit Dominus apud Apem prioratum monasterii sancti Augustini Lemovicensis; ubi fuit receptus processionaliter ut supra, & procuratus à Priore dicti loci & Priore de Tarnaco monasterii sancti Martialis, qui ad unam procuracionem tenentur. In crastino Missam audivit, confirmavit, prædicavit, & indulgentiam dedit. Summa de expensis sex libræ.

Diebus Martis & Mercurii sequentibus fuit Dominus ibidem apud Castlucium Chevrol cum magistro G. de Malomonte & Decano sancti Aredii fratre suo ad invitationem eorum & de gratia speciali.

Die Iovis sequenti equitando quinque leucas ve-

nit Dominus apud Sollemniacum monasterium ordinis sancti Benedicti ; ubi fuit receptus processionaliter , Missam audivit , prædicavit in capitulo , & fuit procuratus ad expensas Abbatis & conventus dicti loci. Summa expensarum novemlibræ Lemovicenses.

Die Veneris sequenti , scilicet ante festum beati Dionysii , intravit Dominus civitatem Lemovicensem ; & venit in abbatiam sancti Augustini Lemovicensis , receptus processionaliter , prædicavit , indulgentiam dedit , & fuit procuratus ad expensas abbatiae. Summa expensarum septem libræ & decem solidi.

Die sabbati sequenti ibidem apud sanctum Martinum cum Abbate sancti Martini & Priore sancti Andreæ Lemovicensis fuit Dominus. Celebravit apud sanctum Martinum , prædicavit , indulgentiam dedit. Summa expensarum x i. libræ.

Die dominica sequenti , scilicet in festo beati Dionysii , exivit Dominus civitatem Lemovicensem , & venit apud Aureliacum prioratum ordinis sancti Benedicti ; ubi fuit receptus processionaliter ut supra , Missam audivit , prædicavit , indulgentiam dedit , tonsuras fecit , & fuit procuratus ad expensas Prioris dicti loci. Nec fuit computatum.

DIOCESIS CADVRCENSIS.

Desunt nonnulla.

1191.

rate Caturcensis procuracionem quam habebat ibidem percipere , si sibi placeret , ratione visitationis quam inibi potest licite exercere , litteras ipsius Priorissæ recepimus sub hac forma.

Universis presentes litteras inspecturis & audituris humilis Priorissa monasterii beatae Mariae Deauratae in civitate Caturcensi ordinis sancti Benedicti salutem

in Domino. Notum facimus quòd licet reverendus pater Simon divina providentia Bituricensis Archiepiscopus nobis hac vice remiserit procurationem quam sibi licebat percipere in monasterio nostro prædicto ratione visitationis quam potest ibidem licite tempore congruo exerere, nolumus quòd eidem Archiepiscopo vel Ecclesie sue Bituricensi seu ejus successoribus aliquod præjudicium generetur quin possit & debeat, quando sibi placuerit, in prædicto monasterio visitare & procurationem ibidem debitam percipere & levare modo & tempore consuetis. Datum Caturci die Luna post ramos palmarum anno Domini millesimo ducentesimo nonagesimo primo.

Die Martis sequenti audivit Dominus ibi Missam, scilicet apud prioratum sancti Ursini prædictum; & exinde equitando quinque leucas venit Dominus apud Gardam Dei abbatiam Cisterciensis ordinis, ubi pernoctavit ad expensas Abbatis.

Die Mercurii sequenti audivit Dominus ibi Missam. Et exinde equitando quinque leucas venit Dominus apud Moyssiacum abbatiam ordinis sancti Benedicti; ubi fuit receptus campanis pulsatis à Priore conventuali & conventu processionaliter, & procuratus ad expensas Abbatis, qui tunc erat ad Parlamentum Tolosæ. Et misit idem Abbas ad Dominum litteras clausas excusatorias ex eo quòd non poterat esse ad abbatiam suam prædictam cum Domino.

Die Iovis sequenti audivit Dominus ibi Missam, prædicavit, indulgentiam dedit, confirmavit, tonsuras fecit. Et exinde equitando quatuor leucas venit apud Montemalbanum abbatiam ordinis sancti Benedicti, subiectam, ut dicitur, abbatiæ Casæ Dei; ubi receptus fuit processionaliter ab Abbate & conventu indutis capis sericis. Et erat Abbas

mitratus, & tenebat baculum pastorem in manu. Et procuratus fuit ad expensas Abbatis.

Sancta die Veneris celebravit ibidem servitium in Ecclesia parochiali Montisalbani, prædicavit, indulgentiam dedit, confirmavit, tonsuras fecit. Et exinde equitando per duas leucas venit Dominus apud Caeracum prioratum conventualem de Aureliaco; ubi receptus fuit ut supra, & procuratus ad expensas Prioris.

Simon Dei gratia Bituricensis Archiepiscopus, Aquitania Primas, dilecto nobis in Christo Priori de Calceata Caturcensis diocesis salutem in Domino. Cum nos hac instanti die sabbati ante Pascha Domini vestram proponamus Ecclesiam visitare, & exinde illa die ipsa Ecclesia visitata, apud sanctum Antoninum favente Domino declinare, mandamus vobis quatinus dicta die apud sanctum Antoninum procurationem nobis debitam præparetis. Datum &c.

Die sabbati sequenti venit Dominus equitando per unam leucam apud Calceatam prioratum de Figiaco; ubi Dominus credidit prædicare & alias visitationis officium exercere; sed quia Dominus non invenit aliquem in Ecclesia, nec venerant parochiani adhuc ad Ecclesiam, Dominus recessit, nec voluit remanere. Et exinde equitando per duas leucas ivit Dominus apud sanctum Antoninum prioratum conventualem ordinis sancti Augustini Ruthenensis diocesis; ubi Dominus mandaverat suam præparari procurationem à Priore de Calceata prædicto sub forma seu consimili in fine paginae præcedentis scriptæ. Et cum illa die veniret apud sanctum Antoninum, venit Prior illius loci cum pluribus concanonicis suis obviam Domino; qui præcepit eidem Priori quod ipse & conventus desisterent à receptione processionali & quavis alia sollemnitate prop-

ter devotionem diei. Venerunt etiam obviam Domino burgenſes & Conſules dictæ villæ & concomitarunt Dominum uſque ad prioratumpredictum; ubi benedictionem aquæ de fontibus fecit, indutus pontificalibus celebravit, prædicavit, indulgentiam dedit; & fuit ipſa die procuratus ibidem ad expenſas Prioris de Calceata.

Sancto die Paſchæ fuit Dominus in prioratu prædicto, & celebravit indutus pontificalibus cum pallio, & fecit prædicari & indulgentiam dari per fratrem Hugonem Priorem de Ynoy, qui fecit ſermonem poſt veſperas in clauſtro prioratus prædicti. Et fuit Dominus illa die procuratus ad expenſas Prioris ſancti Antonini prædicti.

VISITATIO ALBIENSIS.

Die Lunæ in craſtino Paſchæ Dominus Bituricensis conſecravit ibidem, videlicet apud ſanctum Antoninum, altare quod eſt in capite Eccleſiæ & quatuor viatica ſeu parva altaria; quod quidem altare in honore beatæ Mariæ & beati Martini & omnium ſanctorum extitit conſecratum; & reſpoſuit intra ipſum altare quaſdam reliquias, & ſignavit petram cum calce benedicta. Benedictionibus factis quæ in talibus requiruntur, indulgentiam dedit illis qui interfuerunt huiusmodi conſecrationi, audivit ibi Miſſam, prædicavit, & iterum indulgentiam dedit, confirmavit. Et exinde intravit Albiensem diocēſim; & venit equitando duas leucas apud Vaeur domum Templariorum; ubi Dominus Albiensis venerat obviam Domino, & requiſivit eundem Dominum quod ipſe eſſet cum ipſo Epifcopo per octo dies, & quod contramandarentur procurationes mandatæ & miſſæ. Et ipſa die locutus fuit cum Domino ſuper pluribus, &

postea ante comestionem recessit. Præfatus autem Dominus receptus fuit ibidem processionaliter, campanis pulsatis cantando, & procuratus fuit ad expensas Præceptoris.

Die Martis sequenti audivit ibi Missam, prædicavit, indulgentiam dedit, confirmavit, tonsuras fecit. Et exinde equitando tres leucas venit apud Podium Celsi prioratum de Aureliaco Claromontensis diocesis; ubi receptus fuit ut supra. Audivit ibi Missam, prædicavit, indulgentiam dedit, & confirmavit; & procuratus fuit ad expensas Prioris.

Notandum de fraude Prioris dicti loci, qui penes se retinuit omnia bona Ecclesiæ & ad ipsam Ecclesiam spectantia, & in collatione seu præsentatione ejusdem Ecclesiæ fecit pactum, ut dicitur, cum rectore illius Ecclesiæ, quod ipse rector finiret de procuratione Archiepiscopi Bituricensis & ministraret de propriis bonis Ecclesiæ suæ ea quæ pro procuratione contingeret exigi in futurum. Et quia Dominus intellexit fraudem hujusmodi, mandavit bona dicti Prioris per Archipresbyterum arrestari & saisiri, & fecit bajulum Prioris per Guillelmum de Rivo Clericum suum crastina die moveri ut idem bajulus dicti Prioris nomine & pro ipso satisfaceret eidem Domino competenter de procuratione sua; quam quidem procurationem dictus rector jam solverat & de ipsa ad plenum satisfecerat; sed Dominus procurationem ipsam, tamquam à rectore prædicto solutam, noluit acceptare. Cum autem dictus bajulus, qui vocatur Iohannes de Malapetra, videret quod tam contra ipsum quàm contra dominum suum Priorem Dominus veller procedere ad excommunicationis sententias, idem bajulus promisit in manu Archipresbyteri dicti loci pro Domino stipulantis quod ipse dicti Prioris nomine &

pro ipso satisfaceret de procuratione prædicta. Cui promissioni fuerunt præsentēs Dominus Vivianus de Cordua, Dominus Hugo Præceptor domus sancti Andreæ de Galliaco, Dominus Adam de Chemino dispensator domus Domini Bituricensis prædicti, & ego Guillelmus de Rivo publicus Notarius. Et advertendum est quod taliter in recessu crastina die fuit processum.

Die Mercurii qua, ut præmittitur, contra Priorem de Podio Celsi fuit processum, venit Dominus equitando per tres leucas apud Rabastagnum prioratum de Moyssiaco; ubi Dominus receptus fuit ut suprâ. Et venerat Abbas Moyssiacensis obviam Domino satis longè. Audivit ibi Missam, prædicavit, confirmavit, & indulgentiam dedit; & procuratus fuit ad expensas Prioris, qui est nepos Domini Moyssiacensis.

Die Iovis sequenti fecit ibi tonsuras. Et exinde equitando per duas leucas venit apud Viancium præposituram de Ecclesia Albiensi, quam tenet Præpositus ejusdem Ecclesiæ; ubi Dominus receptus fuit & fecit ut suprâ, & procuratus ad expensas Præpositi dicti loci.

Die Veneris sequenti venit Dominus equitando per unam leucam apud Galliicum abbatiam ordinis sancti Benedicti, immediatè subjectam, ut dicitur, abbatiæ Casæ Dei; ubi receptus fuit ut suprâ, & fecit ut suprâ, & procuratus fuit ad expensas Abbatis.

Die sabbati equitando per duas leucas venit Dominus apud Roumanour prioratum de abbazia Marsiliensi; ubi receptus fuit ut suprâ, audivit ibi Missam, confirmavit. Et exinde venit ea die apud Sexterolium ibi propè prioratum de Galliaco; ubi receptus fuit processionaliter campanis pulsatis, audivit ibi Missam, confirmavit, & procuratus fuit ad

expensas prioratum prædictorum. Et impetravit Prior de Sexterolio à Domino quasdam litteras monitorias de compellendo Priorem de Roumanour prædictum de satisfaciendo medietatem procurationis. Tandem idem Prior alias litteras impetravit quòd requireretur utrum fecisset unquam aliquam contributionem vel partem aliquam procurationis solvisset, & quòd non compelleretur ad satisfactionem aliquam nisi ad hoc teneri inveniretur per inquestam. Et fuerunt ab utraque parte plures litteræ impetratæ.

Die Martis fuit Dominus cum Episcopo gratis.

Die Mercurii fuit similiter cum eodem gratis.

Die Iovis similiter cum eodem gratis.

Die Veneris exivit Dominus civitatem Albiensem; & cum equitando per tres leucas veniret apud abbatiam de Candelio Cisterciensis ordinis, descendit Dominus ad cimiterium Ecclesiæ de Candelio veteri, & reconciliavit illud, & ibidem confirmavit; & postea venit ad dictam abbatiam, ubi receptus fuit processionaliter campanis pulsatis, tonsuras fecit, & pernoctavit ibidem ad expensas Abbatis.

Die sabbati sequenti audivit ibi Missam, tonsuras fecit. Et exinde equitando per quatuor leucas, venit ad abbatiam de Castris ordinis sancti Benedicti; ubi receptus fuit processionaliter campanis pulsatis; & erat Abbas capa serica indutus, & habebat baculum pastorem in manu in receptione Domini. Audivit ibi Missam, prædicavit, indulgentiam dedit, & procuratus fuit ad expensas Abbatis.

Die dominica qua cantatur *Misericordia Domini* reconciliavit cimiterium parochialis Ecclesiæ dicti loci, quod quidem cimiterium est extra villam de Castris situm, indulgentiam dedit illis qui interfuerunt reconciliationi huiusmodi; & postea rediens

ad abbatiam prædictam, ad majus altare ipsius monasterii indutus pontificalibus celebravit, prædicavit, & indulgentiam dedit, confirmavit. Et exinde equitando per unam leucam ivit Dominus apud Rumpenturvam castrum Domini Montisfortis ad invitationem Domini G. de Courciaco Senescalli ipsius Domini; & potavit ibidem Dominus cum tota familia sua. Et exinde venit illa die equitando per duas leucas apud Lautricum prioratum abbatiæ sancti Pontii diocesis Narbonensis; ubi multum honorificè fuit receptus à nobilibus & burgensibus dictæ villæ, qui obviam Domino subtus villam venerunt; & fuit Dominus processionaliter receptus campanis pulsatis in Ecclesia prioratus prædicti, & procuratus fuit ad expensas Prioris.

Die Lunæ sequenti audivit ibi Missam, prædicavit, indulgentiam dedit. Et exinde equitando per quatuor leucas venit Dominus apud Albiam, declinans ad prioratum sancti Salvii de civitate Albiensi ordinis sancti Augustini; ubi receptus fuit multum honorificè sicut supra, & procuratus fuit ad expensas Prioris.

Die Martis sequenti celebravit ibidem indutus pontificalibus, prædicavit, indulgentiam dedit, confirmavit. Et postea rediens ad cameram, habuit ipse & Episcopus Albiensis tractatum cum communitate villæ Albiensis, & requisivit communitatem eandem quod ipsa sibi tamquam domino suo superiori faceret quod debet appellando ad eum ab auditorio Episcopi & recognoscendo eundem dominum suum superiorem, & quod scriberet ipsa communitas Domino Regi quod cum Senescallus Carcassonnensis inhibuisset omnibus dictæ villæ Albiensis ad alium appellare quam ad ipsum, quod faceret idem Rex inhibitionem hujusmodi revocari, vel quod ipsa inhibitione non obstante posset ipsa

communitas ad Dominum Archiepiscopum tamquam ad suum superiorem dominum appellare. Super quo Dominus Episcopus propria manu scripsit quandam notam sub cuius forma debebat ipsa communitas Domino Regi scribere ; quam notam communitas asportavit , & deliberare voluit super ea.

Eadem die , scilicet die Martis post Dominicam qua cantatur *Misericordia Domini* , venit Dominus apud Scuriam prioratum de abbacia Galhiacensi ; ubi receptus fuit processionaliter campanis pulsatis & vicis villæ paratis & joncatis , & procuratus fuit ad expensas Prioris.

Notandum est autem quòd Dominus debuisset ivisse de loco prædicto apud Securum prioratum abbatiæ Moyssiænsis , & mandaverat ibidem Dominus procurationem suam præparari ; sed Prior loci accedens ad Dominum per duos dies vel tres antè , suggessit Domino quòd locus adeo pauper erat quòd ad recipiendum eundem sufficere non valebat , aliam causam specialissimam prætendendo , scilicet quòd aliquis prædecessor Domini nunquam visiterat illum locum nec procurationem ibidem receperat. Verùm quia nonnullæ litteræ inveniebantur per quas bonæ memoriæ Iohannes prædecessor Domini fecerat Priorem ejusdem loci moneri de reddendo contributionem sibi taxatam ad subveniendum cuidam alii prioratui , præsumebatur quòd ipse ad procurationem tenebatur , præsertim cùm , ut asseritur , locus ille sit bonus & pinguis. Tandem verò Dominus falsis suggestionibus Prioris & nonnullorum precibus circumventus , specialiter motus & ductus contemplatione Domini Moyssiænsis Abbatis , procurationem mandatam eidem Priori remisit.

Hæc sunt loca subscripta quæ Dominus non solum propter eorum distantias, sed etiam propter æstivos calores, omisit in Albiensi diocesi visitanda, scilicet

Prioratus de Ambileto. Prioratus de Bullato.
Prioratus sancti Amantii. Prioratus S. Gervasii.
Prioratus de Cauna. Prioratus de Securo.

VISITATIO ALTERA DE DIOCESI
RUTHENENSI IN DIOCESIM
CATVRCENSEM.

Die Mercurii sequenti audivit Dominus Missam apud Scuriam prioratum prædictum, prædicavit, indulgentiam dedit, confirmavit, tonsuras fecit, cimiterium Ecclesiæ reconciliavit, iterum indulgentiam dedit illis qui hujusmodi reconciliationi interfuerunt; & exinde Albiensem diocesim exeundo, per quinque leucas equitans apud Vareuh prioratum de abbatiâ Aureliaci, qui prioratus est Ruthenenensis diocesis, declinavit, & fuit ibidem procuratus ad expensas Prioris, qui iverat ad electionem Abbatis in monasterio Aureliaco faciendam, quod monasterium tunc temporis pastore carebat.

Die Iovis sequenti audivit Dominus ibi Missam, prædicavit, indulgentiam dedit, confirmavit, tonsuras fecit. Et exinde equitando per unam leucam venit Dominus apud Spinacium domum hospitalis ejusdem diocesis Ruthenenensis; ubi receptus fuit ut supra, & erant domus loci ejusdem satis sufficientes pro Domino, licet Præceptor dicti loci, falsitate suggesta, fecisset eum reverti apud Viridefolium, ubi fuimus ad expensas Præceptoris. Et finavit Præ-

ceptor cum magistro domus Domini ad XIII. libras monetæ illius patriæ.

Die Veneris sequenti equitando semileucam venit Dominus apud Bellumlocum abbatiam Cisterciensem ejusdem diocesis Ruthenensis; ubi campanis pulsatis seu campana processionaliter fuit ab Abbate & conventu receptus, & fecit ibidem tonsuras.

Die sabbati sequenti audivit Dominus ibi Missam, prædicari fecit per fratrem Hugonem Priorem de Ynoy, indulgentiam dari, & se Abbatis & conventus orationibus commendari. Et exinde equitando per duas leucas venit Dominus ad capellam Templariorum Caturcensis diocesis; ubi campanis pulsatis receptus fuit processionaliter, & procuratus ad expensas Præceptoris.

Die dominica qua cantatur *Jubilate* audivit Dominus ibi Missam, prædicavit, indulgentiam dedit, confirmavit, tonsuras fecit. Et cum exinde veniret apud Locum Dei abbatiam Cisterciensis ordinis Ruthenensis diocesis distantem abhinc per duas leucas, declinavit apud Calves; ubi cimiterium Ecclesiæ ipsius loci reconciliavit. Et postea venit ad abbatiam prædictam; ubi receptus fuit processionaliter, campanis pulsatis; & erat Abbas in processione indutus capa serica cum baculo pastoralis. Et postea intravit Dominus capitulum; ubi aliquibus verbis theologiæ propositis ab eodem, se Abbatis & conventus orationibus commendavit, & in dicto monasterio pernoctavit. Et quia Dominus aut aliquis prædecessor ipsius nunquam ibidem fuerat, Dominus fecit subventionem Abbati de sexaginta solidis.

Die Lunæ sequenti audivit Dominus ibi Missam, tonsuras fecit. Et exinde equitando quinque leucas venit apud Marsiliacum abbatiam ordinis sancti

Benedicti Caturcensis diocesis ; ubi receptus fuit ut
suprà , & procuratus ad expensas Abbatis.

Quia verò Dominus invenit in dicto monasterio
quosdam monachos letiferè sauciatos , scripsit Episcopo Caturcensi sub hac forma.

*Simon Dei gratia Bituricensis Archiepiscopus ,
Aquitania Primas , venerabili fratri Raymundo ejus-
dem gratia Episcopo Caturcensi salutem in Domino.
Nefandum scelus ac piaculare flagitium quod in mo-
nasterio de Marsiliaco vestrae diocesis , visitantes ibi-
dem , per quorundam impiorum flagitiosas dextras in-
nocentis sanguinis avidas in religiosos viros fratres
Guidonem de Vaelac & Raymundum de Valon mona-
chos ejusdem monasterii Marsiliacensis horribili sevi-
tate commissum audivimus , necnon contemptus divinae
majestatis , nos afflictos super hoc provocant ad vindi-
ctam. Vnde cum praefatos monachos à praedictis impiis
instinctu diabolico incitatis , scilicet dictum fratrem
Guidonem quasi letiferè vulneratum , non tantum in
capite , verum etiam in brachiis , humeris , manibus ,
& tibiis , vulneribus super vulnera damnabiliter cumu-
latis , praefatum autem Raymundum per privationem
& amputationem pugni proprii ab aliis impiis muti-
latum invenimus , admirantes quomodo super atroci-
tate tanti facinoris omisistis interponere partes vestras,
quas vulnerationes seu vulnerum cicatrices ac mutila-
tionem vidimus contristati , & ideo praemissa conniven-
tibus oculis pertransire nolumus , fraternitati vestrae
mandamus , monentes vos primò , secundò , & tertio
senore praesentium , quatenus contra Raymundum Barasti
domicellum , Bertrandum de Trusse ejus bajulum , &
Raymundum de Grivelia domicellum illatores facinoris
in dictum Guidonem commissi , ut dicitur , super quo
etiam fuimus summarie informati , necnon contra Guil-
ielmum de Portu , Bernardum de Reneech , Arnaldum
de Villaficca , Petrum Berganti , & Bernardum Cerve-*

lii servientes dicti Guillelmi, quos sceleris in personam fratris Raymundi, ut prædicitur, commissi poteritis invenire huiusmodi atrocitatis actores seu fautores, consiliarios, ac etiam adiutores, tam per testes & minas quàm per verisimiles conjecturas & alias probationes sufficientes taliter procedatis quòd hoc Dei & Ecclesie sue sanctæ cedat honori & animæ nostræ & vestræ saluti.

Et est sciendum quòd Dominus super hoc fecit fieri quandam monitionem generalem sine nominum expressione cum denuntiatione excommunicationis à canone latæ in malefactores facinoris antedicti.

- Item sciendum est quòd Dominus propter hoc scripsit Senescallo Petragoricensi & Caturcensi pro Domino Rege Franciæ, necnon Senescallo Caturcensi pro Rege Angliæ.

VISITATIO . LEMOVICENSIS.

1290.

ANno Domini millesimo ducentesimo nonagesimo, die dominica qua cantatur *Reminiscere*, reverendus pater Dominus Simon Dei gratia Bituricensis Archiepiscopus, Aquitaniæ Primas, volens intrare Lemovicensem diocesim ad visitandum nonnulla loca quæ per eum in visitatione præscripta non fuerant visitata, de castro suo de Navis, ubi die sabbati præcedente suos celebraverat ordines & venerabilem virum Dominum Ægidium de Billone electum confirmatum Narbonensem ad ordinem sacerdotalem promovit, primò declinavit ad abbatiam Bellæ aquæ ordinis Cisterciensis, prout infra scribitur; & directum transitum faciendo de Lemovico in Caturcinum, de Caturcino in Albigesium, redeundo per Caturcinum, Albigesio visitato, in Lemovicinum, ipsorum locorum dioceses, prout

prout inferiùs continetur , pleniùs visitavit.

Primò , ut directiùs Dominus iter suum arriperet , dicta die dominica declinavit equitando septem leucas apud prædictam abbatiam Bellæ aquæ Cisterciensis ordinis Claromontensis diocesis ; ubi fuit ad expensas ejusdem monasterii , & ibidem pernoctavit. Ipsaque die commissiones plures fecit in Bituricensi diocesi dirigendas super absolutione quorundam excommunicatorum pauperum & aliorum auctoritate Officialis Bituricensis & super causis diversis audiendis ab illis quibus Dominus committebat & sine debito terminandis.

Die Lunæ sequenti , videlicet post Dominicam qua cantatur *Reminiscere* , audivit Missam in abbazia supradicta , & confirmavit , tonsuras fecit. Et exinde venit equitando quatuor leucas apud Evahonium præposituram ordinis sancti Augustini Lemovicensis diocesis ; ubi campanis pulsatis fuit receptus processionaliter à Præposito & conventu. Commisit autem dictus pater Archipresbytero de Montelucio causam motam inter capitulum de Gias Bituricensis diocesis ex una parte & parochianos ipsius ex altera audiendam & sine debito terminandam. Item fecit per magistrum P. de Verone examinari quandam causam matrimonialem motam inter quosdam de parochia de Marchia Lemovicensis diocesis , & plures alios fecit processus ; & fuit ipsa die ad expensas Præpositi procuratus.

Die Martis sequenti audivit apud locum prædictum Missam , prædicavit , indulgentiam dedit , confirmavit , tonsuras fecit. Et exinde unam leucam minimam equitando venit apud Cambonium præposituram Lemovicensis diocesis ordinis sancti Benedicti , membrum per se ; & fit Præpositus per electionem , sicut Evahonensis Præpositus supradictus. Et ibidem fuit receptus Dominus sicut su-

prà ; & factæ fuerunt ibidem plures substitutiones, procurationes, & commissiones, ac absolutiones & huiusmodi. Procuratus fuit ad expensas monasterii Cambonensis prædicti.

Die Mercurii sequenti audivit Missam apud locum prædictum, prædicavit, indulgentiam dedit, confirmavit, tonsuras fecit. Et exinde venit equitando tres leucas apud Rugniatum prioratum monasterii Evahonensis prædicti; ubi Dominus receptus fuit ut suprà. Domicilia verò loci ejusdem totaliter vel quasi minabantur ruinam. Causam matrimonialem suprædictam expedit; & procuratus fuit ad expensas Prioris, qui tunc erat in Romana curia, ut dicebatur.

Die Iovis ibidem visitationis officium complevit ut suprà. Et exinde equitando duas leucas venit Dominus apud Memacum prioratum de Souveigniaco Clugniacensis ordinis, locum malè ædificatum & pauperem; & receptus fuit ut suprà, & procuratus ad expensas loci ejusdem Prioris & Capellani.

Commisit Dominus & mandavit Archipresbytero de Argentonio ut Gervasium famulum Prioris sancti Benedicti in saltu Bituricensis diocesis ad benedictionem nuptialem admitti faceret, non obstante si testimoniales Presbyteri vel Officialis in cujus parrochia seu diocesi oriundus extiterit non habebat; quia adeo juvenis venit ad servitium dicti Prioris quòd non erat aliquatenus præsumendum eundem G. cum alia contraxisse.

Die Veneris apud locum prædictum suæ visitationis officium complevit ut suprà. Et exinde equitando venit apud Bonum locum abbatiam Cisterciensis ordinis, & pernoctavit ibidem ad expensas monasterii.

Die sabbati sequenti audivit Dominus ibi Mis-

ſam, confirmavit, tonsuras fecit. Et exinde equitando quatuor magnas leucas venit apud Albuconium prioratum monaſterii Cambonenſis, malè ædificatum; ubi receptus fuit proceſſionaliter campanis puſſatis, & procuratus fuit ad expenſas Prioris. Oportuit totam familiam Domini, Clericos & armigeros, intra Eccleſiam loci jacere.

Dominica ſequenti, qua cantatur *Oculi mei*, audivit Dominus ibi Miſſam, prædicavit, indulgentiam dedit, confirmavit, & tonsuras fecit. Et exinde venit equitando per unam leucam Dominus apud monaſterium Roſolienſe, ubi receptus fuit ut ſuprà. Dominus illa die fuit ad veſperas indutus pontificalibus, quia illa die erat Annuntiatio dominica; & procuratus fuit ad expenſas Præpoſiti & capituli.

Ea die conqueſtus eſt nobis Iohannes Malesherbes laicus ſuper eo quòd Iohannes Leonardi Canonicus monaſterii Roſolienſis prædicti dicebatur feciſſe eundem Iohannem per perſonam interpoſitam miniùs juſtè & ſine cauſa rationabili ad iudicium evocari; & ipſa die finaliter compromiſerunt coram magiſtro Petro de Virſione auditore cauſarum & ſocio Domini ſuper iis in magiſtrum Durandum de Manihac Canonicum monaſterii Roſolienſis prædicti.

Item eadem die duo Clerici defectum natalium patientes conſtituerunt coram Domino ſeu locum ejus tenente quosdam procuratores ſub forma quæ ſequitur.

Sanctiſſimo patri &c. devotiſſimus ſuus Simon &c. Noverit ſcilicet veſtra clementia quòd in mea præſentia conſtitutus perſonaliter Iohannes Albi Clericus Lemovicenſis diocæſis diſcretos viros Geraldum de Ageduno dictum Boneffant & Guillelmum de Virſione Clericos, licèt abſentes, ſuos fecit, conſtituit, & ordi-

navit procuratores & quemlibet eorum in solidum , ita quòd non sit melior conditio occupantis , ad impetrandam à sanctitate vestra dispensationem super defectu natalium quem idem Iohannes patitur de Clerico ad aliquos superiores ordines non promotus & soluta , quòd huiusmodi non obstante defectu possit ad omnes ordines promoveri & ecclesiasticum obtinere beneficium , etiamsi curam habeat animarum. In cuius &c.

Die Lunæ sequenti equitandoper unam leucam venit Dominus apud Pheletinum prioratum de monasterio Cambonensi; & receptus fuit processionaliter sicut suprà. Celebravit ob festum & in honore Annunciationis dominicæ indutus pontificalibus , prædicavit ibidem , indulgentiam dedit , confirmavit , tonsuras fecit ; & procuratus fuit ad expensas Prioris dicti loci.

Die Martis sequenti equitando tres maximas leucas venit Dominus apud Manihac prioratum abbatiæ Burgi Dolensis ; & receptus fuit ut suprà , prædicavit , indulgentiam dedit , confirmavit , tonsuras fecit ; & procuratus fuit laudabiliter ad expensas Prioris.

Die Mercurii sequenti equitando sex leucas venit Dominus apud Bonam aquam abbatiam Cisterciensis ordinis , ubi pernoctavit ; & in crastino Missam ibidem in capella portali seu de porta audivit , prædicavit , indulgentiam dedit , confirmavit , tonsuras fecit ; & Abbati loci de quibusdam malefactoribus , qui pisces de stagnis & piscariis monasterii amoverant furtivè , & alia bona vastaverant , conquerenti quandam generalem concessit monitionem omnibus Capellanis Lemovicensis diocesis dirigendam seu directam.

Die Iovis sequenti equitando tres leucas magnas venit Dominus apud Portum Dei prioratum Casæ

Dei bonum & divitem, tamen inter arduas colles situm; & receptus fuit processionaliter à Priore & conventu. Audivit ibi Missam in crastino, indulgentiam dedit, confirmavit, tonsuras fecit; & procuratus fuit ad expensas Prioris.

Die Veneris sequenti equitando tres leucas pessimi * kemini venit apud Boort prioratum Cluniacensem; ubi illa die receptus fuit & fecit ut suprà immediatè; & Petro de Rupe Presbytero, qui de sancto Iuniano Lemovicensis diocesis extitit oriundus, litteras testimoniales concessit quòd ipse in sacerdotium fuit promotus. & hoc juraverunt de credulitate verum esse Iohannes Saulahe, P. de Chavanhae, & G. la Bessa Presbyteri, qui viderunt eundem P. de Rupe apud Boort & alibi celebrare; necnon discretus vir Dominus Durandus Bruni rector Ecclesiæ de Vissello dictæ diocesis asseruit juratus quòd in quadam capella sua de voluntate & assensu Lemovicensis Episcopi celebravit idem Petrus. * itineris.

Die sabbati sequenti equitando quinque leucas venit Dominus apud sanctum Angelum prioratum abbatiæ de Carroffo Pictavenensis diocesis; ubi processionaliter fuit receptus ut suprà, audivit Missam, prædicavit, indulgentiam dedit, confirmavit, & tonsuras fecit; ac procuratus fuit ad expensas Prioris.

Dominica qua cantatur *Latate Ierusalem* venit Dominus apud Maymacum abbatiam ordinis sancti Benedicti; ubi receptus fuit ut suprà. Audivit ibi Missam, prædicavit, indulgentiam dedit, confirmavit, tonsuras fecit; & procuratus fuit ad expensas Abbatis.

Die Lunæ sequenti equitando venit Dominus apud Vedrinas prioratum Casæ Dei, ubi receptus fuit & fecit ut suprà.

Die Martis sequenti equitando unam leucam venit Dominus apud Ventadour prioratum Cluniacensem, ubi receptus fuit processionaliter campanis pulsatis ut supra; & in Ecclesia dicti prioratus Dominus consecravit quoddam altare in honore beatæ Katerinæ, beatorum Mauricii, Vincentii, & Blasii, & fecit super illud altare quandam Missam pro defunctis per quendam Capellanium ipsius Domini celebrari.

Die Mercurii sequenti audivit ibi Missam. Et exinde equitando septem magnas leucas venit Dominus apud Obazinam abbatiam Cisterciensis ordinis; & fuit receptus Dominus multum honorabiliter ab Abbate, qui emit bladum in herba à portario suo pretio duorum sextariorum frumenti pro dispergendo per cameram Domini & per aulam in qua comedit. Et post prandium Dominus ivit ad visitandum quasdam moniales illius ordinis inclusas in quodam loco quem ipsæ moniales habent satis prope illam abbatiam extra portam in nemore. Et est sciendum quod Priorissa servat unam clavem & Prior claustralis de Obazina aliam, ut mihi videtur; & cum Dominus visitasset easdem & prædicasset, & se earundem orationibus commendasset, recessit, & præcepit magistro hospitii sui ut eisdem monialibus erogaret quandam pecuniæ quantitatem.

DIOCESIS CATURCENSIS.

Die Iovis post Dominicam qua cantatur *Letare Ierusalem*, exivit Dominus Lemovicensem diocesim, & intravit diocesim Caturcensem, apud Martellum declinans; & receptus fuit processionaliter; campanis pulsatis. Audivit die crastina ibi Missam, prædicavit, indulgentiam dedit, confir-

navit ; & procuratus fuit ad expensas Capellani dicti loci. Qui quidem Capellanus se inhabilem reddidit in habitu quem debet habere quilibet Capellanus , minimam defert tonsuram , capillos longissimos , à posteriore parte scissos , à parte anteriori ad modum scutiferi , raubam patulam cum punctis coram prælato suo , sutiles sotulares. Effrons facie prima videtur.

Eadem die fecit Dominus Ballivum Domini Regis coram se ad iudicium evocari , pro eo quòd ipse , dum eramus in villa prædicta , manus injecerat temerè violentas in Presbyterum ; & quia ipse noluit coram nobis respondere , eundem excommunicavimus. Tandem verò dictum Ballivum in forma Ecclesiæ apud Rupem Amatoris &c. Quære infra apud locum prædictum die sabbati sequenti.

Die Veneris sequenti equitando duas leucas venit Dominus apud Soliacum , decanatum ordinis sancti Benedicti , immediatè subiectum , ut dicitur , Abbati Aureliacensi Claromontensis diocesis ; & receptus fuit multum honorabiliter à Decano , qui obviam Domino venit per leucam cum pulcherrima comitiva scutiferorum & capellanorum monachorum suorum processionaliter , campanis pulsatis &c. & procuratus fuit ad expensas Prioris.

Die sabbati sequenti audivit Dominus ibi Missam de beata Maria , prædicavit , indulgentiam dedit , confirmavit. Et exinde equitando duas leucas venit apud Rupem Amatoris ; ubi ordines celebravit , acolythos , subdiaconos , Diaconos , & Presbyteros promovendo ; prædicavit , indulgentiam dedit. Fuit verò receptus multum honorabiliter ab Abbate Tutelensi Lemovicensis diocesis , qui tenet prioratum de Rupe Amatoris in manu sua. Venit enim Domino obvius satis longè , & postea rediit ad Ecclesiam ; in qua Dominum dictus Abbas , monachi ,

& clerus deserviens prioratui prædicto in medio graduum illius Ecclesiæ obviantes Domino receperunt. Et fuit procuratus illa die ad expensas Abbatis.

Eadem die Dominus absolvit Ballivum Regis apud Martellum à duplici excommunicationis sententia, scilicet ab illa quia coram Domino citatus super hoc quòd in Presbyterum manus injecerat temerè violentas, noluerat respondere, ab alia canonis, quia injecerat manus in Presbyterum. Reservavit autem Dominus taxationem emendæ de consensu Ballivi prædicti super excessibus antedictis. Et quære principium in pagina præcedenti apud Martellum. Præsentem autem fuerunt reservationi hujusmodi & absolutioni Archipresbyter de Vallibus, magister Pontius, & magister Vitalis, ac frater dicti Ballivi.

Notandum quòd Dominus recepit litteras Domini Episcopi Caturcensis sub hac forma.

Reverendo in Christo patri ac Domino nostro carissimo Domino Simoni Dei gratia Bituricensi Archiepiscopo Aquitaniaque Primati, suus Raymundus Dei gratia Episcopus Caturcensis, cum recommendatione se ipsum. Paternitatem vestram nobis carissimam requirimus & rogamus quatinus hac instanti die sabbati, ubicunque vos esse in nostra diocesi contigerit, omnes, si placet, ordines celebretis & omnia alia faciatis nomine vestro & nostro quæ ad vestram pertinent dignitatem, nos, si placet, habentes, Domine, excusatos, quia tardè vobis scribimus, cum hac instanti die Veneris tarda hora ubi vos eratis ignorabamus omnino; scientes, reverende pater, quòd ad vos habuissimus accessum, si equitare possemus. Valeat vestra paternitas per tempora longiora. Datum Caturci die Veneris post Dominicam qua cantatur Lætare Ierusalem anno Domini millesimo ducentesimo nonagesimo primo.

Dominica qua cantatur *Isti sunt dies* audivit Dominus apud prioratum prædictum de Rupe Amatoris in capella beatæ Mariæ Missam secretam, & postea in majori Ecclesia magnam Missam, confirmavit, benedixit ornamenta, calices, imagines, & cruces. Et exinde venit equitando tres leucas apud Vicano; ubi receptus fuit ut supra. Et cum Dominus post prandium evocasset Priorem & capitulum dicti loci in camera sua ad tractandum de statu Ecclesiæ, dictis Priore & capitulo congregatis, Dominus petiit ab eisdem qualiter temporalitas illius Ecclesiæ se habebat. Qui unanimiter responderunt quod erat in bono statu, præter hoc solum quod contentio erat inter ipsos Priorem & capitulum ex parte una & Dominum de Gordonio ex altera super alta justitia villæ de Vicano. Post hoc autem interrogati à Domino de spiritualitate, præsertim cum Dominus intellexisset quod licet pro Canonicis regularibus censerentur, communiter tamen ipsorum quilibet propriam cameram habebat, non in eodem refectorio comedebant, non in eodem dormitorio conversabantur, non faciebant professionem in dicto monasterio, responderunt & confessi sunt, præsentibus magistro P. de Virsione, Domino I. de Gressibus Capellano Domini, & Guillelmo de Rivo publico Notario, ac pluribus aliis, quod in ingressu monasterii & in creatione ipsorum in Canonicos votum aliquod non fecerunt, dicentes quod non deferunt alicubi habitum regularem, sed secularem, nec deferunt superlicia nisi infra metas claustrum sui, & cum claustrum vel villam exeunt, vadunt huc & illuc ut purus secularis.

Advertendum est autem quod Prior & capitulum de Vicano tenent illam villam de Vicano à Domino Bituricensi Archiepiscopo in feodum, & de-

bent sibi facere homagium & fidelitatem jurare. Item quia Dominus viderat quòd Ecclesia loci ejusdem , quæ incœpta fuerat opere sumptuoso , vix aut nunquam posset ad finem perducì , voluit & ordinavit quòd Prior daret unam præbendam ad opus prædictum ; & dedit indulgentiam illis qui ad hoc pias eleemosynas largirentur.

Die Lunæ sequenti audivit ibi Missam , prædicavit , indulgentiam dedit , confirmavit. Et exinde equitando semileucam venit apud Gordonium prioratum de Vicano ; ubi processionaliter campanis pulsatis cantando fuit receptus , & procuratus ad expensas Prioris.

Eadem die mandavit Dominus Dominum Fortanarium dominum de Gordonio ut veniret die crastina , super contentione illius justitiæ de Vicano cum Domino tractaturus.

Die Martis sequenti audivit Dominus ibi Missam , prædicavit , indulgentiam dedit , confirmavit ; & postea reversus ad cameram , tractavit cum prædicto Domino de Gordonio super contentione prædicta quæ vertebatur inter ipsum Dominum Fortanarium ex parte una , & Priorem de Vicano ex altera. Super qua contentione compromiserunt ipsæ partes , & prolatum fuit dictum arbitrale super hoc. Sed Prior asserens monasterium suum læsum non modicùm , volebat hujusmodi dictum servare , præsertim cùm arbitri forent suspecti , proponens plures alias rationes. Qui quidem Fortanarius consultus à commilitibus suis & aliis de consilio suo , multùm benignè respondit Domino quòd ipse paratus erat stare dicti Domini dicto , arbitrio , voluntati , vel Domini Caturcensis , vel alterius cujuscunque probi viri. Demum Dominus assignavit seu cautavit diem Lunæ post ramos palmarum Caturci ad procedendum plenius super istis.

Quibus sic actis, venit Dominus equitando quandam magnam leucam apud Concorest prioratum sancti Ambrosii Bituricensis; ubi receptus fuit ut supra, & procuratus ad expensas Prioris de Gordo-
nio, qui tenebat eum ad firmam à Camerario sancti Ambrosii Priore dicti prioratus de Concorest.

Die Mercurii sequenti audivit Missam & fecit prædicari per fratrem Hugonem Priorem de Ynoy socium Domini, & indulgentiam dari, & confirmavit. Et exinde venit equitando duas leucas apud Archas prioratum de Marsiliaco abbatia ordinis sancti Benedicti Caturcensis diocesis. Et cum Dominus pranderet, venit ad mensam Domini quidam monachus Guillelmus nomine de prioratu de Duravello, qui prioratus est de abbatia Moyssiacensi, & dixit Domino verba hæc vel consimilia. Reverende pater; Prior de Duravello me misit ad vos ut nuntiarem vobis quod cum proponatis nostram Ecclesiam de Duravello die Iovis crastina visitare, procurationem ibidem debitam recepturus, & ibidem nullus prædecessorum vestrorum visitaverit nec procurationem receperit, non est intentionis ejusdem Prioris quod ad hoc vos recipiat; & si hoc facere, scilicet visitare & procurationem recipere, volueritis, ego ad apostolicam sedem appello. Et incontinenti Dominus monuit in scriptis Priorem & monachum prædictos de admittendo ipsum ad visitationem & de ministrando sibi procurationem debitam. Quibus sic actis, dictus pater, scilicet Dominus Bituricensis, præcepit dicto fratri Guillelmo quod iret comestum, quia non erat adhuc excommunicatus. Dicta verò die procuratus fuit Dominus ad expensas Prioris de Archis; sed semper dicebat quod Dominus nec aliquis prædecessor ipsius procurationem integram receperat in Ecclesia sua prædicta, sed contribuebat vel contribuebatur eidem.

Prædicta autem die, dum Dominus veniret de Concorest apud Archas, fecit Dominus transitum per Vergauteriam, quæ est in medio viæ, & debuissimus ibidem ivisse, sed Dominus noluit quod ille locus visitaretur ad præsens contemplatione Domini Sicardi Archidiaconi Caturcensis. Et tunc receptus fuit Dominus, quia ipse Archidiaconus non tenebat eundem. Et est prioratus dicti loci de abbazia Marsiliaco.

Die Iovis sequenti, audivit Dominus Missam ibidem, scilicet apud Archas, prædicavit, indulgentiam dedit, confirmavit, tonsuras fecit. Et exinde equitando tres leucas venit Dominus apud Duravellum prioratum abbatiæ Moyssiensis, de quo fit mentio supra; ubi receptus fuit processionaliter, campanis pulsatis, à Priore & monachis illius loci indutis capis sericis, & procuratus fuit ad expensas Prioris.

Die Veneris sequenti audivit Dominus ibi Missam, prædicavit, indulgentiam dedit, confirmavit. Et exinde equitando quatuor leucas venit Dominus apud Catufium prioratum de Clusa; ubi fecit ut supra, & receptus fuit ut supra, & procuratus ad expensas Prioris.

Die sabbati sequenti cum Dominus vellet intrare Caturcensem civitatem, Episcopus Caturcensis obviavit Domino prope Marcusium castrum ipsius Episcopi, & concomitavit Dominum usque ad Ecclesiam Caturcensem; ubi dicta die receptus fuit Dominus campanis pulsatis processionaliter à capitulo illius Ecclesiæ & toto clero indutis capis sericis, cantando; & illa die fuit procuratus ad expensas Episcopi.

Notandum est autem quod mandata fuit procuratio sub hac forma.

Simon Dei gratia Bituricensis Archiepiscopus,

Aquitania Primas, venerabili fratri Raymundo ejusdem Dei gratia Episcopo Caturcensi, salutem & sinceram in Domino caritatem. Cum nos hac instanti die Veneris ante ramos palmarum ad vestram proponamus Ecclesiam causa ibidem visitationis officium exercendi favente Domino declinare, mandamus vobis quatinus dicta die procurationem nobis debitam preparetis. Datum &c.

Contramandata extitit sub iis verbis usque ad diem sabbati sequentem.

Simon &c. venerabili fratri &c. salutem &c. ut supra. Contramandamus vobis ex causa diem Veneris ante ramos palmarum, qua die ad vestram proposueramus Ecclesiam declinare causa ibidem visitationis officium exercendi; significantes vobis quod die sabbati immediatè sequenti dictam Ecclesiam concedente Domino proponimus visitare. Quare mandamus vobis quatinus dicta die sabbati procurationem nobis debitam preparetis. Datum &c.

Et sciendum est quod sub hac forma scriptum fuit capitulo & pluribus Prioribus diocesis Caturcensis. Tamen stilus antiquus est brevior, ut videre poteritis in registris Iohannis; & hæc est generalior forma quæ sequitur.

Simon &c. dilecto nobis in Christo Priori vel Abbati de loco tali talis diocesis, salutem in Domino. Cum nos die tali vestram proponamus Ecclesiam concedente Domino visitare, mandamus vobis quatenus dicta die procurationem nobis debitam preparetis. Datum &c.

Si Dominus sit in diocesi visitanda, sic incipe. Cum nos eandem diocesim visitantes die &c. ut supra immediatè.

Forma brevis contramandationis seu demandationis.

Simon &c. dilecto nobis in Christo Priori &c. Ex

causa mutato nostro proposito, diem quam vobis mandaveramus usque ad talem diem vobis ducimus demandandam. Datum &c.

Die dominica sequenti benedixit in majori Ecclesia Caturcensi ramos palmarum & flores; & post processionem prædicavit, indulgentiam dedit, celebravit Missam in pontificalibus cum pallio; & procuratus fuit ad expensas capituli in domibus Episcopi.

Die Lunæ sequenti tractatu habito cum Domino de Gordonio super contentione quæ inter Priorem de Vicano & ipsum Dominum vertebatur super iustitia de Vicano, quem Dominum de Gordonio invenit Dominus Bituricensis tractabilem & benignum ad omne quod Dominus super hoc vel quidam alius probus duceret ordinandum, ivit Dominus ad Ecclesiam fratrum Prædicatorum Caturcensium; ubi Dominus ad instantiam plurimorum nobilium de partibus illis celebravit ibidem Missam pro quodam defuncto nobili, & tradidit eundem ecclesiasticæ sepulturæ, prædicavit ibidem, indulgentiam dedit. Et post hoc ad Caturcense capitulum declinavit; ubi cum eodem capitulo, præsentem Episcopum Caturcensem, tractavit de negotiis Ecclesiæ suæ, & visitavit eosdem ibidem. Post hæc autem incontinenter Dominus apud sanctum Vrsicinum de Caturcensi civitate, prioratum abbatiæ de Marsiliaco ordinis sancti Benedicti, quem tenebat Dominus Sicardus Archidiaconus Caturcensis. Audivit ibi Missam, & confirmavit; & procuratus fuit ad expensas ejusdem Archidiaconi tamquam Prioris dicti loci.

Idem die quia Dominus remisit ex gratia speciali Priorissæ beatæ Mariæ Deauratæ.



DIOCESIS BITVRICENSIS.

Die Lunæ sequenti in crastino sancti Michaëlis 1285.
 anno Domini millesimo ducentesimo octoge-
 simo quinto completa visitatione diocesis Lemovi-
 censis, intravit Dominus diocesim Bituricensem. Et
 ipsa die primò declinavit apud Malver prioratum
 sancti Martialis Lemovicensis; ubi fuit receptus &
 procuratus ad expensas Prioris dicti loci. Summa
 expensarum x. libræ & v. solidi.

Die Martis sequenti venit Dominus apud sanctum
 Nazarium; ubi fuit cum magistro domus hospitalis
 dicti loci in procuratione, nec fuit computatum.
 Eadem die Gaudinus dominus de Remefort, filius
 & heres Gaufridi Lobe de Remefort quondam
 Domini Militis, concessit coram Domino litteras
 manumissionis centum puellarum quas pater suus
 manumitti jusserat in terra sua de Reignac & de
 Remefort ab omni taillia & commenda; cui manu-
 missioni consenserunt coram nobis exequutores di-
 cti defuncti.

Littera super dicta manumissione facta sequitur
 in hæc verba.

*Simon Dei gratia Bituricensis Archiepiscopus,
 Aquitania Primas, ac executor testamenti bona me-
 morie defuncti Gaufridi Lobe Militis quondam do-
 mini de Ramefort, universis presentes litteras inspe-
 cturis, salutem in Domino sempiternam. In testamento
 predicti defuncti publico & sigillo curie Bituricensis
 sigillato vidimus clausam qua sequitur in hæc verba.
 Volo, concedo, & præcipio pro remedio animæ
 meæ parentumque meorum quod centum puellæ
 de terra mea de Ramefort & de Maignec manumit-
 tantur & fiant liberæ ab omni taillia & commenda.
 Quibus visis, nos nobilem domicellum Gaudinum filium*

Et heredem memorati defuncti dominum de Ramefort
 nostra Bituricensis diocesis requisivimus ut de locis pra-
 dictis nobis nominaret centum puellas Et eas manu-
 mitteret pro implenda, ut praediximus, voluntate me-
 morati defuncti. Qui sponte Et deliberatione prae-
 bita, ac de bonorum consilio, ut dicebat, anno Domi-
 ni millesimo ducentesimo octogesimo quinto, die Mar-
 tis post festum sancti Michaelis, apud sanctum Na-
 zarium nostra diocesis, praesentibus pluribus bonis vi-
 ris, nobis nominavit Et assignavit in scriptis centum
 puellas de terris praedictis, quarum nomina hic infe-
 riùs continentur; videlicet Iohanna filia Aymerici de
 Pontilon, Ozanna filia Amici Pozivela de Barris,
 Iohanna filia Dulcia Pozivela de Barris, Iohanna fi-
 lia Petronini Pretesegle de Derot, Dulcia filia Hum-
 berti de Coillon de Mivers, Iohanna filia Ramulphi
 de Pleys, Iohanna filia Blancheta Guegardon de De-
 rot, Iohanna filia Bovini Fuerat de Ramaforti, Io-
 hanna filia Humberti Peruchet de Barris, Beneventa
 filia Ofsanna Martina de Fonte Augerii, dicta Mar-
 tha filia Iohannis Pelar de Derot, Iohanna filia Ste-
 phani Taillon de Mivers, Dionysia filia Hyssem-
 berti Peruchet de Barris, Iohanna filia Iohannis,
 Bavesin de Derot, Petronilla filia Iohannis Per-
 ruchet de Barris, Iohanna filia Iohannis de Ru-
 pe, Iohanna filia Guilleti Tacherot de Barris,
 Iohanna filia Petiti Coillon de Mivers, Iohan-
 na filia Aymerici Braccart de Palize, Agnes
 filia dicti Megnec de Brocia, Iohanna filia Char-
 bonier de Roenayo, Petronilla filia Iohannis de Oblin-
 quo de Ramaforti, Iohanna filia Botinot de Rossac,
 Iohanna filia Guarnerii de Mivers, Matthea filia
 Peron de Fondoet de Barris, Radegundis filia Lau-
 rentii le Bacle de Buxerla, Iohanna filia Amici Pe-
 sant de Megnec, Iohanna filia fratris dicti de Roe-
 nayo, Iohanna filia dicti Colas de Agia, Iohanna fi-
 lia

lia Iohannis Martini de Chatres , Bona filia Guillelmi de Boeria , Iohanna filia Tortorin de Rossec , Margareta filia à la Violate de Derot , Iohanna filia Iohannis Berandea de Chochet , Iohanna filia Gaufridi , Guillometa de Menguec , Iohanna filia Suberti Pesant de Megnec , Iohanna filia dicti Scgoyn de Megnec , Dionysia filia magistri de Ioncheria de Megnec , Iohanna filia Peroneti Cabulon de Megnec , Iohanna filia Stephani Paterit de Megnec , Iohanna filia Iohannis Penitea de Megnec , Margareta filia à la Petite de Megnec , Petronilla filia Dedæ de Megnec , Bruneta filia Stephani Barriler de Megnec , Iohanna filia Aymerici Richardi de Fonte Augerii , Laurentia filia Vaquerelli de Barris , Radegundis filia Boni Iohannis de Ramaforti , Bona filia Iohannis de Villenec , dicta Maura filia Dulcia de Rollec , Matthea filia Guillelmi Piscatoris de Rossec , Iohanna filia Rosigneo de Fonte Augerii , Iohanna filia Aymerici Martini de Fonte Augerii , Dionysia filia Iohannis Richart de Fonte Augerii , Iohanna filia Aymerici Riclart de Fonte Augerii , Iohanna filia dicti Stipbenda de Fonte Augerii , dicta filia filia à la Poche de Fonte Augerii , Iohanna filia Petronini de Vlmo de Rossec , Iohanna filia Beatricis de Paliz , Iohanna filia Michaëlis de Paliz , Petronilla filia Yssemberti Charlot de Recules , Dionysia filia Iohannis Beraudi de Chochet , Aynaurdis filia dicti fratris de Roenayo , Margareta filia Iohannis Collon de Miners , Iohanna filia dicta la Lebre de Barris , dicta la Mude de Barris , Laurentia filia Renaudi de Barris , dicta Manna filia Picardi de Ramaforti , Stephana filia dicta la Torte de Oblinquo de Ramaforti , Iohanna filia dicti Nadan de Paliz , Iohanna filia dicti Turloton de Derot , Stephana filia Domina la Krione de Fonte Augerii , Iohanna filia Ymerici Richart , Iohanna filia Petronini Baraton de Rossec , Iohanna filia Iohannis

nis de Recules , Iohanna filia Dulcis de sancto Nazario , Stephana filia Iohannis Clementis , Iohanna filia dictæ Bona de la Totofere , Iohanna filia Iohannis Deris de Ramaforti , Laurentia filia Dulceti de Plays , Laurentia filia Audeberti de Derot , Iohanna filia Floer de Derot , Iohanna filia Blancheti Cocart de Derot , Iohanna filia Petri Bersolat de Derot , Iohanna filia Petri Berjolat de Derot , Iohanna filia filii Philippi de Barris , Iohanna filia Iohannis de Plays , Iohanna filia Morelli de Paliez , Iohanna filia Stephani Tardi de Paliz , Iohanna filia Aymerici Beriolat de Derot , Iohanna filia Iohannis Bernardon de Plays , Petronilla filia Iohannis Posivea de Barris , Iohanna filia Odonis Vigneron de Megnec , Iohanna filia dicti Berton de Recules , Iohanna filia Iohannis de Oblinquo de Ramaforti , Iohanna filia Iohannis Escot de Plateis , Iohanna filia Yssamberti Charlot de Recules , Iohanna filia Iohannis Arnaudi de Ramafort , Iohanna filia Renaudi Fauchez de Barris , Iohanna filia Petronini Pretesegle de Derot , & Iohanna filia Roselli de Cochet. Quas omnes & singulas prenominate centum puellas idem domicellus presens propter hoc in iure coram nobis accedens , & adimplere desiderans predicti voluntatem patris sui pro se & aliis fratribus & sororibus suis , quos habebat in tutela , mamburnio , sive cura , ut dicebat , & pro quibus omnibus manucepit de rato super omnibus bonis suis , manumissas à patre suo ratificavit & confirmavit & eas liberas approbavit & quantum in se erat & in fratribus suis manumisit & libertate donavit , atque ipsas ab omni taillia & commenda liberas effecit & immunes , promittens sub obligatione omnium bonorum suorum se facturum & curaturum quod dicti fratres & sorores ejusdem , quamprimum ad legitimam etatem pervenerint , omnia premissa & singula ratificabunt & super omnibus & singulis premissis litteras consimiles concedent. Promittens idem

domicellus per fidem in manu nostra prestitam corporalem quòd contra manumissionem & libertatem predictas per se vel per alium non veniet in futurum, obligans quoad hac se & heredes suos & bonorum suorum quoslibet possessores & omnia sua bona mobilia & immobilia presentia cum futuris ubicunque & quacunque, volens & concedens expressè ipsum & ejus heredes per nos & successores nostros seu Officialem Bituricensem compelli ad observantiam omnium premissorum, ubicunque ipse vel heredes sui suam facient mansionem. Omnia autem premissa & singula, prout superius sunt expressa, nobilis mulier relicta defuncti Gaufridi Lobe Militis predicti prasens in jure propter hac coram nobis grata & rata habuit, voluit, & laudavit, & quietavit propria auctoritate quicquid juris, possessionis, proprietatis, servitii, domini, servitutis, & redeventiae cujuslibet in dictis centum & quatuor puellis habebat vel habere poterat ratione osclei sive dotis seu quacunque de causa vel etiam ratione per fidem in manu nostra prestitam corporalem quòd contra premissa vel aliquid premissorum per se sive per alium non veniet in futurum, obligans quoad hac & jurisdictioni curie nostre & successorum nostrorum & Officialis nostri supponens se & heredes suos & bonorum suorum possessores & omnia bona sua mobilia & immobilia presentia cum futuris, ubicunque sint & quacunque, renuntiantes per fidem tam dictus domicellus quam relicta predicta omni actioni, exceptioni, deceptionis & lesionis cujuslibet in premissis exceptioni, doli mali in factum, conditioni sine causa & ob causam, exceptioni circumventionis, & omni juri in favorem mulierum introducto & introducendo, omni beneficio & auxilio totius facti, & juris canonici & civilis, beneficio minoris aetatis, restitutionis in integrum Velleiani & beneficio crucis, omnibus allegationibus, defensionibus, exceptionibus, privilegiis, & rationibus facti & juris

quibuscunque, ac etiam omnibus consuetudinibus, usagiis patriæ & statutis, & generaliter omnibus rationibus juris & facti per quæ contra præmissa vel aliquod præmissorum posset opponi aliquid siue dici, renuntiantes præcipue juribus dicentibus generalem renuntiationem non valere, volentes & concedentes quòd si contra præmissa vel aliquod præmissorum aliquid factum fuerit vel fieri contigerit in futurum, quòd per illud factum prædictis renuntiationibus & ab eis causam quocunque modo habentibus nulla possessio, nulla præscriptio, nullum jus, nulla obligatio acquiratur.

Die Mercurii sequenti venit Dominus apud Vignoprioratum de Carosio, ubi fuit in procuratione cum Priore dicti loci. Summa expensarum fuit novem libræ.

Die Iovis sequenti venit Dominus apud Argentonium cum Priore sancti de abbazia sancti Gildasii de Castro Radulphi. Summa fuit expensarum x. libræ.

Die Veneris ibidem cum Priore sancti Marcelli de eadem abbazia. Summa fuit expensarum x. libræ.

Die sabbati sequenti ante festum beati Dionysii fuit Dominus apud Nurec cum magistro domus hospitalis dicti loci. Summa expensarum octo libræ.

Die dominica sequenti cum Priore de sancto Galtero prioratu de Stirpo. Summa expensarum fuit decem libræ & quatuor solidi.

Die Lunæ sequenti apud Ruphec cum Priore de abbazia sancti Martialis Lemovicensis. Summa fuit expensarum novem libræ & duo solidi.

Die Martis sequenti ad Oblinquinum cum Priore dicti loci de abbazia Dolensi; & eadem die celebravit Dominus.

Die Mercurii sequenti in festo sancti Dionysii apud Fontem Gombauidi cum Abbate dicti loci. Non fuit computatum de expensis.

Die Iovis sequenti Lorolium cum magistro domus hospitalis. Non fuit computatum.

Die Veneris sequenti apud sanctum Sigirennum cum Abbate fuit. Non fuit computatum.

Die sabbati sequenti apud Thoifeliacum cum Priore de abbazia Dolensi. Non fuit computatum.

Die dominica sequenti apud Castellum cum capitulo. Summa expensarum decem libræ.

Die Lunæ sequenti apud Cleum cum Priore dicti loci. Et eadem die remisit Dominus, ad supplicationem Abbatis Millebecensis, procurationem suam quam habebat & mandaverat in prioratu de Chasselles de abbazia Millebecensi.

Die Martis sequenti apud Paludellum prioratum sancti Genulphi.

Die Mercurii apud sanctum Genulphum cum Abbate. Non fuit computatum.

Die Iovis ante festum sancti Lucæ evangelistæ apud Brisenciacum prioratum Millebecensem.

Die Veneris sequenti cum Priore de Villa Dei abbatiæ sancti Gildasii.

Die sabbati sequenti cum Priore de Argiaco; & remisit Dominus eidem procurationem anni futuri pro domibus suis reparandis. Et Priori de Luceio malo remisit similiter procurationem quam sibi mandaverat.

Die dominica post festum S. Lucæ apud Landesium in abbazia Cisterciensis ordinis.

Die Lunæ sequenti cum Priore de Lande de abbazia Dolensi.

Die Martis sequenti apud Rueilliacum prioratum sancti Dionysii in Francia.

Die Mercurii sequenti venit Dominus apud Bituricas pro sepultura Henrici domini de Soliaco defuncti in Arragonia; cujus corpus recepit in monasterio fratrum Minorum Bituricensium, Missam ce-

lebravit, & corpus ipsius in eadem Ecclesia tradidit ecclesiasticæ sepulturæ. Et postmodum venit apud sanctum Palladium, & fuit ibidem ad expensas proprias suas.

Die Iovis sequenti ivit Dominus apud Locum regium; & ibi ad majus altare Missam de mortuis celebravit pro dicto domino de Soliaco; cujus cor eadem die tumulatum fuit in introitu dictæ Ecclesiæ de Loco regio, ubi multi de genere Soliaci sepulti erant. Et hoc facto, reversus est Dominus apud sanctum Palladium, ubi fuit ad expensas suas.

Die Veneris, sabbato, dominica, & Lunæ sequentibus fuit Dominus apud Malum respotum ad expensas suas proprias. Et ipsa die fecit servitium Regis Philippi defuncti in Arragonia in majori Ecclesia, celebravit, prædicavit, & indulgentiam dedit.

Die Martis ante festum omnium sanctorum venit Dominus apud Deuvre prioratum abbatia Versionensis, ubi fuit procuratus.

Die Mercurii sequenti in vigilia omnium sanctorum venit Dominus apud Carobrias, ubi fuit usque ad sequens festum sancti Martini hyemalis; & in eodem festo fuit Dominus apud Versionem in expensis abbatia ex gratia.

Die Lunæ sequenti post dictum festum sancti Martini hyemalis venit Dominus apud Telliacum; ubi fuit secum ipsa die Dominus Episcopus Caturcensis, qui de patria sua venerat obviam corpori bonæ memoriæ Philippi Regis Franciæ defuncti in Arragonia.

Die Martis sequenti fuit Dominus apud Plenipedum; ubi ad expensas suas esse voluit, sed Abbas dicti loci noluit sustinere. Et ferè media nocte surrexit, & ivit apud Dunum Regis; ubi corpus memorati Regis erat; & in aurora die Mercurii sequentis

venit in capella Castri de Duno Regis, ubi invenit corpus dicti Regis defuncti. Et postmodum in dicta capella venit Philippus novus Rex Franciæ ad audiendum Missam; quem Dominus in introitu dictæ capellæ salutavit & aspersit aqua benedicta, & cepit licentiam ab eo ut unà cum Episcopo * Carnotensi conduceret corpus Regis defuncti usque Bituricas, & factum fuit ita. Et ad expectandum novum Regem receptum fuit dictum corpus in Ecclesia de Castro Bituricensi à Domino Archiepiscopo & Episcopo Carnotensi & Canonicis dictæ Ecclesiæ; & ibi habuit vigilias suas. Postmodum verò congregatis processionibus Bituricis in majori Ecclesia, Dominus & Carnotensis Episcopus cum processionibus perrexerunt ad Ecclesiam de castro Bituricensi, & recommendatione corporis facta, delatum fuit corpus processionaliter ad majorem Ecclesiam, & receptum in ea à Domino Archiepiscopo & Episcopo Carnotensi, præsentem novo Rege, qui corpus prædictum gestabat inter brachia unà cum multis Baronibus.

Die Mercurii & Iovis sequentibus fuit Dominus Bituricensis ad expensas proprias in domo Cantoris, ubi esse debet, ut dicitur, de consuetudine quando aliquis major se occupat domos suas, in quibus Dominus Rex fuit per illos duos dies.

Dicta die Iovis celebravit Dominus in majori Ecclesia Bituricensi Missam de mortuis pro Philippo Rege Franciæ mortuo, cujus corpus erat præsens, præsentem novo Rege, Episcopo Carnotensi, & Othone Comite Burgundiæ, & pluribus aliis Baronibus & personis.

Die Veneris sequenti conduxit Dominus corpus Regis defuncti usque apud sanctum Palladium, & reversus est ad prandium apud Telliacum; & fuit ibi dicta die Dominus & die sabbati sequenti.

Bb iiij

Die verò dominica sequenti, videlicet post octavas sancti Martini hyemalis, venit Dominus apud Cornoussam; ubi fuit usque ad diem dominicam post festum beati Andreæ Apostoli. Qua die dominica venit Dominus apud Callonium prioratum sancti Sulpitii Bituricensis, & fuit ibi in procuratione.

Die Lunæ sequenti apud Calvummontem cum Priore in procuratione.

Die Martis sequenti apud Lurciatum prioratum Plenipedensem cum Priore in procuratione.

Die Mercurii sequenti apud Colubrem prioratum Plenipedensem cum Priore in procuratione.

Die Iovis sequenti in festo sancti Nicolai hyemalis apud Hyriconnem cum capitulo. Et eadem die finavit Prior de oratorio Odomant ordinis Clugniacensis de procuratione.

Die Veneris apud Montem cenobium cum capitulo dicti loci. Et eadem die finavit de procuratione Prior de Chapes ordinis Clugniacensis.

Die sabbati sequenti apud Montetum cum Priore dicti loci abbatia de Exclusa. Et eadem die finavit de procuratione Prior de Valegui ordinis Clugniacensis.

Die dominica sequenti apud Barbonium cum Priorissa. Et eadem die finavit de sua procuratione Prior de Becay ordinis Clugniacensis, & Prior de Cenquomo ejusdem ordinis.

Die Lunæ sequenti apud sanctum Leopardinum cum Priore de abbazia sancti Sulpitii Bituricensis. Et eadem die finavit Prior de Capella Hugonis abbatia de Vezelay.

Die Martis sequenti apud Avuldriam prioratum Sovigniacensem cum Priore loci dicti.

Die Mercurii sequenti apud sanctum Stephanum de Granerio prioratum Plenipedenis abbatia.

Die Iovis sequenti in festo beatæ Luciae virginis, apud Fontem Morigniaci abbatiam Cisterciensis ordinis.

Die Veneris sequenti apud sanctum Hilarium prioratum sancti Laurentii diocesis Antissiodorensis.

Die sabbati sequenti apud Berriacum prioratum Clugniacensem cum Priore.

Die dominica sequenti apud Callovium abbatiam Cisterciensem cum Abbate.

Die Lunæ sequenti apud Sancerum cum Priorissa dicti loci.

Die Martis sequenti apud sanctum Satirum cum Abbate. Et sciendum quod ad preces ipsius Abbatris Dominus remisit hoc anno procuraciones suas prioratibus sancti Petri de Sancero & de Silvigniaco, qui prioratus sunt de abbatia sancti Satiri.

Die Mercurii sequenti apud Iars prioratum sancti Satiri cum Priore dicti loci.

Die Iovis sequenti apud sanctum Palladium in expensis propriis.

Die Veneris sequenti ibidem ad expensas suas.

Die sabbati sequenti ibidem ordines celebravit, & celebratis ordinibus, venit apud Telliacum ad prandium, & fuit ibi ad expensas proprias.

Die verò dominica sequenti, videlicet ante natiuitatem Domini, venit Dominus apud Cornoufsam, ubi fuit usque ad diem Mercurii post Epiphaniam Domini. Qua die Mercurii venit apud Meilanc prioratum Dolensem, ubi fuit cum Priore dicti loci in procuratione.

Die Iovis sequenti in octavis Epiphaniæ Domini apud cellam de Brueria prioratum Dolensem cum Priore dicti loci in procuratione.

Die Veneris sequenti apud Castrum novum cum capitulo de Venesive in procuratione.

Die sabbati sequenti apud Cressiacum priora-

tum Dolensem cum Priore dicti loci.

Die dominica sequenti apud Manceyum cum Abbate in procuratione.

Die Lunæ sequenti apud Olivetum cum Abbate Cisterciensis ordinis.

Die Martis sequenti apud Albigniacum captivi prioratum abbatiae Casalis benedicti cum Priore.

Die Mercurii sequenti apud sanctam Siriculam prioratum Dolensem cum Priore.

Die Iovis sequenti apud Vileutras cum Priore.

Die Veneris sequenti apud sanctum Amanum cum capitulo.

Die sabbati sequenti apud Chabries, ubi fuimus usque ad diem Mercurii post octavas Purificationis beatæ Mariæ. Qua die ivit Dominus apud Comitissam de Blesis, & pernoctavit apud Villamnovam ad expensas suas.

Die Iovis sequenti apud Villamfrancham cum rectore domus hospitalis de Villafrancha in procuratione.

Die Veneris sequenti apud cellas sancti Dionysii cum Priore de abbazia sancti Satiri.

Die sabbati sequenti apud Noviacum super Branson cum Priore de abbazia Versionensi.

Die dominica & Lunæ ante cathedram sancti Petri apud Vouseron, videlicet die dominica in procuratione cum Priore, & die Lunæ ex grátia cum Abbate Versionensi.

Die Martis & Mercurii sequentibus apud Malum repastum ad expensas proprias.

Die Iovis & Veneris in cathedra sancti Petri sequentibus apud la Pivere, & die sabbati sequenti, ad invitationem Abbatis sancti Sulpitii Bituricensis, & in sero ivit Bituricas, & Dominica in mane prædicavit in majori Ecclesia, & dedit indulgentiam; & eadem die dominica venit Dominus apud

sanctum Palladium, & fuit ibi ipsa die dominica ad expensas suas.

Die Lunæ sequenti ante Brandones fuit Dominus in procuratione cum Priore de Capella Gilonis prioratu abbatiae sancti Sulpitii Bituricensis.

Die Martis sequenti apud Albigniacum super Verram cum Capellano dicti loci in procuratione.

Die Mercurii sequenti apud Agent cum Capellano in procuratione.

Die Iovis sequenti apud sanctum Gondulphum cum Priore dicti loci in procuratione.

Die Veneris sequenti apud sanctum Bricium prioratum sancti Benedicti Floriacensis cum Priore. Et eadem die finavit Prior de Castellione de procuratione sua.

Die sabbati sequenti apud Belleu prioratum abbatiae sancti Satiri cum Priore dicti loci.

Die dominica Brandonum apud sanctum Palladium in expensis propriis.

Die Lunæ sequenti ibidem similiter in expensis suis propriis.

Die Martis sequenti apud Malumrepastum ad expensas proprias.

Die Mercurii sequenti apud Exoldunum cum capitulo sancti Cirici in procuratione.

Die Iovis sequenti ibidem cum Abbate beatæ Mariæ Exoldunensis in procuratione.

Die Veneris sequenti apud Vodolonom cum Priore de abbazia Dolensi.

Die sabbati sequenti ibidem celebravit Dominus sacros ordines. Et eadem die venit Dominus apud Yvolium prioratum Dolensem cum Priore dicti loci in procuratione.

Die dominica post octavas Brandonum apud sanctum Iulianum prioratum Dolensem.

Die Lunæ sequenti apud Podium Ferrandi cum Abbate dicti loci in procuratione.

Die Martis sequenti apud sanctum Desideratum cum Priore dicti loci in procuratione.

Die Mercurii sequenti apud Huriacum cum Priore de abbazia Dolensi in procuratione.

Die Iovis sequenti apud Montemlucium cum Priore beatæ Mariæ dicti loci de abbazia Menatensi.

Die Veneris sequenti apud Columbeyum cum Priore ordinis Clugniacensis.

Die sabbati sequenti apud Bellamnaviam cum Priore dicti loci de abbazia Menatensi.

Dominica qua cantatur *Oculi mei* & die Lunæ sequenti fuit apud Naves ad expensas proprias.

Die Martis sequenti visitavit Dominus prioratum de Cantella, prioratum de Evaone, & fecit expensas. Et procuravit Dominum apud Naves idem Prior de Cantella.

Et eadem die fuit concordata quædam littera super contentione jurisdictionis & metarum quæ vertebatur inter Dominum Archiepiscopum Bituricensem & gentes Comitis Attrabatensis cujus tenor sequitur ad hoc signum &c.

Cetera desunt.





EPISTOLA TAIONIS
 EPISCOPI CÆSARAVGVSTANI
 AD EVGENIVM
 EPISCOPVM TOLETANVM.

S Anctissimo ac venerabili Domino meo Engenio Toletanæ, urbis Episcopo Taius ultimus servus servorum Dei Cæsaraugustus Episcopus. Congrua satis valdeque necessaria dispositione fortioris exquirat solatium qui propriæ virtutis caret officio, eoque facilius corporis gressum porrigit quò trahitur dextera potioris, ut saltem desideratum cursum valentioris auxilio possit explere quàm segnis in sui itineris medio remanere. Ita ego, mi venerabilis Domine, licet invalidus, tuis tamen adjutus orationibus ardui operis auspicia quasi cuiusdam maximi montis malui adire principia, quod velut magni cuiusdam in sui superficie ostentans paradisi nemorum proceritatibus obsita, floribus albescentia, pomis etiam mellificantia, foliis viridantia, liliorum quoque pulcritudine nitentia, rosarum rubore candentia, violarum purpurantium floribus splendentia, coloribusque croceis pleraque fulgentia, nullo unquam tempore marcescentia, sed perpetua sui viriditate vernantia, mirifica arte disposita, directisque consistunt linearum ordinibus coaptata, tantam subministrantes amantibus gratiam ut suavitate sui non solum exteriores corporum sensus, sed interiora cordium arcana satietate sui perlustrent. Cùmque talia intentis obtuti-

Circa an.
640.

bus cernerem, ac plerosque his multimodis dapibus satiari viderem, inæstimabili accensus desiderio, tamquam unus ex collegio esurientium puorum inedia coactus impulsu, ejusdem januam paradisi pedetentim adgressus, & quasi temerarius introrsus explorator ingressus, dum per eadem spatia pulcherrima quæque ac multimoda prospectando nimia admiratione suspendor, quædam ramusculorum floscula more pusillorum infantium ludendo collegi, ac manu avida contrectando decerpfi, scursum ista præcipua quadam curiositate quibusdam comparationibus præmittens verbis simplicibus quasi oris obstrusi aditum resero, nisi ut tam incomparabilis excellentia viri, sancti scilicet Papæ Gregorii, in ipso loquutionis exordio quibusdam parabolis anteferrem, ejusque magnitudinem sapientiæ, quo perspicuo lumine sanctam illustravit Ecclesiam, aliquatenus non scientibus sed nescientibus propalarem. Optaveram siquidem tuæ nunc adesse præsentia, ut sicut scriptum est, *interroga patrem tuum, & annuntiabit tibi, majores tuos, & dicent tibi*, ex tui oris prudentia formulam sumerem, cum in principio hujus operis velut cujusdam telæ verborum texturam præponerem, vel certè ex tui cordis artificiosa manu quasi in cujusdam magni constructione ædificii politos atque quadratos humeris propriis verborum lapillos deferrem, quoniam frater fratrem adjuvans exaltabitur, sicut civitas munita. Ordo namque rationis exposcit ut subsequencia præcedentibus quodam vinculo tenacitatis nectantur, quatinus in utrumque rectitudinem sui prolata æquitas pandat, ac ducente tramite veritatis ad destinatum finem lætus accedat. Idcirco quod cōparationibus paulò antè prætulimus, verbis nunc apertioribus propalemus. De opusculis quippe ejusdem sanctissimi viri sese infert sermo subsequens

aliquantula narratione officiosissimus, dignumque fore censui de suis operibus ejus pauca primùm retexere. Vidimus vidimus Gregorium nostrum Romæ positum, non visibus corporis, sed obtutibus mentis. Vidimus enim non solùm in suis notariis, sed etiam in familiaribus qui ministerio corporali eidem fidele exhibuerunt famulatus obsequium; eorumque relatione de virtutibus ejus plura cognoscens, brevissimè pauca retexam. Fuit denique gratia Christi omni morum probitate compositus, animo vultuque serenus, corde benignus, conscientia purus, moribus discretus, virginitate nitens, caritate refertus, pietate præcipuus, patientia insignis, modestia incomparabilis, abstinencia singularis, hospitalitatis sectator, peregrinorum susceptor, eleemosynarum largitor, ecclesiasticarum rerum optimus dispensator, amicis devinctus, oppressorum sublevator, tribulantium consolator, acris ingenii, consilio providus, sermonibus nitidus, eloquentia facundus, prudentia disertus, sapientia præditus, doctrina multimodus, scripturarum divinarum multimodus interpretator, abditorum mysteriorum acerrimus investigator, fidei catholicæ magnificus defensor, contra hæreticos fortis assertor, superbis auctoritate erectus, atque humilibus prompta devotione subjectus. Quatuor namque virtutibus animi, prudentia scilicet, temperantia, fortitudine, atque justitia ita extitit præornatus ut non homo sed angelus inter homines putaretur. Quis namque nostri temporis eloquentia facundus, prudentia præditus, sapientia profundus, sanctum condignis efferat laudibus Gregorium? Nec ipsi, ut censeo, Græcæ Romanæque facundiæ philosophorum præcipui, Socrates scilicet, vel Plato, Cicero, atque Varro, si nostris temporibus affuissent, condigna verba promississent. Sed ne panegyricis uti

censeareloquiis, plurima de ejusdem virtutibus audita comperta prætermittens, ad ejus opuscula, quæ sunt eloquia pulcritudinis, officia linguæ retorqueam. Igitur cùm Romæ positus ejusdem, quæ in Hispaniis deerant, volumina sedulus vestigator perquirerem, inventaque propria manu transcriberem, tantaque dulcedo verborum animum meum inæstimabili suavitate mulceret, speciale quiddam in eadem sine cujuspiam perspexi comparatione potissimum. Denique dum historiam beati Iob sub triplici indagatione, id est, historica, typica, vel morali, studuit explanatione discutere, atque Ezechielis Prophetæ primam vel ultimam partem non impari expositione percurrere, tantorumque profundæ mysteriorum repulso ignorantia nubilo serena patefactione monstrare, penè totius novi ac veteris testamenti patefecit arcana; actumque est ut hac opportunitate panis ille qui de cælo descendit, ejusdem fidelissimi opportuna satis dulcedine satiaret. Sed quoniam in eadem prolixitate voluminum, dum testimonium uniuscujusque requiritur, explanatio penè totius operis ejus erat in ambiguo, non minima perscrutatio atque animi ardentis sæpe frigebat intentio, malui semel maximum proferre laborem quàm semper suspectam tolerare difficultatem. Percurri igitur omnia ejusdem monimenta librorum & penè totius scripturæ sacrae testimonia quæ in ejus opusculis ad probationem vel expositionem cujusque rei adhibita diversis in locis continebantur conscripta, adjuvante Christo Iesu, qui ex ore infantium atque lactentium perficit laudem linguasque mutorum vinculo taciturnitatis absolvit, suis coadunata ordinibus studiosus quisque, cùm in eisdem voluminibus cujuslibet sacri testimonii explanationem requirit, ne multiplici lectione fatigatus non citò reperiat quod voluerit, ad ista quæ decerpfi

decerpsi recurrens, repente quod desiderat liberæ satisfactionis discretionem reperiet. Lectorem quippe hujus operis censeo admonendum ut vigili intentione prævideat quoniam pleraque testimoniorum capitula in eisdem voluminibus, ut supra meminimus, diversis in locis sita, ita ut inventa sunt exposita, à me ordinatim collecta fore noscuntur. Alia igitur quæ jam in superioribus aut inferioribus partibus exposuisse visus est, & iterum atque iterum, quamlibet aliis verbis, eodem tamen sensu, diversis in locis recapitulata expositione retexit, præcedentibus testimoniis, ut ordo exponendarum rerum poposcit, aliqua inferenda, reliqua verò relinquenda curavi; quatinus ex præcedentibus subsequencia penderent, & subsequencia præcedentibus sese utilis coaptarent. Nam si cuncta discreto ordine in hujus operis serie ponerentur, procul dubio magnitudo voluminum brevitatis modum excederet, atque sui recapitulatione lectoris animum offendens, facerent nihilominus repetita fastidium. Cujus rei quantitatem in sex codicibus, quatuor scilicet veteris instrumenti, duobus etiam novi testamenti, suis connexis ordinibus, præmissis scripturis quas idem virorum sanctissimus ex ordine tractavit, adjunctis orationibus vestris exple-re curavi. Præfatiunculas quoque ejusdem codicibus consonantes decerpsi, quas etiam in capita librorum præposui, quatenus ipse sibi in suis anteponatur eloquiis qui largiente gratia Christi copiosus nobis multiplicibus extitit officiis. Ipsos etiam codices laboriosa nimium intentione collectos prudentiæ vestræ malui committere contuendos; in quibus si quædam sagacissima vestigatio vestra repererit inordinatè composita, non tam negligentiae culpam quam necessitatis adscribat: quia dum vehiculo parvæ scabulæ quasi immensum pelagus solitarius nauta

* nititur

* non

navigaturus adgredior, cum maximis difficultatibus latissimi æquoris hujus spatia transmeavi, tandemque ad optatam littoris requiem Christo gubernante perveni. En, prudentissime virorum, ut causarum ordines figillatim perstringerem, modum brevitatis excessi, & ut ait quidam doctissimus, dum figuli rota currente urceum facere * niteret, amphoram finxit manus. Ast ego dum brevem pagellam conscribere malui, libellum manus indocta composuit. Obsecro igitur te, virorum sanctissime, & omnes quibus hujus operis lectio * nunc displicuerit, ut hos libellos velut duo minuta in gazophylacia templi Domini collocare dignemini, ac pro meis abluendis delictis pervigili intentione ejus misericordiam deprecare non dedignemini, ut æternis ereptus incendiis, sempiternis solari merear refrigeriis. Vale mi venerabilis ac sanctissime Domine.

Explicit epistola Tagii Episcopi ad Eugenium.

Hic est ordo librorum sancti Gregorii Papæ Romanensis. In expositione Iob edidit libros moralium xxxv. divisos partibus atque codicibus sex.

DIVISIO XXXV. LIBRORVM MORALIVM.


Pars prima, libri quinque. Pars secunda, libri quinque. Pars tertia, libri sex. Pars quarta, libri sex. Pars quinta, libri quinque. Pars sexta, libri octo.

Deinde sequitur in codice MS. epistola sancti Gregorii ad Leandrum Episcopum Hispalensem. Tum sequentia adduntur.

In nomine Dei patris & Domini nostri Iesu Christi & spiritus sancti. Incipit prologus super capitula moralium beati Gregorii Papæ venerabilissimi.

Christi Iesu Gregorius servus ac urbis Romæ Papa venerabilissimus composuit & prætitulavit

multa volumina librorum. Composuit etiam per libros seriem capitulorum. Fecit quoque in verba beati Iob expositionem, sed capitulorum ad eisdem sententias non addidit ordinationem. Igitur Henrici secundi Imperatoris tempore Rainerius Aretinæ Ecclesiæ Canonicus Presbyter per omnes ferè sententias supradictæ expositionis vigilantibus studio & cogitatione capitula supposuit, non propter inanis gloriæ favorem, sed ductus divini amoris zelo & utilitate legentium seu etiam legentes audientium; ut quicquid utile ad tempus in illis sententiis quæreretur, citò & quasi sine labore inveniretur.



TESTAMENTVM

VOLFAVDI COMITIS

Fundatoris abbatiæ sancti Michaëlis ad Mosam in diocesi Virdunensi.

CVM oportet Christianis viam veritatis eligere, pro qua conditori suo possint dignæ miserationis munus offerre, ut oblatio proficiat ad salutem, & devotio pertineat ad mercedem. Ego itaque Volfaudus filius Gislaramni quondam & conjunx mea Adalsinda filia Alberti quondam donatores licet multarum rerum. Cùm sit semper rarum quòd quisquam pro suis admissis facinoribus vel redimenda ultione peccaminum de rebus suis propriis aut ad loca sanctorum Dei aut ipsius servis velit aliquid dare, ut ipse non propria manu det scriptisque commendet. Vnde & bene antiquitus * divitum Principum decreta & legum ita sanxerunt, ut tantummo-

Vide Valsburg fol. 114.

* divorum

Cc ij

do sola manus donatoris in subscriptione certa monstraretur, nec sine gestarum allegatione plenissima voluerit firmitate mancipare, ut hoc quod unusquisque pro arbitrio suo aut mentis suæ condonare voluisset, sollemnis scriptura confirmaret. Sed dum & nos Domini gratia inspirante, ut credimus, sicut omnium fidelium catholicæ Ecclesiæ Christi mos est, quorum deposcit benignitas ut pro animarum salute vel Dei intuitu Domino adjuvante monasterium congregationemque servorum Dei animo devotissimo à novo fundamento in jure proprietatis nostræ in pago Virdunensi in loco qui dicitur Castellionis in fine Vuidiniaca, ubi in ipsa radice montis consurgit fluviolus qui dicitur Marsupia, in honore sancti Michaëlis Archangeli, & sanctæ Mariæ matris Domini nostri Iesu Christi, sancti Martini, & sancti Petri & Pauli Apostolorum, necnon sanctorum martyrum & confessorum, vel ceterorum, ad exemplum beatissimorum etiam & visi fuimus ædificasse; addidit nobis consilius quatinus de communi substantia ad ipsum monasterium vel ipsos servos Dei Domino vacantes consistendum juxta Dei arbitrium conscribere deberemus. quod ita & fecimus. Inprimis itaque donamus portionem unam cognominatam Vuidini villa sitam in pago Virdunense, cum casis, domibus, ædificiis, mancipiis, mansis, pratis, campis, vineis, silvis, cultis & incultis, aquis aquarumve decursibus, cum omnibus adjectentiis vel appendiciis ad se pertinentibus. Similiter donamus super ipsum fluviolum villam unam Marsupia in ipso pago Virdunense, quæ in populo vocatur Godone curte, cum casis, domibus, ædificiis, mancipiis, accolis, mansis, campis, pratis, silvis, cultis & incultis, tam de proprio quam de comparato, vel de quolibet attracto quod ad nos ex jure pertinet, cum omni adjectentia ad se pertinen-

te. Similiter donamus super ipsum fluviolum Marsupia portionem illam quam de Crudelberto pretio comparavimus, cum mansis, campis, pratis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus super ipsum fluviolum Marsupia portionem illam quæ dicitur Avanorum vallis, quam de Gennulfo dato pretio comparavimus, cum mansis, campis, pratis, silvis, & cultis & incultis, aquis aquarumve decursibus, cum omni adjectentia ad se pertinente. Similiter donamus portiones illas in curte illa quæ vocatur Byllata in ipso pago Viridunense super fluvium Mosam quas de Valdradanegone dato pretio comparavimus, cum mancipiis, mansis, campis, casis, pratis, silvis, aquis aquarumve decursibus, cum omni adjectentia ad se pertinente. Similiter donamus portionem illam in loco qui dicitur Mononis villa super fluvium Mosam in pago Viridunense, quam ego & Albertus quondam de Gondouino dato pretio comparavimus, cum mancipiis, casis, mansis, campis, pratis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus portiones illas in loco qui dicitur Calvoncurte in ipso pago Viridunense super fluvium Mosam quas de Adalfo vel heredibus suis sive Erlino vel Fulgonino dato pretio comparavimus, cum mancipiis, terris, mansis, pratis, silvis, cultis & incultis, aquis aquarumve decursibus, cum omni adjectentia ad se pertinente. Similiter donamus in pago Viridunense super fluvium qui vocatur Quala portionem unam ad Castellionem quam de Felice vel herede suo dato pretio comparavimus, cum casis, mancipiis, mansis, campis, pratis, vineis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus super

ipsum fluvium Quulam portionem illam quam de Alberto filio Chramperti quondam dato pretio comparavimus, cum mancipiis, casis, mansis, campis, pratis, pascuis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus ad Baudentro villa portionem illam quam de Chairone vel de conjugē sua Ginnana dato pretio comparavimus, cum mansis, casis, mancipiis, campis, pratis, vineis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus villam unam sitam in pago Virdunense quæ vocatur Buxarias, quam nos de Anstrida Abbatissa quondam dato pretio comparavimus, cum casis, mansis, mancipiis, campis, vineis, pratis, silvis, aquis aquarumve decursibus, cultis & incultis, cum accolis & appendiciis, cum omni adjectentia ad se pertinente. Similiter donamus in ipso pago Virdunense in curte de Gisilo villa portionem illam quam de Druberto & Patfredo & Ermengrudo dato pretio comparavimus, cum mansis, campis, pratis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus in Vico & Masfallo in io ad sal faciendum cum manso, casa, & servo, cum omni adjectentia ad se pertinente. Similiter donamus curtim unam Trunionem nuncupatam sitam in pago Virdunense, cum casis, domibus, ædificiis, mancipiis, mansis, campis, silvis, aquis aquarumve decursibus, cultis & incultis, tam de propriis quàm de comparatis, cum omni adjectentia ad se pertinente. Similiter donamus portionem unam in villa quæ vocatur Beldernaca sitam in pago Virdunense, quam de Alsinda femina dato pretio comparavimus, cum domibus, ædificiis, mancipiis, mansis, campis, pratis, silvis, aquis aquarumve decursibus, cultis & incultis,

cum omni adiectione ad se pertinente. Similiter donamus in Eppone * culte portionem unam quam * curte de ipsa femina Adalsinda dato pretio comparavimus, cum mancipiis, mansis, campis, pratis, silvis, aquis aquarumve decursibus, cultis & incultis, cum omni adiectione ad se pertinente. Similiter donamus portionem nostram in villa quæ dicitur Vlmo, quæ in populo vocatur Coria, sita in pago Virdu-nense super fluvium Mosa, tam de proprio quam de comparato, quam de Gaillano & Gennulfo, Godelinde & Felice heredibus nostris dato pretio comparavimus, cum casis, mancipiis, domibus, ædificiis, mansis, accolis, campis, pratis, vineis, silvis, aquis aquarumque decursibus, cultis & incultis, cum omnibus appendiciis vel adiectionibus suis ad se pertinentibus. Similiter donamus curtim unam Cussiliaco sitam in pago Barrense, cum casis, mancipiis, pratis, silvis, cultis & incultis, aquis aquarumque decursibus, cum omni adiectione ad se pertinente. Ista omnia supra nominata vel conscripta junctis & conjunctis mobilibus & immobilibus utriusque sexus, peculium natior vel omni supellectile quicquid dici aut nominari potest in superscriptis locis ad se pertinentia tam rem inexactam plenissima voluntate istis temporibus tradimus atque transcribimus ad possidendum ut ab hodierno die jure firmissimo absque consortio coherendum nostrorum habendi, tenendi, possidendi habeant ipsi monachi potestatem, ut in Dei nomine inde potiantur in æternum. Et ut voluntas nostra plenior obtineat vigorem & per tempora conservetur, ipsas prædictas res nominatas ex proprio sigillo adfirmamus, ut omnia quæ superius sunt inscripta perpetua * felicitate maneant. Illud nobis * stabilitate in hac voluntate nostra scriptum esse complacuit, te ut nullus iudex nec Pontifex de civitate vel ex ipsa

* socio fisco.

An. 709.

parrochia Virdunense in ipso monasterio nullam potestatem ad quaslibet redibitiones aut requisitiones exigendi habeat potestatem ingrediendi, quia in ipso prædio nostro sumptis & labore ædificavimus. Illud nobis addere convenit, quod fieri non credimus, si aliqua se, carta se, anteriores vel posteriores ad hanc voluntatem meam inculcandam vel minuendam nomenque nostrum fuerint ostensæ, vacuæ & inanes appareant, & nullum in antea sortiantur effectum. Si quis verò, ut ad solet, de heredibus vel proheredibus nostris, quod fieri non credimus, aut quælibet opposita persona vel judiciaria potestas contra hanc donationem nostram, quam ex spontanea voluntate plenissimaque devotione fieri rogavimus, ullo unquam tempore infringere voluerit, primitus Dei occurrat offensionem, & ab omni loco sanctorum cœnobarum vel consortio Christianorum excommunicatus appareat, & insuper velut Iudas traditor Domini nostri & sicut Giezi puer Helisæi, qui munera fraudulenter acceperunt, simili sententia judicetur, & sit anathema maranatha, quod est proditio in adventu Domini, & nec sic voluntas mea à nullo possit convelli, & insuper unâ cum * sociis fisorum auri libras quingentas, argenti pondera octingenta partibus nostris cogatur resolvere, sed hæc cartula donationis nostræ inviolabilis omni tempore maneat, roboratione subnixa. Facta est hæc donatio in ipso monasterio multorum conventu bonorum hominum anno decimoquinto regni Domini nostri Childeberti Regis. Signum Volfaudi, qui istud testamentum donationis fieri rogavit. S. Adalsindæ conjugis suæ, consentiente testamento donationis fieri rogavit. Ego Vvolfaidis Abbatisa. S. Gairebardi Episcopi. S. Vvolfaudi testis. S. Dudini. S. Crudelberti. S. Vulfridi. S. Chramberti. S. Angliberti. S.

Hugonis. S. Flodoeni. S. Disoetii. S. item Chramberti. S. Defasti. S. Attolane. Ego Robertus Presbyter. S. Gromoaldi. S. Quveldi. S. Heuzonis. S. Gondodoeni. Ego Richramnus Presbyter rogatus superscripsi hoc testamentum donationis.

*Item testamentum Volfaudi de villa
Marsupia.*

IN Dei nomine. Bonum pacis placuit qualiter convenit inter apostolicum virum domnum Sigibaudum Episcopum Metensis Ecclesie & inter Vvolfaudum Comitem ut locella eorum inter se commutare deberent. quod ita & fecerunt. Dedit Sigibaudus Episcopus Vvolfaudo Comiti locellum Marsupia nuncupatum in pago Virdunensi, quem Godo & Haerevius pro animarum suarum salute ad Ecclesiam sancti Stephani delegaverunt, hoc est, tam in terris, domibus, ædificiis, silvis, pratis, pascuis, aquis aquarumve decursibus, & mancipia his nominibus, Leubigisus, Feroinus, Adoinus, Fante, Gaerelinde, totum & ad integrum quantumcunque Godo & Haerevius ibidem possederant vel sanctus Stephanus ibidem habere videbatur, ipsi Vvolfaudo donavit ad possidendum. E contra simili modo dedit Volfaudus Sigibaudus Episcopo ad partem sancti Stephani locellum nuncupatum Vineiaco in fine Ausiniaca villa in pago Fugentense super fluvium Mosellæ, hoc est, tam in terris, domibus, ædificiis, silvis, pratis, pascuis, aquis aquarumve decursibus, & mancipia his nominibus, Autaldus, Balsimius, Macionus, Eusebius, Haervinus, Bertridus, Madalhundus, & quantumcunque ibidem de homine nomine Aegino dato pretio comparavit, vel quicquid ad præsens possidere videtur, totum & ad integrum ad partem

An. 708.

sancti Stephani condonavit ; & quicquid inde de utraque parte facere voluerint , liberam & firmissimam in omnibus habuerunt potestatem faciendi. Si quis verò , quod fieri non credimus , quod aut nosmetipsi aut heredes Vvolfaudi aut Adalsindæ aut domni Sigibaudi contra has commutationes agere quicquam voluerit , partem quam acceperit amittat , & insuper auri libras duas , argenti pondera quinque coactus exolvat , & quod repetit nihil valeat evendicare , sed præsens hæc commutatio firma & stabilis permaneat cum stipulatione nixa. Actum novo exsarto villa sancti Stephani. Datum mensis Decembris die vicesimo , anno quartodecimo regni Domni nostri Childeberti Regis.

Anno ab incarnatione Domini millesimo nonagesimo tertio , epacta xx. concurrente v. Indictione i. rescripta est karta ista cum ceteris sub hoc signo titulatis.

Item ejusdem de villa Condato.

Cum oporteat Christianis viam veritatis eligere , proque ea conditori suo dignas gratiarum actiones offerre , ut oblatio proficiat ad salutem & devotio pertineat ad mercedem , ego Vvolfaudus Comes filius Gislaranni quondam , recogitans peccaminum meorum retributionem æternam & pœnas perpetuas , unde nos Dei pietas eripere vel liberare dignetur , dono per hoc testamentum ad monasterium sancti Michaëlis Archangeli , quod ego & conjunx mea Adalsinda à novo fundamento visi fuimus construxisse in loco qui dicitur Castellionis in pago Virdunensi in fine Vindiniaca , ubi multorum sanctorum martyrum & confessorum reliquiæ adorari videntur , quorum basilicæ ibidem sunt constructæ , donatumque esse volo in perpetuum , hoc est , villam meam quæ dicitur Condatum in

pago Barrense super fluvium Callo, quam ego ab Hertellione dato pretio comparavi, hoc est, in mansis, consiniis, domibus, ædificiis, campis, pratis, silvis, vineis, farinariis, appendiciis, cassis, aquis, pascuis, cultis & incultis, cum omnibus adjacentiis ad se pertinentibus, cum mancipiis ibidem commanentibus, vel quantumcunque usque ad diem præsentem visus sum ibi habere, totum & ad integrum dono, sicut superius diximus, donamus per hoc testamentum ad monasterium superius nominatum sancti Michaëlis ad diem præsentem, ut ipsi monachi qui ibi sunt habeant, teneant, possideant liberè & firmissimè, in omnibus habeant potestatem, ut meliùs eos delectet pro nobis misericordiam Domini jugiter exorare. Si verò ego aut aliquis de heredibus meis vel coheredibus vel quælibet opposita persona contra hoc testamentum ire aut fortasse infringere vel corrumpere voluerit, iram Dei omnipotentis incurrat, & ille eum maledicat qui maledixit Sodomam & Gomorram, & ad limina sanctorum extra consortium Christianorum excommunicatus appareat, & insuper solvat auri libras viii. & argenti pondus xv. multam sustineat, & quod repetit evendicare non valeat, & nihilominus præsens testamentum omni tempore firmum & inviolatum permaneat. Et ut firmitus sit, manu nostra subsignavimus, & qui subscriberent vel signarent in præsentem rogavimus. Facta sub die Kal. Ianuarias anno 11. regni Domni nostri Theoderici Regis. Factum testamentum Novavilla. Volfaudus hoc testamentum fieri rogavit. Signum Guntramni. S. Vnderici. S. Vvifridi. S. Abelini. S. Adalsindæ. S. Rogomini. S. Ervidi. S. Agoini. S. Chileramni. S. Gaudoni. S. Vnerini. S. Chroderici. S. Radoini.

An. 716.

*EX EPISTOLA PAVLINI
ad Leonem Patriarcham.*

Sciendum namque est quoniam & ille qui ab Hierosolyma descendens, hoc est, à pacifica contemplatione sanctæ Ecclesiæ recessit, & iste qui à paradisi mœniis eliminatus dicitur, id est, ab ovili Ecclesiæ & consortio fratrum segregatus exiit, & omne membrum quod abscisum de corpore fuerit, hoc est, ab unitate Ecclesiæ separatum, nisi per pœnitentiam & dignam satisfactionem donum gratiæ omnipotentis Dei ascendat Hierosolymam, videlicet ad contemplationem sese pacis suspendat, & ad eum quod reliquerat recurrat ovile, hoc est, caritatis vinculo religatus in gremio suscipiatur Ecclesiæ, & in eo à quo præcisus est corpore inseratur, in unitatem scilicet, & reconciliatus consocietur fratrum, salvus esse posse, quemadmodum & vos satis excellenter sacratius capaciùsque scitis nullo falsitatis quodlibet modo sibi blandiatur fraude deceptus. Væ ergo illis nisi altissima illis pietas benigna succurrat paradigmate, quo & semivivo relicto & erranti perditæque oviculæ & absciso de corpore membro pretioso subvenit misericorditer sanguinis ostro. Dignetur itaque & vestra serenitas super has plagas vulnusque peccati infundere vinum & oleum. Aspera siquidem ac lenia documentorum instillare fomenta necnon fasciis caritatis fracturas infarcire medicinali manu curate; quatenus subvecti patientiæ vestræ jumento, ad stabulum perducantur Ecclesiæ, curamque vestræ exhibitam beatitudinis, ac per hoc assimilatus bono singulariter pastori, erraticam subvehens humeris ovem ad ovile proprium, quippini ad sinum scilicet matris

Ecclesiæ, reportare gaudere, dissociata nempe de corpore membro; imitantes per omnia Paulum Apostolum per unitatem fidei & caritatis concordiam summo ac singulari unire capiti festinate; quatenus reddita per vestram industriam omnibus pace, & illis sicut decet summo tantoque Pontifici honoris debitum & obedientiæ offerant fructus, & ut Dominum timeant & veluti patrem multa impensi amoris dulcedine diligant, & vestra eos benignitas tranquillitas quasi proprios refovens filios perpetua protectione gubernet, vobisque pro dignæ retributionis præmio cœlestia regna æternis arbiter largiri dignetur.

*Epistola Alcuini ad Karolum M. quum ad
eum mitteret libros VII. adversus Felicem
Urgellensem.*

Maximo atque invictissimo triumphatori atque clementissimo regnorum rectori Carolo Regi Francorum & Longobardorum ac Patricio Romanorum humilis levita Alcuinus salutem. Laudabilis bonitas atque incomparabilis jocunditas vestræ excellentiæ fiduciam meæ præstitit parvitati scribendi aliquid de causis ecclesiasticis vel de disciplinis scholasticis. Quod nullatenus agerem, nisi scuto bonæ voluntatis vestræ ab invidorum linguis meæ litterulas obedientiæ protegendas sperarem: quia quorundam solertia laborat magis aliorum in occulto rodere dicta quam sua in publico proferre, quorum scientiam Salomon serpenti in abscondito mordenti comparavit. Vestra verò nulli contemnenda auctoritas nostræ devotioni mandavit contra novas hæreticæ pravitatis inventiones aliquid scribere atque libello respondere quem contra nos


Felix quidam Episcopus vestræ direxit auctoritati ; in quo multa inveniuntur non catholico stilo exarata , sed contra veritatem apostolicæ fidei inaniter desudata. Cui labori vestræ magis pietatis jussione animatus quàm propriæ confusus peritiæ juvamine libenter succubui. Et licet nullus se justè excusare valeat à defensione fidei catholicæ , tamen sanctæ voluntatis vestræ præceptum meæ devotionis stilum hujus operis debitorem maximè effecit. quod totum vestræ excellentissimæ sapientiæ specialiter expectat judicium , utrum ecclesiasticis dignum sit auribus aperire. Nam istum libellum in disputatione quæ in vestra venerandâ præsentia cum Felice ventilata est præsentem habui. Sed quia nec adhuc ante vestram perlectus est sapientiam , nec à vobis , cui

Vide Al-
cuin. pag.
939. 1510.
epist. 15.

maximè sudavit , comprobatus , ratum duxi publicis non efferri auribus. Nunc verò vestra videat auctoritas quid de eo fieri velit. Tantùm deprecor ut nullatenus priùs vel abiciatur vel in publicum proferatur quàm totus inter familiares personas vestræ auctoritatis examini perlegatur. Multis enim in locis minùs ordinata disputatione currere & sæpe antedicta repetere solutasque videtur iterare sententias ; quia in omni loco proponentis quæstionibus necessariò respondendum fuit , ne aliquo adversarius in loco suas jactet propositiones permanere indiscussas , & ego quasi victus non haberem quid responderem. Igitur plurima copioso sed non scholastico sermone sanctorum patrum exempla præfatus disputator colligere studuit , quorum quædam sibi met ipsi valde adversari videntur , quædam nihil suis favere partibus intelleguntur , quædam pravo sensu aliter quàm ab eis posita sunt interpretare nititur. Et his tribus modis sententiarum illius numerositas contextitur. Cui revera multò melius esset perpetuo conticescere silentio quàm malæ præ-

vitatis doctrina nomen suum latiùs innotescere & non necessariis se immiscere quæstionibus. Quid enim prodest Ecclesiæ Dei Christum appellare adoptivum filium vel Deum nuncupativum? Vel quæ aures catholica fide eruditæ hæc nomina libenter audire patiuntur de Domino nostro Iesu Christo omnipotente Deo & vero filio Dei, qui est tertia in sancta trinitate persona & iudex venturus vivorum & mortuorum. Vnam namque substantiam prædicamus in Patre & Filio & Spiritu sancto, & tres personas. Vnam verò personam credimus & duas substantias in Christo Deo Domino nostro, eundemque totum Deum omnipotentem & Dei filium verum & proprium. Quicumque verò hanc fidem nec corde credit nec ore confitetur, nullatenus catholicus credendus est, sed schismaticus. Vestra verò sancta voluntas atque à Deo ordinata potestas catholicam atque apostolicam fidem ubique defendat, ac veluti armis imperium Christianum fortiter dilatare laborat, ita & apostolicæ fidei veritatem defendere, docere, & propagare studeat, ipso auxiliante in cuius potestate sunt omnia regna terrarum, quatenus cum multiplici laboris mercede ad perpetui regni beatitudinem pervenire merearis.

Omnipotens Deus ad exaltationem & defensionem sanctæ suæ Ecclesiæ & ad Christiani imperiî pacem & profectum vestram regalis gloriæ potentiam augere, protegere, & conservare æterna pietate dignetur, Domine desiderantissime atque beatissime.



*Præfatio Alcuini in libros VII. adversus
Felicem, ad Karolum M.*

HOs quinque panes & duos pisciculos simul septenario numero consecratos de apostolicæ fidei pera prolatos vestræ sanctissimæ auctoritati direxi, Domine mi David, ut Dei Christi benedictione multiplicati per vos esurienti populo & in desertis locis habitanti ad satietatem catholicè ministrarentur. In hoc namque opusculo catholicæ fidei veritatem ex sanctorum patrum certissimis probare testimoniis nisus sum, id est, beati Hieronymi, atque sancti Augustini, Gregorii Papæ Romani, Hilarii Pictaviensis Episcopi, Leonis quoque Papæ, & Fulgentii Episcopi, Ambrosii quoque Mediolanensis Episcopi, sed & fortissimi contra Nestorium militis beati Cyrilli, Petri etiam Ravennensis Episcopi, & beati Bedæ Presbyteri, Gregorii quoque Nazanzeni, necnon & Isidori Hispaniensis, & Iuvenci ejusdem provinciæ scholastici. Si ergo me quis reprehendere velit vel meos sensus improbo dente rodere, horum testimoniis sanctorum patrum convictus, veritati succumbere necesse erit; nec errare putandus est qui cum talibus intra catholicæ fidei castra moratur. Origenis quoque quædam vel Cassiani exempla posui, licet in quibusdam locis scripturarum suarum à fide orbitare videantur, tamen ea posui in quibus præscriptis doctoribus consentanea dixisse probantur, sequens exempla beatissimi doctoris Hieronymi, qui multa ex Origene testimonia suis inferere opusculis consuevit, ceterorumque non abhorruit doctorum dicta assumere, licet in quibusdam notentur errare sensibus.

Nam

Nam & beatus Paulus vas electionis & doctor gentium quædam testimonia de paganorum libris proferre probatur, ratum putans aurum è stercore tulisse lavatumque dominicis intulisse thesauris. Cujus exempla sequentes penè omnes sancti doctores, de philosophorum vel poëtarum gentilium libris multa suis inseruere opusculis. EXPLICIT.

EPISTOLA CVIVS DAM:

Quid sit Ceroma.

QVæstiunculam mihi datam à vestra reverentia his diebus attulit familiaris noster Fredilo, in qua requirebatur quid propriè viri non inlecebres intellexerint esse ceroma. Id verbum fertur in auctoribus ingenuarum artium disciplina summopere præditis, necnon & apud nostros, qui palmam Romani eloquii suo seculo meruerunt. Quamvis igitur pueros & imbecilles nos judicent illi qui nervos & medullas ipsumque, ut dicitur, sanguinem ex libris antiquorum eliciunt, sententiarum potiùs altitudinem quàm verborum humilitatem persequentes, nobis tamen competens magis videtur à primis ad secunda conscendere quàm, primis neglectis, temerè ad secunda proripere. Cùm enim virtus eloquentiæ verborum splendore & sententiarum gravitate formetur, verborum decòr primùm est appetendus, tum demum sententiarum robur & lux intima est requirenda. Quamobrem lumen & sensus dilectus verborum semper à studiosis est habendus, ne violata magistrorum regula confusa & inordinata commentia quæ tradit prorumpat. Hæc quidem generaliter prolata inconsultam extraordinariamque præsumptionem confutant. Nunc specialem hujus verbi habeamus considerationem. Et ut evi-

Dd

dentior via se ad hoc astuendum aperiat, altius quiddam cenſeo repetendum. Ludi qui diebus feſtis cauſa religionis ad delectandum populum à juvenibus agebantur, & quorum cauſa ſpectacula vario genere populo permittebantur, aut gymnici aut gladiatorii aut Circenſes aut ſcænici nominabantur; quos tamen ſibi diabolus ſub invocatione deorum immo dæmonum voluit exhiberi à mortalibus, ut ſub obtentu pietatis & religionis miſerorum animas in ſuum jus transfunderet. Ergo principalis ludus, quem gymnicum diximus fuiſſe, velocitatis ac virium gloria conſtabat. Is locus ubi exercebantur, gymnaſium, & hi qui exercebant, athletæ vocabantur. Genera autem gymnici ludi exiſtiſſe traduntur, curſus, ſaltus, jactus, virtus, & luctatio. Sed quia priore tempore cincti athletæ exercebantur, nec nudarentur quouſque quidam remiſſo cingulo proſtratus exanimatusque in ludo apparuit, inde nata dicitur conſuetudo ut deinceps juvenes nudi exercerentur caſtribus in parte celanda corporis ſuccincti. Athletæ autem Græca appellatione à laterum complexu & commiſſione dicuntur, qui comminus decertantes adnixi perſiſtunt, ne alter alterum quocunque caſu falleret aut aſtu impediret, peruncto corpore olei liquamine. exercitatio quæ agebatur propriè ceroma vocatur. Locus autem deſtinatus luctationi palæſtra vocabatur; qui inde trahit etymologiam, vel à luctatione, vel à motu urnæ, id eſt, ſortis, eò quòd ad palæſtram ſortitò digerentur. Eſt ergo ſenſus proverbii: Oleum & impenſas perdit qui mittit boves ad ceroma; quòd ſicut ſtolidum & brutum animal, quamquam robuſtum & vegetum, tamen exquisitæ arti eſt inutilis, quæ non tantum viribus, ſed etiam ſubtilitate & ingenio propter lacertorum complicationem multiformem agitur. Quippe cum ſint eadem

animalia vasti corporis, ac propterea nequaquam scænicis motibus idonea, etiamsi more athletarum eis perfricatio adderetur, ita illi inertes judicantur qui à primis pueritiæ temporibus ludis scholaribus deputati, variarum studia doctrinarum nequaquam in se admittunt, sed inexercitati & invalidi, veluti stolidi & insensata animalia, à profunda & multiplici rerum indagine reiciuntur; de quibus meritò supradictum proverbium cantatur. Et quoniam propriis huic arti cibis ipsi athletæ vescebantur, sicut erant coliphia, unde scilicet & vires augerentur & corporis habilitas industriaque non periclitaretur, ideo subsequitur in eodem proverbio quòd etiam impensæ perdantur quæ indebitè negligentibus & minimè aptis ingeruntur. Nonnulli ceroma intellexerunt esse artificium quoddam juxta morem antiquum pingendi, cui, ne facies & pulchritudo picturæ vetustate temporis aboleretur, ceræ mixtura apponebatur, modico igni huic temperamento adjecto, ut æqua mensura colorum ceræque concordante, nec venustas & gratia coloribus nec ceræ perspicuitas deesset. Hoc genus pingendi etiam à Boëtio viro doctissimo commemoratum adhuc suo tempore viguisse dubium non est. Quadam igitur inflexione nominis adducti sunt qui hoc senserunt esse ceroma, ut verbi gratia sicut homo ab humo, ita ceroma à cera originem ducere existimeretur. Sed hoc non satis prudenter intellectum, etiam ipse sensus manifestat. Quamobrem superior expositio, quæ & securior atque secretior antiquiorque judicatur, vobis credo satisfaciet, nugæque variè commentantium apud vestram prudentiam extinguet. Hoc de parva re sine fraude apud judicium prudens vestrum disposui, carissime virorum; oroque vestram ingenuam prudentiam ut fastidiosorum supercilii declinantes, apud vos contineatis quæ fidelis

animus & amici non frivola caritas transmisit. Ceterum placeat me salva stabilitate amicitiae hoc quod eligeritis, sicut postulo, vestris scriptis edoceatis. Nolo enim nec garrulitatis improbitatem incurrere, nec rursus taciturnitatis nota in his quae efferenda sunt justè damnari.

*Ludovici pii praeceptum pro Ecclesia
Nemaufensi.*

An. 814.

IN nomine Domini Dei & salvatoris nostri Iesu Christi. Ludovicus divina ordinante providentia Imperator Augustus. Cum petitionibus sacerdotum justis & rationabilibus divini cultus amore favemus, superna nos gratia muniri non dubitamus. Idcirco noverit omnium fidelium nostrorum tam praesentium quam & futurorum utilitas quia vir venerabilis Christianus Nemausa civitate Episcopus obtulit obtutibus nostris immunitatem domni & genitoris nostri Karoli bonae memoriae piissimi Augusti, in qua erat insertum qualiter idem genitor noster & praedecessores ejus Reges praedictam sedem, quae est in honore sanctae Mariae semper virginis seu & sancti Baudeli constructa, una cum cellulis duabus, una quae dicitur Tornagus, quae est constructa in honore sancti Stephani protomartyris, & alia quae dicitur Vallis Flaviana, quae est in honore sancti Petri principis Apostolorum constructa, seu & aliis cellulis ibidem aspicientibus, ob amorem Dei tranquillitatemque fratrum semper sub plenissima tuitione & immunitatis defensione habuissent. Propter firmitatem tamen rei nobis postulavit praefatus Episcopus Christianus ut eorundem Regum auctoritates ob amorem Dei & reverentiam ipsius sancti loci confirmaremus auctoritate. Cujus petitioni libenter acquievimus, & ita in

omnibus concessimus, atque per hoc præceptum nostræ auctoritatis confirmamus. Præcipientes ergo iubemus ut nemo fidelium nostrorum vel quilibet ex iudiciaria potestate in Ecclesias aut loca vel agros seu reliquas possessiones, siue eas quas moderno tempore in quibuscumque pagis & territoriis infra ditionem imperii nostri iuste & legaliter prædicta sedes seu cellulas possidet, vel ea quæ deinceps à bonis viris eisdem conlata fuerint Ecclesiis, ad causas audiendas, aut freda vel tributa exigenda, aut mansiones vel paratas faciendas, nec fideiussores tollendos, aut homines ipsius Ecclesiæ tam ingentos quàm servos super terram ipsius commanentes iniuste distringendos, nec ullas redibitiones aut illicitas occasiones requirendas, nostris aut futuris temporibus ingredi audeant vel ea quæ suprà memorata sunt penitus exigere præsumant. Sed liceat memorato Præsuli suisque successoribus res prædictarum Ecclesiarum cum omnibus sibi subjectis sub immunitatis defensione quieto ordine possidere & nobis fideliter deservire atque pro stabilitate nostrà vel totius imperii à Deo nobis collati vel conservandi unà cum clero & populo sibi subjecto liberè Domini misericordiam exorare. Et quicquid exinde fiscus noster sperare poterat, ad integrum concedimus, ut perpetuis temporibus ibidem Deo famulantibus proficiat in augmentum. Et ut hæc auctoritas nostris futurisque temporibus Domino protegente valeat inconculsa manere, manu propria subscripsimus, & anuli nostri impressione signari iussimus.

Signum Ludovici serenissimi Imperatoris.

Helisacar recognovi.

Data 1v. Kal. Decembris anno primo Christo propitio imperii Domni Ludovici serenissimi Augusti, Indictione viii.

Actum Aquisgrani palatio regio in Dei nomine feliciter. Amen.

D d iij

Ejusdem Ludovici præceptum, ut nonas & decimas dent qui beneficia tenent de Abbate sancti Michaëlis ad Mesam.

IN nomine Domini Dei & salvatoris nostri Iesu Christi. Ludovicus divina ordinante providentia Imperator Augustus. Noverit utilitas fidelium nostrorum, Comitum videlicet & vassorum nostrorum, vel quisquis beneficia ex ratione monasterii sancti Michaëlis habere videtur, ubi venerabilis vir Smaragdus præest Abba, quia sicut dominus & genitor noster præcepit, ita & nos præcipimus ut eisdem monasterio annis singulis de eisdem beneficiis nonas & decimas de omnibus pleniter non neglegatis. Proinde præcipimus atque per has litteras omnibus quæcunque ex largitione nostra vel Comitum aut vassorum nostrorum de rebus præfati monasterii beneficia habetis, nonas & decimas annis singulis, ut prædictum est, præfato venerabili Smaragdo suisque successoribus vel missis ejusdem monasterii absque ulla contrarietate & negligentia dare non neglegatis, & ad domos ipsius Ecclesiæ restaurandas, unusquisque pro viribus suis adiutorium ferre non differat. Et nullus qui beneficium de rebus præfati monasterii habet, contra hoc jussionis nostræ præceptum facere præsumat, sed in omnibus ita illud observet sicut à nobis jussum est, vel quemadmodum Dei & nostram gratiam vel ipsum beneficium habere vult. Et ut certiùs credatis, de anulo nostro subter jussimus sigillari. Data III. Idus Iul. anno III. regnante domno Lodouico serenissimo Augusto, indictione XI. Actum Teodonis villa palatio regio in Dei nomine feliciter. Amen.

Lib. I. Capitulum. cap. 21. & seqq.

*Destructio capellæ Masiriaci , quæ structa erat
in injuriam Ecclesiæ Aciaci.*

IN nomine Salvatoris nostri Iesu Christi. Notum Circa an-
maneat omnibus Christianæ fidei cultoribus num 894.
qualiter actum sit de quadam capella injustè con-
structa in loco nuncupato Masiriaco super fluvium
Mattis , quam potestas beati Stephani Mettis civi-
tatis ex villa quæ vocatur Novisartis nuper inratio-
nabiliter & contra legem canonicæ auctoritatis con-
struxerunt , auferre cupientes partem decimæ Aci-
censis Ecclesiæ , quæ jure illi debebatur ex die quo
primùm fundata est. Vvidricus enim quondam Co-
mes depravatus consilio quorundam iniquorum ho-
minum fieri jussit præfatam capellam. Ex cujus in-
dignæ constructionis facto mox proclamatio facta
est. Sicque veniens Ludermus Tullensis Episcopus
ad eundem locum , nolarium ipsius capellæ evertit,
campanas cum vestibus sacerdotalibus secum detu-
lit , ipsam capellam anathematizavit secundum ec-
clesiasticam auctoritatem , omnesque qui ad prædi-
ctum locum deinceps attenderent à liminibus Eccle-
siæ catholicæ repulit. Quam rem Drogo Episcopus
successor ipsius in synodo sancta nihilominus verbis
& excommunicationibus confirmavit. Et tali or-
dine præscripta capella in omni tempore detenta est
& proclamata justè , donec ipsa res ad certum deve-
nit finem in præsentia Gauzlini Tullensis Episcopi
& Adalberonis Mettensis Præsulis. Nam cùm inde
temporibus illorum longa contentio facta fuisset ,
rursus Gauzlinus Episcopus eandem Ecclesiam de-
struxit , domum magis canum quàm sanctarum re-
liquiarum esse destinavit. Quæ contentio tempore
Ottonis Ducis & Rotberti Archiepiscopi ad talem

tandem pervenit finem. In villa Aciaco simul convenientes sæpe fati Episcopi Gauzlinus & Adalbero cum suis ex utraque parte Archidiaconibus & ministris Ecclesiarum, septem Presbyteros venire ex utraque parte fecerunt, ut ex hoc vera dicerent.

* Post

* Quod sacramentum peractum, omnes una voce dixerunt capellam injustè fuisse structam & decimam ab Ecclesia sancti Michaëlis Aciaci villæ ablatam. Sicque iudicio Episcoporum & Archidiaconorum, Presbyterorum, nobilium & ignobilium virorum, Bransinus Presbyter Novisartis reddidit per vadium Gontbaldo Presbytero Ecclesiæ sancti Martini ipsam decimam & Letardo Præposito cœnobii almi Michaëlis; & ipsa capella à fundamentis destructa est, & æternaliter ecclesiastico more damnata ne unquam instauretur, nec decima à præfata Ecclesia auferatur. Hac ergo contentione legaliter finita, decretum est ab Episcopis & ab omnibus qui in eodem fuerunt conventu ut inde scriptum tale factum esset in quo posterius recognoscerent qualiter super hac re factum fuisset. Quod scriptum utrique Episcopi fieri iusserunt. Si quis præscriptam capellam temerarius instaurare voluerit, & scriptum hoc infringere conaverit, excommunicatione perpetualiter damnetur, & bannum ecclesiasticum atque regium persolvat. Signum Episcoporum Gauzlini & Adalberonis. S. Evorini Primicerii, & Archidiaconi Ursionis. S. Gerhardi Primicerii & Archidiaconi. S. Eurardi Archidiaconi. S. Varneri, Barnefridi, Gerengarii, Gifardi. Nomina testium. Vvinigii Presbyteri, Heirredi, Teutgaudi, Erpaldi, Rainheri, Vvilleradi, Guiradi, & ceterorum. Signa nobilium virorum, Hamedei, Haimonis, Rotfredi, Lantberti, Ragembaldi, Sarigisi, Vvidonis, Hugonis, Hunberti, Angelbaldi, Bovonis, Guiardi, Teutmari, Bosonis. Signa ignobi-

lium, Ratmari, Rotberti, Heldufi, Karioli, Girardi, Bertradi, Salaconis, Boblini, Dodonis, Leutmundi, Ibaldi, Brandaldi, Vidonis, item Dodonis, Manegradi, Hadeeri. Actum publicè in atrio sancti Martini Aciacæ villæ XIII. Kal. Augusti, anno VIII. Regum Ludouici atque Ottonis, * Rot- * Ratbodo berto Archiepiscopo, Ottone Duce.

Ludovicus Rex concedit Vncrino monacho sancti Michaelis Fraxinum ad restorationem veteris monasterii.

IN nomine Domini Dei æterni & Salvatoris nostri Iesu Christi. H Ludovicus divina favente clementia Rex. Si petitionibus fidelium nostrorum in his quæ ad utilitatem regni pertinent annuimus, eos procul dubio ad fidelitatis nostræ sublimitatem ferventiores effecimus; & quicquid dignitas nostra ad loca Deo dicata largitur, à summo Regum principe retributio speratur. Noverit igitur omnium sanctæ Dei Ecclesiæ fidelium tam præsentium quàmque & futurorum industria quia venerabilis Tūngrensiū Præsul Stephanus nostram adiit clementiam humiliter innotescendo quòd quidam bonæ devotionis monachus nomine Vncrinus ex monasterio sancti Michaelis, unde præfatus Præsul Abba præesse dinoscitur, quandam cellam vetus monasterium nuncupatam, olim succensam & penitus desertam, facultatis suæ laboratione & manuum operatione restauravit. Pro cuius bonæ voluntatis studio prædictus venerabilis præsul Stephanus nostram expetiit serenitatem ut eidem monacho quandam villam ex rebus sancti Michaelis nomine Fraxinum, in qua habentur mansi viginti quatuor, cum omnibus ad se pertinentibus & decimis, cum omni inte- Anno 904.

gritate concederemus. Cujus petitioni libenter obtemperantes, digno recompensationis munere supranominato monacho ad restorationem loci, & ut geminatum die noctuque celebretur officium, canonici scilicet ordinis & monastici, diebus vitæ suæ præscriptam villam, ut libero in omnibus potiantur arbitrio, concessimus. Post ejus verò decessum, antiquam rerum suarum substantiam fratres inibi Deo militantes usurpent, & præfatam villam, sicut supra statuimus, cunctis temporibus possideant. Hanc autem testamenti paginam transcribi jussimus; per quam decernimus ut nullus successorum nostrorum Regum aut loci illius Abbatum quæ à nobis divini amoris respectu sunt ordinata violare vel auferre præsumat. Et ut veriùs credatur & diligentius observetur, manu propria subter firmavimus, anuloque nostro insigniri jussimus. Data VI. Kalendarum Decembrium die, anno incarnationis Domini DCCCCIIII. Indictione VII. anno autem regni domni Ludouici quinto. Actum Triburias feliciter. Amen.

Karolus simplex Rex Francorum confirmat donationem Ludovici Regis factam Vncrino monacho sancti Michaëlis ad Mosam.

An. 919.

IN nomine sanctæ & individue trinitatis. Karolus divina propitiante clementia Rex. Si petitionibus fidelium nostrorum in his quæ ad utilitatem regni pertinent annuimus, eos procul dubio ad fidelitatis nostræ sublimitatem ferventiores efficimus; & quicquid dignitas nostra ad loca Deo dicata largitur, a summo Regum principe retributio speratur. Noverit igitur omnium sanctæ Dei Ecclesiæ fidelium tam præsentium quàmque & futurorum

industria quia vir nobilissimus Richuinus Comes nostram adiit clementiam humiliter innotescendo quòd quidam bonæ devotionis monachus nomine Vncrinus ex monasterio sancti Michaelis quandam cellam vetus monasterium nuncupatam, olim succensam & penitus desertam, facultatis suæ laboratione & manuum operatione restauravit. Pro cuius bonæ voluntatis studio prædictus Richuinus venerabilis Comes nostram expetiit serenitatem ut eodem monacho quandam villam quam illi quondam Ludouicus Rex per præceptum ad restaurationem præfati loci contulit ex rebus sancti Michaelis nomine Fraxinum, in qua habentur mansi viginti quatuor, cum omnibus ad se pertinentibus & decimis, cum omni integritate concederemus. Cuius petitioni libenter obtemperantes, digno recompensationis munere supranominato monacho ad restaurationem loci, & ut geminatum die noctuque celebretur officium, canonici scilicet ordinis & monastici, diebus vitæ suæ præscriptam villam, ut libero in omnibus potiatur arbitrio, concessimus. Post ejus verò decessum, antiquam rerum suarum substantiam fratres inibi Deo militantes habeant, & præfatam villam, sicut suprà statuimus, cunctis temporibus possideant. Hanc autem testamenti paginam transcribi iussimus; per quam decernimus ut nullus successorum nostrorum Regum aut loci illius Abbatum quæ à nobis divini amoris respectu sunt ordinata violare vel auferre præsumat. Et ut veriùs credatur & diligentius observetur, manu propria subter firmavimus, anuloque nostro insigniri, iussimus. Datum 111. Idus Iunias, Indictione prima, anno 1111. regnante Karolo Rege gloriosissimo, redintegrante quidem 1111. largiore verò hereditate indepta 1111.

Actum monasterio sancti Arnulfi in Dei nomine feliciter. Amen.

*Epistola Leonis VIII. Papæ de privilegiis
abbatiæ Montis majoris.*

Circa an.
964.

Leo Episcopus servus servorum Dei, Maurin-
go religioso Presbytero & monacho atque
Abbati venerabilis monasterii beati Petri Apostolo-
rum Principis, quod situm est territorio Provinciæ
in locoque Montemajore, & per te in eodem ve-
nerabili monasterio successoribus tuis in perpetuum.
Si semper sunt concedenda quæ piis desideriis con-
gruunt, quanto potissimum ea quæ pro divini cul-
tus prærogativa noscuntur, non sunt omnino anne-
ganda, quæ sunt à largitoribus non solum poscenda,
sed vi caritatis procul dubio exigenda. Igitur quia
petiit à nobis tua religiositas quatinus confirmare-
mus vobis & vestro monasterio in honorem videli-
cet beati Petri Apostoli [fundato,] quod situm est
in Monte qui major [dicitur,] pro voto & amore
dilectissimi & carissimi filii nostri Imperatoris cum
summa reverentia nominandi Ottonis & Adalaifæ
carissimæ Imperatricis conjugii ejus filiæ carissimæ
nostræ spirituali, ut privilegium sedis apostolicæ
largiamur, ipso namque monasterio in integro cum
Ecclesiis suis, terris & silvis, fundis & casalibus, cum
servis & ancillis, & monasterium desertum anti-
quumque Horluc cum omnibus adjacentiis vel perti-
nentiis suis, necnon & villa quæ Tunneto cum ser-
vos & ancillas, vineis seu terris, cum omnem da-
tionem & publicam functionem, quæ sita est in co-
mitatu Bedarese, pariter & cellam sancti Honorati
in integro cum omnibus sibi pertinentibus, sitam in
comitatu Aquense, ubi dicitur Rocca fraudosa, &
sunt in comitatu Tolonensi; castrum qui nuncupa-
tur septem furnos cum omnibus appendiciis suis;

id est , villis , salinariis , piscationes , salinas quæ vocant Eras , & omnia ibidem pertinentia , & sunt in comitatu Arelatenſi ; terra ſancti Petri in caſtro Foffis , vallem quæ nominatur ſancti Petri ab ipſis Eccleſiis , in primis ſancti Petri , ſancti Martini , ſancti Iuliani , ſancti Geneſii , ſancti Hermetis ; & in ponte vaſo uno qui Venroſo vocatur ; & in comitatu Avenionenſe , in villa quæ vocatur Caſus , ſunt manſi octo & Eccleſia diſrupta cum ſervis & ancillis ; & in comitatu Regenſi curtem quæ nominatur Criſelgis , cum ſervis & ancillis , ſive etiam & aliis locis quæ à priſcis temporibus in eodem monaſterio à Chriſtianiffimis hominibus conlata fuerunt , vel quæ amodo in antea conceduntur , per hunc noſtrum apoſtolicum privilegium vobis veſtrisque ſucceſſoribus in perpetuum confirmamus ; quatinus ſub iurisdictione ſanctæ noſtræ , cui Deo auctore præſidemus , Eccleſiæ conſtitutum , nullius Eccleſiæ iurisdictioni ſubmittatur , præſtante prænominato monaſterio ſanctæ noſtræ Eccleſiæ pro luminariis ſolidos quatuor. Quod ſi propter longiquitatem itineris aut forſitan inimicorum diſcrimen , aut propter regni diſſidium , ſuperius nominatam penſionem quotannis ſolvere non potueritis , liceat vobis poſt tertium aut quartum annum de præteritis annis omnem ſimul penſionem nobis noſtræque Eccleſiæ perſolvere. Pro qua re piis votis faventis ac noſtra auctoritate id quod à tua religione expoſcitur effectui mancipamus ; & ideo omnem cujuſlibet Eccleſiæ ſacerdotem infra præfati monaſterii ditionem qualibet auctoritate , niſi ab Abbate monaſterii fuerit invitatus , Miſſarum ſollemnitatem celebrare omnino prohibemus , ſtatuentes atque promulgantes apoſtolica auctoritate ſub interminatione futuri iudicii nulli licere noſtrorum ſucceſſorum Pontificum vel aliarum quilibet magnæ parvæque perſonæ , tam Dux , ſive

Marchio, aut Comes, sive tam gastaldus, vel cuiuscunque dignitatis præditus sit homo, hæc quæ à nobis intentione decreta sunt privilegia pia in quocunque convellere, potiùs firma stabilitate inconvulsa manere definimus; atque anathematis vinculo, nisi resipuerit, perpetuis temporibus observanda. Qui vero pio intuitu custos & observator huius nostri privilegii, præcepti, confirmationis paginam in omnibus extiterit, benedictionis gratiam à retributore omnium bonorum Deo consequi mereatur & vitæ æternæ particeps efficiatur. Curæ ergo tuæ sit monasterii fratres quo præses egregiis moribus ac vita inreprehensibili exornare, ut profectò juxta id quod subiectos apostolicis privilegiis maluit inconcussè dotando, desideret potiùs & anhelet inviolabili cœlestis affluentiae munere diurnis disciplinæ precibus decorandos. Sit profectò communis & sincera vita, sit sobria communionis sinceritas; ut quibus mundus est mortuus ac sepultus, per incentiva contentionis vitia minimè suscitetur; quia incassum quis & frustra laborare cognoscitur si superbiæ vitiis auctrici colla summittere sentiatur. Sit excelsa in Deo humilitas, quia per hanc electi arcem cœlestium munerum possederunt. Sit igitur ante oculos mentis & corporis traditionum regula, quam sancti quidam tradiderunt patroni, ut unusquisque prælatus noverit qualiter debeat imperare subiectis; ne dum aspera & non unicuique servari aptissima videntur imponi, atque ad contemptum prorumpant de imperantis indiscretionem subiecti. Sit itaque moderata vivacitas, sit sollicitudinis supereminens in fratribus serenitas; ut dum regulariter omnes qui se Deo integerrimè conferunt per obedientiae lineam bene servientes temporalia, ad gaudia cœlestis patriæ perveniant sempiterna. Et hæc quidem quæ ad sollicitudinem pertinent dixisse sufficiunt. Ante om-

nia verò redemptoris nostri misericordiam cum ingemiscimus, redemptionem nostram expectantes enixius cum singulis gentibus expectamus, ut ea quæ pietas flagitat, fragilitas humanæ conditionis sufficienter atque confidenter de sui auctoris suffragatione adimpleat. Scriptum per manus..... *Cetera desunt.*

Litteræ Vvigfridi Episcopi Viridunensis de Ecclesia Alieri.

N Overit omnium sanctæ Deigenitricis Mariæ Viridunensis Ecclesiæ fidelium clericorum & laicorum tam præsentium quàm futurorum industria quòd ego Vvigfridus præfatæ Ecclesiæ, quamvis indignus, Episcopus, anno nostræ ordinationis VII I. in sancta residens synodo, relatum est ad aures nostras capellam in nostro episcopio juxta Ecclesiam sancti Michaëlis in honore sancti Martini sitam causa necessitatis noviter factam esse, de qua cunctis temporibus ad sancti Syrii Ecclesiam subiecta fuit decima. Sed tamen ille * cui beneficium erat * *cujus* Bertaldus fidelis noster inquit: Faciam eam stare per se. Tunc verò Abbas nomine Oddo, cui prædictæ Ecclesiæ providentia erat commissa, venit Viridunum ad generalem synodum, & talia nobis retulit. Facta autem inquisitione in ipsa sancta synodo, reperimus eam constructam esse temporibus Halevini prælibatæ Ecclesiæ Abbatis & Harcheri, cui beneficium tunc temporis erat. Nos denique plura exempla à sanctis patribus sequentes, hanc nefariam * consuetudinem communi nostrorum clerico- * *constru-* rum & laicorum consensu irritam duximus, & ne *tionem.* In postmodum fieret auctoritate nostri ministerii omnimodis prohibuimus. Iudicio denique nostrorum

Deest unum
nomen.

fideliū & consensu in plena synodo septem fide-
les Presbyteri secundū legem probaverunt potiùs
subjectam esse ad præfatam Ecclesiam quàm ad illud
beneficiū prænotatū; quorum hæc sunt nomina.
Ermenardus, item Ermenardus, Vvinierus, Savi-
lis, Vvagineus, Gonbertus. Post illud videlicet sa-
cramentum, bannum nostrum, ne aliquis deinceps
mutire aliquod præsumeret, indiximus, & omnes
circumsedentes pari voto assensum præbere jussimus.
Et ut hoc remissionis scriptum per succedentia
tempora permaneret stabile & inconvulsum, manu
propria illud firmavimus, manibusque nostrorum
fideliū, clericorum scilicet & laicorum, roboran-
dum esse decrevimus, stipulatione subnixa. Actum
sub die v. Kal. Mar. anno vi. regnante Ottone Re-
ge filio domni Ottonis Imperatoris Augusti. Sig-
num Gotdefridi Comitis & Vicedomini. S. Gi-
vardi. S. Gotberti & Milonis geminorum. S. Ram-
berti. S. Erlebodi. S. Bertoldi. S. Rotberti. S. Fol-
chradi. S. Eremboldi. S. Richarii. S. Sertonis. S.
Rotmari. S. Riculfi. S. Oddonis Abbatis. S. Ade-
lardi Abbatis. S. Halevini Præpositi. S. Davi-
Decani. S. Dudonis Presbyteri. S. Milonis Abb-
tis. S. Berneri Primicerii. S. Hadeboldi Archidia-
coni. S. Amalrici Archidiaconi. S. Richeri Arch-
diaconi. S. Ermunberti Presbyteri.

*Gregorii V. Papæ epistola de privilegio
abbatiæ Montismajoris.*

An. 998.

Gregorius Episcopus servus servorum I
ne pollentibus benivola moderamini pia reli-
poscentium animis alacri devotione succurren-
sensum. Ex hoc enim lucrī potissimum præmi-
cond

conditore omnium Deo promeremur , cū venerabilia loca ordinata ad meliorem fuerint sine dubio statum perducta. Igitur ob hoc universitati pateat credentium quoniam abbatiam in honore sanctæ Dei genitricis semperque virginis Mariæ Dominæ nostræ & sancti Petri in Monte Majoris constitutam per hujus nostræ auctoritatis privilegium integerrimè corroboramus & confirmamus in perpetuo , cum omnibus videlicet Ecclesiis, oraculis , curtibus , massariciis ad ipsam respicientibus quæ ab aliquibus fidelissimis Christianis eidem sancto monasterio concessa sunt , vel quæ etiam per aliqua munimina ad eundem pium locum pertinere videntur , eo scilicet ordine ut monachi ipsius cœnobii simul cum Abbate qui pro tempore fuerint, prætaxatas Ecclesias, oracula , cortes, massaricios, servos, ancillas, aldiones & aldianas, sine alicujus majoris vel minoris personæ contradictione habeant, teneant & possideant, atque in eorum usum ac sumtum prout meliùs præviderint distribuant, nostra apostolica auctoritate concedente. Insuper etiam ex nostro dono nostra apostolica auctoritate in usu & salario præfati venerabilis monasterii in perpetuum concedimus & confirmamus, castrum videlicet in integrum qui vocatur Biduino cum territorio ibidem pertinente & cum omnibus adjacentiis vel pertinentiis suis quæ Ismido per donationis cartulam Domino Deo & sancto Petro sub jure nostræ sanctæ Romanæ Ecclesiæ donavit, ea videlicet ratione ut post diem obitus sui & de tres filiis suis nominativè, Bermundus scilicet, Faraldus, & Lotgerius, totum ipsum castrum nostrum in potestate de monachis ex supra dicti monasterii devenirent, & quamdiu vixerint ipsi suprascripti tres filii suis medietatem de supra dicto castro teneant & possideant. Mortuo verò uno portionem illius ad monasterium

E e

revertat, & ita prosequentibus quando aliis obierint, similiter portionis illorum in sancto monasterio revertatur. Censu verò pro jure sancti Petri, sicut ipse Ismido constituit, infra quinque annos tres libras olibani monachi ad altare sancti Petri persolvant. Hæc omnia supradicta loca cum omnibus eorum pertinentiis per hujus nostri privilegii auctoritatem monachis ipsius monasterii tenenda & possidenda concedimus in perpetuo, ita ut nullus Dux, neque nullus Episcopus, neque Princeps, neque Marchio, neque quælibet magna parvaque persona de præfatis omnibus rebus quæ inibi pertinere videntur audeant molestare vel inquietare, necnon sub divini judicii promulgatione & confirmatione & anathematis interdictione corroborantes decernimus ut nullus Episcopus seu quilibet sacerdotum in eodem venerabili cœnobio pro aliqua ordinatione sive consecratione Presbyterorum vel Diaconorum, Missarumque celebratione, nisi ab Abbate ejusdem loci invitatus fuerit, venire ad agendum præsumat; set liceat monachis ipsius loci cujuscunque voluerint ordinationis gradum suscipere ubicunque voluerint. Abbates namque qui consecrandi erunt de ipsa congregatione cum consilio fratrum communiter eligantur, & ad eum consecrandum quemcunque voluerint Episcopum advocent. Si quis autem temerario ausu, quod fieri non credimus, contra hujus nostræ apostolicæ confirmationis seriem venire aut agere temptaverit, sciat se Domini nostri Apostolorum principis Petri anathematis vinculo innodandum, & cum diabolo & ejus * atrocis pompis atque cum Iuda traditore Domini & Salvatoris nostri Iesu Christi in æternum ignem concremandum simulque in voraginem tartareosque chaos demersum cum impiis deficiendum. Qui verò custos & observator hujus nostri privilegii extiterit, bene-

* sociis.

ditionis gratiam & vitam æternam à Domino consequatur. Scriptum per manum Petri Notarii & scriniarii sanctæ Romanæ Ecclesiæ in mense Aprilis, & Indictione undecima.

*Arnoldi Episcopi Halberstatensis epistola ad
Henricum Episcopum Herbipolensem de in-
stitutione episcopatus Bambergensis.*

HEinricho Episcopo Arnoldus. Diu & multum Circa ann.
quæsitus, Domine mi, patere tandem ali- 1011.
quando jam te inveniri. Nescio quo infortunio
meo, quotiens in ista terrarum venero, quæ lon-
gissima tu peragrabas, & semper dum in altera
ripa fluminis te nuntiatum quæro, jam transisti in
alteram, nequaquam ut saltem litteris te conveniam
opportunitatem dans. Iacent adhuc in scriniis meis
litteræ torpentes jam dudum tibi directæ, quas le-
gatus meus postridie regressus, te non invento,
frustra se accepisse testatus est. Haberem tamen, si
auderem, plurima tibi suggerere & de ista commo-
tione rerum tuarum, qua te ultra quàm credi posset
perturbatum sentio, ac de nostra etiam, quos tibi,
infirmas res nostras Deo donante miseratus, in pa-
trocinium vindicasti, defensione. Te autem salvo,
res nostræ in portu navigabunt. Quocirca dimissis
interim nostris, rebus tuis, quod modò magis pre-
mit, si aliquo modò mederi possit invigilandum est.
Adjutorium nostrum à Domino, qui fecit cælum &
terram. Quid est hoc, Domine mi, quòd tanto te
mœrore afficis? Quid contigit tibi unde torquere
te habeas? Etiam si periculi aliquid foret, esset tamen
ferendum; quia levius fit patientia quicquid corri-
gere est nefas. Istud verò unde nunc te affligis, si
diligentiùs intueri vis, Deo propitio unde jure gau-

Ee ij

revertat, & ita prosequentibus quando aliis obierint, similiter portionis illorum in sancto monasterio revertatur. Censu verò pro jure sancti Petri, sicut ipse Ismido constituit, infra quinque annos tres libras olibani monachi ad altare sancti Petri persolvant. Hæc omnia supradicta loca cum omnibus eorum pertinentiis per hujus nostri privilegii auctoritatem monachis ipsius monasterii tenenda & possidenda concedimus in perpetuo, ita ut nullus Dux, neque nullus Episcopus, neque Princeps, neque Marchio, neque quælibet magna parvaque persona de præfatis omnibus rebus quæ inibi pertinere videntur audeant molestare vel inquietare, necnon sub divini judicii promulgatione & confirmatione & anathematis interdictione corroborantes decernimus ut nullus Episcopus seu quilibet sacerdotum in eodem venerabili cœnobio pro aliqua ordinatione sive consecratione Presbyterorum vel Diaconorum, Missarumque celebratione, nisi ab Abbate ejusdem loci invitatus fuerit, venire ad agendum præsumat; set liceat monachis ipsius loci cujuscunque voluerint ordinationis gradum suscipere ubicunque voluerint. Abbates namque qui consecrandi erunt de ipsa congregatione cum consilio fratrum communiter eligantur, & ad eum consecrandum quemcunque voluerint Episcopum advocent. Si quis autem temerario ausu, quod fieri non credimus, contra hujus nostræ apostolicæ confirmationis seriem venire aut agere temptaverit, sciat se Domini nostri Apostolorum principis Petri anathematis vinculo innodandum, & cum diabolo & ejus * atrocis pompis atque cum Iuda traditore Domini & Salvatoris nostri Iesu Christi in æternum ignem concremandum simulque in voraginem tartareosque chaos demersum cum impiis deficiendum. Qui verò custos & observator hujus nostri privilegii extiterit, bene-

* sociis.

ditionis gratiam & vitam æternam à Domino consequatur. Scriptum per manum Petri Notarii & scriniarii sanctæ Romanæ Ecclesiæ in mense Aprilis, & Indictione undecima.

*Arnoldi Episcopi Halberstatensis epistola ad
Henricum Episcopum Herbipolensem de in-
stitutione episcopatus Bambergensis.*

HEinricho Episcopo Arnoldus. Diu & multum Circa ann.
quæsitus, Domine mi, patere tandem ali- 1011.
quando jam te inveniri. Nescio quo infortunio
meo, quotiens in ista terrarum venero, quæ lon-
gissima tu peragrabas, & semper dum in altera
ripa fluminis te nuntiatum quæro, jam transisti in
alteram, nequaquam ut saltem litteris te conveniam
opportunitatem dans. Iacent adhuc in scriniis meis
litteræ torpentes jam dudum tibi directæ, quas le-
gatus meus postridie regressus, te non invento,
frustra se accepisse testatus est. Haberem tamen, si
auderem, plurima tibi suggerere & de ista commo-
tione rerum tuarum, qua te ultrà quàm credi posset
perturbatum sentio, ac de nostra etiam, quos tibi,
infirmas res nostras Deo donante miseratus, in pa-
trocinium vindicasti, defensione. Te autem salvo,
res nostræ in portu navigabunt. Quocirca dimissis
interim nostris, rebus tuis, quod modò magis pre-
mit, si aliquo modo mederi possit invigilandum est.
Adjutorium nostrum à Domino, qui fecit cælum &
terram. Quid est hoc, Domine mi, quòd tanto te
mœrore afficis? Quid contigit tibi unde torquere
te habeas? Etiam si periculi aliquid foret, esset tamen
ferendum; quia levius fit patientia quicquid corri-
gere est nefas. Istud verò unde nunc te affligis, si
diligentiùs intueri vis, Deo propitio unde jure gau-
Ee ij

deas non dehabebis. Tu autem, quasi aliquid insuperabile tibi evenerit, rem tuam tam enerviter tractas. In conventum fratrum tuorum venire recusas, cum quibus incommoda tua evincere debueras fugis, magnam tibi invidiam conflas; conspectum Regis, quasi aliquid in se commiseris, devitas. Quid est hoc quod tibi importas? Vbi est sapientia illa quam in te dudum satis acutè vigilasse conspeximus? Ista quæ tu facis, non videntur esse vigilantis, sed gravi quodam sopore depressi, non clarè videntis, sed durè lippientis. Expergiscere, Domine mi, aliquantulum, & capelle te ipsum. Nescio quibus fascinantibus extra te ductus es. Enitere quoad possis ut ad te ipsum revertaris. Loquitur vox divina: *Surge qui dormis, & exurge à mortuis, & inluminabit tibi Christus.* Tu primus aut inter primos, etiam antequam Rex fieret, dominum illum tibi præelegisti. Tu postea quantum poteras, sicut magnificè poteras, ut Rex fieret institisti. Proinde tanta in invicem suavitate conjuncti, tanta caritate devincti, te nemo in liberaliter serviendo sibi devotior, se nemo in amicabiliter accipiendo paratior, prorsus glutine quodam & vinculo amicitiae quasi inseparabiliter colligati fuistis. Postremo ubicunque vel quodocunque aut necessitas postulabat aut jucunditas, etiam in vitæ periculo fideliter sibi suffragando non deeras. Cùm hæc beneficia omnia in illum prærogaris, & ex his penes se magnam tibi gratiam, amicitiam, caritatem jure conflaveris, quid est hoc quod modò tibi imponis? Cur cùm bona promeruisti, malis te remunerari permittis? Difficile est reum esse majestatis. Nec litteris, ut audio, nec legatis, parcendo, promittendo, supplicando, te ad se accersire potest. Quomodo potes in regno ejus habere pontificium si ad se venire refragaris? Quid dicturi sunt iudices cùm

in iudicio talia ventilabuntur? Vide ne serò pejus fiat quod priùs melius fieri potuit, & ne rigor iste, non fortitudo, sed duritia magis habenda sit. Aliud est autem durum esse, aliud fortem. Durus nec in bonam partem flectitur. Cur ex grato ingratum, ex amico inimicum, ex humanissimò tibi inliberalem facis? Quicquid tibi libuerat, prout pluribus visum est, apud illum obtinere potueras. Nonne tanta tibi potestas in his regionibus ab eo concessa est ut ad nutum tuum omnia pareant? Cui nos aut ceteros qui de te præsumunt defendendos relinquis? Sit animus fortis, sed usque ad temperantiam. Quod modum supergrèditur immoderatum, immoderatum intemperans, intemperantia vitium est. Ampliùs non progredior. Si non pro te, saltem pro ovibus tuis tibi timendum est. De periculo enim agitur rei publicæ tuæ. Si ita ut cœpisti perstabis, evenire potest in tantum eam vexari vel etiam diripi ut aut nunquam aut serò reparetur. Quapropter recordare, Domine mi, Ecclesiæ sanctæ cui præsides, recordare omnium qui tibi libenter serviunt. Loquere cum illis qui tibi non aliter ac sibi consultum volunt, cum Domino meo venerabili Archiepiscopo Vv.* spirituali tuo & patre & fratre, cum Domino H.* fratre tuo uterino, item venerabili Archiepiscopo, cum Domino B.* Vvangionum Episcopo, aliisque fidelibus & amicis tuis. Consilium quod tibi dent non repudies. Quod enim de te agitur, illorum pariter est tecum. Si istorum consilio fortè delinques, illis imputabitur. Habuit quoque fortunâ sæpe regressum. Quod modò imminet tibi, in proximo fortassis continget & alteri. Ideo non nimis formidandum est ut modò tibi imponant quod ipsi paulò post ferre refragentur. Sanè plurimis fidelibus tuis in conventu fratrum tuorum, ubi ordinatio facta est, te in audientiam venire nol,

*Vviligiso

*Heriberto.

*Burchardo.

le displicuit , opinantibus , si omnino infirmare velles , te præsente magis infirmari potuisse. Sed quia te donante , quoquo modo dederis , parochia data est , & multis religiosis ac venerabilibus viris comprobantibus ordinatio facta est , quodque tantis auctoribus roboratum ac ratum factum est , difficile annullari & irritum fieri valeret , cedat quæso sanctitas tua illorum sanctitati qui huic ordinationi consentientes subscripserunt ; roboretur ex te uno quod jam multorum religiosorum confirmavit collectio ; conscribe cum aliis coëpiscopis & confratribus tuis ; ne fiat intra sanctæ Ecclesiæ parietes divisio scismatis , sed potius in omnibus regnet unitas caritatis. Sentio jamdudum te mihi contrariare velle & injustæ suasionis notare elogio hujusmodi verbis. Sanctis & justis nimis injustum videri terreni imperii potentiam magis formidare quàm divinam , dilectione temporalis suavitatis provocare in se iram absque fine punientis. Sedem quoque episcopalem cui sedes , quam reperisti amplis honoribus auctam , per longa terrarum spatia dilatam , non esse fas tuo arbitrio vel exhonoriari vel artari. te nolle subire supplicium causa perditionis rerum ecclesiasticarum. Absit à me ut , nisi desipiam , hujusmodi tibi persuadeam ; magis , si ullo modo sciam , in hæc ipsa te ducere velim. Procedat Apostolus ; loquatur pro me ille vas dilectionis , doctor gentium. Ecce doctor noster. Non enim ex Iudæis sed ex gentibus nos. Quid ait Apostolus ? *Omnis anima , inquit , potestatibus sublimioribus subdita sit. Non est enim potestas nisi à Deo. Quæ autem sunt , à Deo ordinata sunt. Itaque qui resistit potestati , Dei ordinationi resistit. Qui autem resistunt , ipsi sibi damnationem adquirunt.* Ecce quid horror , ecce in quæ duco ; immo non ego , sed Apostolus ; immo non ille , sed per illum Deus ; ut Dei ordi-

nationi non * resistis, nec ipse tibi dominationem * resistas assumas. Fortassis hoc est dominationem sibi assumere, ea quæ à sublimioribus junguntur superferre. Sed quia dum tecum eras, nimis acutum te & clarè videntem noveram, opinor hoc quod in canonibus legitur, honesta præcipienti obediendum esse, vivæ adhuc memoriæ recondaris, & hoc mihi superinducas, ideo te præcipienti nolle adquiescere quia inhonestum videatur Ecclesiam tuam diocesi sua privare. Sanctis patribus prædecessoribus vestris, ut audivimus, non inhonestum, sed valde honestum & utile visum est in locis sibi commissis, postquam in tantum crevit Ecclesia ut ipsi eam circumire & observare non valerent, alios sibi substituere sacerdotes & ex uno episcopatu duos aut tres facere; ut quod unus minùs posset, à duobus aut tribus cumulatiùs suppleretur. Sed jam errorum plena sunt omnia. Illi totam operam suam pro animabus lucrandis insumebant; nos quomodo corpora foveamus præcipuè satagimus. Illi pro cælo, nos pro terra disceptamus. Non esset tamen necesse. Terra nobis satis erit. De cælo videamus si velimus. In his omnibus temporale lucrum, quod homines magis tuerentur, & in quo famæ tuæ detrahi formidas, non imminuetur tibi. Multò enim potentiora, ut audio, atque utiliora jam reddidit, atque etiam redderet, & adhuc forsitan reddet, si tantùm in audientiam venies, & secundùm quod tui confortes tibi consulent ages. Liceat mihi pace tua hoc quod super eadem re mecum ipse fermocinatus es tibi in aurem susurrare. Nonne recordaris quòd in priore anno ad eundem locum B. * nobis equi- * Bamberg tantibus, me advocato ad te, hujuscemodi sermonem, quasi præscires, habere cœpisti. Si Rex ibi facere vellet episcopatum, facilè illum Ecclesiæ tuæ quod tibi utilius esset posse tribuere, te parvum in-

E e iiij

de fructum habere , totam illam terram penè silvam esse , Sclavos ibi habitare , te in illa longinqua vel nunquam vel ratò venisse. Nonne hæc in hunc modum dicta esse recolis ? Cur modò difficile videtur quod tunc facile visum est ? Ecce jam , ut confido , cognoscere potes me tibi injusta non suggerere nec hortari ut plus Regem timeas quàm Deum , sed ut illum propter hunc & diligas & formides , honestaque non præcipienti sed supplicanti ac retribuere volenti concedas ; leviusque tibi erit partito in alium onere , faciliùs quoque de paucioribus animabus procurandis rationem Deo reddere poteris. Quòd si adhuc cedere non vis , & quia legitur Deum regnare facere hypocritam propter perversitatem populi , resistendum putas , nisi aliquo argumento subruatur , dicam inde quod sentio. Apostolus , organum Christi inflatum à spiritu sancto , fallere nequaquam potest. Quicquid sonat , verum est , sed intelligentiam quærit. Quotiens exigente malitia nostra à potestate nequam premimur , quicquid nobis ab ea præcipitur quod à fide non abhorreat & religioni catholicæ non adversetur , videtur mihi esse faciendum. Dura , difficilia , molesta grassentur in nobis , parendum est. Quæ enim sunt , à Deo ordinata sunt. Ibi culpanda est pravitas nostra , non ferientis justitia. Non enim nisi perversitate nostra regnaret hypocrita. Si quando verò hujusmodi aliquid à potestate illa nobis injungatur quod vel religionem vulneret vel ad peccatum vergat , liberè resistendum censeo. quamvis hoc non propriè , sed abusivè , dicatur resistere , errata declinare , & recto itineris gressu justitiæ cursum peragere. Errata enim non recto ductu occurrunt , sed ex transverso & devio venientia , à recto tramite depellere volunt. Quippe errata non essent nisi à recto calle deviarent. Vnde & in operibus justitiæ præ-

cipimur neque ad dexteram neque ad sinistram de-
 clinare. Hoc ita descripto, in his quæ à Rege po-
 stulantur nihil invenies, ut ego cognoscam, quod
 religionem lædat vel ad delictum inducat, verùm
 omnia divini cultus pietatem tueantur. Hoc &
 ipse in synodo miserabili attamen luculenta ora-
 tione perstrinxit, quia si se Deus privaret fructu
 ventris sui & humana prole exheredaret, se Deum,
 si dignaretur, libenter sibi heredem facturum; &
 ad hoc nimis humiliter omnium præsentium suf-
 fragia poscit. Si interfueris, ut propitium te sen-
 tio, procul dubio misereris. Igitur mitescat, oro
 te, animus tuus; laxa sinum pietatis tuæ, parce
 tibi, miserere tuorum. Quod hypocritæ Regi fa-
 cere debueras, fac huic religionem astruente. Ho-
 nestà postulat, eadem satis & super retribuere pa-
 rat. Si quid Ecclesiæ tuæ corporalis spatii subtra-
 hitur, hoc idem spiritali ædificatione suppletur;
 multoque honoratior erit fœcunda in filia quam
 omnino absque liberis sterilis remaneret & infœ-
 cunda. Aufer rubiginem à corde, hilarem te ad
 hæc omnia deinceps ostende. Non veniet serò
 quem Deus adjuvare vult. Vnde modò tristaris,
 decursa ista tentatione Deo propitio multum in-
 delætaberis. Tentatio est vita humana super terram.
 Non est homo qui non bibat de calice isto. Con-
 vertat Deus luctum tuum in gaudium. Nimis an-
 gustor quòd tam dudum est quòd te nec audieram
 nec videram. Ideo vellem aliquid audire tuorum,
 sive per litteras, sive per vivam vocem. Sed sit
 arbitrato tuo. Satis operosus es, non audeo magis
 te defatigare.



*Epistola Vvalonis ad Vvidonem
Episcopum.*

Domino venerabili Vvidoni gratia Dei Episcopo Vvalo peccator, orationem, servitium. Quamvis medicus ipse non sim, novi tamen duo esse officia medicinæ, unum quo ægritudo curatur, alterum verò quo sanitas conservatur: quæ licet ex unius artis fonte oriantur & profluant, aliud tamen esse videtur appetere sanitatem, aliud ipsius sanitatis inconcussam assequi firmitatem. Illud primum temporalibus rebus, ultimum autem solis æternis innititur. In altero ergo mortalis infirmitas exercetur, ab altero verò omnis mortalitas absorbetur. Alterum nobis præbet sanctæ conversationis exemplum, alterum præstat interius incrementum. Quia enim inutilia temporalia ab amore nos æternitatis abruperant, congruum omnino iustitiæque conveniens fuit nos per utilia temporalia ad statum pristinum revocari. Venit igitur medicus ille cælestis qui ex divina virtute & infirmitate humana salutiferam nobis commiscuit potionem, cujus haustu omnium eam bibentium præcordia sanarentur. Habet quidem illud poculum divinum in se ut omnibus prosit, sed non opitulatur nisi bibatur. Bibere autem imitari est. Quisquis igitur illud antidotum amando & imitando ad inferiora transfuderit, profectò nullius impetus morbi saluti ejus poterit oblucri; quia inde super se humana est infirmitas roborata, unde sub se divina est firmitas infirmata. Quia ergo tu mirabiliter medicinæ hujus peritia, usu, officioque præpolles, volui nuper tuam adire præsentiam, multa tecum de artis hujus eminentia ejusque professoribus tractaturus. Et ego

quidem non dubito ipsam artem semper inreprehensibilem fore, semper inviolabilem, semper invictam. At cum ad professores illius mentis aciem oculosque detorqueo, tanta mihi in eis apparet absurditas ut indignum putem atque nefarium eorum manibus tanta medicamina bajulari. Denique nostris modò temporibus eorum pervicaci temeritate, non solum in dilacerationem Ecclesiæ, sed etiam in ipsius artis, quod dictu nefas est, contemptum & injuriam undique profilitur. Quis enim parvulorum hæc jurgia fraterna conspiciens, non in ipsa fide titubet & medicinalis militiæ certamina reformidet? Quid vero potest esse miserius quàm cum ipsa medicina, quæ à modo nomen accepit, excedendo modum nimiumque sequendo quò morbi duxerint, manus vertitur in perniciem, & cujus officium erat mortem repellere, sit ipsa materia moriendi? Hæc, proh dolor, nunc fieri cernimus, & dolemus. At magnos animos non ista concutiunt scientes oportere scismata & hæreses exoriri, ut partium adversarum conflictibus perfectorum sit fides & vita probatior. Sicut enim lumen tenebrarum comparatione fit gratius, sic nimirum discussa atque convicta amaritudine hæreticæ pravitatis fit dulcior inventio veritatis. Veruntamen omni studio & ingenti cura est providendum ne in populo Dei hujusmodi scandala oriantur, aut si exorta fuerint, summa cum festinatione & solleri diligentia comprimantur. Omnia ergo cum caritate facienda sunt, & modestè defendenda est veritas, verbisque mitibus sunt monstra placanda: quia & Orpheus canendo ab inferis reduxit uxorem, & Arion ut marinos fluctus evaderet, fidibus Delphini terga promeruit, nosterque David refugam spiritum à Saul cohibuit modulando. Non ideo certè ista referimus quasi principibus liceat

contra Ecclesiam superbire, cum Isaias proclamet non eos debere illudere, ne fortè eorum vincula constringantur, & Hieremias arguat optimates & nobiles fregisse jugum & objecisse vincula disciplinæ. Noverint igitur principes nullis majorem necessitatem impositam studendi probis moribus quàm his qui præcellunt honoribus; quorum scilicet officium est terrori esse malis, ut corrigant, & bonis exemplo, ne corruant. Vnde obsecro ne desinas ammonere nostrum egregium Principem ut habeat pacem ad Deum, & omnes turbulentias quibus ejus temporibus conquassatur Ecclesia, correctione morum studeat consopire. Nam sicut eminentium virorum est vitium omne conspectius, multi de illo multa referunt quibus vel ipse pollui possit auditus. Sed absit à nobis de tanto viro tam nefaria credere, & eum vilissimorum spirituum captare præsidia quem in arce regni divina misericordia collocavit. Et ipse quidem me nuper equo Seiano & auro Tolosano donaverat; sed ex cacofeciis vultus ejus facilè deprehendi quantum me periculum sequeretur, si sub illo vel cum illo diutius oberrarem. Nam in quodam colloquio subito miris modis expalluit; & nescio quid barbarum fremens, eo me vultu exterruit quo quondam Marius percussorem. Multa tecum familiaris, quæ modò dicenda non sunt, conferre volueram, certissimè sciens de pectore tuo quasi de quodam divino aditu me responsa fidei congrua relaturum. At ille veredarius quem præmiseram apud Sigebergense cœnobium mihi anhelus occurrit, asserens te longè ab Ecclesia tua ultraque Danubium palatinis negotiis occupatum. Ingemui, fateor, & dolui vehementer non me tuis aspectibus tuisque complexibus tuisque alloquiis perfrui potuisse. Scribe ergo quid velis me facere, quidve tu agas, reddas me quæso tuis litteris certiores. Vale.

*Charta Landulphi Episcopi Ecclesiae
Taurinensis.*

DVm in Dei Christi nomine Landulphus Taurinensis Ecclesiae venerabilis Episcopus in sede Circa an. 1030.
sui episcopatus resideret, & de statu suae Ecclesiae, quo pacto, quibus modis, de tot periculis seu invasionibus sancti Iohannis Ecclesia liberari posset, cogitare coepit. Hac itaque sancta atque anxia trepidatione sollicitus, Ingeriaco oppido caput Iohannis praecursoris Domini repertum audiens, dignum & maximum esse duxit, si contra persecutorum molimina ejus quaereret oracula cujus nominis honore sancta viget Ecclesia. Denique suorum clericorum seu laicorum fidelium consilio, Dei sanctique Iohannis fultus praesidio, eo pervenit ubi tanti patris caput conditum esse audivit. Dum ibi diutissime de tranquillo suae diocesis quaereret, largique lacrymarum fletus ad Dominum funderentur, partem capitis dignissimi praecursoris Domini apud Vvilelmum Comitem & Irlonem Santonensem Episcopum necnon & Abbatem * Rainaldum, qui * Arnol- dum.
tunc temporis loci illius praerat, vigili petitione praefatus Pontifex impetravit: quam alacri corde suscipiens in omnibus consultus Pontifex, tanto senatori debere aliquid intellexit. Concessit igitur Vide Ca- talogum Sanctorum Italiae pag. 542.
prout potuit de suo eidem monasterio Ecclesiam sancti Secundi in territorio urbis Taurini, cum omnibus pertinentiis & appendiciis suis; eo tamen ordine ut omni tempore die noctuque Missae matutinae omnesque horae pro statu loci, secundum quod potuerint, ibi solvantur pro anima praetaxati Episcopi Landulphi ejusque parentum, pro animabus etiam omnium fidelium tam vivorum quam

defunctorum. Sit tamen licitum ipsi Abbati de prædictis rebus Ecclesiæ sancti Secundi in ædificandis rectis & ad construenda quæque ædificia, seu etiam & ad concinnanda luminaria, & in quocumque loco ipsi Ecclesiæ utile esse videtur quicquid voluerit facere sine omni sua contradictione sive successorum suorum; ea tamen ratione ut omni tempore sit in potestate Taurinensis Episcopi qui tunc eo tempore fuerit emendandi & corrigendi quicquid inhonestum & inordinatum visum fuerit. Si quis igitur Marchio sive Comes, magna parvaque persona contra hoc nostrum decretum ire tentaverit, aut aliquam contradictionem facere præsumperit, sit anathematis nigra voragine merfus. Et ne quis fidelis auditor hujus decreti dubitet hoc nostræ jussionis esse paratum, manu propria subscribere curavimus. Landulphus indignè vocatus Episcopus huic decreto à se facto subscripsit. Ego Adam Notarius hoc decretum scripsi & subscripsi.



Narratio de electione Abbatis Soricinenfis.

Ann. 1071. **Q**uanta sit omnipotentis Domini clementia, & quam multæ miserationes ejus lætificantes corda sperantium in eo, nulla sufficiet vel mens percipere, vel lingua eloqui: qui ubique præsens, ubique memor Ecclesiæ suæ, quam sibi salutari sanguine adquisivit, clamantium ad se preces non aspernatur, sed a præparato habitaculo suo respiciens super timentes eum, in necessitatibus confultat, in angustiis eis auxiliatur. Vnde etiam Soricensi Ecclesiæ dextram adjutorii sui porrigere dignatus est. Quæ cum patris esset orbata regimine, & quasi mariti solatio mulier destituta, per decem

ferè annos vidua permaneret, complacuit fratribus loci, monachis videlicet ejusdem cœnobii, ut fufis ad Deum orationibus precarentur quatinus ipse, qui verus fidelium consolator est, talem illis permetteret Abbatem eligere qui eos secundum regularia præcepta ad viam veritatis sciret erudire. Invenere igitur, divino disponente consilio, fratrem quendam nomine Raimundum, virum bonæ conversationis, atque monachilis ordinis amatorem; qui & morum probitate & utriusque doctrina legis honestissimè pollebat. Quod cum indicassent domno Froterio venerabili Nemausensi Episcopo, qui multum eandem diligebat Ecclesiam præ magnitudine sanctarum reliquiarum quas procul dubio ibidem noverat esse, qui etiam consilio & opere plurima sæpe beneficia supradictæ contulit Ecclesiæ, respondit idem sibi multum placere, quoniam frater ille quem sibi pastorem cupiebant & regulariter commisso sibi gregi præesse sciret & esurientibus filiorum animabus pabulum sacræ prædicationis exhibere. Electus est ergo superscriptus iste frater Raimundus, & consecratus in Abbatem in civitate Tolosa in basilica sanctæ Dei genitricis & virginis Mariæ, consilio domni Alexandri Papæ atque Hugonis Blanc Romanæ sedis Cardinalis, consensu etiam & voluntate domni Durandi Tolosæ civitatis antistitis, qui divina gratia commotus dedit & concessit & laudavit & confirmavit Domino Deo & beatæ Mariæ monasterii Soricinenfis & Abbati Soricinenfi, Raimundo scilicet prænominato, & monachis ipsius loci præsentibus & futuris, omnes Ecclesias & possessiones Ecclesiarum quas milites & laici Tolosanae diocesis sive nostræ potestatis quocunque modo tenent vel acquisierunt ab Abbate vel à monachis monasterii Soricinenfis aut abstulerunt, ut recuperent eas

Abbas & monachi quocunque modo potuerint, & recuperatas teneant, & possideant omni tempore cum omnibus prorsus pertinentiis suis, & regant ad honorem Dei & beatæ Mariæ & Ecclesiæ sancti Stephani. S. Froterius Nemaufensis Ecclesiæ Pontifex. S. domni Raimundi Abbatis sancti Papuli. S. Isarni Præpositi sancti Saturnini. S. Isarni Garmalberti. S. Vgonis Escafredi. S. Isarni Guilaberti. Anno ab Incarnatione Domini M L X X I. XVIII. Kal. Septembris, regnante Philippo Rege Francorum. Ato Raimundus hanc cartam scripsit.

*Litteræ Pibonis Episcopi Tullensis de cella
Asmantia.*

QVoniam de incertis certa requirenda sunt, utile & necessarium est posteris ea litteris commendare. Ego igitur Pibo Tullensis Episcopus notum facio meis successoribus quoniam inter Sophiam Comitissam & hodiernam sanctæ Clodesindis Abbatissam controversia diù fuerat ne capella sub Asmantia sacraretur, ideo quòd in territorio domni Martini constructa erat. Sophia autem multotiens nos adiit, ut consilium nostrum in hoc poneremus. Denique convocato Hermanno Metensi Episcopo, consilio & auxilio ejus apud Abbatissam obtinuimus ut si censuales redditus quos habebat Comitissa Sophia apud Layez ei tribueret, & Aremfridum, Badinum, & Lampizonem cum quartariis & foresta de Eingiviler ei benignè concederet laude sua & capituli sanctæ Glodesindis capella sacraretur. Huic consilio interfuit Abbas sancti Mansueti Albricus, Evrardus sancti Apri, Hugo noster Primicerius. Post hæc, presente Hermanno

manno Metensi Episcopo & Abbatiſſa Hodierna donum cellæ, donum capellæ caſtri in manu Abbatis ſancti Michaelis Sophia Comitiffa poſuit cum decimis arengalium & ſtirpalium & indominicatum & decimas omnium quæ acquirere poſſet ex proprio ære. Cartam itaque fieri ſibi expetiit de libertate cellæ, quam liberam feceram laude capituli noſtri ab omni exactiōe, vicarium liberum qui utriq̃ue deſerviret & cellæ & capellæ caſtri, qui etiam vicarius fidelitatem faceret Abbati ſancti Michaelis de his quæ eſſent ſui juris, fidelitatem etiam Abbatiſſæ de his quæ ad eam pertinerent, conductum vicarii Abbati ſancti Michaelis benigne annuens, & in perpetuum ſcripto aſtipulans. Cujus petitioni libenter annuimus, impoſito ſigillo noſtro & banno. Vt autem certiùs teneatur & ſciatur, præſens chirographum conſcribi rogavimus cum ſignis illorum qui interfuerunt. Hocque pactum firmatum eſt illo anno quo Ieroſolymam iturus eram, anno ab incarnatione Domini milleſimo lxxxv. Indictione viii. epacta xxii. concurrente ii. papante Gregorio vii. regnante Henrico iii.

Signum Pibonis Tullenſis Episcopi. S. Hermanni Metenſis Episcopi. S. Albri Abbatis S. Manſueti. S. Evrardi Abbatis S. Apri. S. Hugonis Primicerii. Hi autem ſunt teſtes de familia, Maimboldus, Bovonius, Emyco, Enzelinus, per quorum manus xxx. libræ Metenſis monetæ Hodiernæ Abbatiſſæ traditæ ſunt.

Præterea antecēſſores prædictæ Comitiffæ Sophiæ manſum infra ſuburbium civitatis juxta portam quæ dicitur Ecckardi ſancto Stephano protomartyri dederant in Raimbaldi angulo, ſed per longa tempora oblivioni traditum fuerat. Renovatum eſt ergo donum per manum noſtram, & præſenti ſcripto confirmatum, ut memoria antecēſſo-


rum ejus in nostra carta firmitus habeatur , maximè pro libertate cellæ Asmantiaë , quam liberam feceram ab omni exactione.

Sophia Comitissa de eadem Cella.

E Go Sophia Asmantiaë Comitissa notum facio successoribus meis quod Theodoricus Dux capellulam sub Asmantia in suo proprio fundo construxit , quam in honore sancti Sigismundi sacrare volebat , & de suis propriis locupletare , sed mortis sorte præventus mortuus est. Post longum verò temporis ego Sophia Comitissa capellulam amplificavi & reedificavi , eamque sancto Michaëli devovi & donavi cum capella castri & decimis arengalium, & stirpalibus & indominicaturis & omnium illorum quæ acquirerem ex illa die. Rogavique domnum Pibonem Episcopum Tullensem ut eam consecraret. Sed Abbatissa sanctæ Glodesindis , quia in territorio domni Martini constructa erat , Piboni Episcopo vetuit ut non sacraret illam. Ego autem Sophia consilio domni Pibonis & Hermanni Episcopi Metensis , Albrici Abbatis S. Mansueti , & Evrardi sancti Apri , & suorum fidelium , censuales redditus quos habebam apud Layez Hodiernæ Abbatissæ sanctæ Glodesindis tradidi , datis insuper Arenfrido , Badino , Lampizono , cum quartariis & foresta de Ingeviler. Et sic consilio & auxilio Abbatissæ & laude capituli sui donum præscriptum in manu Sigisfridi Abbatis sancti Michaelis posui. Et sic terminata controversia , consecrata est capella in honore sanctæ Mariæ Virginis , & libera facta ab omni exactione , sicut in carta ejusdem domni Pibonis scriptum est , ut vicarius sanctæ Mariæ liber esset , & utrique deserviret capellæ , mihi & meis successoribus conductum vicarii tribuens

& in perpetuum astipulans. Hocque pactum firmatum est illo anno quo dominus Præsul Pibo Tullensis Ierosolymam perrexerit, anno ab incarnatione Domini millesimo octogesimo v. Indictione viii. epacta xxii. concurr. ii. papante Gregorio vii. regnante Henrico iii. S. Pibonis Episcopi Tullensis. S. Hermanni Episcopi Metensis. S. Albrici Abbatis sancti Mansueti. S. Evrardi Abbatis sancti Apri. Signum Hugonis Primicerii. Hi sunt testes de familia, Maimboldus, Bovonius, Emico, Enzelinus, per quorum manus xxx. libras Metensis monetæ Hodiernæ Abbatissæ tradidi, cujus sigillo præsens scriptum insignitur. Denique ab antecessoribus meis Ecclesia Tullensis mansum infra suburbium civitatis juxta portam Ekeardi in Raimbaldi angulo habebat. Hoc donum per manum domni Pibonis renovatum est, tum pro salute animæ meæ, tum pro libertate cellæ Asmantia, quam liberam fecerat.

De eadem causâ agitur in chartis 84. 85. 86. ejusdem charularii; ex quibus apparet Theodericum Ducem fuisse avum Sophiæ Comitissæ, eumque successisse jure hereditario Comiti Folmaro in Asmantia.



Litteræ quibus Dominus Abbas Odelricus sancti Michaelis ad Mosam apud Apostolicum Urbanam secundum impetravit ut sepultura circa hanc Ecclesiam constitueretur, quæ ab initio congregationis usque ad tempus ejus apud vetus monasterium agebatur.

An. 1098.

VRbano sanctissimo patri, universis Ecclesiæ catholicæ filiis desiderabili, Vdelricus peccator cœnobii sancti Michaelis minimus Abbas, plus servulis procurator, & sibi commissa congregatio, obedientiam cum devotione, subjectionem cum humilitate, orationes cum dilectione. Omnes in Christo, beatissime Papa, secundum Apostolum unum sumus; & licet tu in terris omnium nostrum caput esse proberis, in cœlis tamen sub principali capite nobiscum membrum haberis. Caput enim nostrum Christus. Quapropter tecum, sanctissime pater, diligimus quod in ipso diligis, cruciamur in quocunque pro ipso cruciaris, respuimus quicquid est sine ipso quod respuis. Vnde & pravitatem errois hujus tyranni Heinrici & ejus sequacium respuimus; sed, proh dolor, in nostra patria valde raros respuentes socios reperimus. Omnes enim ferè qui vestris hætenus præceptis obedire videbantur, tyranni communionem retro abeuntes socios suscipiunt, & non suscipientes damnis terrenæ facultatis & afflictionibus quamplurimis lacerare contendunt. Nos autem, quoniam te verba vitæ habere cognovimus, tecum in terra laboriosè vivere vel gloriosè mori non abhorremus. Tandem sanctitatis vestræ paternitati debemus manifestare quod à vobis per has litteras desideramus

impetrare. Tempore longo, pater dulcissime, Ecclesia nostra consuetudinem tenuit, quæ valde nobis onerosa, frequenter subvertendæ religionis generat occasionem & generavit. Fratres enim nostri morientes circa cœnobium nostrum non sepeliuntur, sed ad quandam cellulam nostram, & in alto cacumine montis statutam, à cœnobio longo miliario disjunctam, atque umbrosa nemoris densitate circumvallatum efferuntur. Hæc vetus monasterium nominatur, quoniam in exordio sui nostra congregatio primam conversationem illic habuisse memoratur. Vnde talem consuetudinem velut quodam privilegio sui prioratus retinuit, ut quotienscunque fratres nostri moriuntur, ad eandem gravi labore, sive per fervorem æstatis, sive in hyeme, per varias inæqualitates aëris, religione etiam detrimentum patiente, asportantur. Novit autem sanctitatis vestræ prudentia quàm sit utile servis Dei septa monasterii frequenter exire, seculares personas obviam habere, locum verbositatis seu scurrilitatis invenire. Quapropter religiosi Abbatibus nostræ religionis visum est ut circa Ecclesiam nostram, quam novam construximus, sepulturam de cetero constituamus. Et licet sola Episcopi licentia dicatur posse fieri, nos tamen absque dulcedine vestræ auctoritatis facere non adquevimus. Deprecamur igitur ut filii patrem quatinus auctoritatem quam confisi de pietate vestra quærimus, eandem per litteras vestras vel per sigillum suscipere mereamur. Quod si nulla familiaritatis causa ad hoc impetrandum nos apud vos adjuvat, saltem desiderium religionis, quam sic retentare laboramus, pro nobis intercedat. Valete.



Auctoritatis apostolicæ rescriptum.

Edita lib. 6.
de re di-
plom. pag.
590.

VRbanus Episcopus servus servorum Dei dilecto filio Vdalrico Abbati sancti Michaelis salutem & apostolicam benedictionem. Benignitati tuæ gratias agimus, quia venerabilibus fratribus & coabbatibus, Rodulpho scilicet & Lanzo- ni, fraternæ caritatis sinum expandis, & persecutionis æstu laborantes tuæ quietis umbraculo protegis, sicut nos ex ipsorum relatione comperimus. Vnde & rogamus ut quod cœpisti nunc magis pro nostræ postulationis reverentia vigilantius ac devotius prosequaris. Quod verò nobis legatione petitoria suggessisti, de construendo videlicet circa novam Ecclesiam cœnobii vestri cimiterio, siquidem fratribus laboriosum & religioni contrarium est, ut scripsisti, ad veteris Ecclesiæ locum, quia longius sita est, fratrum funera deportare, nos præsentium litterarum auctoritate concedimus. Data Laterani VII. kal. Aprilis anno ab incarnatione Domini secundum Dionysium millesimo nonagesimo octavo, secundum verò certio- rem evangelii probationem millesimo centesimo XXI. Indictione VI. Epacta XV. concurrente IV.

Placitatio inter Abbatem Lanzonem sancti Michaelis ad Mosam & Abbatissam Ioviniaci.

An. 1118.

IN nomine Domini nostri Iesu Christi. Rerum gestarum series litteris idcirco scribenda mandatur quatinus ad posterorum notitiam veritas factorum, nulla falsitate intercedente, perveniat.

Eapropter controversiam quæ inter Abbatissam Ioviniacensem Haduidim & Lanzonem Abbatem sancti Michaëlis, qualiter mota est & terminata concordia, ego quidem Centius Scriniarius de quarta decima regione trans Tyberim stilo & memoriæ commendanda suscepi, sicut mihi à venerabilibus Vvillielmo Prænestino & Matthæo Albanensi Episcopis, necnon Iohanne Cremensi de titulo sancti Chrysogoni, & Gerardo de titulo sanctæ crucis, & Huberto de titulo sancti Clementis, atque Gregorio Diacono sancti Angeli Cardinalibus iunctum est. Quæ quidem quæstio quemadmodum inferius legitur sic cœpta & finita est. Clamavit siquidem Ioviniacensis Abbatissa super Ecclesiam de Spiregio ante Dominum Alberonem Metensem Archidiaconum, in cuius parrochia prædicta Ecclesia est, & ad cuius iudicium spectat, adversus Abbatem sancti Michaëlis, quòd Ecclesiam illam à Ioviniacensi monasterio prius possessam injustè abstulerit & retinebat. Abbas è contra respondit se eandem Ecclesiam nemini abstulisse, sed in illam legitimè, dono scilicet Comitissæ Sophiæ, & concessionem diocesani Episcopi, introisse. Quid plura? Data est à prædicto Archidiacono iudicii dies. Convenerunt utrinque. Clamavit itidem prolocutor Abbatissæ, & dixit se possidisse Ecclesiam illam, & injustè sibi ablatam fuisse, seseque testibus ut mandaretur probare paratam. Econtra Abbas, Non abstuli, inquit, eam tibi, sed dono Comitissæ Sophiæ, proprii etiam Episcopi assensione in eam legaliter introivi, eandemque Ecclesiam cum omnibus ad eam pertinentibus uno & quadraginta annis sine legitima interruptione possedi. Hujus negotii actioni siue discussioni interfuit Stephanus Metensis Episcopus. Interfuerunt etiam Abbates, Berrannus sancti Arnulfi, Herbertus sancti Simpho-

riani, Theduinus Gorziensis Abbas, & Abbas Rodulfus sancti Petri de Monte, cum multis aliis sacerdotibus & clericis. Electi sunt iudices, Gislebertus, Albertus, Bartholomæus. Quæsitum est à partibus utrum aliquid amplius dicere haberent. Responderunt se nihil amplius habere. Itum est in partem. Iudicatum est ut si Abbas probare posset duobus idoneis testibus sese præscriptionem temporis, id est, unius & xl. annorum, inconcussam habere, nullam super hoc pati debere ulteriùs inquietudinem. Cùm autem sententia proferri deberet, Abbatissa indignando recessit, & misso fratre suo Alberto Primicerio Virdunensi sedem apostolicam appellavit, nullum tamen gravamen quod pateretur insinuans, neque adversùs quem appellaret, sed neque diem ullum appellationis indixit. Postea tamen eadem Abbatissa ad Dominum Papam querimoniam suam depositura pervenit. Vocatus est & Abbas. Data est dies Dominica mediæ quadragesimæ, qua cantatur *Latare Ierusalem*. Processerunt partes. Vnaquæque jus suum in medium protulit. Cùm autem utraque pars easdem quas apud Archidiaconum pro se rationes protulerit, quæsitum est utrum novas aliquas allegationes haberent. Respondit Abbatissa de annis quos sibi Abbas præfixerat xviii. quibus Ecclesia sua vacaverat, & quatuor quibus ipsa clamaverat sese velle subtrahere; & hoc se probare testibus, si judicaretur, asseverabat. Præterea privilegia Romanorum Pontificum, Urbani scilicet & Paschalis, quæ prædictam Ecclesiam confirmabant suo monasterio, prætendebat. Quæsitum est etiam ab ea si de interruptione illa & annis quos inutiles Ecclesiam suam habuisse dicebat in conspectu prædicti Archidiaconi & constitutorum iudicum fecerat mentionem, vel si tempore quo privilegia facta sunt Iovi-


niacense monasterium prædictam Ecclesiam possidebat. Quæ respondit, neque annorum se mentionem fecisse, siquidem credebat solum hoc quod aliquando possederat, sibi & Ecclesiæ suæ posse sufficere, sed neque cum privilegia facta sunt, monasterium suum in illius Ecclesiæ possessione fuisse dicebat. Quæ omnia postquam Dominis Episcopis & Cardinalibus plenius intimata sunt, videlicet quomodo Mettis causa ventilata est & iudicata, quid etiam hic in præsentiarum Abbatissa superaddere voluit, tunc demum visum est Dominis Episcopis & Cardinalibus prædictum Archidiaconum secundum audita satis canonicè processisse. Verumtamen quoniam iudicium quadam parte imperfectum remansit, visum est Domino Papæ causam eandem concordia potius quam iudicio terminandam. Vnde prædictis Episcopis & Cardinalibus præcepit ut ad pacem inter eos componendam elaborarent. Qui in partem secedentes, & causam totam diligentius indagantes, cognito etiam quod Abbatissa nullam in eadem Ecclesia requirenda iustitiam haberet, laboribus mulieris & expensis potius quam iustitiæ consulentes, laudaverunt ut Dominus Abbas monasterio Ioviniacensi viginti libras Cathalaunensis monetæ terminis statutis persolveret. Abbatissæ autem præceperunt ut Ecclesiam eandem, & omnia quæ ad ipsam pertinent, in manus refutaret Abbatis. quod & factum est. Quibus omnibus ego Cencius sanctę Romanę Ecclesiæ Scriniarius interfui, & sicut à prædictis Dominis & Cardinalibus mihi præceptum est, stilo & memorię per hoc publicum instrumentum retinenda mandavi. Actum est hoc in palatio Lateranensi coram Dominis Episcopis & Cardinalibus, Vvillielmo Prænestino, Matthæo Albanensi, Iohanne de titulo sancti Chrysogoni, Gerardo de titulo sanctę

crucis , Huberto de titulo sancti Clementis , & Gregorio Diacono sancti Angeli , anno dominice incarnationis mxxviii. temporibus Domini Honorii secundi Papæ, pontificatus ejus anno quarto , mensis Martii die ultima , Indictione sexta. Huic concordie interfuerunt isti, Mainerus Trevirensis Archiepiscopus , Henricus Tullensis Episcopus , Albero Primicerius Metensis , Hugo magister , Godfridus Trevirensis , Seroardus Archipresbyter Metensis , Rodulfus de Tudinio , Stephanus Cantor Virdunensis , Rodulfus magister , Rodulfus presbyter , Petrus miles frater ejus , Vvarnerus de Nonfart , Roricus Tullensis , Herbertus scholasticus sanctæ Mariæ Magdalenæ.

Privilegium Innocentii Papæ II. de prædicta Ecclesia Tyriaci.

Innocentius Episcopus servus servorum Dei dilecto filio Lanzoni Abbati sancti Michaelis ejusque successoribus regulariter substituendis in perpetuum. Quæ ad pacem Ecclesiarum sunt debemus paterna provisione statuere & earum quieti atque utilitati salubriter providere. Proinde , in Domino dilecte fili Lanzo Abbas , decisionem controversiæ quæ inter te & Haduudem Iuviniensem Abbatissam pro Ecclesia de Tyrcio in præsentia venerabilium fratrum nostrorum bonæ memoriæ Vvillelmi Prænestini , Matthæi Albanensis Episcoporum , necnon Iohannis Cremensis tituli sancti Chrysogoni , Gerardi tituli sanctæ crucis , Huberti tituli sancti Clementis Presbyterorum Cardinalium , & nostræ ante assumptum apostolatus officium rationabiliter facta est , auctoritate apostolica confirmamus & ratam atque inconcussam futuris temporibus manere decernimus , & perpetuum silentium super hoc

eidem Abbatissæ ejusque successoribus indicimus, atque juxta ea quæ ab eisdem Episcopis & Cardinalibus exinde statuta sunt, ut præfata Abbatissa à calumnia quam pro jam dicta Ecclesia de Tyrcio vestro monasterio inferebat omnimodis conquiescat, eundemque locum cum suis appendiciis vestrum monasterium quietè possideat, præsentī sanctione statuimus. Nulli ergo hominum liceat, te vel successores tuos super hac nostra confirmatione temerè perturbare aut aliquam vobis exinde diminutionem vel contrarietatem inferre. Si quis autem ausu temerario contra hæc venire præsumpserit, indignationem omnipotentis Dei & beatorum Petri & Pauli Apostolorum ejus incurrat, & excommunicationi subjaceat quousque à sua præsumptione resipuerit & congruè satisfecerit. Amen. Amen. Amen. Data Laterani per manum Aimerici sanctæ Romanæ Ecclesiæ Diaconi Cardinalis & Cancellarii xii. Kal. Maii, Indictione ii. incarnationis dominicæ anno mcccix. pontificatus verò Domini Innocentii Papæ ii. anno x.



Epistola Thomæ quondam Abbatis Maurigniacensis ad sanctum Bernardum Abbatem Clarevallensem.

Domino delectissimo & in Christi visceribus honorando Bernardo Dei gratia Clararum val- An. 1144.
 lium Abbati Thomas suæ sanctitatis servus & filius salutem. Vestri loci nomen vestræ & sub signis vestris militantium congruit actioni. Lucetis enim in medio nationis pravæ atque perversæ veluti magna luminaria, in mundo verbum vitæ conti-

nentes, & habitatis in convallibus quæ frumento illo abundant quod misit Deus in Iacob & cecidit in Israël. Hæc intuens, fiduciam concepi scribendi celsitudini vestræ modicus homo & abjectus in domo Dei, de commotione mea, quam patior licet invitatus, sanctitatis vestræ reposcens antidotum. Causa autem hæc est. Albericus, vir apostolicus, Episcopus Ostiensis, cum sub Romanæ legationis officio Gallias circuiret & perambulare terram miracula faciendo, de quorum multitudine & magnitudine reticemus, Macharium * nepotem suum, læsæ opinionis hominem, corpore pinguem, corde duplicem, ore bilinguem, de nova parvaque & paupere abbazia in antiquam, magnam, & divitem sancti Benedicti abbatiam transposuit, inaudita hac conventionem interposita, ne Cluniacensis ordo inibi intromitteretur, neve quisquam de fratribus illis ad aliquem locum Cluniaco subditum mitteretur. Cui hoc mortiferum simoniacæ hæreseos venenum non olet, profecto dono caret discretionis, & spiritualium narium foetidissimo abundat polypo. Quid enim hoc est nisi vendere religionem, justitiam, veritatem, & non ingredi per ostium? Putans igitur Episcopus quod nil irbi posset obistere, alterum nepotem suum Lancelinum omni conatu nititur Ecclesiæ Mauriniacensi subrogare; quod Macharius, dum loco præesset, non solum se facturum promiserat, sed etiam indubitanter adjuraverat. Nam progenies hæc de toxicato trunco sumens originem, squamis squamas adjungit, & Ecclesiæ culturam præoccupat, & sub umbra atque potestate viri supradicti alitur, ac invitis omnibus coalescit, pecunias & præbendas adquirendo condonatione gravium culpæ & turpium redemptione personarum. Clamores adversariorum audiunt quàm libentissimè. At si Præsulis Albini &

* Vidi to.
 xv. Duches-
 nii pag.
 385. 387.

martyris ossa Rufini discapsata rutilaverint, nox
 ilico vertitur in diem, niger color albescit, Pro-
 theus ludit in pelago, protinus mutantur omnia;
 rident qui flebant, flent qui ridebant, & ut vulgari
 proverbio dicitur, non evangelici, sed Sydonii
 piscatores aqua turbida retia mittunt, & licet mul-
 tiplicia, auro & argento sua farciunt marsupia.
 Harum exactionum immanitas non ideo fit ut sancta
 Romana Ecclesia, quæ nunc populi sui seditione
 commovetur, auxilietur, sed ut generatio prava
 & perversa rapinis Ecclesiarum sustentetur, ditetur,
 sullimetur ad superbiam, dffluat ad luxuriam, con-
 firmetur ad nequitiam. Sed spuria vitulamina non
 dabunt altas radices, quia omnis plantatio quam
 non plantat pater cœlestis eradicabitur. Denique
 in hoc quoque negotio spe sua frustrati sunt. Erat
 namque Lancelinus vir nequam & intractabilis,
 pelle rufus, facie fulmineus, mente sanguineus,
 nostri temporis Phalaris alter; ob idque jure me-
 ruit pati repulsam rei quam diù desideraverat, &
 ad quam tam turpiter * quia patenter aspiraverat. * quàm
 De aliis quæ fama dispergit tacendum est. Nulli
 enim & omnibus credere, teste Seneca, vitium est.
 Episcopus tamen auctoritate confusus, vinci nes-
 ciens, cœptis vehementer insistit; & si me, qui
 diù loco præfueram, & nunc à monachis, clero,
 populo, militibus, proceribus expetebam, posset
 obruere, desiderata se credebatur firmiter obtinere.
 Parisius igitur in palatio, in conventu venerabi-
 lium personarum, Rege præsentem simul & curiam,
 moderationis abrupto fræno, in amicum absen-
 tem, qui sibi servierat, qui Macharium in Abba-
 tem sibi subrogari fecerat, multa jaculatus est & ira
 dictante plurima congeffit quibus veritas non con-
 sentit. At cum per hæc pulmonem non sedaret, &
 eadem usque ad tædium quorundam quibus sanior

& ideo clarior oculus inerat multiplicaret, cum se nihil proficere videret & penè deficere, Priorem sancti Martini de Campis, sub quo militabam, & in privato loco secesseram, evocat, & auctoritate qua præcellit præcipit quatinus quid de me sentiat adjuratus coram cunctis edicat. Ille verò, sicut ex condito machinatum erat, (nam & die præterita legatum quem capitulum mittebat ad me ut quantocius Parisius venirem retraxit ab itinere) asserit me sic corpore debilitatum ut vel hanc vel alteram obedientiam non possem implere. Hic stilum retrahō, & impono digitum ori meo. Scriptum est enim: *Principi populi tui non maledices. Et: Mihi vindictam, & ego retribuam. &: Falsus testis non erit impunitus.* Quantum enim id devium sit à vero, propitia divinitate ipsa res indicat. Nam de infirmitate in qua me servum vestrum vestra sullimitas visitata est sanus & membris omnibus incolumis convalui, excoctis humoribus quos ex infirmitate loci ubi plus minùs quinquennio inhabitaveram, contraxeram. Mox Episcopus verbum arripit, & cum austeritate & imperio monachos jubet discedere, ac indiscussis electione & persona, aliam festinatò personam præcipit eligere, de his & similibus his summo justoque judici rationem redditurus. Has propter res oculus interioris hominis mei, mi dulcissime pater, conturbatus est, & albugine præocupante pupillam, ad intuitum veri luminis tremulus palpitāt & deficit. Sciens igitur in campis amplius me pacem habere non posse, titubo fateor utrum ad Majus-monasterium redeam, ubi me juvenis dedi & in communi capitulo me fieri monachum devovi, an ad Ecclesiam Columbensem, in qua quibusdam causis emergentibus monachi vestes indui & professionem feci, & cum mitterer ad abbatiā Mauriniacensem, me Columbas rediturum,

si eam reliquisset, sponendi. Pluat ergo mihi Deus per vos cœlestem rorem, & quod devotè exopto & supplex expeto, vestræ consolationis merear habere rescriptum. Valete.

*Litteræ Manegaudi Abbatis sancti Michaelis
ad Mosam de renovanda memoria
Ducis Volfaudi.*

IN nomine sanctæ trinitatis. Ego frater Ma- Circa an.
negaudus per Dei gratiam provisor Ecclesiæ san- 1150
cti Michaelis, reminiscens tam amplissimorum beneficiorum quæ nobis contulit piæ memoriæ Dux Volfaudus fundator nostri cœnobii, aliquam specialiter recompensationem animæ ipsius & Alsindæ conjugis ejus retribuere dignum duxi. Communi itaque totius capituli mei consilio & concessu omni die & in perpetuum unam præbendam eis dare disposui in cibo & potu quemadmodum uni de Ecclesiæ fratribus. Et ut hoc firmiter teneatur, sub vinculo obedientiæ & anathematis roboravi auctoritate patris & filii & spiritus sancti, & ipsius beati Archangeli Michaelis & sancti Petri & omnium sanctorum Dei, ut quicumque hoc infringere præsumperit, anathematizatus & sequestratus fiat à consortio sanctæ Ecclesiæ & omnium fidelium Christi. Fiat, fiat. Amen. Amen.



*Monachorum sancti Michaelis ad Mosam
querimonia ad Archiepiscopum Trevirensē
de injuriis Comitis Rainaldi
Barrensis.*

S Vb alas vestræ protectionis, reverentissime domine & pater misericordissime, nos curæ vestræ pusillus grex & oves pascuæ vestræ à faciē inimici confugimus, & ante pedes majestatis vestræ prostrati; lacrymabilem calamitatis nostræ querimoniam deponimus. Regnantibus Childeberto Sygiberti & Brunichildis filio & ejusdem filio Teoderico, Ecclesia nostra à quodam nobili Comite Volfaudo fundata fuit; & eo sine liberis decedente, sub tuitione ipsorum Regum, quorum sedes regia Mettis erat, & succedentium Regum vel Imperatorum permansit; quorum largitionibus augmentata, privilegiis roborata, defensione protecta, libertatis suæ tenorem conservavit usque ad tempora Othonis Imperatoris. Tunc siquidem quidam Dux Lotharingiæ Fridericus tutelam ipsius Ecclesiæ, quæ eatenus Regum & Imperatorum fuerat, in dominium sibi usurpavit, & de tertia parte prædiorum Ecclesiæ castrum suum Barrum, quod extruxerat; casavit, nimirum facile subjugans terram sibi vicinam & à tutela regia longè remotam. Ex tunc ergo jam per quatuor successionum gradus tutelam vel dominium Ecclesiæ nostræ posterij ejus obtinuerunt: qui non contenti supradicta tertiatione, etiam de duabus residuis partibus quamplures villas militibus in beneficia distribuerunt. Nostri quoq; temporis Comes Rainaldus, qui quinto illis gradu successit, quod majores sui nunquam fecerant, pecuniarum rapinas,

rapinas, quas vulgus talliatas vocat, per terram nostram primus agere cœpit, homines incarceratione, vi & suppliciis sua eis extorquere, ad firmanda castella sua cum suis sumptibus eos cogere, nimis frequenter per terram nostram dietare, nec suis sed pauperum sumptibus vivere, postremò tota terra nostra plus quàm sua omnibus modis abuti; & hanc tyrannidem filio suo Raynaldo, qui nunc est, dereliquit, contestatus tamen ei publicè se hæc omnia injustè egisse. At ille malitiam patris in tantum supergressus est ut homines nostri oppressionem ejus ferre non valentes, villas nobis vacuas relinquunt, reliqui nostra nobis solvere vel non possint vel contemnant, illum solum timentes, illi soli servientes. Cùmque sedis apostolicæ justitiam superiore anno adversùs eum expetissemus, super hoc ultra modum indignatus, & apostolica protectione nihil adhuc nobis proficiente immo officiente, & malitia oppressoris quotidie ingravescente, jam penè præ inopia rei familiaris domum vacuum deserturi, hanc unam adhuc spem suscipimus, ut quia Deo providente apostolicas vices suscipere meruistis, apostolicæ potestatis virga oppressorem nostrum coërceatis.

Vide epistolam Eugenii III. apud Valsenburg fol. 303.

*Littere Papæ Victoris Alberto Episcopo
Virdunensi.*

Victor Episcopus servus servorum Dei venerabili in Christo fratri Alberto Virdunensi Episcopo salutem & apostolicam benedictionem. Iusta postulantium desideria celeri sunt effectu prosequenda. De discretione & prudentia personæ tuæ, venerabilis in Christo frater, plurimùm confidentes, petitioni tuæ, quam pro absolutione Ecclesiæ

G g

sancti Michaëlis ab apostolicæ sedis clementia postulasti, grato tibi assensu annuere decrevimus. Indee est quod auctoritate apostolica liberam tibi potestatem absolvendi jamdictam Ecclesiam, quam ex præcepto prædecessoris nostri bonæ recordationis Adriani clausisti, concedimus, & eis qui in eadem Ecclesia divinis invigilant servitiis officia sua tam Abbati quàm monachis ex integro reddas. Ita tamen ut transactio illa quæ inter monasterium sancti Michaëlis & Ecclesiam sancti Dionysii pro bono pacis, præsentem utraque parte, assistente etiam venerabili fratre nostro Cathalaunensi Episcopo, per te rationabiliter facta est, firma & illibata permaneat. Decernimus enim utriusque Ecclesiæ paci sic providere ut omni contentione sopita, neutra de cetero super hoc laborare compellatur. Datum Papiæ xiiii. Kal. Martii.

*Alexandri III. Pape epistolæ duæ pro
Ecclesia Albienfi.*

An. 1165.

Alexander Episcopus servus servorum Dei dilectis filiis monachis Aureliacensibus salutem & apostolicam benedictionem. Causam quæ inter vos & venerabilem fratrem nostrum Episcopum & Canonicos Albienfes super Ecclesia Viancii & super aliis quibusdam Ecclesiis necnon & super aliis quibusdam querelis quas adversus vos habent agitari dinoscitur venerabilibus fratribus nostris Ruthemensi & Caturcensi Episcopis commisimus audientiam & appellatione remota fine congruo terminandam. Quocirca per apostolica vobis scripta mandamus quatenus cum ab eis propter hoc fueritis evocati, eorum præsentiam adeatis, & quicquid inter vos exinde judicaverint sine appellatione sus-

cipiatis firmiter & servetis. Datum apud Montempefulanum Kal. Augusti.

Alexander Episcopus servus servorum Dei venerabilibus fratribus Ruthenensi & Caturcensi Episcopis salutem & apostolicam benedictionem. Causam quæ inter venerabilem fratrem nostrum Episcopum & Canonicos Albienenses & monachos Aureliacenses super Ecclesia Viancii & super quibusdam aliis Ecclesiis necnon super aliis quibusdam querelis quas adversus se habent agitari dinoscitur discretionis vestræ, de qua plenè confidimus; audiendam committimus, & remoto appellationis obstaculo sine congruo terminandam. Quocirca fraternitati vestræ per apostolica scripta mandavimus quatenus, cum exinde fueritis requisiti, utramque partem ante vestram præsentiam convocetis, & rationibus hinc inde auditis plenius & cognitis, eandem causam mediante justitia sine appellationis remedio decidatis. Datum apud Montempefulanum Kal. Augusti.

Epistola Innocentii III. de eadem re.

Innoceñtius Episcopus servus servorum Dei venerabili fratri Ruthenensi Episcopo, & dilectis An. 1204. filiis Præposito de Montefalvio & Priori sancti Antonini Ruthenensis diocesis, salutem & apostolicam benedictionem. Ex parte dilectorum filiorum capituli sanctæ Ecclesiæ Albigenensis gravem accepimus questionem quòd cum Ecclesiam beatæ Marcianæ canonicè fuerint affecti, Canonici beati Salvii Albienensis pensionem viginti solidorum, quam ab eadem Ecclesia nomine procurationis percipere consueverunt, augmentare volentes, ipsos tam super hoc quàm super Ecclesia memorata contra ju-

stetiam molestare præsumunt. Ideoque discretioni vestræ per apostolica scripta mandamus quatinus dictis Cænonicis ut ab indebita eorum molestatione desistant, monitione præmissa, per cursuram ecclesiasticam appellatione postposita compellatis; nullis litteris veritati & iustitiæ præjudicantibus à fede apostolica impetratis. Quòd si non omnes iis exequendis potueritis interesse, tu ea, frater Episcopo, cum eorum altero nihilominus exequaris. Datum Ferentini xi. Kal. Iunii, pontificatus nostri anno vi.

Pelagii Cardinalis tituli sanctæ Cæcilie epistola ejusdem argumenti ad Guillelmum Episcopum Albiensem.

Venerabili in Christo fratri G. Dei gratia Albiensi Episcopo P. eadem gratia tituli sanctæ Cæcilie Presbyter Cardinalis, salutem & sinceræ dilectionis affectum. Intelligentes quòd Cænonici Albiensis sedis adquisierunt Ecclesiam beatæ Marcianæ à quibusdam laicis, qui non consueverunt dare pro refectione quam debebant Cænonicis beati Salvii nisi viginti solidos, & iidem Cænonici modò petant refectionem sibi & omnibus quos secum ducunt, per quod Albiensis Ecclesia plurimum dicitur gravari, dignum videtur & rationi consentaneum ut intendatis quòd viginti solidos recipiant à Cænonicis sicut à laicis recipere consueverunt. Rogamus ergo dilectionem vestram, de qua plenam spem & fiduciam tenemus, quatinus Albiensem Ecclesiam, quam nostram reputamus, quia ad honorem beatæ Cæcilie est constructa, gravari non permittatis, sed ut præfati Cænonici sint contenti nisi viginti solidis, taliter

operam detis ut vobis gratiarum actiones referre teneamur. Nos enim & capitulum Ecclesiæ nostræ ipsos in nostris orationibus recipimus, & eorum negotiis, quæ velut nostra reputamus, modis omnibus cum Deo & honestate volumus adesse.

Generatio Guillelmi Bastardi & quorundam aliorum magnorum.

Guillelmus Bastardus Rex Angliæ, Dux Normanniæ, dedit filiam suam uxorem Stephano Comiti Blesensi & Campaniæ: de qua idem Stephanus genuit Theobaldum Comitem dictarum terrarum. Theobaldus genuit filiam quæ nupta est Ludovico Regi Franciæ: de qua idem Ludovicus genuit Philippum nunc Regem Franciæ. Philippus genuit Ludovicum.


Dictus Guillelmus Bastardus genuit filium Henricum, qui post eum regnavit in Anglia. Iste Henricus habuit filium Guillelmum, qui sine herede mortuus est; & filiam habuit nomine Mathildem, quæ nupsit Henrico Imperatori Romano, qui sine herede mortuus est. Ipse Henricus Rex postea nupsit eam Gaufrido Comiti Andegavensi. Ipsa de eo suscepit filium nomine Henricum cortum mantellum, postea Regem Angliæ.

Iste Henricus genuit Henricum, quem ipse fecit coronari in Regem, & Richardum & Iohannem postea Reges Angliæ, & Gaufridum Comitem Britannia, & Iohannam Reginam Apuliæ; quæ, mortuo marito Rege Apuliæ, nupta est Reimundo Comiti Tolosæ. Et aliam filiam habuit, quæ nupta est Duci Saxonie; de qua exivit Otho, qui postea Imperator factus est & depositus. Aliam filiam habuit, quæ nupta est Regi Castellæ; de qua sus-

cepit filiam nomine Blancham, quæ nupta est Ludovico filio Philippi Regis Franciæ.

Stephanus frater Theobaldi Comitis Campaniæ & Blesensis duxit uxorem Mathildim Comitissam Boloniæ; de qua genuit ipse Stephanus duos filios, qui mortui sunt sine herede, scilicet Eustachium; & Guillelmum; & filiam genuit nomine Mariam, quæ monialis facta est in Anglia, sed pro defectu heredum extracta est de abbacia, & nupta est Matthæo fratri Philippi Comitis Flandriæ; de qua iste Matthæus genuit duas filias Ydam & Mathildim. Yda est nupta Renaldo Comiti Domnimmartini; de qua Renaldus genuit filiam nomine Mathildim, quæ nupsit Philippo filio Philippi Regis Franciæ. Mathildis nupta est Henrico Duci Luvaniensi, de qua suscepit filios & filias.

Dictus Stephanus frater Comitis Theobaldi factus Rex in Anglia, qui nepos fuerat Henrici magni Regis Angliæ, cum potius regnum Angliæ spectaret de jure ad Mathildim Imperatricem filiam magni Henrici & ad Henricum filium ejusdem Mathildis. Sed quia Henricus filius Mathildis puer erat, non potuit regnum obtinere. Vnde magna guerra facta est in Anglia tunc temporis. Tandem ita compositum est inter eos, quod Stephanus regnaret tota vita sua, & Henricus filius Mathildis post mortem ipsius Stephani regnum obtineret. Mortuo Stephano, Henricus coronatur.



*Sancti Anselmi Archiepiscopi Cantuariensis
Epistolæ septem.*

I.

Domino & fratri carissimo Hernosto frater Anselmus salutem corporis quanta expediat, & animæ quanta sufficiat. Infirmittatis tuæ nimis ingravatam molestiam, mi dilecte pariter & dilector, prius quorundam narratione, deinde litterarum tuarum lectione cognovi. Qua dere ut taceam quantam assumpserim in animam meam compassionem, testis est mihi conscientia quia libenter ipsam totam transumerem in corpus meum passionem. Sed cum certum sit quia flagellat Deus omnem filium quem recipit, miro quodam modo eadem me caritas, & quia flagellis attereris, impellit ad compassionem, & quia ad hereditatem erudiris, invitat ad congratulationem. Pensandum enim nobis est, carissime, quantam secum ferant dolores illi consolationem, qui dum exterius nostra delicta purgant, quibus externi cruciatus intenduntur, ad filiorum Dei nos transferunt sortem, quibus superni regni gaudia promittuntur; ut dum exterior homo noster, quem cotidie necesse est corrumpi, flagellorum pondere pressus gemendo suspirat, interior homo noster, quem de die in diem oportet renovari, peccatorum gravamine relevatus exultando respiret. quod nimirum tunc perveniet, si interior homo in exterioris afflictione non per impatientiam resultaverit, sed per gratiarum actionem cædentis manui consenserit. Cum enim semper placeamus omnipotenti Deo quotiens ejus dispositionibus in nullo dissonamus, tum maxime

placamus misericordem Dominum si vapulantes verberanti sponte consonamus. Cùm enim omnis ira nonnisi in adversantem se exerat, si se reus offenso per concordem de se sententiam consociet, necessaria est ut irascentis motus deferbeat, quoniam jam adversarium non invenit quem feriat. Quapropter, carissime, cùm scriptum sit quia oportet nos per multas tribulationes introire in regnum Dei, cum flagellamur, inter nos & Deum beati Iob teneamus sententiam, qui nimis circumseptus doloribus dicebat: *Hac mihi sit consolatio, ut affligens me doloribus non parcat.*

I I.

Venerabili dominæ regia nobilitate, sed nobilius morum probitate pollenti Adelidi, frater Anselmus, sic cum temporali nobilitate virtutum ornamentis decorari ut in æterna felicitate mereatur Regi Regum copulari. De floribus psalmodum quod dignata est jubere dilecta mihi in Deo vestra sullimitas, nec citius nec melius potuit exequi fidelis vobis nostra humilitas. Tanto quippe obedientia nostra imperio vestro devotius successit quanto ipsum imperium à sancta devotione processit. Quam devotionem opto & oro ut omnipotens Deus sic in vobis conservet & nutriet ut mentem vestram in terris suo dulcissimo affectu & in cælis suo beato aspectu reficiat. Exiguum & vile munus quod vobis mittit nostra pauper parvitas rogo ne despiciat vestra dives nobilitas. Si enim non est auro geminisque crustatum, est certè totum caritativa fidelitate factum & fidei caritate donatum. Post flores psalmodum additæ sunt orationes septem; quarum prima non tantum oratio quantum meditatio dicenda est, quâ se peccatoris

anima breviter discutiatur, discutiendo despiciatur, despiciendo humilietur, humiliando terrore ultimi iudicii concutiat, concussa in gemitus & lacrymas erumpat. In orationibus verò sancti Stephani & sanctæ Mariæ Magdalenæ quædam sunt quæ si intimo corde dicantur cum vacat, plus tendunt ad accendendum amorem. In omnibus verò septem hortor vos ego servus & amicus animæ vestræ ut attendere dignemini, etiam si vos id melius faciatis, qua humilitate & quo affectu timoris & amoris offerendum sit sacrificium orationis. Valete & nunc & in æternum in Deo, valete, & libellum missum arram nostræ fidelitatis secundum Deum & nostrarum orationum, qualescumque sint, habete. In fine epistolæ profero quod per totam epistolam persuadere desidero. Omne quod amitti necesse est, etiam cum habetis sullimi mente contemnite; ad id solum quod æternum beatè haberi potest, quamdiu non habetis humili mente contendite. Quod persuadere volo, ut spiritus sanctus persuadeat oro, in quo tertio valete.

III.

Domino & patri; catholicis reverenter amando & amanter reverendo Archiepiscopo Lanfranco, frater Anselmus suus quod suus. Quoniam scienti aut tacendum aut breviter est dicendum, cum tacere nolim ne non loquar quod & cui libenter loquor, breviter qualiter noster animus in paternæ vestræ sullimitatis fidelitate converteretur intimo. Sicut igitur cotidie desidero ut affectus amoris vestri cordi meo semper augeatur, ita nulla nostra ab invicem absentia efficere valet ut aliquo modo minuatur. De moralibus Iob mandastis. Sed dominus Abbas Cadumenis Vvillelmus & dominus

Hernostus fideles vestri invenerunt scriptorem, qui jam habens nostrum librum, vestrum, ut puto, incepit. [Vt libros beatorum Ambrosii & Hieronymi habeam, ad hoc quod jussistis, laboravi & laboro. Sed eos nondum habere potui. Quàm verò citiùs potero, quod vos inde velle scio perficiam. Girardum vestrum de Flandria per vestræ pietatis largitatem Deo de mundo nostra suggestionem redemptum, unde me, si vester non essem, confiterer servum vobis emptum, die à vobis constituta sciat sanctitas vestra sine gravi jactura esse non potuisse absolutum à creditoribus suis. Venit tamen prima dominica quadragesimæ, vestram in se magnificè misericordiam prædicans, & qualiter nostræ non tam petitioni quàm levi voluntatis significationi in ejus causa dignatio vestra favit & semper se velle favere intimavit. Qui dixit se velle & quantum attinet ad hoc quod habet posse sic reddere quod debet ut aliquid quod secum offerret haberet, sed pro quibusdam impedimentis non potuisse secundum conditum ut oporteret. Rediit igitur, promittens se in pascha Beccum Deo annuente venturum & mansurum, si non quomodo volet, vel sic quomodo poterit. Si quid igitur peccavit quia promissionem vobis factam ad plenum non est executus, quoniam non id admisisse malitia videtur, peto securus, ut soleo de vestra benignitate, quatinus filio vestro vice patris liceat eum hoc reatu absolvere cùm nobiscum incipiet vivere. In qua re hanc certam præsumam concessionem, si nullam legero prohibitionem.

I V.

D Omino & fratri Henrico frater Anselmus salutem. Cùm Romam tendentes transistis

prope nos, mirantes dolumus quia non potius per nos, donec audivimus hoc vobis prohibitum esse in eundo, sed concessum in redeundo. Expectavimus igitur domnus Abbas & ego & alii fratres & dilectores vestri adventum vestrum, spe falsa gaudentes, donec didicimus vos in Anglicam terram pertransisse, desperatione vera dolentes. Quod quamquam ego non sine aliqua rationabili causa factum esse, si bene vestram novi dilectionem, non credam, tamen ne qua, quod absit, vel contemptus vel modici amoris erga monasterium & fratres vestros de vobis maneat suspicio, mandate mihi quid aliis respondeam cur vestra nos in eundo & redeundo non visitatos præterijt dilectio. Sicut enim desidero vos nihil operari quod vobis non expediat, ita nolo quemquam de vobis aliquid opinari nisi quod vos deceat. Innotescat etiam amico vestro si quid de re pro qua animum vestrum & aliorum verbis & à vestris litteris valde sollicitum ut parentes inviseretis agnovi effecistis, quatinus sciam utrum vobis debeam compati vel congruere.

V.

D Omino & patri reverendo Episcopo G. frater Anselmus dictus Abbas Becci temporalem prosperitatem & æternam felicitatem. Gratias agimus vestræ sanctitati, quæ nostras & fratrum nostrorum orationes postulando, suas nobis est dignata per dilectum fratrem nostrum domnum Riculfum concedere & suæ benivolentiæ auxilia, ubicunque opportunitas exhibebit, promittere. Ad quod quanto minus quod dignè recompensare possimus habemus, tanto magis quicquid possumus ad vestræ celsitudinis servitium & opere & voluntate

impendere debemus & Deum, propter quem nobis promittitis, orare ut ipse vobis secundum suam copiosam largitatem retribuat quod nos propter nostram parvitatem non valemus. De filio vestro fratre nostro domino Riccardo, quamvis honestius nobis esset & mallenus prius servire quam aliquid petere, vestram tamen, quia ita res exigit, rogamus benignitatem quatinus illi propter nostrum amorem concedatis si quid de se aut de præbenda sua petierit quod vestram non dedecet honestatem.

V I.

Dilecto & patri reverendo Abbati Mainerio frater Anselmus salutem. Scitote quia quò iterum me vobis mandaveram non ibo ante octavas epiphaniæ Domini. Deinde nescio quando ibo aut si ibo. Interim si vobis placeret ut dominus Serlo ad nos, cum vobis opportunum esset, quantum juberetis moraturus veniret, mihi quidem placeret, & puto quia illi non displiceret. Precor sanctitatem vestram ut si vobis molestum non est, per vos notum fiat dominis & amicis nostris de Sagiensi monasterio quod de nostro mando itinere. Scio enim eos sicut vos sollicitè orare pro me & ejusdem itineris prosperitatem. Nec pœniteat caritatem vestram orasse pro itinere nostro, quia modò non eo. Potens est enim Deus servare mihi orationes vestras in opportunam diem. Valere.

V I I.

Svo carissimo Domino Henrico gratia Dei Regi Anglorum Anselmus Archiepiscopus Cantuariæ fidele servitium & fideles orationes. Audivi quia vos Vvillelmum electum Episcopum Vvento-

niensem præcipitis exire de episcopatu & de Anglia, quia non suscepit consecrationem quam illi voluit facere Archiepiscopus Eboracensis & alii Episcopi. Ynde precor & consulo, sicut fidelis Archiepiscopus Domino & Regi suo, ne credatis consilio illorum qui hoc vobis consulunt, quia meo sensu non intelligo hoc esse ad vestrum honorem. Nam satis est notum quia ad me pertinet ejus consecratio, nec alius eam debet facere nisi per me. Quod paratus sum, si necesse fuerit, rationabiliter ostendere, sicut talis res ostendi debet. Quapropter si illum expellitis de terra vestra ut mihi non liceat eandem consecrationem canonicè facere, videtur mihi quia dissaisitis me de officio meo sine iudicio cur hoc facere debeatis. Precor itaque ut illum in pace in episcopatu manere permittatis, saltem usque ad terminum nostri respectus, ut interim mihi liceat illi facere consecrationem quam debeo.

Avesgoti monachi Cenomanensis epistola ad sanctum Anselmum.

AVesgotus cœnobii sancti Petri Culturæ monachus Anselmo salutem. Hactenus amici atque familiares solummodo fuimus locutione; sed minimè experti sumus nos si necesse esset operatione. Ego jamdudum opto ut quid jubeas mihi; tuncque videres quantum de me confidere potes. Crede mihi; aut per me aut per meos parentes jussioni tuæ obedirem libenter. Verùm cum istud facere negligis, à te hoc donum primus exigo. Habeo quendam meum nepotem jam juvenem, quem super omnia curo; & si ferre valeres, desidero eum manere tecum, tuo ut grammate erudiatur. Ad alios doctores ipsum mittere possum. Sed majorem

fiduciam in te haberem quàm in aliquo vivente. Valde securus ex eo fierem, si moraretur in loco in quo es. Cur fama Lanfranci atque Guinundi volat per orbem plus tua? Cur tamdiu lucernam recondis sub modio? Quid non recordaris poëtae dicentis: *Scire tuum nihil est, nisi te scire hoc sciat alter*. Ex te haud dubito quin annuas voluntati meae. Verum deprecor te multùm ut mihi dicas quod servitium Abbati tuo congregationique subjectae sibi offeram, ut hoc quod retuli permittant fieri saltem tres menses aut quatuor, si plus eis non libuerit. Igitur si verba mea, uti cupio, à vobis fuerint suscepta, manda mihi terminum quo te possim invenire; atque, si incolumis fuero, illuc abibo. Vale carissime.

Responsoria Anselmi extat lib. 1. epist. 16.

Epistola Iohannis ad Anselmum.

Vide lib.
ep. 41.

SVO domino & patri Anselmo frater Iohannes suus servus, quod domino servus, quod patri filius. Scimus certè, venerande pater, & verè scimus perspicacitatem vestram etiam in illis scripturarum nodis solvendo proficere in quibus plerique alii deficiunt. Quid igitur fides & simplex prudentia & prudens simplicitas vestra de tribus deitatis personis sentiat, ad communem utilitatem catholicorum diligentiam vestram mihi & quibusdam aliis scribere non pigeat. Hanc enim inde quæstionem Rocelinus de Compendio movet. Si tres personae sunt una tantùm res, & non sunt tres res per se, sicut tres anguli, aut tres animae, ita tamen ut voluntate & potentia omnino sint idem, ergo pater & spiritus sanctus cum filio incarnatus est. Dicit enim huic sententiae domnum Lanfrancum Archiepiscopum concessisse, & vos concedere se disputante. Sed de tribus angulis & de tribus animabus

trinitatis & identitatis similitudini isti illa sancti Augustini trinitatis & unitatis similitudo de sole, qui una & eadem res est, & calorem & splendorem inseparabiliter in se habet, omnino resistit. A Deo, de quo agitur, trino & uno integritas vestra incolumis conservetur in præsenti & in futuro. Amen.

HVGONIS DE CLEERIIS

Militis Andegavenensis commentarius de majoratu & senescalcia Franciæ Andegavorum olim Comitibus hereditaria.

Hoc scriptum fecit Fulco Comes Hierosolymitanus in Ecclesia Sepulchri de Lochis cum magna sepultus honorificentia de donis factis suis antecessoribus à Rege Franciæ.

CVM Deus voluit sublimare Rotbertum filium Ducis in Regem, Goffridus Grisagonella cum tribus millibus armatorum serviebat Domino suo Regi Rotberto. Otho siquidem Rex Alemannorum cum universis copiis suis Saxonum & Danorum Montem Mortiaci obsederat & urbi Parisius multos assultus ignominiosè faciebat. In hac necessitate prælii Rex Rotbertus & pater suus ducatum primæ cohortis prædicto Comiti Goffrido Grisagonella tradidit, & ad persequendum exercitum Alemannorum ducem & consiliarium constituit. Persecutus itaque est Rex Rotbertus Regem Alemannicum, præeunte Goffrido Grisagonella, usque ad fluvium Esnæ. Comes verò Goffridus, gnarus pugnandi & assuetus, tantam stragem hostium super fluvium ediderat ante Regis Rotberti adventum quòd stagnum putares,

Vide to. x.
Spicilegii
pag. 441.

non fluvium. Alemannis itaque fugatis, Rex Robertus, congregato generali concilio, consilio patris sui & Episcoporum, Comitum, Baronum, dedit Goffrido Comiti quicquid Rex Lotharius in episcopatibus suis, Andegaviæ scilicet & Cenomaniæ, habuerat. Si quæ verò alia ipse vel successorès sui acquirere possent, eadem libertate qua ipse tenebat sibi commendavit. Nequitia Comitris Tricacensis non potuit sustinere prosperitatem Roberti Regis. Sed ad ejus deprimendam perfidiam quàm majorem potuit exercitum Rex congregavit. Obsedit itaque Meludunum; & cum ibi diù sedisset, vidit quòd nihil proficeret. Vocato itaque Goffrido Grisagonella, cum Andegavensibus suis sine mora ad consuetum properavit obsequium. Goffridus autem veniens præmisit constabularios suos, rogans ut ostenderetur ei qua parte federet. Illi verò reversi nuntiaverunt domino suo quòd tantus erat exercitus quod nullus erat eis ad obsidendum competens locus. Prædictum enim oppidum in insula Secanæ situm erat, circumdatum undique muro calce & arena composito. Videntes itaque Andegavi quòd nullum poterant habere hospitium, induunt arma, prorumpunt per medium exercitum, transeunt fluctus Secanæ, dant assultum oppido virtute consueta, capiunt castrum. Quod exercitus non potuit per tres menses, illi dimidiæ diei spatio adepti sunt. Franci verò hujus gentis inauditam admirantes audaciam, ubicunque locorum ipsos omni laude magnificabant. Videns autem Rex tantam Principis strenuitatem & ipsum prævalere in regno tam armis quàm consilio, & quia hic & alibi bene meruerat, sibi & successoribus suis jure hereditario majoratum regni & regię domus dapiferatum, cunctis applaudentibus & laudantibus, exinde constituit. Hæc verba dixit Fulco Comes

Comes

Comes Tescelino Capellano suo: Audi Presbyter
cujusmodi obsequia præstitit Comes Gaufridus
Grisagonella Domino Regi Rotberro. David Co-
mes Cenomannorum & Gaufridus Comes Corbo-
nensis dedignabantur recipere feodum suum à præ-
dicto Rege, asserentes nullo modo se posse subici
generi Burgundionum. Audiens autem Rex eorum
superbiam, & videns regni sui non parvam dimi-
nutionem, habito consilio cum Gaufrido Comite &
cum primatibus regni, tempore constituto & die
denominato decrevit obsidere castrum Moritonix.
Comes verò Gaufridus cognoscens adventum exer-
citus Regis, movens castra de Vindocino, dans as-
sultum prædicto castro virtute consueta & probi-
tate gentis suæ, Gaufridum Comitem & oppida-
nos suos minùs timentes cepit & domino suo Regi
tradidit. David verò Comes dedignans ad collo-
quium Regis venire, mandavit quòd nullo modo
se ei subiceret & quòd nullo tempore Rex Rotber-
tus Cenomannicam suam videre præsumeret. Au-
diens autem Rex arrogantiam & indignationem
prædicti Comitis, ipsum dedit & Cenomannicam
suam Gaufrido Grisagonella & suis successoribus
& dono regio tribuit jure possidendam.

Huc usque sunt scripta Fulconis Hierosolymitani.

VOs autem qui ista scripta audieritis, scitote
quòd ego Huo de Clecriis vidi scripta Ful-
conis Comitis Hierosolymitani in Ecclesia sancti
Sepulchri de Lochis de majoratu & senescalcia
Franciæ sibi & suis antecessoribus à Rege Rotber-
ro collatis.

Inter Regem Lodovicum Philippi Regis filium
& Fulconem Comitem, qui postea factus est Rex
Hierusalem, magna erat dissensio. Fulco enim Co-
mes nolebat ei servire. Rex enim Lodovicus dede-

H h

Circa an-
num 1118.

rat majoratum & senescalciam Franciæ Anselmō de Garlanda, & postea Guillelmo de Garlanda, de quibus Fulco Comes suas redibitiones & sua hominia habere non poterat. Contigit autem Regem Lodovicum maximam guerram habere cum Hentico Rege filio Guillelmi acquisitoris Angliæ. Ob hoc itaque Rex Lodovicus requisivit Fulconem Comitem ut de guerra ista eum juvaret. Comes verò respondit quod nullo modo ei servire debebat, cum namque de majoratu & senescalcia Franciæ exhereditabat. Tunc Rex Lodovicus per Amauricum de Monteforti avunculum Fulconis Comitis & per Gaufridum Abbatem Vindocinensem & Radulfum de Balgenciaco mandavit Comiti quod de omnibus istis & majoribus aliis istorum consilio se versus Comitem emendaturum. Comes igitur Fulco suos consulens homines, videlicet Robertum de Blo, Salmacium tunc Pincernam, Hugonem de Cleeriis, Gaudinum de Vegia, & multos alios, respondit Regi Lodovico ut si hoc faceret quod mandaverat, quod hoc & alia adjutoria quæ ab eo exigebat libenter faceret. Die autem illo quo consilium cap- tum est curia Andegaviæ erat repleta bonæ militiæ & sapientissimæ. Tunc Amauricus de Monteforti aliique qui verba Regis attulerant, laudaverunt Comiti Fulconi ut per quendam, quem Rex cognosceret, Regi responderet ac super his, antequam nuntii Regis forent reversi, festinanter grates & mercedes redderet. Consiliatores autem Comitis audientes consilium quod Amauricus dederat, laudaverunt illud consilium. Quod cum Comitissa Aremburgis audiret consilium, laudavit quod nullus iret nisi Huo de Cleeriis. Ego itaque Huo de Cleeriis perrexī Parisius. Dehinc ad Guenoricum inveni Regem & Comitem Bellimontis. Eo itaque invento apud Guenore inter Pontesium & Bellummon-

tem & Calvummontem, locutus sum cum Domino Rege. Primum illum salutans ex parte Comitis, reddidi ei grates & mercedes super suo mandato quod Comiti Fulconi mandaverat. Hinc ei dixi quod Fulco Comes ei suum offerebat servitium aut in præsentiatum aut prius, si vellet, colloquium. Rex inde lætatus, dixit se multum prius velle colloquium. Assignatus est ergo & dies & locus colloquii inter Marchesneium & Bireium iu Beauſſam. Inter hæc mandavit Rex Comiti ut Gaufridum filium suum, qui nunc jacet in Ecclesia sancti Iuliani Cenomannensis, ad colloquium secum adduceret, illum namque multum optabat videre. Cumque dies instaret colloquii, Dominus Rex Lodovicus & Fulco Comes ad locum constitutum venerunt cum suis consultoribus; ibique recognita sunt jura Comitis, videlicet majoratus & senescalcia Franciæ. Guillelmus de Garlanda tunc Franciæ Senescallus recognovit in illo colloquio hominum se debere Comiti Fulconi de senescalcia Franciæ, & inde fuit in voluntate Comitis. Post Guillelmum fuit Senescallus Stephanus de Garlanda, qui fecit hominum Comiti. Post Stephanum Radulfus Comes Peronæ, qui similiter fecit hominia & servitium. Ille enim qui Senescallus erit Franciæ Comiti faciet hominum & talia servitia. Si Comes perrexerit ad curiam Domini Regis, Senescallus præcipit marescallis Domini Regis ut præparent & liberent hospitia Comiti. Cum Comes venerit, Senescallus ibit ei obviam, & conducet ad suum hospitium. Tunc Senescallus ibit dicere Regi Comitem Andegaviæ advenisse. Si Comes ad Regem ire voluerit, Senescallus ad curiam eum conducet, & de curia ad suum reducet hospitium. Si verò ad coronamenta Regis Comes ire voluerit, Senescallus præparare & liberare faciet hospitia quæ Comes habet pro-

pria & dedita. Cùm autem die suæ coronæ ad mensas Rex discubuerit, scamnum pulcherrimum fultro pallii aut tapeto coopertum Senescallus præparabit, ibique [Comes] & sui comites quousque fercula veniant sedebit. Cùm verò primum venerit ferculum, Comes se defibulans è scamino surget; & de manu Senescalli ferculum accipiens, ante Regem & Reginam apponet, & Senescallo præcipiet ut exinde per mensas serviat. Et Comes retro sedebit donec alia veniant fercula; & quemadmodum de primo fecit, de aliis similiter faciet. Finita demum celebratione mensarum, Comes equum ascendet, & ad suum redibit hospitium, Senescallo comitante. Deinceps equus ille quem Comes adduxerit ad curiam, dextrarius videlicet, coquo Regis feodaliter dabitur, pallium quo in curia affibulatus erit dispensatori dabitur, sed post prandia. Tunc Panetarius mittet Comiti duos panes atque vini sextarium, & coquus frustum carnis & unum hastum. Hæc est enim liberatio Senescalli in illo die. Hæc fercula accipiet Senescallus Comitis, atque dabit leprosis. Insuper cùm Comes in exercitu Regis perrexerit, Senescallus Franciæ papilionem centum militum capacem ei præparabit, & summarium ad illum portandum & cordas & paxillos, & hominem equitantem ad conducendum, & duos homines pedites. Finito exercitu, Comes, si voluerit, Senescallo reddet papilionem; sed nisi reddiderit, non ideo minùs in alio exercitu papilionem habebit. Comes cùm in exercitu Regis fuerit vel ierit, postutelam faciet, & in reditu retutelam; & quicquid ei acciderit, siue bonum, siue malum, ore Domini Regis inde non vituperabitur. Ego Huo de Cleeriis vidi hæc servitia reddere Comiti Fulconi Regi Hierusalem in duobus exercitibus Alvernæ & in uno coronamento Bituri; & Comiti Gaufri-

do, qui est sepultus Cenomanni, vidi reddere in uno coronamento Bituri, & in alio Aureliani. Item Galterius de Silvanecti Pincerna recognovit ante Regem Lodovicum, me audiente, se tenere de Comite Andegavenſi quicquid habebat in villa Silvanectis extra muros, & foragia totius Arbriæ eſſe de feodo Comitſ Andegavenſis, & omnia caſamēta. Radulfus de Martreio & Thomas frater ſuus ſolebant ſervire in Andegavia de feodo ſuo. Et ego Huo de Cleeriis, dum loquerer cum Rege Lodovico, audivi ab ipſo hæc verba: *Radulfe de Martreio, vide Huonem de Cleeriis militem Comitſ Andegavenſis domini tui. Vade ſervitum feodum tuum mareſcalciæ, & hospitare Huonem, quia habes iſtum feodum à Comite.* Tunc Radulfus hospitatus eſt me ſub nomine mareſcalciæ. Et adjecit Rex: *Ego Dei gratia iam ſum bene cum Comite Andegavenſi.* De cetero Comes appellatur Major in Francia propter poſtutelam & retutelam quam facit in exercitu Regis. Item quando erit in Francia, quod [ipſo] & curia ſua judicaverit firmum erit & ſtabile. Si verò contentio aliqua naſcetur de iudicio factō in Francia, Rex mandabit quòd Comes veniat illud emendare; & ſi pro eo mittere noluerit, ſcripta utriuſque partis Comiti transmittet, & quod inde ſua curia judicabit firmum erit & ſtabile. Ego Huo de Cleeriis vidi multociens iudicia facta in Francia, in Andegavia emendari; ſicut fuit de bello apud ſanctum Audomarum factō, & de pluribus aliis placitis & iudiciis. Hoc vidi, & multi alii mecum.



*Epistola Henrici II. Regis Angliæ de
custodia abbatiæ sancti Iuliani
Turonensis.*

An. 1159.

Henricus Rex Angliæ & Dux Normanniæ & Aquitaniæ & Comes Andegavensis omnibus fidelibus suis salutem. Sciatis quòd Rex Franciæ Aurelianus in communi audientia recognovit quòd custodia abbatiæ sancti Iuliani Turonensis ad me pertinet ex dignitate dapiferatus mei, unde servire debeo Regi Franciæ sicut Comes Andegavensis, ita quòd Archiepiscopus Turonensis nullam habet in ea potestatem præter episcopalia sicut in ceteris. His audientibus, Ioscio scilicet tunc Turonensi Archiepiscopo, Abbate sancti Evurcii, Abbate sancti Benedicti super Ligerim, Gaufrido & Stephano capellanis, Richardo Thesaurario, Iohanne Camerario Vend. B. fratre Regis Franciæ, Vvillelmo Sil. Ham. Roberto de Novoburgo, Hugone de Cleeriis.

Istud transcriptum attulit R. Barbon Ballinus Turonensis & procuravit sub sigillo prepositura Turonensis haberi anno Domini MCC. octogesimo octavo die Mercurii ante festum beati Georgii.

Notitia de electione Abbatis Vosiensis.

An. 1229.

Cum humana memoria mutabilitati sit subiecta, & homo, qui nunquam in eodem statu permanet, tanto memoriam habeat labilem quanto jure naturæ suæ mutabilitati sit subiectus, idcirco ne diuturnitate temporis vel personarum mutatione

aliqua iurisdicção quam Abbas & monasterium sancti Martialis Lemonicensis tam de iure quam de consuetudine approbata obtineat in monasterio Vosienſi, possit à memoriis hominum aboleri, illam dignum duximus litteris commendare. Præsentes igitur & futuri memoriter teneant & sint certi quòd tertio Kal. Novembris anno Domini MCCXXVIII. Raimundo Gaucelini Abbate sancti Martialis Lemovicensis in monasterio Vosienſi existente, qui Abbas ad mandatum Abbatis & conventus Vosienſis ibidem venerat ut resignationem R. de Longa Abbatis sui reciperet, tunc idem Abbas Vosienſis in manu dicti Abbatis sancti Martialis resignavit præsente toto conventu Vosienſi administrationem suam, & eidem reddidit sigillum suum, recognoscens publicè coram venerabilibus viris Aimerico de Longa Abbate Albæterræ & Canonico Petragorricenſi & magistro Durando Archidiacono Lemovicensi & Præposito sancti Iuniani & omnibus sociis Abbatis sancti Martialis & pluribus aliis quòd ipse missus fuit in Abbatem Vosienſem ab Abbate Hysimberto sancti Martialis antecessore prædicti Abbatis R. Gaucelini tamquam à patre Abbate Ecclesiæ Vosienſis. Postmodum verò cum conventus Vosienſis capitulum suum intrasset de eligendo Abbate tractaturus, dictus R. Abbas sancti Martialis in eodem capitulo tamquam pater Abbas sederet, recognoverunt quòd dictus Abbas sancti Martialis habebat ibidem correctionem & reformationem; & idem quædam ad instantiam eorundem monachorum auctoritate propria correxit & reformavit & de novo instituit, sicut in augmentatione vini, & in provisione decem librarum pensionis R. de Longa quondam Abbatis Vosienſis, & in collatione præbendæ G. Ademari servientis dicti Abbatis sui. Et hæc omnia ibi Abbas sancti Martialis correxit

& instituit ante electionem faciendam & post ; & petierunt omnia ista ab ipso Abbate sancti Martialis tamquam à patre Abbate sigillari & confirmari. Quod & ipse fecit ad petitionem eorundem.

Postea verò idem conventus Vosiensis sex electores elegit præsente eodem Abbate & assensum suum eis præbente : qui iuratr in manu ipsius quòd meliùs facerent & utiliore personam de Ecclesia sua vel monasterio sancti Martialis eligerent , intrantes Ecclesiam Vosiensem , invocata spiritus sancti gratia , elegerunt concorditer & unanimiter P. Hugonis monachum ejusdem Ecclesiæ in Abbatem. Quo electo , venientes coram Domino Abbate sancti Martialis existente in refectorio Vosiensi , præsentibus sociis suis , scilicet Hugone Priore tunc de Suprabosco , Aymoino Priore de Malavalle , Vv. Præposito de Palnato , Geraldo de Bonavalle Præposito de Arnaco , Hugone de Charreiras Cellario sancti Martialis , Helia Cofolent Præposito de Roserio , Bernardo del Ga , Gerardo de Iaunac , Otgerio , Capellanis Abbatis sancti Martialis , Bernardo la Vilata Præposito de Fisco , Stephano de Salvaniec Priore Vosiensi , & Iohanne de Maurenfanas monacho , palam & in pùblico præsenterunt ei dictum electum , supplicantes eidem Abbati humiliter ac devotè ut ipsum recipere dignaretur. Abbas verò cùm inquisisset plenariè tam de modo electionis quàm de persona electi , & invenisset electionem fuisse canonicam , ad instantiam eorundem dignum duxit admittere præsentatum ; ità tamen quòd in continenti capitulum subintrantes , idem electus eidem Abbati sancti Martialis sedenti ibidem , recepto ab eodem honore & administratione abbatiæ , solemnem & publicam professionem fecit promittens & faciens ei obedientiam manua-lem , pacis osculo subsequente. quam obedientiam

reverentiam , & honorem tamquam domino & patri suo exhibiturum omni tempore se promisit.

Cum autem hæc omnia ritè fuissent celebrata , astiterunt in capitulo Vosiensi & præsentés fuerunt Aimericus de Longa Abbas tunc Albæterræ & Canonicus Petragoricensis , & Vv. de Saillac Prior de Glanderis Cartusienſis ordinis , & P. de Longa Canonicus Petragoricensis , & omnes alii supradicti.

Deinde Abbas sancti Martialis [misit] litteras suas cum sollemne nuntio, scilicet He. Cofolent Præposito de Roserio , ad Dominum Guidonem Lemovicensem Episcopum pro confirmatione dicti electi impetranda: quam obtinuit prout à dicto Episcopo postulavit. Postmodum verò die dominica post festum omnium sanctorum in Ecclesia sancti Iuniani idem Abbas sancti Martialis publicè cum sollemnitate qua decuit eundem electum dicto Episcopo præsentavit , & petiit ipsum benedici in Abbatem, Cui petitioni dictus Episcopus assensum præbuit & effectum. Benedictus verò Abbas ut primò , sicut decuit , matricem suam Ecclesiam , videlicet Ecclesiam beati Martialis Lemovicensis , visitarèt , accessit ad eandem , & fuit ibi cum sollemni processione receptus , sicut quælibet matrix Ecclesia de subjectis suis Abbatibus in novitate eorundem facere consuevit.



*Testimonia de indulgentia concessa Ecclesie
sanctæ Mariæ de Portiuncula.*

IN nomine Domini. Amen. Ego frater Benedictus de Arcio, qui olim fui cum beato Francisco cum adhuc viveret, & divina gratia operante ipse pater sanctissimus ad suum ordinem me recepit, qui sociorum suorum socius fui, & cum ipsis frequenter & in vita patris nostri & post ipsius recessum de hoc mundo ad patrem cum eisdem discretis ordinis collationem frequenter habui, confiteor me frequenter audivisse à quodam sociorum supradictorum beati Francisci, qui vocabatur frater Matthæus de Marignano, qui fuit homo veritatis & probatissimæ vitæ, quod ipse fuit cum beato Francisco apud Perusium ante præsentiam sanctæ memoriæ Domini Papæ Honorii cum petivit indulgentiam omnium peccatorum pro illis qui contriti & confessi convenirent ad locum sanctæ Mariæ de Angelis, quæ alio nomine Portiuncula nominatur, prima die Kalendarum Augusti à vespere dictæ diei usque ad vespertas sequentis diei. Quæ indulgentia cum fuisset tam humiliter quam constanter à beato Francisco postulata, fuit tandem à summo Pontifice liberalissimè & gratissimè concessa; quamvis diceret ipse summus Pontifex non esse consuetudinis apostolicæ sedis talem indulgentiam facere.

Hæc supradicta confiteor ego frater Rainerius de Mariano de Arcio socius venerabilis fratris Benedicti me audivisse frequenter à supradicto fratre Matthæo socio beati Francisci; cui fratri Matthæo & ego frater Rainerius fui socius specialissimus.

Item coram fratre Angelo Ministro, fratre Bo-

nifacio Gardiano, fratre Bertolo de Perusio, & aliis fratribus, in loco Portiunculæ, Petrus Callannus dixit quòd interfuit constructioni Ecclesiæ sanctæ Mariæ de Portiuncula, & audivit tunc beatum Franciscum plura prædicantem coram venerabilibus Episcopis; & habebat quandam cedulam in manu, & dixit: Ego volo vos omnes mittere ad paradisum, & annuncio vobis indulgentiam quam habeo ab ore summi Pontificis. Omnes vos, qui venistis hodie, & omnes qui venient annuatim tali die bene corde contrito, habebunt indulgentiam omnium suorum peccatorum. Ego volui pro octo diebus, sed non potui.



*Litteræ Ludovici IX. Regis Francorum de
fundatione Ecclesiæ Damiatæ.*

Charta Ecclesiæ Damiatæ.

IN nomine sanctæ & individuæ trinitatis. Amen. Ludovicus Dei gratia Franciæ Rex. Si ad bona quæ de manu Domini suscepimus & nostram insufficientiam mentis oculos dirigamus, profectò non videmus qualiter pro susceptis beneficiis condignas ei gratiarum actiones rependere valeamus aut qualiter pro omnibus quæ retribuit nobis respondeamus tanto tamque magnifico largitori. Non enim unum pro mille respondere possemus. Porro cum nec sufficiamus ad tanta Dei magnalia dignis laudibus extollenda, devotè tamen assurgimus ad gratiarum actiones quas possumus exsolvendas, illud præcipuè inter suscepta Dei beneficia recolentes quod nostris temporibus & nobis etiam, licet indignis, unà cum exercitu Christiano pervenientibus

An. 1249.
Vide to 5.
Duchefnii
pag. 354.

ad littora Damiatæ, anno videlicet Domini millesimo ducentesimo quadragésimo nono, sabbato ante festum sancti Barnabæ Apostoli, sic mirabiliter, sic potenter affuit divinæ propitiationis auxilium quod cum tibi perfidorum Sarracenorum multitudo maxima convenisset, qui ne Christianorum exercitus in terram descenderet resistere nitebantur, tandem divina prævalente potentia Christiani, repulsis hostibus & in fugam conversis, terram ipsam feliciter intraverunt, quodque manifestissimum exitit divinæ miserationis indicium, crastino die dominica Rex virtutum Iesus Christus Dominus noster felicibus felicia adiciens, eis qui in civitate erant tantum terrorem incussit quod omnes unanimiter civitatem ipsam munitissimam penitus relinquentes terga verterent nemine insequente; sicque eam de manu Domini recepimus vacuum inimicis. Unde gaudemus in Domino plurimum & lætamur. Cum igitur ad laudem & gloriam Iesu Christi Domini nostri & gloriosæ virginis matris ejus, per cujus intercessionis suffragia tanta fidelibus Christi beneficia provenisse creduntur, in majori Ecclesia beatæ Mariæ civitatis ejusdem, eliminata prorsus paganorum spurtitia, certi deputati sint ad reddendum divinæ servitutis obsequium servitores, nos, qui specialiter in votis gerimus ut ei qui dedit omnia ac gloriosissimæ genitrici suæ dignè & laudabiliter serviatur ibidem, concedimus in perpetuam elemosynam Ecclesiæ memoratæ duas turres cum domibus adjacentibus & domum quæ dicebatur Machomeria, & plateam prædictis domui & turribus adjacentem ad usus Archiepiscoporum dictæ Ecclesiæ, & claustrum quod protenditur à gradu lapideo quo ascenditur super muros, qui est prope minorem turrim Archiepiscopi, usque ad viam quæ est inter domum quam tenet Patriarcha & domum san-

ſti Lazari, cum omnibus domibus & plateis infra
ipſam contentis ad opus Canoniorum in perpe-
tuum poſſidendum liberè ab omni burgeſia & tribu-
to, nihil nobis vel ſucceſſoribus noſtris reſervantes
in poſterum in eiſdem. Volumus etiam & concedi-
mus quòd idem Archiepiſcopus & capitulum perci-
pianſ decimas de omnibus appactis in civitate &
dioceſi Damiatæ quæ ad manus domini ſeu domino-
rum devenerint, videlicet de appactis molendino-
rum, furnorum, balneorum, piſcationum, cap-
tionis avium, ſalinarum, cambii, monetæ, ſi in
dioceſi vel in civitate cuderetur, necnon fundæ,
catenæ, peſagii, menſuragii fructuum terrarum,
nutrimentorum animalium, & generaliter omnium
reddituum civitatis & dioceſis prædictarum. De
emendis tamen quæ pro forefactis levabuntur ab
iis quorum erit juſtitia decima non ſolvetur. Inſuper
de fructibus terrarum non appretiatis volumus &
concedimus ut decimæ prædictæ Eccleſiæ integrè
perſolvantur. De prædictis autem decimis percipiet
Archiepiſcopus duas partes, & tertiam Canonici &
dictæ Eccleſiæ ſervitores. Præter has autem deci-
mas volumus & concedimus quòd quinque milia
biſanciorum annui redditus Archiepiſcopo & quin-
que milia Canoniciſ & ſervientibus Eccleſiæ ſu-
prædictæ tam in caſalibus quàm in poſſeſſionibus
infra dioceſim antedictam, poſtquam terra ipſa de
manibus infidelium liberata fuit, aſſignentur. Vo-
lumus etiam & concedimus quòd prædicto Archi-
epiſcopo, cum terra ipſa liberata fuerit, aſſignen-
tur ſibi & ſucceſſoribus ſuis in perpetuum feoda de-
cem militum, qui dicto Archiepiſcopo homina-
gium & ſervitium facient, & eidem tenebuntur ſervire
juxta conſuetudinem regni Ieroſolymitani de feodis
antedictis; ac idem Archiepiſcopus & ſucceſſores
ſui de ipſis ſervire tenebuntur nobis in ſubſidium

nostrum, quandiu in terra prædicta fuerimus, & successoribus nostris qui pro tempore dominium habuerint dictæ terræ, quando ab ipsis vel à nobis super hoc fuerint requisiti. Volumus etiam & præcipimus quòd si præmissa à nobis assignata non fuerint eidem Ecclesiæ in toto vel in parte priusquam à partibus recesserimus cismarinis, quicumque dominium terræ habuerit loco nostri, ea integraliter teneatur eidem Ecclesiæ prout expressa sunt superius assignare. Præterea volumus & concedimus quòd Archiepiscopus & Canonici tam pro se quàm pro hominibus suis & rebus eorum ad usus proprios in portum & in civitatem liberum ingressum habeant & egressum sine aliqua exactione vel coustuma domini temporalis. Mensuragium quoque, pesagium, & vasa aquatica similiter ad usus proprios habeant sine exactione aliqua vel coustuma. Quod ut perpetuæ stabilitatis robur obtineat, præsentem paginam sigilli nostri auctoritate & regii nominis charactere inferius annotato fecimus communiri. Actum in castris juxta Damiatam anno incarnationis dominicæ millesimo ducentesimo quadragesimo nono, mense Novembris, astantibus in palatio nostro quorum nomina supposita sunt & signa. Dapifero nullo. Signum Stephani Buticularii. Signum Iohannis Camerarii. Signum Imberti Constabularii.



*Ejusdem Ludovici Regis litteræ de pensione
concessa Episcopo Damiatano.*

Litteræ Episcopi Damiatani.

L Vdovicus Dei gratia Francorum Rex. Notum facimus quòd nos attendentes quòd dilectus & fidelis noster E. Dei gratia Damiatanus Episcopus factus fuerat pauper propter Christum, & etiam propter ejus gratum servitium quod nobis impendit in partibus transmarinis, dedimus & concessimus eidem ducentas libras Parisienses annui redditus, quandiu vixerit sine episcopatu vel archiepiscopatu, percipiendos in festo omnium sanctorum annuatim in coffris nostris; ita quòd post ejus decessum, vel postquam provisum fuerit ei de episcopatu vel archiepiscopatu, idem redditus ad nos & heredes nostros liberè revertatur. In cujus rei testimonium dedimus ipsi præsentis litteras sigilli nostri munimine roboratas. Actum in castris juxta Ioppen anno Domini MCCL. secundo, mense Iulio. An. 1252.

*Quoddam scriptum de vacatione Ecclesiæ Sueffionensis, & de collatione præbendarum
tempore regali.*

A Nno Domini millesimo ducentesimo quadragesimo nono, septima die intrante Aprili, Radulphus de Castro Sueffionensis Episcopus ultra mare viam universæ carnis ingressus est. A quo tempore sedes Ecclesiæ beati Gervasii Sueffionensis dicitur vacasse. Et eodem anno in divisione Apostolorum sesita fuerunt regalia. An. 1250.

Item eodem anno in crastino beatæ Mariæ Magdalenæ vacavit præbenda in dicta Ecclesia de morte magistri Roberti de Silvaneto : quæ fuit collata, dicta sede vacante, à Blancha tunc Regina Franciæ, Ludovici carissimi filii sui nomine, Domino Bartholomæo Remensi Capellano Regis.

Item dicta sede vacante, vacavit præbenda in dicta Ecclesia de morte Philippi Presbyteri de Castro Theodorici : quæ fuit collata à Domina Regina, dicti Regis nomine, magistro Iohanni de Sueffionis dicto Cerario.


Item dicta sede vacante, vacavit præbenda in dicta Ecclesia de morte Girardi le Bougre : quæ fuit collata à dicta Regina, dicti Regis nomine, magistro Guidoni de Norenor.

Item dicta sede vacante, vacavit præbenda in dicta Ecclesia de morte Nicolai de Hanger : quæ fuit collata à dicta Regina, dicti Regis nomine, Domino Gaufrido tunc Presbytero de Braie.

Item anno Domini millesimo ducentesimo quinquagesimo primo, die Martis post festum beati Hilarii, dicti Canonici ad mandatum speciale dictæ Reginæ per litteras patentes ejusdem Decano & capitulo dictæ Ecclesiæ se præsentaverunt ut eosdem in dicta Ecclesia in Canonicos & in fratres reciperent. Set dictis Canonicis contemptis, die Iovis proxima sequenti præfati Decanus & capitulum ad electionem processerunt, & dicta die Dominum Neuelonem Archidiaconum in Bria in Episcopum elegerunt.

Item eodem anno, die Lunæ post octavas Purificationis beatæ Mariæ virginis, coram dicta Regina dictus electus pro se, & Iacobus tunc temporis Archidiaconus Sueffionensis, Thesaurarius verò Belvaceusis, magister P. de Sontions Pœnitentiarius Belvacensis, ex parte dicti capituli & nomine
procu-

procuratorio Parisius personaliter comparuerunt ,
proponentes ex parte dicti capituli quod collatio
præbendarum sede vacante in prædicta Ecclesia ad
Regem nullatenus pertinebat , hanc solam ratio-
nem prætendentes, quod Rex nunquam contulerat.
Quibus factis & dictis , extitit eisdem responsum
ex parte dictæ Reginæ & ex parte illorum qui tunc
erant ad consilium Regis , videlicet Archiepiscopi
Bituricensis , Episcopi Aurelianensis , Episcopi Bel-
vacensis , Episcopi Ebroicensis , fratris Reginaldi
dicti Cardinalis , fratris Guidonis de Antissiodoro,
magistri Odonis de Lorriaco, magistri Petri de Au-
rivalle , Archidiaconi Parisiensis , Decani sancti
Aniani Aureliacensis , Domini Gaufridi de Capella
Militis , & Domini R. de Caprosia , quod de con-
suetudine regni Franciæ collatio præbendarum sede
vacante in dicta Ecclesia debebat ad Regem perti-
nere. Et hanc responsionem dictus electus & pro-
curatores antedicti dicti capituli nomine approba-
verunt & laudaverunt in præsentia prædictorum ,
& dictos Canonicos nomine dicti capituli in Cano-
nicos & in fratres receperunt & eosdem pro receptis
habuerunt , promittentes quod die dominica se-
quenti dictos Canonicos in dicta Ecclesia per De-
canum & capitulum antedictos in Canonicos & in
fratres recipi plenariè facerent , videlicet stallum
in choro & locum in capitulo assignando , & om-
nibus rebus ad dictas præbendas pertinentibus eos
uti permittendo. Dicti verò Canonici pro bono
pacis dictam electionem ratam & firmam habue-
runt. Actum anno , die , seu diebus supradictis.



*Litteræ Præpositi, Decani, & capituli
Suessionensis.*

EXcellentissimæ Dominæ suæ B. Dei gratia Franciæ Reginæ H. Præpositus, B. Decanus, totumque capitulum SueSSIONENSE, salutem, & cum devotis orationibus paratam ad beneplacita voluntatem. Serenitati regiæ tenore præsentium notum facimus quòd nos in negotio seu quæstione quæ vel quod inter vos & nos ad præsens agitur super præbendis quas in Ecclesia SueSSIONENSI vacante se de jure regio dicitis vos posse conferre venerabilibus viris H. Præposito, magistro P. de Sonion & P. de Bueria concanonice nostris dedimus potestatem & speciale mandatum tractandi vobiscum, compromittendi, componendi, & pacificandi negotium seu quæstionem prædictam & omnia alia faciendi quæ dicto negotio viderint expedire, & quæ facere possemus si præsentem essemus, quicquid super præmissis vel aliquo præmissorum per prædictos H. P. & P. vel duos ex eis de consilio & assensu venerabilis viri N. Dei gratia electi SueSSIONENSIS factum fuerit ratum & gratum habituri. Et hoc omnibus volumus esse notum. Dátum anno Domini MCC. quinquagesimo primo, feria tertia ante Purificationem beatæ virginis.

*Litteræ Decani & Capituli Cenomanensis de
petenda licentia eligendi.*

An. 1255.

EXcellentissimo Domino Ludovico Dei gratia Regi Franciæ illustri Robertus Decanus & capitulum Cenomanense salutem in eo qui dat salutem Regibus. Dolentes non modicum dominationi

vestræ denuntiamus bonæ memoriæ Gaufridum nuper Episcopum nostrum viam universæ carnis ingressum, petentes à vobis licentiam eligendi. Bene & diu vivatis & valeatis in Domino. Datum in festo nativitatis beatæ Mariæ anno Domini m c c l. quinto.

Epistola Capituli Valentini ad Archiepiscopos Narbonensem & Arelatensem.

Reverendis in Christo patribus Dominis Narbonensi & Arelatensi Archiepiscopis capitulum Valentinum se ipsos ad pedes eorum humiliter inclinatos. Vtinam nos veritas non urgeret, utinam etiam nos necessitas non induceret ad testimonium perhibendum quomodo & qualiter in iis partibus re vera Christiana conditio variis præcipitata ruinis & barbaricæ gentis incurfu multiplicatis cædibus cruentata incessanter affligitur & inexplicabiliter expugnatur, quomodo etiam & qualiter ad tuitionem castrorum quæ in regno Valentia possidentur per cultores nominis Christiani maximi & immoderati sumptus vix sufficiunt, & quomodo dicta castra nihilominus cum magnis periculis conservantur. Verum quia paternitati vestræ per has litteras præteriti temporis exponere dispendia necnon & instantis periculi exprimere nocumenta credimus multipliciter expedire, sic videlicet ut hoc omnipotenti Deo gratum & acceptabile reputemus, inclito etiam Regi Aragonum & suæ terræ Christianis utile præterea extinemus, idcirco, etsi non dominationi vestræ vivæ vocis oraculo, quemadmodum cupimus, hujus terræ damna & pericula recitamus, attamen sub quodam generalitatis involucro dominationi vestræ tam de præsentibus blas-

An. 1177.

phemorum Christi hostilibus insultibus quàm ex-
actis ex multis aliqua scribere utile fore animadver-
timus, & ex infinitis pauca referre multùm expe-
diens esse putamus, per celsitudinem regiam man-
suetè rogati & humiliter requisiti ut pro veritatis
lucerna vestræ testemur prudentiæ id quod scimus &
scivimus, id quod videmus & vidimus in præmissis.
Vestræ igitur paternitati vestræque discretionis per
multa rerum experimenta probatæ tenore præsen-
tium intimamus quòd perfidi Sarraceni de regno
Valentiæ oriundi, de castris regni ejusdem ab an-
no & quatuor mensibus citra quamplurima castra,
quorum quædam sunt ferè inexpugnabilia, proditi-
tionaliter invaserunt & fraudulenter invasa hod..
... detinent occupata; cum quorum castrorum
fortitudine ipsorumque paganorum multitudine
perhorrenda, peccatis nostris exigentibus, truci-
dant orthodoxos, fideles capiunt, & eosdem miro
affectu & intenta sollicitudine persequuntur, cap-
tosque inexcogitato captionis modo durè ac dirè
incarcerant, & incarceratos impiè cruciant mille
generibus tormentorum in Christiani cultus oppro-
brium & contemptum. Et licèt quædam de castris
præfatis Dominus Petrus nunc inclitus Rex Ara-
gonum arte ac ingenio laudabiliùs recuperare sum-
mopere sit conatus, quædam etiam virtute armo-
rum cum multifaria Christicolarum strage, de quo
est summè dolendum, & cum exercitibus quam-
plurimùm sumptuosius, Deo desuper donante opem,
de castris recuperaverit memoratis, hodie tamen
plures fortitudines quàm triginta in non modicam
Christianorum confusionem & contumeliam deti-
nent violenter. Et quid plura? Multitudo etiam
Ianetorum, quos regio genuit Africana, in Va-
lentino regno convenit, quorum etiam aliqui pro-
fecto in quantitate non modica noviter sunt ven-

turi, per incolarum hujus regni Agarenorum promissiones & munera vocatorum: qui pluralitate ipsorum, prout eis est possibile, terram devastare non cessant & immaniter ausa tentant expugnare. Proh dolor igitur, proh dolor, quod tam frequenter audivimus inviti jacturas renatis fonte baptismatis imminere. Cùm ergo, Patres & Domini circumspecti, Dominus Rex præfatus pro conservatione & tuitione Valentini regni ad expensas inevitabiles præsentis atque futuras non sufficiat faciendas, tum quia Dominus Iacobus bonæ memoriæ Rex Aragonum pater suus regnum suum divisit, secundùm quod vos hoc non credimus ignorare, sicque Dominus Rex præfatus ferè in reddituum sui patris sit parte tertia diminutus, qui etiam pater ejus, dum vivebat, ad hanc pestem Saracenicam coercendam sufficere non valebat, dominationi vestræ humiliter supplicamus quatenus vos, quibus est per summum Pontificem commissâ potestas dicto præfato Regi de proventuum ecclesiasticorum decima terræ Regis Aragonum providere, his angustiis & pressuris salutare consilium & auxilium impendatis de dicta decima in persona Regis ejusdem, hujus regni statui & ruinoso salubriter & celeriter deliberatione provida consulentes. Succursu siquidem eger & certè magno succursu Rex illustris Aragonum, qui non dicamus pro expulsionem Ianetorum & aliorum plurium bellatorum, sed tantum pro conservatione ac suorum tuitione castrorum cogitur expendere quicquid habet, imo veraciùs plus quàm habet. Exurgat igitur, exurgat vestra dextera in Christianæ fidei contemptores, & præliantibus contra barbaræ filios nationis cum securis conscientiis manum porrigat adjutricem. Et quoniam ad præsens sigillum capituli non habemus, has præsentis litteras sigillo

officialatus curiæ Domini Valentini Episcopi duximus sigillandas. Datum Valentiniæ xiv. Kal. Iulii anno Domini mclxx. septimo.

*Testamentum Raymundi de Cornilio Episcopi
Caturcensis.*

An. 1289. **I**N nomine sanctæ & individuæ trinitatis patris & filii & spiritus sancti. Nos Raymundus Dei gratia Caturcensis Episcopus attendentes præsentis vitæ conditionis statum instabilem & ea quæ videntur habere visibilem essentiam tendere visibiliter ad non esse, & ideo desiderantes salubri præmeditatione diem nostræ peregrinationis extremum, tanquam incertum & dubium, testamentaria dispositione cum auxilio divinæ gratiæ, quantum ipse Deus annuit, prævenire, testamentum nostrum, ordinum, dispositionem, & nostram ultimam voluntatem, quantum de juris permissione & apostolicæ sedis concessione & consuetudine seu usu Ecclesiæ Caturcensis possumus, prout sequitur, facimus ac etiam ordinamus.

In primis commendamus animam nostram omnipotenti Deo & beatæ gloriøsæ semper virgini Mariæ, & beato Stephano protomartyri, & omnibus sanctis. Et quodocunque & ubicunque nos decedere contigerit, eligimus sepulturam nostram in capella nostra quam construximus in cathedrali Ecclesia Caturcensi ad honorem sancti Blasii & sanctæ Catharinæ.

Item ordinamus, legamus, & volumus quod pro expensis funerariis exequiarum nostrarum exequutores nostri inferius nominandi expendant quinque milli a solidorum Turonensium.

Item ordinamus & volumus quod de bonis nostris & Ecclesiæ Caturcensis prædictæ per executores nostros infra scriptos, deductis primitus expensis funerariis prædictis, satisfiat omnibus & singulis creditoribus & conquerentibus nostris, secundum quod per ipsos sine causarum strepitu ostendi & declarari poterit & absque juris sollemnitate rationabiliter comprobari. Et specialiter præcipimus dictis executoribus nostris quod solvant Bernardo Dolvy vel successoribus ejus sex viginti libras Turonenses nomine emendæ, item sexaginta solidos Tolosanorum Bernardo de Samata civi Tolosano, quos mutuavit nobis.

Item legamus fratribus Minoribus de Caturco quinquaginta libras Caturcenses semel solvendas. Item fratribus Prædicatoribus de Caturco quinquaginta libras Caturcenses semel solvendas. Item domibus fratrum sancti Augustini & de monte Carmeli & de Grandimonte civitatis Caturci, cuilibet illarum trium quindecim libras Caturcenses semel solvendas. Item sororibus sanctæ Claræ de Caturco quindecim libras Caturcenses. Item hospitali nostro de Sobiros quatuor lectos garnitos & viginti quinque libras Caturcenses ad reparationem dicti hospitalis. Item unicuique aliorum hospitalium ejusdem civitatis Caturci unum lectum garnitum. Item monialibus monasterii de Lesne quindecim libras Caturcenses. Item monialibus de las Boyfas decem libras Caturcenses. Item monialibus de la Peyras centum solidos Caturcenses. Item sororibus Minoritis de Monte albano centum solidos Caturcenses. Item monialibus de Obazina decem libras Caturcenses. Item cuilibet domui fratrum Minorum & Prædicatorum diocesis Caturcensis centum solidos semel solvendos ad faciendam unam refecti-
onem pro obitu nostro. Item monialibus d'Es-

panhiac decem libras Caturcenses. Item monialibus de la Daurada de Caturco decem libras Caturcenses. Item cuilibet abbatiæ monachorum nostræ diocesis Caturcensis centum solidos Caturcenses semel pro obitu nostro faciendo. Item legamus hospitali de Croxia quatuor lectos munitos & decem libras Caturcenses semel solvendas. Item domui leproforum ejusdem loci unum lectum munitum. Item cuilibet domui leproforum nostræ diocesis quinque solidos. Item cuilibet reclusæ nostræ diocesis quinque solidos Caturcenses semel solvendo. Item cuilibet altari nostræ prædictæ cathedralis Ecclesiæ Caturcensis unum calicem unius marcæ & dimidiæ; excepto altari domini Raymundi de Trapis, qui habet unum à nobis; & illum legamus illi altari. Item Ecclesiis seu capellis sancti Iohannis & sancti Martini juxta nostram Ecclesiam cathedralem, cuilibet unum calicem unius marcæ & dimidiæ. Item Ecclesiis de Croxia duos calices, quemlibet duarum marcarum. Item Ecclesiæ de Mercurio unum calicem unius marcæ & dimidiæ. Item capellæ nostræ domus nostræ Caturcensis unum calicem unius marcæ & dimidiæ. Item Ecclesiæ d'Ausac prope eos unum calicem unius marcæ & dimidiæ. Item legamus quinque calices, quemlibet unius marcæ, solvendo & distribuendo secundum ordinationem testamenti magistri Guillelmi Aultorga quondam officialis nostri,

Item legamus clericis nostris non beneficiatis, videlicet magistro Martiali Majoris, & Guillelmo de Ponte, & magistro Geraldo la Costa, & Armando la Vidalia, Guillelmo & Aymerico de Valon, fratribus Iohanni Torn, Iohanni la Costa, Raymundo Lafon dicto Porthuselio, Iacobo Fornerii, Petro Boverii, Stephano de Blasaco, cuilibet istorum decem libras Caturcenses.

Item neptibus nostris monialibus, videlicet Margaritæ & Gualhiardæ monialibus Deanrata, item & Priorissæ de Coyros, & moniali hospitalis Domina Anglinæ filia quondam Domini Rotgerii de Cornilio, & filia domini Geraldi de Lemogos moniali de Lesme, unicuique istarum decem libras Caturcenses.

Item ostiariis nostris & marescallo nostro & coquinario nostro, videlicet Bernardo Riol & dicto Rossato, Petro Fabri, & Amaldo Lotot, cuilibet ipsorum decem libras Caturcenses.

Item tribus nostris cursoribus, videlicet Raymundo, Donato, & Brisabara, cuilibet decem libras Caturcenses. Item palafrenariis nostris, videlicet Guillelmo Baras & Anglico, cuilibet decem libras. Item saumatariis nostris, videlicet Geraldo le Lonne Mayrinhiaco, Stephano lou Bley, Petro Cameyra, cuilibet decem libras Caturcenses. Item Petro de Mayrinhiaco piscatori nostro decem libras Caturcenses. Item Bertrando nepoti Bertrandi Barras quindecim libras Caturcenses ad monachandum eum. Item legamus Almoziæ, quæ moratur apud la Boria, decem libras Caturcenses. Item Iohannæ, quæ moratur apud Mercorium, centum solidos Caturcenses. Item dicto Catala, & dicto Rapasso, & dicto Alberto, cuilibet centum solidos Caturcenses.

Nolumus tamen quod si huiusmodi prænominatæ partes sive personæ quibus legavimus præmortui fuerint & nobis non supervixerint, quod heredes vel successores eorum aliquid possint petere in legatis prædictis.

Item nolumus quod si prædicti clerici vel aliqui seu aliquis eorum essent à nobis beneficiati, quod postea aliquid possint petere in prædictis seu de prædictis legatis.

Item legamus domibus militiae Templi & hospitalis Ierosolymitani cuilibet earum decem libras Caturcenses.

Volumus etiam quòd de residuis bonis nostris dicti executores nostri infra scripti possint remunerare alios familiares seu servitores nostros secundum quod fuerit rationis & eis videbitur expedire. Ita tamen quòd per generalitatem istam ratione legati nihil possit exigi vel peti ab aliquo, quacunque causa seu auctoritate, ratione legati. Et si quid peteretur ratione incerti legati, dictum legatum quoad generalitatem illam penitus revocamus ac etiam annullamus.

Prædictos verò executores nostros in præmissis & quolibet præmissorum esse volumus, facimus, statuimus, & ordinamus discretos & religiosos viros, dilectum nepotem nostrum B. Archidiaconum Caturcensem, & magistrum Petrum Martini Cantorem, & magistrum Raymundum Pauchelli Canonicum Ecclesie Caturcensis, & Priorem Prædicatorum, & Gardianum fratrum Minorum, domorum & conventuum de Caturco: quibus executoribus nostris prædictis damus & concedimus plenam & liberam potestatem ac speciale mandatum omnia bona nostra & nostre Ecclesie mobilia accipiendi, vendendi, & alienandi, tenendi & conservandi, solvendi, petendi & exigendi in iudicio & extra, declarandi, specificandi & disponendi in præmissis & quolibet præmissorum, ubi eis dubium videbitur vel etiam expedire; & quòd omnes executores prædicti simul, vel quatuor aut tres, duo aut unus ex ipsis, aliis absentibus vel nolentibus, prius tamen requisitis, prædicta omnia & singula possint exequi, facere, attendere & complere.

Hanc autem dispositionem, testamentum, or-

dinium, seu ultimam voluntatem nostram valere volumus jure testamenti, dispositionis extremæ, seu ultimæ voluntatis, & alio codicillorum jure, quacunque ratione seu causa quæ vel qua meliùs valere poterit & debebit.

Actum & datum apud Mercurium in camera nostra die Mercurii in festo beati Matthæi Apostoli, mense Septembris, Indictione secunda, anno Domini millesimo ducentesimo octuagesimo nono; præsentibus venerabilibus viris; Domino Guirberto Iohannis Milite, & Domino Bernardo de Portu Archipresbytero Montispenfati, & Domino Guilhelmo Boscoti rectore Ecclesiæ de Suris, & magistro Geraldo Ademaro rectore Ecclesiæ de Senezelas, & Domino Hectore de Turentia rectore Ecclesiæ de Saurz, & magistris Helia de Calomonte & Hugone de Vernolio, & Domino Petro Sacrista, testibus ad hoc per nos adhibitis specialiter & rogatis.

Et ego Martialis Maioris de Belloloco clericus Lemovicensis diocesis publicus apostolica & imperiali auctoritate Notarius, premissis ordinationibus, dispositionibus, legatis; & aliis omnibus unà cum dictis testibus in dicto loco presens interfui, & prædicta omnia de mandato dicti Domini Caturcensis Episcopi scripsi & publicavi; meoque signo unà cum sigillo ipsius Domini Episcopi signavi rogatus.



*Litteræ Clementis VI. de episcopatu Ostiensi
collato Stephano Cardinali tituli
sanctorum Iohannis & Pauli.*

* 13. Febr.
1352.

Clemens Episcopus servus servorum Dei venerabili Fratri Stephano Episcopo Ostiensi & Vvelletrensi salutem & apostolicam benedictionem. Decens reputamus & congruum ut sanctæ Romanæ Ecclesiæ Cardinales, quos Dominus tamquam præcipuas & sublimes Ecclesiæ prædictæ columnas prærogativa sublimavit honoris, quique in Ecclesiarum, monasteriorum, & personarum ecclesiasticarum defensione & ipsarum conservatione libertatum & iurium indefinenter studia & labores impendunt, in eisdem Ecclesiis, monasteriis, & personis percipiunt in suis opportunitatibus relevamen. * Hodie liquidem Ecclesiis Ostiensi & Vvelletrensi invicem canonicè unitis per obitum bonæ memoriæ B. Episcopi Ostiensis & Vvelletrensis pastoris solatio destitutis de te tunc tituli sanctorum Iohannis & Pauli Presbytero Cardinale, qui olim existens Episcopus Claromontensis, fuisti ad cardinalatus honorem assumptus, duximus providendum, præficientes te illis in Episcopum & pastorem. Attendentes igitur quòd licet præmineas cardinalatus honore, ad supportandum tamen onera expensarum quæ jugiter te oportet de necessitate subire, decenti non afflu's abundantia facultatum, ac volentes tuis in hac parte opportunitatibus providere, auctoritate apostolica decernimus monasteria, prioratus, dignitates, personatus & officia, canonicatus & præbendas, aliaque beneficia ecclesiastica quæ huiusmodi promotionis tempore per

nos de te factæ ad easdem Ostiensem & Vvelletrensem Ecclesias ex dispensatione apostolicas vel alias canonicè obtinebas, & ad quæ vel in quibus jus tibi competebat, quæ omnia, quæcunque, quotcunque, & qualiacunque fuerint, cum cura vel sine cura, præsentibus haberi volumus pro expressis & singulariter nominatis, per promotionem hujusmodi ad easdem Ostiensem & Vvelletrensem Ecclesias, vel per adeptionem pacificam administrationis bonorum earundem Ostiensis & Vvelletrensis Ecclesiarum, seu per decursum temporis de consecrandis Episcopis à canonibus diffiniti aliquatenus non vacare nec fore etiam vacatura, nec etiam jura tibi in eis competentia tibi diminui seu quomodolibet deperire, tecum nihilominus quòd Ecclesias, monasteria, prioratus, dignitates, personatus & officia, canonicatus & præbendas, aliaque beneficia ecclesiastica supradicta unà cum Ecclesiis tuis Ostiensi & Vvelletrensi, non obstantibus præmissis ac Lateranensis & generalium conciliorum & aliis quibuscunque constitutionibus contrariis, licitè valeas retinere, auctoritate apostolica de uberiori dono gratiæ dispensamus; proviso quòd Ecclesiæ, monasteria, prioratus, dignitates, personatus & officia, canonicatus & præbendæ, aliaque beneficia supradicta debitis non fraudentur obsequiis & animarum cura in eis quibus illa imminet nullatenus negligatur. Nulli &c. Datum &c.





EPISTOLA LVCII COLVTII

Salutati de Stignano quondam Florentinorum Cancellarii ad Nicolaum de Auximo.

*Venerabili Patri & Domino meo Domino Nichole de Ausimo Ecclesie Romanæ Protototario Domini nostri Papæ ,
singularissimo Domino
meo.*

An. 1368.

* Extant a
pud Ciaco-
nium.

I Vssisti, pater optime, ut in laudem bonæ memoriæ Domini Nichole de Capocciis olim Episcopi Tusculani atque Romanæ Ecclesiæ Cardinalis versiculos suo sarcofago inscribendos perficerem, in quibus non solum communes prælatorum laudes conciperentur, verum etiam singularia quamplurima resonarent; & ego id efficiendi avidus, onere injecto non librato, velociter nimis me obtuli. tamen potui diligentia laudes ejus atque tempus ætatis & mortis * decem septem versibus cumulavi, non inscius tanti viri laudem, quæ pro virtutum meritis infinitæ sunt, me non satisfacisse prout de-
cui. Sed ille non de meis versibus famam æternam mutuabitur, sed exactæ vitæ sinceritate & meritis. Quis enim obsecro posset, nedum parvo epitaphio, sed etiam longa metrorum serie tanti viri explicare virtutes, quali ab infantia fuerit indole, ab adolescentia maturitate, à virili ætate perfectione, in senectute verò divinitate, quantus fuerit ejusdem viri ad Ecclesiam fervor, in fide constantia & puritas, in justitiæ ministratione severitas, præteri-

torumque fidelis memoria, quæ præsentium ordinatio, quæve prævisio futurorum, quanta fuerit ejus in victu sobrietas, in vestitu mediocritas, in moribus comitas, qualis in adversis constantia, in prosperis moderatio, quanto fuerit caritatis igne succensus, qualis in orando devotio? Crede mihi, hæc si de illo verè prædicari velint, deficiet stilus, & eloquentia vix ipsa sufficeret. Non enim fuit ipse prælatus, sed monachus, non vir humanus, sed divinus. Et quod ego non plenè collegeram excusabit me ingenii ruditas & præfixus metrorum numerus, quem transire marmoris spatia non permittunt. Accipe ergo versus non capientes tanti viri virtutes, sed qui marmore capi poterunt, ut me tuorum jussuum potius rusticum perfectorem quàm neglectorem dicas. Et si quid aliud possum, injungito tamquam servo. Vale. Viterbii die nono Junii.

EIVSDEM EPISTOLA AD Franciscum Bruni.

Venerando Patri Domino meo Domino Francisco Bruni summi Pontificis Secretario.

Pater & Domine mi plurimùm venerande. Postquam de obitu sanctæ ac optimæ recordationis Patris & Domini nostri Urbani quinti, (quem utinam nunquam pro nominis sui celebritate vel Italiæ satietas vel Galliarum affectio tenuisset, ut qui in sedem propriam apostolicum thronum re-tulerat, in Ausonia moriens constanti proposito dimisisset) tecum conquestus sum, novit Deus ut pluries mecum agitaverim tibi de assumptione tam

An. 1371.

benigni tamque tibi singularis domini gratulari. Sed instant occupationes ; & nedum ad scribendum amicis facultas suppetit , sed ad satisfaciendum officio vix tempora conceduntur ; & nunc ægerrimè hæc quantulacunque , ut dici solet , exaro. Vt tamen priùs ad Urbanum redeam , me miserum ! Ille superfluitatum Clericorum severissimus circumcisor , gregisque sui ad propria non ad precaria septa compulsor , qui pecus diù errans & ab Italicis pabulis defuèctum ad urbem orbis arcem , unde quasi de cœlo etsi per cetera in lutum & cinerem illa olim Romæ penè hodie credita , sed jam fabulosa formositas attrita defluerit , adhuc tamen , ne omnia Gallis insolentibus concedamus , duo illa luminaria totius orbis ornatus & si famæ faveret optanda directio omnium gentium & nationum cunctarum assensu prodeunt & sublimium sedeni proveniunt dignitatum , ad urbem inquam quam Deus Ecclesiæ suæ & apostolicæ sedis sedem constituit & primi clavicularii martyrio confirmavit. Populus enim ille sanctus & circumcissus occiso Christo , sicuti & hodie Ecclesiæ ritu in populis quorum furor contra pastores Episcopos occidendo surrexerit , observatur , dignus fuit privari sacerdotii dignitate , de quibus cùm hæc celsitudo transferretur ad gentes , ubi fuit caput Ecclesiæ statuendum nisi ubi procul dubio dispositione divina , licèt armorum viribus gentium omnium princeps erat , & idolorum supersticiosa cultura ; ut cùm militans Ecclesia in urbe urbium omnium domina triumphasset , per universum orbem facile vincendo percurreret. Ad hanc igitur urbem Ecclesiam diù vagam & currentem reduxerat , & confratrum suorum tanta indignatione derinuit ut videretur hoc sanctum propositum nonnisi mortis tempore dimissurus. Et ecce , seu Italiæ fato , seu Gallorum

lorum fortuna, siue gentis illius mutabilitate nativa, omnium admonitione subito relinquere Latium destinavit, puto, & sic fama est, ut, sicque credi volebat, Angliæ ac Francorum Reges conciliaret, & fortè, ut fas est de tanto viro præsumere, & ut ad Italiam quandoque rediret. Sit hoc tamen ut velit. Secessit hinc pastor, istuc tantæ curiæ & vix relinquens vestigia properavit, execrantibus cunctis Italicum solum, & quasi Syrtes vel Babylonix deserta profugiens. Postquam navem ascendit, exosa etiam Italiæ litora non calcavit. Sed non possumus cum Deo ludere. Sive enim occasionem siue causam de præstitæ pacis tractatione ad iter assumpserit, utrumque enim ambiguum est, non reversurus visus est ex Italia demigrasse; nisi quia ut erat naturaliter peragratior, suapte more & recessus sicuti accessus spem tradere videbatur. Ego verò eum de reditu non sensisse conjecto; ob quod ille justus omnium iudex, qui scrutatur renes & corda, ipsum & honestæ causæ privavit gloria, & perfectionis diu non est passus lætitia frui, ac facultatem abstulit de regressu. Debemus itaque, si divini favoris gratiam cupimus promereri, non pro cupidine voluntatis nostræ, sed juxta recti æquique justitiam, quicquid agimus moderari. Scriptum est enim psalmo quadragesimo quarto: *Dilexisti iustitiam, & odisti iniquitatem. Propterea unxit te Deus oleo lætitiæ præ consortibus tuis.* Sed jam hæc reprehendere desinamus. Eò enim deductum est ut damnari, mutari verò non possit. Ascribimus, si placet, Italiæ fato, & quicquid ille omnium gubernator & rector cum ipso egerit in melius assumamus, & ad te redeamus, cui nescio an æquius sit gratulari quàm consolari. De illo enim qui te de patria omnium admiratione vocavit ad sua secreta, de conjugali thoro præter consuetum elegit, totque cumulatis ho-

noribus exornavit, tam repentè substracto pro materia satis conlacrymare difficile est. Pro tam benigni patris verò tamquam amici tibi sublimatione quis tecum quantum decet exultet? De moribus enim ejus ne parum dicam, consilium puto silentio pertransire, dummodo pauca verba subnectam. Quòd totus vir iste, nunc patrum pater, prudentia, circumspectio, modestia, fides, caritas, amor, benignitas, & quod in principe tali splendidissimum approbatur, veritas & constantia dictorum factorumque; quæ cùm in eodem adhuc Cardinali celebriter elucerent, ita ut ex iis divino miraculo de tam juvenili ætate videatur ad apicem apostolatus assumptus, quid debemus nunc de illo ad Christi vices erecto cum tanta virtutum suppellectile judicare? Vt enim dici solet, habet hoc apostolica sedes innatum quòd vel sanctum inveniat hominem vel sanctificet jam inventum. Ego unum audacter adiciam, quòd cùm sanctum invenit, nedum confirmet, sed efficiat sanctiorem. Si enim naturali quodam vinculo etiam privati officio & moribus obligamur quòd rationis participes nos divina bonitas fabricavit, quidnam debemus honoribus illustrati rependere? Nonne tenemur omnibus mentis viribus insudare ut tanto reddamus futura vitæ nostræ tempora virtutibus clariora quanto nos vel virtus vel fortuna vel Dei donum præ eminentiùs sublimarit? Hoc autem dignitatum culmen nec virtus tribuit nec fortuna concedit, sed sola divina dispositione noscitur provenire. Quis enim virtute propria mereatur Christi vices mortalibus exhibere? Quis etiam, licet Democritus ille aut Epicurus vivat, qui cuncta sorte fieri etiam in naturalibus affirmabant, fortunæ tribuat potestati quem effici Ecclesiæ Dei principem & monarcham? Magna fuit apud veteres & laboriosa dissensio an Deus

res hominum suæ dispositionis ordine regularet ; & quamvis de singulis ad universitates & hominum genera ratiocinando procederent , multaque casibus fieri vid. bantur pertinaciter asserendo , paucis tamen dubium videbatur quin totum genus humanum , ut corpus unum est , à superis regeretur , quamvis per individua & species hoc negare quodammodo conarentur. Nos autem , ut fas est credere , tenemus cuncta divini numinis arbitrio gubernari ; ut cum ad istud notabilissimum opus assumptionis apostolicæ pervenerimus, nedum à Deo fieri, sed maxima & singulari providentia dispensari credamus. Quo fit ut Deus ille qui totus bonus est, aut ipse idem hominem secundum cor suum ad apicem tantæ dignitatis assumat aut formet & efficiat jam assumptum. Et cum par sit credere illam Dei providentiam in iis quæ majora sunt efficacius aspirare , qua ad volendum bona potenter impellimur , & ad operandum efficaciter adjuvamus , cui dubium fiat vicarium suum spiritus Dei gratia repletum in virtutum perfectionem ascendere , tantoque ab hac communi virtutum sede , in qua etiam virtuosos ducimus , ascendendo digredi quanto cum contingat dignitatis culmine ac honoris statu à ceteris elongari ? Sed ego in re notissima diutius moror ut id exprimendum assumpsi ad quod sigillandum nulla videatur eloquentia posse sufficere. Finem igitur faciam. Iam enim longius progressus sum quam opus foret. Laus igitur illi summo bono , qui & Ecclesie suæ dignum caput præfecit , & tibi in rebus dubiis & quodam quasi naufragio ad portum salubrem non nudum in tabula , sed cum navi tota feliciter applicavit. Ego autem bene valeo , & in dies novam primamque prolem de conjuge cara latabundus expecto. Iam Brunum & Loisium benedici jubeo , & ipsos quatenus

valeo benedico. Lucæ quarto Kalend. Februarii.

*Regi Francorum commune Florentiæ , manu
Colucii Cancellarii.*

AN. 1404.

S Erenissime & Christianissime Principum, metuendissime Domine , & hujus regii populi spes unica & præsidium singulare. Quoniam nulla tam sublimis sapientia fuit unquam quam ignorantia facti sæpe facileque non fallat , oportet devotionem nostram de conditionibus Italiæ pauca præmittere ; quæ si diligenti ponderentur examine , dabitur ea scientibus sine dubio non errare. Est igitur in hac orbis parte & antiquitus diu fuit detestabilis factio quæ dicitur Gebellina. Hæc quondam Ecclesiæ Romanæ persecutoribus Imperatoribus & aliis semper favit. Est & altera quam Guelfam vocant , quæ summis Pontificibus semper adhærens , contra persecutores hujusmodi se objecit. Hujus sanctæ catholicæque sortis hic devotissimus majestatis vestræ populus se caput & pugilem semper gessit. Restituta quidem hæc civitas , quam Totila Dei flagellum crudeli prodicione deleverat , restituta quidem dicimus à gloriosæ memoriæ Karolo magno progenitore vestro , cum eodem auctore suo per Dei gratiam sic incepit Ecclesiæ Romanæ favere quod capto depositoque Desiderio virtute Principis antedicti , favores Ecclesiæ tunc inceptos nullis temporibus dereliquit. Quæ res causa fuit ut illius diabolicæ factionis principes semper habuerit noster populus inimicos. Vnde factum est ut in Tuscia jugiter contenderimus cum Pisanis & infaustissimam progeniem Vicecomitum in Lombardia , postquam turpi sævaque tyrannide Mediolanum

patriam suam exemplo turpissimo subegerunt, ad nonaginta & amplius annos semper oppositam habuerimus & infestam. Cum his antiquis & naturalibus, ut ita loquamur, hostibus infinita bella gessimus, & à quindecim annis citra dum ligas & fœdera rumpunt, paces violant, nostramque quærunt opprimere libertatem auctore detestabilis memoriæ Comite Virtutum eodemque Mediolani Duce, jam ter bello publico compulsi sumus in defensionem nostram arma movere. Nunc autem hoc ultimo bello, quod ejus heredes contra nos infestis animis prosequiebantur, per Dei gratiam abstulimus eis plurimas civitates, Senas videlicet, Perusium, & Assisium in Tuscia. In Æmilia verò, quam Lombardiam vulgò dicimus, tyrannidem istam depulimus ex inclita civitate Bononiæ, quam ipsorum pater infideliter occupaverat; & in eadem provincia potentissimam urbem Parmensem atque Placentiam & oppida infinita citra flumen Padi fecimus contra dictam tyrannidem rebellari. Trans Padum autem in regione Liguria exemimus ab illius servitutis jugo Cremonam & Laudem oppidumque quod Cremma dicitur, & finaliter urbem munitissimam Veronensem. Omittamus Pergamum, Brixiam, Alexandriam, atque Cumum, & castra quorum infinitus est numerus, quæ vel attentatis rebellionibus penè destructa sunt, vel in statum libertatis se completis inceptis viriliter redegerunt. Nec hæc tam magna, quæ supra potentiam quidem humanam sunt nobis arroganter ascribimus, sed, sicut decet, à divina solùm clementia reputamus. Accedunt felicitati nostræ motus incredibiles. Mediolani populus quidem ille in tumultum multociens concitatus magna gessit, plures tyranni officiales atque satellites interfecit, stipendiarios & mercenariam manum urbe depulit, custodiam portarum


* *Supra lineam minut orichactere, Iacobi de Apiano.*

assumpsit, & tandem præsidium quod cittadella dicebatur, gentium armorum tutum hospitium & receptum, solo violentis manibus diruentes aquirunt. Omnia post ruinam inceptam titubant atque nutant. Et denique summa tyrannidis hujus dies & irreparabile fatum venit impetu tam præcipiti tamque proclivi quòd nisi Deus deferat causam suam, mox nihil supererit ad vincendum. Huic tantæ securitati & gloriæ nostræ sola restat in Tuscia urbs Pisana, quam perfidus ille tyrannus de manu * tyranniculi quem ibidem foverat, tamquam iustissimus esset dominus, pretio non modico fuit mercatus. Nec eum latebat tali venditore se prorsus non posse dominium aliquod adipisci. Sed voluit, cum illa civitas portus noster sit, unde solet penè quicquid mercanciarum & rerum recipimus advehi & alimentum nostro populo ministrari, sicque permixtis oppidis conjunctissima finibus nostris, nos tam opportuna commoditate privare & velut obsessos in suam nos compellere voluntatem. Dicitur autem hanc urbem in testamento singulariter, proh nefas, filio suo spurio reliquisse. Quæ quidem abominatio tanta est quantam vix possunt homines sustinere. Quid enim est videre miseram illam antiquissimam civitatem oppressam tyrannide vix adolescentuli spurii Ducisque mortui adulteræ concubinæ? Quæ quidem omnia præfatum esse volumus ut quantum epistolaris brevitatis patitur, videre possit regia celsitudo statum rerum & conditionem Italiæ meliùsque de ceteris quæ scribere non oportet & convenientiùs judicare. Cum hoc itaque, proh pudor, adultero filio matreque sua turpissimo Ducis scorto, certi venenosam viperam Tuscia pellere, bellum continuum gerebamus. Nec dubium est quin necessarium foret ipsos vi vel fœdere dimittere Pisas, liberare tanta peste

tantoque dedecore Tusciam, & secum venenosum anguem suum in Liguriam reportare. Inter hæc autem, quod nunquam potuit nostra devotio cogitare, illustris & magnificus Dominus Dominus Iohannes Bouciquaud regius civitatis Ianuæ gubernator ad nos suum destinat oratorem, per quem apertè denuntiat se vice vestræ celsitudinis illum spurium civitatis Pisanae tyrannum & adulterum tyranni filium in protectionem & clientelam cum omnibus quæ possidet recepisse, monens quòd ob reverentiam regiam à bello debeamus & offensionibus abstinere. Et quid putat vestri culminis altitudourbationis fuisse in hoc toto populo nostro, videntibus cunctis hostem antiquum, cum quo pro libertate, quam nobis tradidit auctor noster inclitæ memoriæ Karolus magnus Francorum Rex, nonaginta jam annis dimicavimus, nomine vestro protegi, cùmque ruiturus esset paratis omnibus & exercitu valido quibus eum aggredi volebamus, solum in nostrum exitium præservari. Quid autem gravius in nos committi potuit etiam ab inimicis quàm huius stirpis germen in libertatis nostræ periculum, cùm in ruinam pergeret, juvari, foveri, defendi. Parcat Deus hanc talem injuriam nostram Bouciquaudo. Parcat siquidem sibi Deus, quoniam in puritate maxima non in offensionem nostram hoc credimus eum fecisse. Sed non parcat illis qui cogitaverunt manu regia nos confundere & hoc periculosum nostræ libertatis objectum diabolicæque factionis Gebellinæ fontem & fomitem conservare; cogitaveruntque inter nostræ devotionis habitum & benivolentiæ vestræ clementiam, quæ profectò nec hinc nec inde comminui possent nec aliquod generare dissidium vel malivolentiam excitare. Sed ad principale propositum redeamus. Certi sumus hæc omnia non solum præter, sed contra vestræ se-

renitatis vestrique gloriosi consilii conscientiam processisse. Quis enim sanæ mentis putare debet quòd tanta majestas fœdissimam tyrannidem tyrannosque, quos persequi & extinguere debeat, contra suos devotissimos filios protegat vel defendat? Ergo temporibus nostris videbimus conspicuum & gloriosum regni Franciæ diadema tam abominabilis operis infamia maculari quòd per orbem terrarum defensor & clipeus turpis & fœvæ tyrannidis appelletur? Regale quidem officium est scelera persequi, nefanda corrigere, sed tyrannos super omnia conculcare. Regum opus esse dinoscitur oppressis succurrere & de libertate laborantibus, ne perire valeant, subsidium ministrare; ut quotiens contrarium cernitur, nullo modo factò vel consilio regium opus apud eos qui rectè sentiant judicetur. Dolemus ergo, clementissime Princeps, victoriam quæ in manibus nostris auferri & prætextu vilissimi census erat contra perfidum inimicum hoc nescimus quo fœdere de manibus nostris auferri & prætextu vilissimi census & tamquam regius honor sit, non dedecus & infamia, tyrannidem alterius in protectionem suscipere, vestris & nostris hostibus postponi. Semper enim detestabilis Vicecomitum ista progenies, cunctique quos habet Italia Gebellini tam Ecclesiæ Romanæ quàm pugilum ejus, inclitæ videlicet & Christianissimæ domus Franciæ, fuerunt, quicquid plerique blandiantur, & quandoque simulent vel dissimulent, inimici semper fuerunt & nostri. Non enim diligere possunt filios qui patres & auctores nostros semper odiosissimos habuerunt. Sciunt enim quoniam ipsos dilectione prosequi non possemus. Quamobrem sublimitatis vestræ benignitati solitæque clementiæ supplicamus quatinus hæc omnia quæ contra nos facta sunt dignemini revocare, si fortè per erro-

rem recepta sunt, vel si recipienda mittantur, sicuti sperat nostra devotio, reprobare, gubernatorique vestro præcipere quòd ab inceptis resiliat, & in pristinum statum cuncta reponens, hæc quæ facta sunt nullatenus prosequatur, & nos sicut devotos & filios majestatis vestræ debeat in omnibus confovere; quò totum cernere possit Latium nos vobis tales esse filios quales semper fuimus ab omnibus reputati. Parcat nobis vestra serenitas si debito fuerimus longiores. Nondum enim quantum oportuit dictum est, & ob id quæ restant per nostros supplebimus oratores, quos per Dei gratiam è vestigio transmittemus. Serenitatem vestram, cui nostram & totius populi nostri devotionem, quæ quidem summa est, cum reverentia commendamus; incolumem & felicem dignetur altissimus pro defensione Christianitatis & unione sanctæ An. 1404. matris Ecclesiæ conservare. Datum Florentiæ die xxiv. mensis Aprilis, nativitate gloriosissimi sancti Georgii, duodecimæ Indictionis, millesimo quadrantesimo quarto. Ceterum dignetur vestra clementia nobis per latorem præsentium respondere, concedendo devotioni nostræ licentiam quòd citra vestræ majestatis indignationem incepta nostra viriliter prosequamur. Datum &c.




PHILIPPI ARCHIEPISCOPI
Arelatensis epistola ad Capitulum Ecclesiæ
Arelatensis.

*Venerabilibus & egregiis viris Dominis Præ-
posito & Canonicis venerabilis capituli
sanctæ Arelatensis Ecclesiæ, fratribus
& amicis meis præcarissimis.*

Venerabiles & egregii viri, fratres & amici
mei præstantissimi, salutem. Posteaquam Deo
permittente & Pontificis maximi indulgentia ita fa-
ctum est ut ego, qui tot annis Ecclesiæ Auxitanæ ea
quam Dominus dederat cum moderatione præla-
tus fui, ad vestram Arelatensem transferer Eccle-
siam; nihil fuit in quo magis consolarer quàm cele-
bre ipsius Arelatensis Ecclesiæ nomen religionis-
que conformitatem. Non enim videor Ecclesiam
dimisisse priorem, cum idem ordo eademque ob-
servantia apud vos sit. Aliquid tamen longè majus
me nactum existimo, dum ad quietiorem beatiq-
uemque vitam translatus sum, vos mihi fratres ha-
biturus, quibuscum summa caritate & benevolen-
tia omnia agere tractareque licebit. Moregeren-
dum præterea fuit majoribus nostris, atque omni
ex parte obsequendum in quo etiam animus meus
voluntasque consuevit. Itaque gratam hanc susci-
piens translationem, licet illam antea scire po-
tueritis, de ea tamen vos meis litteris certiores
facere decrevi, arbitratus id pro vestra in me hu-
manitate & benivolentia vobis satis placere, Nam
etsi de me polliceri non possim quod plerique ve-
stri Præsules dignitate, excellentia, religione, &

sanctimonia longè me majores præstiterunt, in primis autem reverendissimus Dominus meus Dominus Cardinalis de Fuxo apostolicæ sedis Legatus, conabor tamen pro virili mea parte sic e hicere ut Ecclesiæ meæ vobisque non inutilis videri possim. Neque verò ut novus tyro ad hanc accedo dignitatem. Vos igitur ut eximios probatosque viros, mihi autem carissimos fratres, oratos velim ut grato animo hilarique vultu hanc nostram suscipiatis translationem, meamque juvetis infirmitatem, si quando humanæ naturæ imbecillitate non ea omnia præstare potero quæ vellem ad felix Ecclesiæ vestræ sponseque meæ regimen vestrorumque omnium amplitudinem & conservationem. Confidens tamen immortalem Deum, cui supplex humilisque esse conabor, sua bonitate ac immensa pietate ea vobis mihiq; large præbiturum quæ suæ divinitati grata fuerint, ut Ecclesiæ obsequiis insistentes, & nos mutua caritate confoventes, sibi in odorem suavitatis ac omnibus bene sentientibus mortalibus placere possimus, quò ad beatas sedes bene agentibus promissas spes nostra diffundatur. Valete mei amantissimi fratres, meque summa cum benivolentia suscipite, ut omnibus in rebus vobis libero animo rem gratam efficere possim, expectantes me ad paucos menses, infra quos apud vos esse constitui, semper paratus ad omnia vestrorum omnium obsequia. Romæ die xxvi Martii 1463. *Philippus Archiepiscopus Arelatensis frater vester.*



Ad illustrissimum & excellentissimum Dominum Machomet Bei Magnum Admiratum & Sultanum Turchorum Roberti Valturri Ariminensis pro illustri & magnifico Principe & Domino Sigismundo Pandulfo Malatesta, cum librorum rei hujusce militaris ac Matthæi Pasti Veronensis transmissione, epistola.

CVpienti mihi, Principum universi orbis decus admirabile, ad te aliquid scribere, idque cognita & perspecta mihi ex multorum nec obscuris nec incertis hominum sermonibus ingens fama plurimæ & accumulatissimæ virtutis tuæ facere suaderet, cum nihil sit quod tam delectet tamque ad se hominum mentes alliciat, nihil fanè occurrebat quod quidem ad te scribendum putarem. Nam si ut ad amicum & familiarem, verebar ne parum prudentis videretur, cum nullus mihi superiore tempore usus tecum ac necessitudo intercessisset. Sin ad extraneum aut alienum aut ignotum longoque à me terrarum tractu disjunctum, loquacis & inepti, qui neque ullum quidem necessarium haberem epistolæ argumentum. Si autem te, ut sæpe solet ad majorem, litteris provocarem, ne me jure contemneres; quippe qui veluti aquilæ vespertilio vel Atlanti Pigmæus assurgens, ex me ipso nihil afferre possem quod amicitia tanti Principis dignum videretur. Sic nec tacendo quiescere præ amore & desiderio quo in te flagrabam maximo poteram, neque tibi tam vehementer bello & armis onerato supervacaneis litteris meis obstrepere audebam. Sed hanc quidem.....hæsitā-

tionem & cunctationem meam nuper tu sustulisti tibi que non modò ad te scribendi facultatem, verùm etiam te laudandi & in cœlum efferendi, si tempus & epistularis breuitas pateretur, materiem uberrimam attulisti. Nam cum superioribus diebus & nuntiis plurimis & litteris nobilis Veneti Hieronymi Michaëlis factus essem certior te admodum sculpturis ac cœlaturis ductilibus in memoriam præteritorum excellentium virorum & illustrium ducum ac imperatorum, quorum effigies admirari simili modo persæpe cogor, cum rem mutam loquentem præsentibus reddant & posteris, præclara sanè res mihi visa est tantoque Principe digna ad immortalitatem comparandam; & quamvis cuiquam forsan levior videatur, eam tamen ego magni momenti magnique ponderis tecum sentiens fore iudicem quamquam video Ciceronem nostrum harum rerum cura scribere ad Atticum ut signa perquirat quibus ornet academiam suam, ingenui & generosi quoque animi esse puto delectari illis rebus in quibus artificum manus spirantis ferme naturæ similitudinem quasi virtutum incitamenta quædam expresserunt. quod Alexandrum magnum Macedonum Regem in aliter ac tu in huiusmodi fecisse percelebre est. Hic enim quas modò diximus cupidissimus rerum, non ab omnibus pingi se vel fingi voluit. Quinimo edicto vetuit ne quis se præter Apellem pingeret aut alius Lisippo duceret æra fortis Alexandri vultum similitudine. Neque id ab re, sed consultè quidem. Nam eodem teste auctore, nec magis expressi vultus per ænea signa quàm per vatis opus mores animique virorum clarorum apparent. Qua in re cum Marthæum Pastum Veronensem plures jam annos contubernalem & comitem meum, mirificum harum re-

rum artificem, ad te pingendum effingendum-
 que mitti summo opere postules, cetero virtu-
 tum suarum amore succensus, eum omnibus
 in rebus ita diligentem ut se mihi prestitit ac pre-
 buit summa scilicet fide, singulari modestia, &
 impari hac tempestate eruditione, meis maximè
 officiis ac beneficiis ornatum & auctum, à pluri-
 busque nostræ hujus Italiæ ac Galliæ cupitum pe-
 titumque Principibus, & ad hunc usque diem nulli
 concessum, ad te solum, sua etiam sponte, mit-
 tendum curavi. Et quamquam ipsius virtutum
 præstantia hominem hunc abundè tibi commendet,
 eundem tamen totum in fidem & benevolentiam
 tuam trado atque ita commendo ut majori cura,
 studio, ac sollicitudine animi commendare non
 possim. Tuum est igitur illum tua humanitate ac
 solita benignitate complecti. Vellem nunc, invi-
 cissime Princeps, & maximè cuperem eam mihi
 ab immortalis Dei facultatem dari ut in hoc primo
 desiderio tuo rerumque nostrarum, in hocque
 primo Matthæi nostri hujus adventu, eximium ti-
 bi aliquod munus & tua majestate dignum exhi-
 bere possem. Verum cum ejus magnitudo tanta
 sit ut non facultatem modò meam, sed etiam om-
 nem humanam vim facile excess. quod u-
 num mihi esse videtur, si quod per me tibi satis-
 fieri pro dignitate modò potest, idcirco
 te etiam debito aliquo munere privem
 quod unum in me erat, quodque gratissimum tibi
 fore putavi, decrevi te meorum studiorum mea-
 rumque voluptatum participem facere, & rerum
 castrensiarum, opus diffusum quidem & eruditum
 quibus præ ceteris non solum nostræ hujus ætatis,
 sed superioris ævi ducibus & imperatoribus sine
 contradictione uno omnium ore præcellis & me-
 ritò prædicaris, tuæ majestati de statuo,

quod obsecro pro tua divina humanitate gratissimis ulnis & mente benignè suscipias. Non enim aurum aut gemmas pollicemur, quæ nobis nulla sunt, & tu minimè expetis; sed quod unum possumus, unum hoc opus, multorum nobilium ducum dictis factisque refertum, unum cujus præter hunc animum & ingentem hancque totam quæcumque est facultatem meam ad te, si mori me etiam tibi libeat, ornandum illustrandumque devotissimè confero. Vale ad vota, Princeps serenissime; & si non indignissimum judicas, inter tuos me tibi obsequentissimos deditissimosque annumerare.

Hæc epistola scripta fuit ante annum 1463. Nam ex nota in calce codicis apposita patet istum eo anno scriptum esse.

*Epistola Sixti IV. ad Karolum Ducem
Burgundiæ.*

Dilecto filio nobili viro Karolo
Burgundiæ Duci.

Sixtus Episcopus servus servorum Dei. Dilecte fili nobilis vir, salutem & apostolicam benedictionem. Intelleximus ex litteris tuis, quas nuper accepimus, & admiratum te satis & animo commotum fuisse quòd duos Cardinales nobis secundum carnem conjunctos, posthabito dilecto filio Ferrico de Clugnaco Notario nostro, pro quo tot tuæ preces intercesserant, de novo creaverimus, quòd prioratum de Gigny ordinis Cluniacensis ei qui tunc erat Carpentrasensis Episcopus commendaverimus, & demum quòd te inscio ad istas partes nostrum & apostolicæ sedis Legatum

An. 1471.

deputaverimus. Quid etiam dilectus filius Philibertus Hugoneti Notarius noster, tuus in Romana curie procurator, nobis tuo nomine retulerit, diligenter audivimus. Molestè profectò tulimus suscepisse te ex huiusmodi rebus anxietatem aliquam. Neque enim potest paterna pietas mæ orem filii sine molestia audire. Et certè nos quoque commoti non parum animo fuisset, nisi statim nobis occurrisset excellentiam tuam intellecta ratione consiliorum nostrorum mutaturam statim mentem in melius, & omnem admirationem, omnem suspicionem ex animo ejectionem. Quod igitur ad duos Cardinales attinet, sciat celsitudo tua nos non tam benivolentia & conjunctione sanguinis ad id adductos quàm manifesta necessitate. Magna res est gubernaculum Romanæ & universalis Ecclesiæ, & ingens est sarcina quam Romanus sustinet Pontifex, ac nisi ad eam gerendam coadjutores habeat idoneos, omnino intolerabilis. Quamvis autem nos venerabiles fratres nostros sanctæ Romanæ Ecclesiæ Cardinales haberemus, cum quibus & partiri onus nobis injunctum poteramus, necesse tamen erat habere aliquos domesticos, qui nobis die noctuque assisterent, negotia præsertim temporalitatis Ecclesiæ continuè referrent, & nobis in cor actum continuis occupationibus promptè & diligenter servirent. Hac igitur ratione adducti creavimus duos Cardinales, qui licet nobis secundum carnem sint conjuncti, tamen & boni sunt & graves: quorum alter artium & sacræ theologiæ professor est, alter pontificii juris antistes. Ferricum verò non ideo posthabuimus quòd aut meritorum ejus aut intercessionum tuarum essemus obliti. Sed cum necesse esset eum de novo creare, non poterat hoc fieri nisi simul quibusdam aliis Principibus ac nationibus in re simili satisfaceret. Quod
bonis

bonis rationibus differendum aliquantisper fuit , parvo tamen temporis intervallo , quemadmodum apertius propediem à Legato apostolicæ sedis intelliges. Quo intellecto , non dubitamus te bono animo futurum & à nobis id expectaturum quod & tua & ejus pro quo supplicas merita exposcunt, & nostra in te caritas ac benivolentia exigit. De prioratu verò nepoti nostro secundum carnem commendato tantum abfuit ut id tibi molestum futurum existimaverimus ut potius rem nos tuæ excellentiæ gratissimam speraverimus fecisse , quod & de rebus tuis fiduciam , quod amoris & benivolentiæ signum est , cepisse videremur , & hominem nobis carissimum tibi dedisse in eo loco constitutum qui & posset & vellet , prout certè volet , omnibus rebus tuis favori atque adjumento esse. Tuæ itaque celsitudinis erit rem hanc non modò æquo animo ferre , sed gratissimam habere , cum præsertim non sit amplius Carpentrasensis sed * Laudanensis Episcopus ; & nos ita in ceteris devotioni tuæ satisfacere conabimur quòd te à nobis paterno amore diligi faciliè intelliges. Quod autem ad Legatum spectat , si is ad te solum ob aliquod particulare negotium decretus esset , justam fortasse admirationis causam haberes. Sed longè diversa instituti nostri ratio fuit. Videbamus videmusque , quod vix sine lacrymis possumus scribere , labantem tempore nostro rempublicam Christianam , hostem fidei nostræ potentissimum cervicibus nostris imminentem , Principes verò Christianos , à quibus sperari aliquod præsidium potuisset , inter se ipsos proh dolor dissidentes & arma inter se mutuò convertentes. Cupientes igitur huic rei , quantum fragilitati nostræ divina bonitas suggeret , omni studio viribusque consulere , decrevimus Legatos ad omnes Principes nationes-

* Lausanensis.

que Christianas , qui intestina odia tollere , discordias pacare conarentur , deinde illorum animos ad defensionem Christianæ fidei in tanto periculo & tam atroci persecutione excitarent ; inter quos ad carissimum in Christo filium Francorum Regem & excellentiam tuam elegimus venerabilem fratrem Cardinalem Nicænum Patriarcham Constantinopolitanum , qui , ut præstantiam & virtutis ejus ac summum fidei fervorem omittamus , jam triginta duobus annis bonæ memoriæ genitori tuo sibi ac omni familiæ tuæ deditissimus fuit , negotiis tuis & dominiorum tuorum semper favit , te verò ita amat & colit ut non dubitemus excellentiam tuam solo ejus nomine audito & deputationem nostram gratissimam habuisse & adventum ejus summo cum desiderio expectare. Intellexit igitur celsitudo tua relationem deputatorum Legatorum. ad quod non erat tua vel aliorum Principum intentio requirenda. Nunc , quod superest , te omni animi affectu , quemadmodum per alias nostras litteras fecimus , hortamur ut res inter Christianissimum Francorum Regem teque & alios Galliarum Principes tua singulari prudentia ita dirigas atque componas ut Legatus noster in suo adventu omnia parata inveniat , solaque sigilli impressio & auctoritatis apostolicæ interpositio supersit ; quò compositis provincialibus rebus , tractari statim de negotiis Christianæ reipublicæ possit ; in quibus omnibus adsis & consilio & favore , cum tu & propter præsentia & propter prudentiam tibi à Domino datam ac rerum experientiam omnia media intelligas quæ ad hujusmodi nostrum piissimum desiderium conducunt. Magna sunt monumenta meritorum quæ genitor & progenitores tui in sanctam Dei Ecclesiam & hanc sacratissimam sedem contulerunt. Non minor in te

est virtutum præstantia, nec minor animus, nec per Dei gratiam minor potentia; devotionem quoque in Ecclesiam Dei & ardorem animi in his quæ ad defensionem Christianæ reipublicæ pertinent, non minorem immo maiorem fore & optamus & speramus. Auge spem nostram, fili dilecte, & ad tam necessarium opus omnes vires tuæ bonitatis effunde. Te verò & dominia tua ac res tuas omnes semper hæc sedes omni caritate ac benivolentia complectetur, & quantum cum Deo poterit, honori tuo & statui favebit. Datum Romæ apud sanctum Petrum anno incarnationis dominicæ millesimo quadringentesimo septuagesimo primo, duodecimo Kal. Aprilis, pontificatus nostri anno primo.

Sequentes articulos miserunt nominales Universitatis Parisiensis ad Regem Franciæ Ludovicum VI. qui ad requisitionem magistri Iohannis Boucard & Thomistarum jusserat doctrinam Okam & Nominalium condemnari & ulterius ibi non doceri neque legi.

Illi Doctores Nominales dicti sunt qui non An. 1473. multiplicant res principaliter signatas per terminos secundum multiplicationem terminorum, Reales autem qui è contrà res multiplicatas esse contendunt secundum multipliciter terminorum. verbi gratia. Nominales dicunt quòd deitas & sapientia sint una res & eadem omnino, quia omne quod est in Deo Deus est. Reales autem dicunt quòd sapientia divina dividitur à deitate.

Item Nominales dicti sunt qui diligentiam &

L l ij

studium adhibuerunt cognoscendi omnes proprietates terminorum à quibus dependet veritas & falsitas orationis, & sine quibus non potest fieri perfectum iudicium de veritate & falsitate propositionum. Quæ proprietates sunt suppositio, appellatio, ampliatio, restrictio, distributio exponibilis. Cognoscunt præterea obligationes & insolubilem naturam, vera fundamenta argumentorum dialecticorum, & omnes eorum defectus. Quibus rebus instructi de unaquaque argumentatione faciliter cognoscunt an bona sit, an mala. Reales autem hæc omnia negligunt & contemnunt dicentes: Nos imus ad res, de terminis non curamus. Contra quos magister Iohannes de Guerssonno: *Dum vos ad res itis terminis neglectis, in totam rei caditis ignorantiam.* Hæc ille in tractatu suo super *Magnificat*; & subjungit idem quòd dicti Reales se involvunt difficultatibus inexplicabilibus dum difficultatem quærunt ubi non est nisi difficultas logicalis.

Item inter Nominales primus qui legitur fuisse condemnatus fuit Guillelmus Okam, quem Iohannes xxii. persecutus est, primò quia dictus Guillelmus Okam fuerat eidem Papæ contrarius in hæresi de animabus beatis, quas idem Papa dicebat non videre Deum facie ad faciem ante diem ultimi iudicii, & similiter dicebat animas damnatorum ante diem illum non cruciari in inferno. Et eundem Papam compulit dictus Okam hæresim suam revocare. Et contra eandem hæresim scripsit pulcherrimum tractatum, in quo omnes errores dicti Iohannis xxii. & omnium sibi adhærentium lucidissimè dissolvit. Scripsit præterea alium tractatum in quo ejusdem Iohannis xxii. errores aliquos supra hoc collegit.

Secundò Papa Iohannes xxii. eundem Okam

persecutus est quòd in dialogo suo per scripturam sacram & per dicta summorum Pontificum & Conciliorum generalium & Doctorum Ecclesiæ defendit auctoritatem regiam, ostendens & potissime Regem Franciæ habere regnum suum immediatè à Deo, & non à Papa, neque Papæ Regem esse subiectum in temporalibus, neque Papam pro libito suo posse Regem Francorum deponere à regno, neque regnum posse transferre de gente in gentem, sicut dogmatizare visus fuerat Bonifacius VIII. per quandam decretalem quam super hoc promulgavit, asserens esse de necessitate salutis credere omnem Principem mundi Papæ plenè subiectum tam in spiritualibus quàm in temporalibus. Et incipit decretalis *Vnam sanctam*.

Propter has causas idem Iohannes XXII. multa privilegia dedit Vniversitati Parisiensi ut ipsam doctrinam Guillelmi Oxam condemnaret. Dicta tamen Vniversitas noluit eam condemnare. Sed facultas artium importunitate victa fecit statutum in quo cavetur dictam doctrinam non esse dogmatizandam, quia nondum erat approbata & examinata. Et postmodum instituit iuramentum quo iuraverunt omnes dictam doctrinam non dogmatizare in casibus in quibus est contra fidem. Et expressè habetur in libro Rectoris. Et in eodem libro notantur quatuor articuli in quibus assererat dictum Oxam errasse; quorum nullus, ut clarè patet intuenti, est contrarius fidei. Et primus articulus in nullo librorum reperitur. Immo contrarium ejus habetur frequentissime & in logica & in theologia ejus. Et ita est ibi error facti, qui non est tolerabilis.

Iussit etiam idem Papa doctrinam hujus Oxam examinari per quendam Cardinalem. Qui licèt multa disputaverit contra eundem Oxam, nihil

tamen repererunt quod ausi fuerint condemnare. Neque secuta est aliqua damnatio articulorum per eundem Cardinalem examinatorum.

Item secundò legimus Nominales expulsos de Bohemia eo tempore quo hæretici voluerunt Bohemicum regnum suis hæresibus inficere, ut colligitur ex historia Pii Papæ quam de Bohemia conscripsit, ita quòd cùm dicti hæretici non possent supradictum disputando superare, impetraverunt ab Abbisseſlao Principe Bohemiæ ut gubernarentur studia Pragensia ritu Parisiensium. Quo edicto, ut ibidem habetur, coacti sunt supradicti Nominales Pragam civitatem relinquere, & se transtulerunt ad Lipzitam civitatem, & ibidem Vniversitatem erexerunt sollemnissimam. Quibus expulsis, hæretici per regnum Bohemicum suas hæreses seminaverunt,

Eo tempore Deus ita providit fidei Ecclesiæ suæ ut cùm apud Bohemiam regendo studia secundùm ritum Parisiensium suscitavit Deus Doctores catholicos, Petrum de Allyaco, Iohannem de Gersonno, & alios quamplures doctissimos viros Nominales, qui convocati ad Concilium Constantiense, ad quod citati fuerant hæretici, & nominatim Hieronymus & Iohannes, ii fidem Christi defenderunt, & dictos hæreticos publicè per quadraginta dies disputando superaverunt ita & confuderunt ut dicti hæretici se argumentis Petri de Allyaco victos confiterentur.

Item tertia persecutio Nominalium fuit post occisionem Ducis Aurelianensis. Nam propter guerras quæ inde supervenerunt dispersi sunt per varias regiones & provincias doctissimi viri Vniversitatis in via Nominalium eruditissimi, quorum doctrinis sic floruerat dicta Vniversitas ut jure optimo lumen orbis ipsa diceretur. Qua dispersio

facta, supervenerunt quidam Albertistæ, qui nullo resistente doctrinam Nominalium ejecerunt. Sed posteaquam Anglicis expulsis cœpit hæc Universitas refluere, viris ingeniosissimis referta est, & ab eis dicta doctrina Nominalium resumpta & resuscitata est. Et quicquid dicant hujus viæ & veritatis æmuli, sic à viginti annis usque in hoc tempore incrementa laudis & gloriæ suscepit, ut manifestè apparet omnibus rectè judicantibus; non favore, non invidia, aut odio affectus fructus hujus eruditionis & quanta sit utilitas in his doctrinis.

Quarta persecutio fit his diebus, scilicet 1475. Cujus potissimum tres causæ reperiuntur. Prima est laus & gloria eorum qui huic doctrinæ insudant. Secunda causa est, quia qui dicuntur Nominales, ita aliquos & maximè Thomatistas superant disputando ut nullo modo eis resistere possint, & ob hoc eos penitus exterminare nituntur. Tertia causa est ex quadam hæresi conficta in Universitate Lovanii. Quidam enim Lovaniensis Regens tractatum composuit in quo negabat certitudinem & præsentiam divinam de contingentibus, asserens propositiones de futuro contingenti, etiam contentas in Biblia & à Christo prolatas, non esse veras. Quem tractatum his hæresibus plenum approbavit Lovaniensis Universitas, promotoremque suum Parisius misit sollicitare facultatem Theologiæ quatinus dictum tractatum approbarent. Cui cum multi dictæ facultatis Doctores, & illi maximè qui doctrinæ Nominalium exterminationem procurant, faverent, se viriliter objecerunt & opposuerunt illi qui dicuntur Nominales, nullum periculum pro defensione fidei formidantes, impedieruntque ne Theologiæ facultas dictum tractatum approbaret. Quod molestissimè illi qui di-

cuntur Reales tulerunt, & usque ad xxiv. se dicto tractatui subscripserunt & illum approbaverunt.

Citatus est autem dicti tractatus compositor ad sedem apostolicam, accusante magistro Henrico de Zomoren Doctore Parisiensi inter Nominales doctissimo, & Romam pro sui defensione profectus rationes suas, causas, & motiva allegavit, produxitque ad suam justificationem signaturas xxiv. Doctorum Parisiensium. Nomina. Petrus de Vaucello, Rolandus le Couzich, Iohannes * Boucart, Guillelmus de Castroforti, Guillelmus Boville, Petrus Caros, Iohannes Cossart, &c.

* Vvatar.

Quibus nonobstantibus condemnatus est dictus Lovaniensis compositor tractatus, & tractatus suus hæreticus declaratus. Propter quam condemnationem supradicti approbatores hæresum illarum accensi ira & odio, defensores fidei inquietant, molestant, & perturbant.

Item & post dictas signaturas quidam Regens artium Parisius de partibus Almaniæ in vico straminis supradictas hæreses Lovanienses publicè sustinuit, asserens Christum potuisse non dicere verum cum Petro diceret: *Ter me negabis*. Quem cum accusassent apud facultatem Theologiæ quòd dixerit Christum fuisse mentitum, per Doctores approbatores prædictarum hæresum Lovaniensium defensus est.

Ad illud autem quod contra Nominales allegatur, quòd scientia eorum est perversa & plena hæresibus, respondetur primò quòd in his qui nominalitatem & realitatem concernunt, pars Nominalium semper est fidei conformior & ab Ecclesia frequenter approbata, pars autem realium periculosa & in multis ab Ecclesia reprobata, ut patet in materia universalium de æternitate propositionum & multitudine entium sine causa.

Respondetur secundò quòd in his impertinentibus ad nominalitatem & realitatem Nominales sine comparatione minùs errant quàm alii, & semper pro uno errore reperto in doctrina Nominalium, si aliqui reperiantur, ostenduntur quatuor aut quinque in doctrina Realium. Et ad hoc probandum se offerunt Nominales.

Nolumus tamen dicere Nominales esse omnino immunes ab erroribus. Si enim dixerimus quia peccatum non habemus, veritas in nobis non est. Neque enim possunt hoc asserere Thomistæ de beato Thoma, contra quem etiam viventem facti sunt articuli multi Parisius; contra cujus errores nomine facultatis theologiæ tractatus quidam factus est & Romam missus. Neque lectores sententiarum hoc de magistro Petro Lombardi asserere possunt, cum communiter contra eum annotentur xxvi. articuli in quibus non est tenendus. Sed volumus eos dicere inter omnes Doctores minùs errasse & magis ceteris integram fidei veritatem secutos. Quod apertè constabit si publicentur propositiones contra eos datæ. Ostendetur enim multarum esse contentas in doctrinis realibus, & illarum nullas vel paucissimas esse erroneas.



Opiniones sive signaturæ Doctorem Parisiensem quarum mentio fit supra pag. 536.

An. 1471.

Videtur mihi, salvo semper doctorem ac peritiorum meliori iudicio, quod ordinatio facta per venerandam theologiæ facultatem universitatis studii Lovaniensis super quibusdam propositionibus & earum similibus quæ videntur piarum aurium offensivæ, & postmodum per facultatem artium ejusdem universitatis acceptata & per modum statuti in suis registris descripta, quod scilicet tales propositiones omnino sileantur, (quæ quidem ordinatio sic incipit: *Cupiens juxta consilium Apostoli venerabilis artium facultas &c.* & finitur, & *similes*, hoc est, æquè offensivæ vel magis periculosa, sileantur omnino) providè, sapienter, & fructuosè sunt edita, facta, & instituta ad honorem ipsius universitatis, vitiationem errorum, & ad falsorum dogmatum periculosas inventiones supprimendas, ad profectum etiam scholarium seu auditorum, præsertim ad veriore seu securiore eruditionem illorum qui studio theologiæ intendunt. Præterea videtur mihi quod positio seu doctrina Aristotelis in libro primo periermenias de futuris contingentibus non repugnat nec adversatur sacræ scripturæ nec revelationibus in eadem contentis, quodque cum veritate scripturæ & dictis seu expositionibus sanctorum Doctorem sustineri potest ac defendi. Contraria verò assertio mihi videtur periculosa, dissona veritati, non dogmatizanda, sed potius silenda; ne longius divulgata plurimos à veritatis rectitudine & doctrina sancto-

rum Doctorem deviare faciat. Insuper mihi videtur quod contenta in quodam codice, ut fertur, per magistrum Petrum de Rivo, quoad primam partem incipiente *An in potestate Petri &c.* quoad aliam partem *Sicut Tullius testatur libro de fato &c.* quoad aliam partem incipiente *Ponentes in propositionibus &c.* & quoad aliam *A quolibet catholico &c.* & quoad aliam decem capitula continentem *Utrum philosophi tres virtutes &c.* & quoad aliam novem capitula continentem incipiente *Finalis particula*, si huiusmodi contenta & scripta diligenter inspiciantur & examinentur, non dissonant veritati, nec suspecta haberi debent in fide & doctrina sanctæ matris Ecclesiæ, sed magis ut ex dictis Doctorum approbatorum elicitæ & compilatæ. *Sic subscriptum & signatum.* De Vaucello.

Et mihi Guilielmo Burgensi sacre theologiæ Doctori actu in prædicta facultate regenti videtur conformiter ad prædictam opinionem magistri nostri de Vaucello; qui etiam est opinionis Aristotelis in fine primi periermenias. *Sic subscriptum & signatum.* Bourgenfis.

Et mihi Antonio Vrsi sacre theologiæ professori actu regenti Parisius in dicta facultate ita videtur sicut continetur in prædicta determinatione magistri nostri de Vaucello. *Sic subscriptum & signatum.* Vrsi.

Et mihi Petro Caros sacre theologiæ professori ita videtur ut in prædicta determinatione magistri nostri de Vaucello superscripto. *Sic subscriptum & signatum.* Caros.

Et mihi Stephano Gervasii sacre theologiæ professori ita videtur ut in prædicta determinatione magistri nostri de Vaucello superscripto. *Sic subscriptum & signatum.* Gervasii.

Et mihi fratri Rolando le Cozic ordinis fra-

trum Prædicatorum, sacrae theologiae professori, necnon contra pestem hæreticam in toto regno Franciæ Inquisitori auctoritatè apostolica deputato, videtur in omnibus & per omnia dicendum fore, tenendum, & determinandum in prædicta materia prout Doctor egregius magister noster reverendus Petrus de Vaucello dixit, scripsit, ac determinavit. Et conformiter dico, teneo, & determino, teste manu propria hic apposita die 28. mensis Iunii anno Domini millesimo cccclxxi. *Sic subscriptum & signatum.* Cozic.

Idem videtur mihi Iohanni Moneti Presbytero sacrae theologiae professori immerito. *Sic subscriptum & signatum.* Moneti.

Prædictis assertionibus adhærendo ego Milo Borni conformiter dico cum honorando magistro nostro magistro Petro de Vaucello substantialiter. Teste signo meo manuali anno ut suprâ apposito. *Sic subscriptum & signatum.* M. Borni.

Mihi Guilielmo Ficheto Parisiensi theologo Doctori eadem quæ doctissimo patri Petro de Vaucello de superioribus disputationibus sentienda probandaque videntur. Nam in collegio & confessione patrum Doctorum Parisiensium, in qua diutissime fuit superiùs descripta materia disputata, eam doctissimum ferè quemque sententiam tulisse audiui. Atque maximè patris de Vaucello opinionem probarunt qui plures doctioresque habebantur. Res etiam mihi diutiùs cogitanti ita se habere visa est. Quapropter testor meam esse sententiam cum antè nominato patre consentaneam. *Sic subscriptum & signatum.* Fichetus.

Mihi Vvillelmo Bouylle omnium theologorum minimo præfatae veritatis declaratio videtur catholica & sanctorum Doctorum realium doctrinae utcunque consona. *Sic subscriptum & signatum.* Bouylle.

Cùm nihil inter humana salubrius fore censeatur inquisitione atque manifestatione catholicæ veritatis, ipsa sapientia divina attestante, quæ dicit, *Qui me elucidant, vitam eternam habebunt*, & ad hoc tam strenuum atque laudabile & fructuosum opus sacræ professores veritatis astringi & teneri maximè videantur, & signanter ubi materia occurrat & reddenda ratio exigitur, hinc est quòd ego Guillelmus de Castroforti inter sacræ theologiæ studii & almæ universitatis Parisiensis clarissimos professores minimus, ac regalis collegii Campaniæ aliàs Navarræ in eodem Parisiensi studio fundati indignus magister, à nonnullis egregiæ litteraturæ ac eruditis viris opinari ac opinionem propriam super quibusdam materiis ac quæstionibus inferiùs descriptis signare requisitus, requisitioni mihi factæ satisfacere cupiens, ad easdem quæstiones quæ mihi fore dicenda videbantur quantum Dominus suffragari meisque aspirare conatibus dignabitur edicere atque scribere conabor.

Prima quæstio in ordine. Vtrum opinio vel doctrina philosophi primo periermenias sententialiter dicentis quòd in propositionibus de futuro contingenti non est determinata veritas quemadmodum in illis de præsentis & præterito stare possit cum fide catholica, vel utrum sacræ fidei adversetur & repugnet, attento quòd Deus omnia futura evidenter & determinatè cognoscit. Salvo semper peritiorum iudicio, mihi videtur quòd prædicta philosophi opinio veritatem continet quam sequuntur Doctor sanctus & plures alii in sacris litteris famatissimi atque clarissimi Doctores & in fide firmissimi ejusdem fidei strenuissimi defensores, dictamque philosophi sententiam tenuerunt hucusque Parisius omnes illi communiter qui doctrinam realium insequuntur. Vnde & prænominatus

sanctus Thomas de Aquino in omni passu in quo de futuris contingentibus loquitur nullam ponit in eis determinatam veritatem prout futura sunt aut in futuritione considerata. Repugnat enim futuro contingenti, ut tale est, determinatio veritatis aut falsitatis. Aliàs enim contingens non esset. Eo enim contingens esse dicitur quia potest evenire & potest non evenire. Ergo ad nullum est determinatum. Quapropter ponere propositiones de futuro contingenti esse determinatè veras aut determinatè falsas sicut illas de præsenti aut de præterito, quæ sunt inimpedibiliter veræ aut falsæ, est favere errori dicentium omnia de necessitate evenire, sic quòd non possunt impediri. quod repugnat fidei & libertati voluntatis, & concilia destruit, & merita dissolvit. Obsequitur itaque fidei dicta philosophi opinio, nec eidem adversatur aut repugnat, si rectè intelligatur.

Secunda quæstio est de quodam statuto à Doctoribus sacrae theologiae studii ac famosae universitatis Lovaniensis quondam instituto & ordinato, & consequenter per facultatem artium dictae universitatis accepto, & per modum etiam statuti & ordinationis recepto, & in suis registris seu libris scripto: cujus quidem statuti vel ordinationis vigore reprimuntur tamquam sub silentio ponendæ quædam propositiones quæ pro tunc eis videbantur nullatenus communi doctrinae convenire, sed potiùs inutiles aut piarum aurium offensivæ: cujus etiam statuti vel ordinationis exordium tale est: *Cupiens juxta consilium Apostoli venerabilis artium facultas se ipsam Deo probabilem & inconfusibilem exhibere &c. statuit &c. In primis quidem ut disputatio de potentia divina & ceteris theologicalibus venerandae facultati theologiae relinquatur.* Et sic de aliis. Vtrum scilicet præfata ordinatio sit justa & tamquam ra-

tionabilis tenenda & observanda. In hac autem materia, sicut in præcedenti ac etiam sequenti, opinionem insequendo clarissimi & famatissimi sacræ theologiæ professoris magistri Petri de Vaucello ac etiam theologiæ facultatis almæ universitatis Parisiensis Decani meritissimi atque doctissimi, puto dictam ordinationem perutilem atque fructuosissimam esse, cùm & exhortationibus & præceptis Apostoli conveniat, quibus Timotheo scribebat, *Stultas autem & sine disciplina quæstiones evita sciens quia generant lites*, & conformiter ad Titum tertio capitulo, *Stultas autem quæstiones & contentiones & pugnas legis evita, sunt enim inutiles & vana &c.* Unde propositiones quæ per statutum præfatum silendæ præcipiuntur, non tantùm vanæ & inutiles videntur, quin etiam ut in pluribus sanæ doctrinæ subversivæ, & nonnullæ earum de hæresi suspectæ. Proinde ordinatio facta ad honorem cedit prædictæ universitatis Lovanien-sis, ad suppressionem falsi & periculosi dogmatis, & ad commendationem doctrinæ veritatis catholicæ, profectui studentium deservit, & alias affert quamplurimas notabiles commoditates propter quas amplexanda est prædicta ordinatio & jugiter observanda.

Tertia quæstio quendam tractatum continet à quodam venerabili & profundæ litteraturæ viro, scilicet magistro Petro de Rivo, editum atque compositum signanter & præcipuè ad elucidationem veritatis dictæ sententiæ seu opinionis philosophi de futuris contingentibus, & ad confutationem opinionis contrariæ. Qui quidem tractatus quoad primam partem incipit *An in potestate Petri &c.* quoad aliam partem *Sicut Tullius testatur in libro de fato &c.* quoad aliam partem incipit *Ponentes in propositionibus &c.* & quoad aliam *A quolibet*

catholico &c. & quoad aliam decem capitula continentem *Virum philosophi tres virtutes &c.* & quoad aliam novem capitula continentem incipit: *Finalis particula &c.* Vtrum præfatus tractatus debeat vel in toto vel in parte de hæresi aut falsitate notari, aut possit probabiliter tamquam veritatem continens sustineri, & tamquam probabilis sanæque doctrinæ conveniens dogmatizari & defendi. Quamvis autem hæc quæstio non parvi sit ponderis, & grandi egeat discussione propter arduas subtilesque difficultates quæ in prædicto continentur tractatu, attamen pro modulo facultatis meæ, probabiliter tantum loquendo, ac etiam me submitiendo determinationi Ecclesiæ sacrosanctæ, si quandoque per eam aliter definiri contingat, mihi pro nunc videtur quod tractatus ille subtiliter, ingeniosè, & multum scientificè conditus est, nihilque erroris au falsitatis fidei contrariæ includit vel continet, sed si attentè & per singula discutiatur & ad sensum quem exprimit capiatur, catholicis & sinceris ventralibus & dictis sanctorum Doctorum consonat & conformatur. Nom enim, sicut adversarii obiciunt, negat veritatem à propositionibus de futuro contingenti quæ in symbolo fidei aut canone sacre scripturæ continentur, quin potiùs eas verissimas fatetur ab omni catholico firmiter & usque ad mortem credendas, sed loquendo de veritate propositionis creata & inhærente formaliter & actualiter ex præsentia rei significatæ existente, dicit quod in talibus propositionibus de futuro contingenti non est veritas determinata sicut in illis de præsentia & de præterito; ita scilicet quod sicut illæ de præsentia & præterito quæ sunt veræ, sunt inimpedibiliter veræ, & quæ falsæ, inimpedibiliter falsæ sic se habent illæ de futuro contingenti; quoniam postquam ponuntur esse de futuro contingenti,

genti, ponuntur esse impedibiliter, & per consequens possunt dici neutrae, sic quod non sunt verę inimpedibiliter nec falsę inimpedibiliter eo modo quo verę sunt determinatę & inimpedibiliter illę de pręsenti & de pręterito. Et ipse sensus exprimitur evidenter in tractatu pręlibato. Qui quidem sensus sic verus & conformis doctrinę communi videtur ut non possit nisi fallaciter calumniari. Et iste modus dicendi pręfatam philosophi sententiam clarissimę discutit, eam cum sacra fide concordat atque salvat. Et hic etiam sensus videtur esse de intentione philosophi, si bene & attentę verba sua considerentur quibus dicit: *In iis ergo quę sunt & quę facta sunt necesse est affirmationem vel negationem esse veram vel falsam &c. In singularibus verò & futuris non similiter est &c.* Manifestum est enim quod per ea quę sunt philosophus intelligit pręsentia, quę necesse est esse dum sunt, & per ea quę facta sunt intelligit pręterita, ad quę non est potentia. Et sic non vult philosophus aliud dicere nisi quod pręsentia & pręterita sunt inimpedibiliter vera aut falsa. Sed non similiter est in singularibus & futuris contingentibus, quia non sunt inimpedibiliter & determinatę vera aut inimpedibiliter & determinatę falsa: quia sic non essent ad utrumlibet, si essent inimpedibiliter sicut pręsentia & pręterita. Et hoc etiam declarat philosophus consequenter dicens: *Quare quoniam orationes similiter verae sunt quemadmodum & res, manifestum est quoniam quacunque sic se habent ut ad utrumlibet sint & contraria ipsorum contingere queant, necesse est similiter se habere & in contradictione.* scilicet ut altera pars contradictionis in iis quę sunt ad utrumlibet non sit determinatę & inimpedibiliter vera, & altera determinatę & inimpedibiliter falsa, sicut in contradictoriis de pręsenti & pręterito. Et sequitur iterum: *Ne-*

M m

quæ enim quemadmodum in iis quæ sunt sic se habent, & in iis quæ non sunt, possibilibus tamen esse vel non esse. Patet enim evidentissimè quòd philosophi sententia est quòd in iis quæ non sunt, possibilibus tamen esse vel non esse, (& hæc sunt futura contingentia ad utrumlibet) non sic est sicut in iis quæ sunt, id est, præsentibus: quia talia dum sunt, necesse est ea esse, & sic sunt inimpedibiliter & determinatè vera.

Et hæc mihi ita fore dicenda pro nunc videntur, cum protestatione addendi vel diminuendi, etiam mutandi & corrigendi, si aliter, ut præmissi, per Ecclesiam sacrosanctam determinatum extiterit, cui me & omnem scientiam meam cum omnibus dictis & scriptis meis humiliter & devotè submitto. In testimonium approbationis præmissorum, probabiliter tamen & gratia profectus tantum, signum meum huic scripto inferere decrevi die xvi. mensis Maii anni Domini mcccc. septuagesimi primi. *Sic subscriptum & signatum. G. Castroforti.*

Mihi autem fratri Iohanni Canuti ordinis fratrum Prædicatorum in facultate theologiæ minimo magistro, ut Decanus, videlicet magister Petrus, declarat, videtur asserendum & tenendum in supra contentis & declaratis, teste signo manuali. *Sic subscriptum & signatum. Canuti.*

Ego frater Iohannes Patini in sacra pagina humilis professor & actu regens Parisius prædictis assertionibus cum modificationibus assentio, teste signo meo manuali, anno quo supra. *Sic subscriptum & signatum. Patini.*

Ego frater Iohannes Vvatac humilis sacrae pagine professor prædictis assentio, teste signo meo manuali hic appposito, ix. Iulii, anno quo supra. *Sic subscriptum & signatum. Vvatac.*

Mihi Ivoni Porcelli in facultate theologiæ re-

genti immerito videtur quòd habito respectu ad causas secundas tantùm, non potest dici quòd propositionum de futuro contingenti ad utrumlibet hæc pars est determinatè vera & illa falsa vel è contra. In aliis autem determinatis circa prædictas materias per disertissimum virum atque honorandissimum magistrum nostrum magistrum Petrum de Vaucello prædictæ facultatis Decanum dignissimum sto in ejus determinatione, cujus opinio mihi videtur probabilis & probabiliter posse sustineri, tamquam dictis & opinionibus Doctorum approbatorum consona, & innixa veritati, prædicanda & dogmatizanda. *Sic subscriptum & signatum.* Porcelli.

Ego frater Dionysius Pitae humilis professor in sacra pagina ita sentio cum præcedentibus substantialiter, scilicet tam cum Domino Decano facultatis magistro Petro de Vaucello quàm cum honorando magistro nostro Guilhelmo de Castroforti. *Sic subscriptum & signatum.* Pitae.

Et mihi Ægidio de Alveris ita videtur & sentio cum præcedentibus; & sto cum Domino Decano facultatis magistro Petro de Vaucello, necnon cum honorando magistro nostro magistro Guilhelmo de Castroforti. *Sic subscriptum & notatum.* Ægidius de Alveris.

Et mihi Radulpho Boyssel, in primis salvo semper peritiorum judicio, mihi videtur doctrinam Aristotelis in primo peri ermenias de veritate & falsitate propositionum de contingenti per omnia sanam esse & veram, in nullo catholicæ veritati repugnantem aut dissonam. Præterea rationabile & pernecessarium mihi videtur quæstiones theologales non debere terminari aut disputari in scholis artium, & propositiones illas debere dari silentio quæ in statuto Lovanii edito incipiente *Cupiens juxta illud Apostoli* signato manu Adriani Petri

Notarii dictæ universitatis. Insuper mihi videtur quod in propositionibus de futuro contingenti non est verum & falsum similiter sicut in illis de præsentis & præterito. Factum anno Dom. MCCCCLXXI. die x. Septembris. *Sic subscriptum & signatum.* Boyssel.

Ego frater Iohannes Munerii in sacra pagina humilis magister ita sentio cum præcedentibus magistris nostris, specialiter cum magistro Petro de Vaucello & magistro Guilhelmo de Castroforti, stando in determinationibus eorum. Teste signo meo manuali hic appposito secunda die mensis Septembris. *Sic subscriptum & signatum.* Munerii.

Idem mihi videtur cum reverendis magistris nostris de Vaucello & Caros, & in eisdem sto cum determinatione magistri Petri de Vaucello & affirmatione ejusdem magistri nostri Petri Caros. Factum antepenultima die mensis Septembris anno Domini MCCCCLXXI. *Sic subscriptum & signatum.* De Fontenayo.


Adhærendo determinationibus magistrorum nostrorum Petri de Vaucello & Guilhelmi de Castroforti, conformiter dico ego frater Iohannes Pilory in sacra theologia magister actu regens Parisius & Prior in conventu fratrum Prædicatorum quod luculenter & planè ad verum sensum propositionum præfati magistri determinaverunt. *Sic subscriptum & signatum.* Pilory.


Ego frater Ioannes Cossart humilis magister ac tuque regens ordinis fratrum Prædicatorum conformiter dico sicut & optimè determinaverunt honorandi magistri nostri Petri Petrus de Vaucello ac Guilhelmus de Castroforti. *Sic subscriptum & signatum.* Cossart.

Mihi quoque Petro Martini humili sacre pagine Doctori ac regenti actu Parisius in eadem facultate

conformiter videtur fore sentiendum de propositionibus propositis secundum quod sentiunt prestantissimi patres nostri & magistri nostri magistri Petrus de Vaucello & Guilielmus de Castroforti, cum qualificationibus, modificationibus, & protestationibus ipsorum. Quapropter eisdem adherendo & conformando, huic præsenti scripto signum meum manuale apposui in testimonium prædictorum, anno quo supra, die verò XIII. Novembris. *Sic subscriptum & signatum.* Martini.

Videtur mihi Petro de Has in theologia magistro, codice magistri Petri de Rivo & aliis perle-
ctis, quod ea quæ circa hanc materiam de futuris contingentibus diffinivit atque in iis dicenda declaravit & firma fide tenenda colendissimus magister noster magister Guillelmus de Castroforti regalis collegii Navarræ rector & magister summus, catholicè & ingeniosè multum diffinita sunt & optime determinata. Et pro hujus meæ opinionis assertionem signum meum manuale hic apposui XXI. mensis Septembris anni MCCCC. septuagesimi primi. *Sic subscriptum & signatum.* P. Has.





CARMINA.

ALCVINI.

In fronte codicis isti versus scribentur ubi imago Christi & quatuor Evangelistarum & quatuor Prophetarum imagines continentur.

O Rdine quadrato variis depicta figuris
 Agmina sanctorum gaudia magna vident.
 Ex quibus Isaias præcelso dogmate fretus,
 Ieremias pariter, Domini miracula psallunt.
 Iezechiel sedemque Dei describit & ista,
 Et Danihel Christum narrat de monte recisum.

Isti in altera pagina, ubi agnus pictus & XXIII. seniores & terra & mare.

Omnia quæ præsens tellus producit alendo,
 Et maris hæc facies limbo circumvenit amplo,
 Agne Deum solio semper venerantur in alto.
 Sanguine qui fuso tersisti crimina seculi
 In cruce, tu Karoli detergas vulnera Regis.

Item in alio loco, ubi agnus solus pictus habetur.

Hunc Moyse agnum monstravi lege futurum
 Cunctis pro populis perferri vulnera mortis.

Vbi dextera Christi est picta.

Dextera quæ patris mundum ditione gubernat,
Et natum cælos proprium transvexit in altos.

In finem Iohannis Evangelistæ.

Et Princeps Karolus, sancto qui more benignus
Illius hic codex enitet actus ope.

In fine libri loquuntur scriptores.

Hactenus in sanctum sulcando novimus æquor,
Littoris ad finem nostra carina venit.

VVALFRIDI STRABI.

In Basilica sancti Petri & Pauli.

Hic Petrus & Paulus, quadrati luminaria mundi,
Absidam gemino tutantur numine lautam,
Necnon Andreas, qui quondam funera lætus
Passus & in patibulo sancta cum carne pependit.
Hoc templum Bugge pulcro sacro molmistruct'
Nobilis erexit cenuvium filia Regis
Qui prius imperium Saxonum jure regebat,
Donec præsentis contemnens culmina regni,
Divitias mundi rerusque reliquit abena,
Plurima basilicis inpendis rura novellis,
Quà nunc Christicolæ servant monastica jura.
Exin sacratam perrexit quærere vitam,
Dum proprium linquit Christi pro nomine regnum.
Qui tamen ante tribus gessit certamina pugnis,
Et ternis pariter confecit bella triumphis.
Post hunc suscessit in bello famosus & armis

Rex Caeijunalla potens, regnique possessor &
heres.

Set mox imperium mundi sceptrumque relinquens
Alta supernorum conquiens regna polorum,
Clarum stelligeri conscindens culmen olimpi,
Sed his principibus cælum penetrantibus altum
Quorum descripsi jam bina vocabola dudum,
Tertius accepit sceptrum regnator opimum,
Quem clamant ini certo cognomine gentis,
Qui nunc imperium Saxonum jure gubernat.
Quo regnante novum præcella mole sacellus
Bugge construxit supplex vernacula Christi.
Præsentem ergo diem cuncti celebremus ovantes,
Et reciproca Deo modolemur carmina Christo.
Sic rexit gemini plures feliciter annis,
Donec conversus cellam migravit in almam.
Inde petit superas meritis splendentibus arces,
Angelicis turmis ad cæli culmina ductus,
Celicolis junctus lætatur sorte superna.
Turgida cum ratibus sulcabat cerula curvis,
Et maris equoreas lustrabat semige capos.
Algida ventosis crepitabant carbassa flabris,
Donec barca rudi pulsabat litora rostro.
Exin nimbosas transcendit passibus Alpes
Aggeribus niveis & montis vertice septa;
Cujus in adventu gaudet clementia Romæ,
Dum mergi meruit baptismi gurgite felix.
Post Abbas igitur morbo correptus egrescit,
Donec mortalis clausit spiracula vitæ.



RHABANI MAVRI;
AD HEISTVLFVM ARCHIEPIS-
COPVM.

In fine librorum de institutione Clericorum.

HÆc tibi, sancte pater, devotè munera trado,
Quæ tu dignanter qualiacunque cape.
Tu decus es nostrum, doctor, summusque sacerdos,
Dux sacer, & princeps, lux, via, pastor, ho-
nor.

Nam quia tu templum dedicasti martyris almi,
Per servum donum hoc martyr & ipse dedit.
Nam est nonus & decimus octingentesimus annus
Ex quo salvator venit in arva pius,
Qui te perfectum tribuat, faciatque beatum,
Inferat & lætum cœtibus angelicis.
Abbas namque meus vesterque fidelis amicus
Ægil hæc voluit reddere dona tibi.
Se totum atque offert, suaque omnia sponte mi-
nistrat;
Quem tecum summus salvet in arce Deus.

EPITAPHIA

Flodoardi Presbyteri Remensis.

Hic jacet indignus Flodoardus honore sacerdos,
Arbiter expectans cælicus ut redeat,
Hoc sibi confisus veniam miserante ferendam,
Sit licet admissis obstitis innumeris.
Quisque legis titulum; satis memor ipse futuræ,
Expete sic Dominum propter humi positum.

Christe, tuo servo Flodoardo parce benigne,
Et pro iudicio da veniam famulo. Amen.

Theoderici I. Episcopi Metensis.

Obiit anno
984.

Hic Deodericus genefoso sanguine natus,
Regum progenie nomen habens celebre,
Cæsaris Ottonis tetigit quem linea carnis,
Cujus consiliis jura dedit populis.
Luxit enim mundo ceu sydus lumine pleno,
Actibus eximiis, moribus egregiis.
Vnde Mettensem meruit conscendere sedem,
Quam rexit digno Præsulis officio.
Aulam hanc cælesti struxit pro munere Regi,
Rebus quam miris compluit & innumeris.
Idibus ebdenis Septembris jam revolutis
Decessus sorte clauditur hac silice.

Adalberonis II. Episcopi Metensis.

Obiit anno
1004.

Lector fige gradum qui voto tendis in altum,
Istic & cautè scribta notando lege;
Taliter ut vitam studeas servare quietam.
Qualiter hic gessit quem brevis urna capit.
Hic cinis egregius regali stirpe decorus
Servatur tumulo usque resurgat humo.
Hic pater & pastor mitisque per omnia doctor
Nomine Adalbero fulserat eximio.
Annis hic binis feliciter atque vicens.
Mettensi dominæ præfuit Ecclesiæ.
Sectator legum, rectissima norma minorum,
Præcessit facto, suavit & eloquio.
Gemmis virtutum discretum duxerat ævum.
Tractavit cunctos ut proprios genitos.
Virgineos cœtus monachorum hic pater almus
Dilexit, lubricis prætulit & laicis.

Pes fuerat claudo , lucens & semita cæco,
 Consolans tristes, & refovens inopes.

Nulli difficilis nisi fortè per avia pronis.

Hos tamen ipse prius rexerat in melius.

In Domini laudem sibi mercedemque perennem

Erexit multas struxit & Ecclesias.

Hoc templum fundans multo & sudore laborans

Servitium Domini hic statuit peragi.

Sed non ut voluit , quia mordax finis ademit.

Heu fors dura necis , quæ tulit hunc superis.

Quem plangit populus , quem luxit multa Juventus,

Patres & nati , servulus & domini.

Hic quarto decimo mensis sub sole Decembris

Decedens mundo , se dedit altithrono.

Lector hujus culpæ Deus auctor dic miserere.

Vivat & in Christo clamitet omnis homo.

*Gauzlini Archiepiscopi Bituricensis & Abbatis
 Floriacensis.*

P Ræsulis officio simul , Abbatis quoque functus
 Gauzlinus meritò hac requiescit humo.

Obiit anno
 1029.

I soli vivens , statuit , delegit , amavit ,

Virgo Maria tuo confer opem famulo ,

Cum Bene patrè pio dicto , sanctis quoque cunctis ,

Quò pœnis careat jam sine fine malis.

Hac ope dignus erat. Nam cuncta novavit , ut ipse,

O lector , cernis , igne vorata prius.

Proh dolor ! octavas dum Marcius Idibus intret,

A carnis vincolo tollitur ecce suis.

Tu quicumque legis , patris reminiscito cari,

Cordeque de puro dic Miserere Deus.

Sancte Deus , sanctorum suscipe vota precantum ,

Gauzlinique tui sat memorare velis ,

Ignibus eripiens tetri miseranter Averni,

Iudex dum venies reddere digna piis.

Vitalis conditoris & Abbatis monasterii Savigniacensis in diocesi Abrincensi.

Obiit anno
1122.

Vitalis vita puer & vir vixit honesta.
 Canonicus primò, post heremita bonus.
 Cœnobium Savignei construxit, & Abbas
 Primus in hoc sanctè vixit & utiliter.
 Iejunans, vigilans, orans, sic membra subegit
 Quòd caro spiritui subdita jure fuit.
 Vox clamantis erat spargendo semina verbi,
 Verus præco Dei sedulus atque libens.
 Ipse die postquam decessit nocte secunda
 Optulerat Domino sacra sacer sacrificex.
 Psallebant Domino fratres, psallebat & ipse.
 Psallens ascendit psallere dulce Deo.
 Hospitium carnis cæli novus incola liquit
 Cùm solegreditur virginis hospitium.

Cononis Episcopi.

Incerti
temporis.

Inter Pontifices Tummus plerosque coævus,
 Non vitæ meritis Cono sed nomine Præsul,
 Quæ fugiunt cupiens, quæque manent fugiens,
 Hoc tegitur tumulo Cono refusus humo,
 Hoc teneor tumulo, virgo Maria, tuus,
 Nunc cinis exiguus, mortalia membra solutus,
 Qui sibi commissi populi bene jura capeffens.
 Cetera terrificant, hoc solum spem mihi præstat.
 Nuper quartus eram gaudia vana legens,
 In commune bonum plurimus invaluit
 Quòd fuerim Præsul, virgo Maria, tuus.
 Dicebar magnus Cono pro tempore Præsul,
 Moribus eximius, sæcli splendore verendus.
 Terra suum repetit, sua deprecoringere cælis.
 Integritate nimis Præsulis exiguus

Exitit Ecclesiæ murus & arma suæ.

Vt cedant propriis singula principiis.

Gaudebam dici quod oportuit, esse neglexi

Iustitiæ cunctis & honesti forma sequendi.

Qui legis ista precor pia fundere vota memento,

Cælica dissimulans, terrea quæque sequens,

Decedens mundo cælica regna adiit

Christificus famulum virgo beata suum.

Sed tu, summe Deus, precor hoc dimitte benignus

Quantum mæstitia populo verique doloris.

Carmen in laudem sancti Anselmi Archiepiscopi Cantuariensis.

H Aud habiture parem sumas pater àlme salutem

Quam mea disparibus musa vehit pedibus.

Quòd mea musa pedes tibi scribens non habet æquos,

Paupertate mei contigit ingenii.

Laudari proles procerum pede debet Homeri.

Da veniam, timui pondera tanta pati.

Materiæ, fateor, sum tantæ pondere pressus,

Nec mea musa rei sustinet hujus onus.

Indefectivè jam si mea pectora clament,

Et mea centenis vocibus ora sonent,

Fonte caballino si me respergat Apollo,

Ad te laudandum non satis unus ero.

Tu generosus homo, magnisque parentibus ortus,

Exuperas morum nobilitate genus.

Iam tua fama domum solis replevit utramque,

Et talem mundus gaudet habere patrem.

Axis & australes te novit hyperboreusque,

Parque tuis mundi nulla caret meritis.

Fulta tuis meritis si non foret Anglica terra,

Corrueret vitii pondere quassa sui.

Illa tuis meritis, fateor, valet atque valebit,
Atque tuis precibus ne cadat efficitur.
Quis te non norit mensura vivere recti?
Quis te sanctorum nescit habere fidem?
Tu delinquentes castigas verberare dulci;
Ne peccare velint, ipse mones homines.
Arguis ut debes homines peccata lucrantes.
Te mercede caret iudice curta fides.
Iudice te dives peccator vivit egenus,
Et dominus nequam sat miser est famulus.
Solutus in hoc ævo pater es laudabilis ævo.
Solutus habes vitæ, vir venerande, modum.
Solutus es in terris deflexus peccata malorum.
Tu solus timidus es medicina reis.
His quoque pro meritis merito, pater optime, toto
Est propagatum nomen in orbe tuum.
Intererit casus quæ primùm magna fuerunt,
Nec quemquam certo limite fata regunt.
Qui modo dives erat, fortunæ corruit ictu.
Atque modo cum sim, non reor esse diu.
Hoc non attendunt quos mundi gloria ducit,
Quosque sefellit amor non satiatum opum.
At tu, præterita qui spectas quod sequiturque,
Scis quia quæ modo sunt, interitum capient.
Hæc quæ per spatium vix durant unius horæ
Credis perpetuis æquiparanda bonis.
Naturæ paret quicquid mortale creatur;
Quodque fuit quondam, desinit esse modo.
Tu quoque parebis morti, sed dispare tractu;
Nec tu cum reprobis ipse locandus eris.
Tu cum mutabis terram, cælo potieris,
Et tamen in terris ipse superstes eris.
Excipiet primò quoniam te gaudens curia cæli,
Et tibi promissa sede locatus eris.
Credo tuis hominum nullus succedet habenis,
In bonitate tua qui moderetur eas.

Cùm Deus omnipotens protoplastum fecit abyle,
Te nostris nasci temporibus voluit.

Cur tamen hoc voluit, nisi quòd te noverat antè
Posse cruentatis frena parare lupis?

Ecce cruentatus lupus affilit, aggrediturque
Caulas, quæ firmæ te vigilante manent.

Si quam crudus ovem casu lupus ore cruentat,
Evadit fauces te properante lupi.

Mundi tempestas aliquem si depulit ad te,
Armamenta ratis, ne pereant, reficis.

Divinis armis instantem perculis hostem.
Divinis armis territus hostis abit.

Divinis armis ovibus munimina præbes.
Divinis armis tuta quiescit ovis.

Quòd nolles, ovium periit tamen una tuarum;
Nec perit ex toto, si vigilare velis.

Hæc de qua dico, Bahalans est presbyter Hugo,
Abstulit in scòpulos quem sua stultitia.

Sed quoniam, pater, est miseris pietas tua vallum,
Auxilium, quæso, sentiat ille tuum.

Hoc quòd vivit adhuc, quòd non est lumina
fossus,

Effectum cura quis neget esse tua?

Nam nisi te rabies timuisset sæva luporum,

Quem non carcer habet, crux habitura foret.

Est grave, confiteor, quod commisit miser ille.

Sed non excedit culpa gravis veniam.

Quis quàm primus homo peccavit acerbius un-
quam?

Illius interiit culpa tamen venia.

Altiùs incipiam; quis erit Iudæ sceleri par?

Huic, reor, esse comes nulla potest venia.

Cæde tamen sacra madidus si pœnituisset,

Qui pius est cunctis, non ferus esset ei.

Tu debere manum dicis supponere nanti,

Ne demergat eum quæ venit unda maris.

Mergitur hic, puppim magna feriente procella;

Et nunc jam properes, vita relinquit eum:

Ex illo toto solum caput eminet undis:

Quod si mergatur, heu mihi! vita fugit.

Illius ergo precor fracto succurre phaselo,

Quæ nullum, nisi des, litus habere potest.

Aut igitur properans tua cura medebitur illi,

Aut nullo certè tempore sanus erit.

Ille fuit multis & magnis fultus amicis,

Dum ridebat ei quæ stat in orbe dea:

Quæ postquam risum subitam contraxit in iram,

Illos non puduit quin retro terga darent.

Illum nonnulli non cum ratione remordent,

Nec, quia desipuit, nosse fatentur eum.

At, puto, cum poterat sanus vitare ruinam,

Hac incede via, dicere debuerant.

Nunc illi fracta navi quid dicere prodest,

Currere cautiùs hoc per mare debueras.

Ergo communis cum sis tutela reorum,

Illum, sancte pater, quæso tuere reum.

Sancte Dei cultor, fidei fons, pecus amator,

Spes, decus, auxilium, vita, salus hominum,

Vsque quod est dicam, patriæ totius asylum,

Vnica scala poli, nec ruitura, vale.

Epicedion in obitum ejusdem.

P Ræfulis Anselmi, quem nuper obisse dolemus,
Laudibus aptari littera nostra cupit.

Est tamen à tanto quod me deterreat ausu,

Ne res cara meum non amet ingenium.

Aggrediar verò, de Christi munere fidens,

Dicere quod possum de bonitate viri.

Res pretiosa nimis, res utilis, atque decora,

Vir clarus, sapiens hic, & honestus erat,

Notus & ignotus, sapiens simul insipiensve,

Et totus pariter mundus amabat eum.

Ejus

Ejus amor dulcis fastidia nulla gerebat.
Cuique parum fuerat quicquid amaret eum.
Quoque magis virtutis opem mireris in illo,
Carus habebatur hostibus ipse suis.
Nempe fuere viri quos ejus causa gravabat;
Laudabantque tamen quod bonus ipse foret.
Quicquid erat quod eis super illo displicuisset,
Illorum planè, non suus error erat.
Tota quidem (quid enim vir pravi tantus haberet?)
Ejus odore bono vita suavis erat.
Difficile credas quantum vir claruit ille,
Nec tibi lingua potest ulla referre satis.
Ipse Deus novit quia spero vera fateri
Nec laudando virum fallere quemque volo.
Testor enim Iesum, nec inanis opinio fallit,
Quod satis innocuos duxerat ille dies.
Quem læsit verbo, nisi quem peccasse putaret?
Hoc quoque, ô, quàm sobriè fecerat atque piè!
Opprobrium durum quis ab illius ore recepit?
Quod rideret eum dicere quis potuit?
Quem malè tractavit, vel iniquè movit ad iram?
Quem vivens hominum fraude sua nocuit?
Nec multum fuerat sine crimine ducere vitam,
Si non virtutis plena decore fuit.
Si placet, audito sanctissimus ille virorum
Virtutum merito quàm pretiosus erat.
Est tamen incertum, quia plurima copia fallit,
Quid priùs incipiam, posteriùsve loquar.
Ceu videas aliquem qui tempore veris amœnum,
Lecturus flores, ingrediatur agrum.
Cogitat, hunc carpam? sed valde pulchrior iste est.
Illum decerpam? sed superant alii.
Ignoransque diù quid agat, desiderat omnes,
Miratur, nescit quem magis accipiat.
Sic ego multa diù mecum dicenda revolvens,
Cogito de multis quæ recitare velim.

Rex &
complices
ejus.

Denique si referam quāto splendore sophiæ

Ille niteret homo, quis mihi credet homo?

Omnes, ni fallor, quos tempore cernimus isto

Vicerat electos egregiosque viros.

Si mihi non credis, illius opuscula saltem

Non mihi non poterunt visa negare fidem.

Qui legisse volet quos scripserat ille libellos,

Illic perspiciet quā sapiens fuerit.

Et rectè sapuit qui Christum semper amavit,

Qui nunquam sceleri præbuit obsequium.

Talis quippe Deo sapientia grata probatur

Quæ vitium prohibet justitiamque docet.

Sed de justitia, qua plenius ille vigeat,

Quiddam dicendi tempus adesse reor.

O quā justus erat qui non adversa timeret,

Nec plus quā satis est prospera diligeret.

Non erat in rebus quicquam, quasunque videmus,

Quod levitatis eum cogeret in vitium.

Inter divitias, quas sufficienter habebat,

Virtutum plenus, rebus egenus erat.

Sic sibi vivebat ut nil habuisse putares.

Hærebat mundo corpore, non animo.

Omnia prudenter & fortiter omnia pensans,

Nolebat sibi displicuisse Deo.

Inter utrumque manens, moderatè cuncta gerebat.

Odivit nimio quicquid erat nimium.

Sunt autem quidam qui me fortasse notabunt

Quod tantis illum laudibus extulerim.

Nam dicent: Adeo non debuit ille levari,

Qui nimium simplex atque remissus erat;

Qui, sicut legitur, seductæ more columbæ,

Quæ citò decipitur, sic sine corde fuit,

Qui prohibere nefas ut Præsul non satagebat,

Nec populi miserum corripiebat opus,

Qui dignos sapido non protulit ore latratus,

Sed sese mutum protulit esse canem,

Qui sibi commissum non custodivit ovile,
Immo locum sceleri dissimulando dedit.
O nimis insanæ præcips audacia mentis,
O cæcus tumida pro pietate furor!
Tu quis es ut servum damnare queas alienum?
Non tibi, sed Domino, subditur omnis homo.
Quid prodest alios si lumine cernis acuto,
Cum tamen ipse tuam non videas nebulam?
Respice cor proprium qui sic aliena remordes.
Nigra videbuntur quæque geruntur ibi,
Difficile propriam poteris dinoscere vitam,
Qui solus damnas quicquid agunt alii.
Otia sectantem nil impedit esse loquacem.
Pugnantis vitium plangere novit iners.
Parce, miser, justum morfu lacerare canino;
Nec dabis infanti quod nocuere mali.
Fœdera, jura, fidem contemnit nescia veri.
Odit majorem, non amat illa parem.
Hos igitur quando delectet habere magistrum,
Qui mores hominum corrigat indomitos,
Qui doceat non esse bonum contemnere legem,
Qui mandata Dei prædicet ac teneat?
Porro timere Deum quando non ille monebat?
Aut quando latuit ejus in ore Deus?
Si misit vacuum quem sciret velle doceri,
Tunc justè potuit displicuisse tibi,
Si cuiquam verbum de re quacunque petenti
Non statim plenam reddidit ipse vicem.
Indignum nimis est, si te reprehendere frustra;
Aut illum falsò magnificare velim.
Verùm quid noceat rem si descripsero gesta,
Quæ verè meritum pontificale probet?
Multis quippe liquet quòd regia jussà volebant
Ut quiddam fieret quod minùs esse bonum
Lex divina docet. Sed præsul fortiter idem
Reslitit, & fieri multotiens vetuit.

Vnde ratum tandem præcepto legis habetur

Quatinus exilii debeat esse reus.

Quid faceret post hæc sanctæ prudentia mentis?

Regis ob imperium despiceretne Deum?

Maluit ergo loco secedere quàm vitioso

Contra velle Dei subdere colla viro.

Quid moror? E patria depellitur, exiliumque

Passus, longinquas cogitur ire vias.

Hoc semel, hoc iterum, virtutis amore coactus,

Felicem pugnam ducere promeruit.

Est etiam, fateor, dictum mirabile quiddam,

Quod titulum nostri præfulis amplificet.

Nam cui non placeat quòd quamvis dignior esset,

Omnibus esse tamen maluit inferior?

Inferior nemo quàm subditus inferiori,

Qui se nec minimò iudicat esse parem.

Sic bonus ille suæ cultor custosque salutis,

Quot servos habuit, tot dominos habuit,

Vtilius reputans, proprium si velle relinquens,

Pronus ad alterius curreret arbitrium.

Laus soli Domino, de cuius munere tantæ

Gratia virtutis venit in hunc hominem,

Quem laudare pium, de quo meminisse salubre.

Nam pietatis opus, mentio talis erit.

Sed fateor culpam, quia sensus manusque,

Quæ novi saltem, scribere deficiunt.

Me quoque multa latent. Quis enim se nosse putaret

Omnia quæ vita gesserat ille sua?

Cariùs ille quidem certa ratione valebat

Quàm plenè quisquam cernere possit homo.

Nec meritò dignus privari laude videtur

Qui tantæ meruit laudis habere fidem.

Quid porrò miraris eum, si plebis iniquæ

Non statim potuit pellerè grande scelus?

Desine mirari. Deus est qui iudicat orbem.

Non homo cor nostrum, sed Deus ipse trahit.

Corripuisse malum, vel verba dedisse salutis
Erranti, passim quisque potest hominum.
Sed plantasse nihil, nihil est plantata rigasse,
Incrementa nisi conferat ipse Deus.

Quem Deus indurat, nullius cura levabit.

Absque Dei nutu nil valet omnis homo.
Arida semper erunt humanæ germina mentis,
Si non rore suo compluat illa Deus.

Hic ergo talis, tam fidus amator honesti,
Hic fidei princeps, & decus Ecclesiæ,
Hic aries geminis depellens cornibus hostem,
Hic vitis palmes, hic pietatis odor,
Hic lapis æterni rutilans in imagine Regis,
Corporis exuvias grande reliquit onus.

Heu quàm flebiliter, quàm multo fusa dolore,
Mens tanti recolit præsulis exequias!
O quàm pretiosus erat, ô quàm pluribus utilis!

Ergo

Illius multos aggravat interitus.
Felix Italia præ cunctis partibus orbis,
Quæ meruit talem progenuisse virum.
Infelix iterum quæ talem perdit alumnum,
Infelix planè pignoris orba sui.
Tu quoque cœnobium quondam Beccense vigebas,
Dum tuus Anselmus dux fuit & monachus.
Amisit veterem facies tua penè decorem,
Dum tuus Anselmus desiit esse pater.
Cantia tu quondam totum veneranda per orbem,
Præsulis Anselmi tempore signa dabas.
Te minor orbis erat; populos tua fama per omnes
Fluxit amica bonis, invidiosa malis.
Te monachus, clerus, populusque docendus adibat,
Dum tuus Anselmus vixerat ille bonus.
Non erat in terris quisquam qui dicere vellet:
Me minor Anselmus est, similisve mihi.
Nunc tua frons trahitur scabrosis obsita rugis.



INDEX.

LIBRI QUARTI.

A

ABBAS qualis debeat esse. [82](#)
 Abbates, homines sancti & honesti. [56](#)
 Abbisseflaus Princeps Boheimia. [334](#)
 Absolutio defuncti. [181](#)
 Accipiter, causa magnæ discordiæ. [150](#)
 Adalaisa Imperatrix. [428](#)
 Adalbero I. Episcopus Mentensis. [423](#)
 Adalbero II. Episcopus Mentensis. [354](#)
 Adalsinda uxor Volfandi Comitris. [403. 409. & seq.](#)
 Adelidis Regina. [472](#)
 Administratorii spiritus. [16](#)
 Adrianus I. Papa. [55](#)
 Adulatores Regum detestatur scriptura. [22](#)
 Adulteræ si quis fidem pollicetur. [38](#)
 Ægidius de Billone electus Narbonensis. [368](#)
 Affort prioratus. [250](#)
 Agedunensis abbatia. [275](#)
 Agele prioratus. [348](#)
 Agennensis civitas. [245](#)
 Agoneqsis prioratus. [251](#)
 Aguilon portus. [244](#)
 Aimericus Episcopus Arver-

norum. [108](#)
 Aimericus Diaconus. Cardinalis. [459](#)
 Aimericus de Longa Abbas Albæterræ. [487](#)
 Aimericus monachus Obazienensis. [152](#)
 Albæpetræ abbatia. [273](#)
 Albericus Episcopus Ostiensis. [460](#)
 Albero Archidiaconus Mentensis. [455](#)
 Albertistæ ejecerunt doctrinam nominalium. [335](#)
 Albertus Episcopus Viridunensis. [465](#)
 Albiac prioratus. [344](#)
 Albienensis civitas. [321. 363](#)
 Albienensis Ecclesia. [466. & seqq.](#)
 Albignæ prioratus. [287](#)
 Albigniacum prioratus. [394](#)
 Albigniacum super Verram. [395](#)
 S. Albini Episcopi reliquiæ. [460](#)
 Albrius Abbas S. Mansueti. [448. 450](#)
 Albuconium prioratus. [371](#)
 Albuinum prioratus. [326](#)
 Alcuini epistola. [413](#). Carmi-
 na. [550](#)
 Alexander Abbas Cisterciensis. [107](#)
 Aliscampus. [256](#)

N n iiij

INDEX.

Altaris sacramenta.	54	Appellatio ad Officialem Bituricensem.	235
Amalricus de Monteforti.		Apes prioratus.	355
<u>482</u>		Apostolorum locum tenent	
S. Amandi abbatia.	248	Episcopi.	39. 55
S. Amantii prioratus.	321	Apostolos petere & concedere.	243
S. Amantii Prior.	37	Aquasparfa.	336
Ambazac prioratus.	302	Aquitania regio.	71
Ambert prioratus.	268. 350	Albertus Abbas Casæ - Dei.	270
Ambiletum prioratus	321	Arbræ foragia.	485
Ambrosius Episcopus Mediolanensis.	20. 54. 56	Archambaldus Vicecomes Combornensis.	148
Anachoreta falsus.	77	Archipresbyter regionis.	172
Anathematizare capellam.		Archenfis prioratus.	379. & seq.
<u>423</u>		S. Aredii Ecclesia.	288
S. Andreæ Claromontensis abbatia.	261	Aremburgis Comitissa Andegavenfis.	482
S. Andreæ Lemovic. prioratus.	296	Argentac prioratus.	284
S. Andreæ prioratus.	341	Argentonium prioratus.	388
Angeli sunt spiritus administratorii.	16	Argerolis prioratus.	267
S. Angeli prioratus.	281. 373	Argiacum prioratus.	389
Angeliacensis abbatia.	221.	Aribertus Rex Francorum.	54
<u>225.</u>		Ariminensis Princeps Malatesta.	524
Anglia, abbatia Pictavenfis.	207. & seq.	Arnacum prioratus.	288
Angliæ Regum genealogia.	462.	Arnoldus Episcopus Halberstatensis.	435
Angolismensis civitas.	248	Arragoniæ negotium.	111.
Animarum cura committenda ab Episcopo.	22. & seq.	<u>219. & seq. 228. 245</u>	
Anselmus Archiepiscopus Cantuariensis.	471. 557.	Arrii divisio, 5. Ejus mala secta fugienda.	3
& seq.		Artigia prioratus.	293
Anselmus de Garlanda Senescallus.	482	Arthona.	259
Antiochena Ecclesia fungata à Petro.	51	Asmantix cella.	448. & seq.
Antiquitatis auctoritas.	70	Aspreiarum prioratus.	325
S. Antonini prioratus.	317.	Athletarum vocabulum Græcum.	418
358. & seq.		Audoenus Archiepiscopus Rotomagensis.	56
Anulus à manu Regis.	23	Avenionensis comitatus.	429
Appellatio Romana.	125. 242.		
<u>280</u>			

INDEX.

- Avesgotus monachus Ceno-
manensis. [477](#)
Augerius Motet Senescallus
Agennenſis. [239](#)
Aureliacum prioratus. [356](#)
Aurelium prioratus. [292](#)
Aurum Tolosanum. [444](#)
Auzisna prioratus. [274](#)
Azarac prioratus. [341](#)
Azeracum prioratus. [269](#)
- B.
- B** Aculus à manu Regis.
[23](#)
Bambergenſis epiſcopatus ini-
tia. [435](#)
Bannus epiſcopalis. [432](#)
Barbarica perſecutio. [140](#). & *ſeq.* [186](#).
Barrenſis pagus. [411](#)
Barnay prioratus. [334](#)
Barrum caſtrum. [464](#)
Baſſus accuſat Papam Six-
tum. [17](#)
Baſtida S. Fidei. [243](#) & *ſeq.*
Bayvars prioratus. [329](#)
Bego Abbas Bellilocenſis.
[285](#)
Bella aqua abbatia. [346](#) [368](#).
& *ſeq.*
Bella gerenda diſtante æqui-
tate. [42](#)
Bellum regardum. [337](#)
Bellus locus abbatia. [284](#). [324](#).
[366](#)
Benedictini non debent come-
dere carnes. [240](#)
Benedictio epiſcopalis. [236](#)
Benedictus Papa iudicio ſyno-
dali deſiſtus. [58](#)
Benedictus de Arcio. [490](#)
Beray prioratus. [351](#)
Berriacum prioratus. [393](#)
- Berlhonele prioratus. [331](#)
Bernardus Abbas Clareval-
lenſis. [70](#). [72](#). [117](#). [459](#)
Bernardus clericus, diſcipu-
lus Stephani Obazinenſis.
[79](#)
Bertrannus eremita. [75](#)
Bertrannus Abbas S. Arnulfi.
[455](#)
Beſſarion Cardinalis Nicæ-
nus. [530](#)
Beux abbatia. [302](#)
Biliomum. [352](#)
Bituricenſis primatia. [205](#).
& *ſeq.*
Blancha [Regina Franciæ](#). [470](#)
Blavia, ubi abbatia S. Roma-
ni. [230](#)
Boerece prioratus. [253](#)
Boetum prioratus. [250](#)
Bona aqua abbatia. [139](#). [280](#).
[372](#)
Bona multa invitis præſtan-
tur. [41](#)
Bonæ-Combæ abbatia. [327](#)
Boni in hac vita multa pa-
tiuntur adverſa. [67](#). Non
ſunt contemnendi propter
malos. [40](#)
Bonus locus abbatia. [275](#). [370](#)
Boort prioratus. [373](#)
Bornesellum prioratus. [281](#)
Bricium prioratus. [395](#)
Brifont prioratus. [284](#)
Brivate vetus. [340](#)
Brivenſis prioratus. [287](#)
Broo prioratus. [334](#)
Bruel, locus diceceſis Bituri-
cenſis. [215](#)
Bugge filia Regis Angliæ. [551](#)
Bullatum prioratus. [320](#)
Bullon prioratus. [263](#)
Burchardus Epiſcopus Vvor-
maticenſis. [437](#)

INDEX.

Burdegalenses obedire recusant Primate Bituricensi. [230](#). & seq.

Buxeria prioratus. [300](#). [355](#)

Buyllon prioratus. [337](#)

C

CAdurcensis civitas. [312](#)
[380](#)

Caeracum prioratus. [316](#). [358](#)

Calceatensis prioratus. [316](#).
[358](#)

Callonium prioratus. [392](#)

Callovium abbatia. [393](#)

Calucium castrum. V. Caslucium.

Calviacensis Prior. [330](#)

Calvimontensis prioratus. [392](#)

Cambonensis abbatia. [276](#).
[347](#)

Camboniensis præpositura. [369](#)

Cambrelinus Angeliacensis. [225](#)

Cambuca sive baculus pastoralis. [208](#)

Canaberes, domus Hospitaliariorum. [327](#)

Candelienfis abbatia. [320](#). [362](#)

Canis vivus melior est leone mortuo. [30](#)

Canonica regula. [80](#)

Canonici regulares Lugduni. [97](#)

Canonicorum residentia. [255](#)

Canonizatio sanctorum. [71](#)

Cantellæ prioratus. [396](#)

Cantiloquus. [5](#)

Cantores Clarevallenses. [120](#)

Capdenatum prioratus. [311](#)

Capellæ Gilonis prioratus. [395](#)

Capillorum reliquiæ. [177](#)

Capiti omnia membra subiacent. [12](#)

Capitulum tenere. [167](#)

Carana prioratus, vulgò *la Carne*. [321](#)

Cardellacum prioratus. [311](#)

Cardinales cur instituti. [528](#).

Eis tributa auctoritas eligendi Papam. [62](#)

Carenac prioratus. [304](#)

Caristia incomparabilis. [303](#)
[316](#)

Carnium esus infirmis concessus. [121](#)

Carnes non comeduntur in corpore abbatie Sylvæ majoris. [240](#)

Carobrias. [390](#)

Carosium, Ecclesia Templariorum. [335](#)

Carovice prioratus. [290](#)

Carrusiensium monachorum fama. [96](#). [98](#)

Casale benedictum. [256](#)

Casæ-Dei monasterium. [118](#)

Ejus privilegia. [261](#). [268](#).
& seq. [271](#)

Caslucium castrum. [290](#).
Prioratus. [317](#)

Caslucium Chevrel. [355](#)

Cassegnolium prioratus. [311](#)

Castellio ad Marsupiam. [404](#).
[410](#)

Castrensis abbatia. [320](#). [362](#)

Carusium prioratus. [314](#). [380](#)

Caumacum prioratus de S.

Gildasio. [249](#)

Cellensis abbatia. [222](#)

Celsiniarum prioratus. [342](#)

Gelville prioratus. [344](#)

Cencius Scriniarius R. E. [455](#)

Cenomannica civitas. [481](#)

Ceræ mixtura in pictura. [419](#)

INDEX.

- Ceroma** quid sit. [417](#)
Chalas prioratus. [288](#)
Chalure prioratus. [268](#)
Chamaleria. [262](#)
Chambarande prioratus. [315](#)
Chambonet prioratus. [347](#)
Charentenensis abbatia. [257](#)
Chastelles prioratus. [389](#)
Chavahac prioratus. [341](#)
Chavaros prioratus. [339](#)
Chavevent abbatia. [260](#)
Cheronac prioratus. [338](#)
Chensalade abbatia. [247](#)
Chiriacensis Prior. [330](#)
Christianus non debet obedire legibus contra Deum. [44](#)
Christiani cœperunt in Antiochia. [51](#)
Christianus Episcopus Nemaufensis. [420](#)
Christus natus ex Deo incomprehensibiliter. [13](#). Pastor animarum nostrarum. [39](#). Summus Pontifex. [55](#). Rex simul & Sacerdos. [10](#). [14](#). [46](#). [48](#).
Cilicium intrinsecus ad carnem gestare. [73](#)
Cimiterii consecratio. [130](#). reconciliatio. [255](#). [257](#). & seq. [262](#). [365](#). & seq.
Circenses ludi. [418](#)
S. Cirici Exoldunensis Ecclesia. [255](#)
Cisterciensium laus. [99](#). Eorum libri valde corrupti ac vitiosi fuerunt. [120](#)
Cisterciense capitulum. [154](#)
Clararum vallium prioratus. [327](#)
Claramontensis civitas. [337](#). [349](#). Ecclesia. [260](#).
Clavicularii regni cœlestis. [35](#). [53](#).
Clausura monialium. [109](#)
Clemens Papa, Petri successor. [51](#)
Clemens II. expulsus à Romanis. [55](#)
Clericus religiosus quis. [22](#)
Clerici ab omnibus sunt honorandi. [39](#). judicandi ab Episcopis. [35](#)
Cœnobialis professio. [22](#)
Columba, species Spiritus sancti. [1](#)
Columbensis abbatia. [353](#). Ecclesia. [462](#)
Colutius Salutatus. [510](#)
Combornensis Vicecomes Archambaldus. [148](#)
Commutatio locorum. [409](#)
Conchensis abbatia. [326](#)
Concilium Bituricense. [243](#). [319](#). Constantiense. [534](#). Lugdunense. [319](#). Remense. [117](#)
Concordia sacerdotii & regni. [10](#). [46](#). [48](#).
Concoret prioratus. [305](#). [327](#). [379](#). & seq.
Condatum villa in pago Barrense. [410](#)
Cono Episcopus. [556](#)
Consensus Regis in electione Episcopi. [22](#)
Consilia sapientium nequeunt exhaustiri. [28](#)
Constabularii. [480](#)
Constantini Imper. edictum pro Christianis. [52](#)
Corona monachi. [177](#)
Coronamenta Regis. [485](#)
Correzia fluvius. [76](#)
Conz prioratus. [270](#)
Coyrosiensis moniales. [103](#). [109](#). & seq. [157](#). [176](#). [189](#). & seqq. [374](#).

INDEX.

- Creatori nihil æquatur. [5](#)
 Creatura omnis militat Deo. [67](#)
 Cresto prioratus. [338](#)
 Criminosi cur lege perimuntur. [42](#)
 Crux ab Episcopo data ad construendum monasterium. [79](#)
 Crux deportata ante Archiepiscopum. [208](#)
 Cruce signare. [249](#)
 Crucis signum recipere. [211](#). [219](#) & seq.
 Cuciacenſis abbatia. [350](#)
 Cullac prioratus. [267](#)
 Cumilhac prioratus. [349](#)
 Curretia fluvius. [76](#)
 Curia cœlestis. [12](#). & seq. [29](#)
 Curia ſecularis. [34](#)
 Curia Bituricenſis. [217](#)
 Cursus eccleſiaſticus. [74](#)
 Cuſſeyenſis abbatia. [264](#)
 Cuſtodia abbatia S. Iuliani. [486](#)
 S. Cypriani Pictav. abbatia. [219](#)
- D**
- D** Alonenſe monaſterium. [25](#). [108](#). [288](#)
 Damiatana Eccleſiæ fundatio. [491](#)
 Dapiferatus Franciæ. [486](#)
 David Comes Cenomannorum. [481](#)
 Dauratenſis abbatia. [296](#). & seq. [354](#)
 Deaurata Eccleſia. [312](#)
 Decima conceſſa Regi Aragonum. [501](#)
 Deſunctis preces vivorum proſunt. [40](#)
 Deſunctorum ordo. [80](#)
- Deorum multorum opinio paganica. [3](#)
 Dei omnipotentia omnia gubernat. [16](#)
 Dei judicia nunquam ſunt iniuſta. [21](#)
 Deus eſt Trinitas. [1](#) & seq. [13](#)
 S. Deſiderii prioratus. [349](#)
 Deuvre prioratus. [320](#)
 S. Dionyſii prioratus. [324](#)
 Diſciplinæ terror. [15](#). [65](#)
 Diſciplinæ eccleſiaſticæ iugum. [54](#)
 Diſciplinæ monaſticæ ſolennia. [91](#)
 Diſciplina data monacho diſcedere volenti. [166](#)
 Diſcipuli Chriſti fuere geruli præceptorum ejus. [51](#)
 Diſcretionis modus obſervandus à iudicibus. [42](#)
 Diſpenſatio incarnata unius de trinitate. [4](#). [6](#)
 Divinitatis tres perſonæ. [1](#) & seq. [13](#)
 Doctores ſuperbi & iracundi. [38](#)
 Doctrina divina non debet viſceſcere vitio Episcopii. [39](#)
 Doctrinæ non omnia tempora congruunt. [43](#)
 Dominatio temporalis damnata in Episcopo. [57](#)
 Domini omni honore digni. [19](#)
 Donatio Conſtantini. [52](#)
 Dordonia fluvius. [143](#). [193](#). [197](#). [202](#). [242](#)
 Dautre prioratus. [347](#)
 Drageia. [235](#)
 Dreturay prioratus. [351](#)
 Drogo Episcopus Metenſis. [423](#)

INDEX.

Dunum Regis. [390](#)
 Durandus electus Mimatch-
 • [fis. 338. 344. 347](#)
 Durandus Episcopus Tolosa-
 nus. [447](#)
 Duravellum prioratus. [379.](#)
& seq.

E

E Bolus Abbas Tutelenfis.
[148](#)
 Ebrolieſe monaſterium. [336.](#)
[345](#)
 S. Ebulſi caput. [266](#)
 Eccleſiam defendere debent
 Reges. [24](#)
 Eccleſia indiget bonis princi-
 pibus. [56](#)
 Eccleſiam novam conſtruere
 non licet abſque aſſenſu re-
 ctoris antiquæ. [423](#)
 Eleemoſynæ laus. [102](#)
 Eleemoſynarius Archiepiſco-
 pi. [213. 227](#)
 Electi in Papam auctoritas. [63](#)
 Electio Episcoporum in pote-
 ſtate Regis. [22](#)
 Eligius Episcopus Noviomē-
 ſis. [56](#)
 S. Eminæ prioratus. [328](#)
 Engoliſmenſis civitas. [248](#)
 Episcopatus, gradus ad mar-
 tyrium. [52](#)
 Episcopatus pecunia acquiſi-
 tus. [37. 57](#)
 Episcopi gerunt imaginem
 Chriſti. [14.](#) Sunt ejus um-
 bra. [55.](#) & ejus vicarii. [34.](#)
& seq. Tenent locum Apo-
 ſtolorum. [39. 55.](#) Ab om-
 nibus honorandi. [39.](#) Boni
 non ſunt contemnendi prop-
 ter malos. [40.](#) Eis conſeſ-

ſum eſt aperire & claudere
 cœlum. [33. 53.](#) Quomodo
 eligendi. [57.](#) Eorum ele-
 ctio pender à Rege. [20.](#)
 Episcopi ſancti facti à Re-
 gibus. [56.](#) Debent eſſe me-
 diatores inter Regem & po-
 pulum. [34.](#) Ordinant Re-
 ges. [30.](#) Ipsi tamen ſubje-
 cti ſunt Regibus. [10. 14.](#)
[58.](#) Itaque contra eos pug-
 nare non debent. [20.](#) Iudi-
 cantur in Synodis. [34](#)
 Episcopi indigni. [37.](#) Simo-
 niaci. [57](#)
 Equus Scianus. [444](#)
 Eremitica vita. [80](#)
 Erlant prioratus. [268](#)
 Error in omnibus rebus vi-
 tandus. [10](#)
 Eſcuria prioratus. [323](#)
 Eſcuroliarum prioratus. [335](#)
 Eſna fluvius. [472](#)
 Eſpaniacum prioratus. [330](#)
 Eſpinace, domus Templario-
 rum. [324. 365](#)
 Evahonenſis abbatia. [276.](#)
 Præpoſitura. [369](#)
 Evangelicæ paginæ. [74](#)
 Evangeliorum textus. [208](#)
 Eugenius III. in Galliam ve-
 nit. [117](#)
 Eugenius Episcopus Toleta-
 nus. [397](#)
 Eulogias fratribus exhibere.
[25](#)
 Eywardus Abbas S. Apri. [448.](#)
[450.](#)
 Eustorgia monialis Coyro-
 ſienſis. [192](#)
 Eustorgius Episcopus Lemo-
 vicenſis. [72](#)
 S. Eutropii prioratus. [228.](#) *&*
seq.

INDEX.

- Excommunicati vitandi à Regibus. 35
- Excommunicatio facienda cum censura iustitiæ. 43
- Exhortatio blanda quosdam corrigit. 43
- Exoldunensis abbatia. 255
395
- Extrema unctio data ante vaticum. 177
- F**
- F** Acies jejuniorum pallore confecta. 79
- Ferricus de Clugnaco. 527
- Ferula Episcopi. 36
- Fidei sinceritas non est violanda. 31
- Fidei nodus. 33
- Fidelitatis sacramentum solvere non possunt Episcopi. 37
- Figiacensis abbatia. 311
- Filius non est pater neque spiritus. 1
- Filius est incarnatum Verbum. 2
- Filius est subiectus patri. 58
- Firmitas super Aligerim. 258
- Firmitas monialis, prioratus. 334
- Flaviana vallis. 420
- Fleury prioratus. 258
- Flodoardus Presbyter *Re-*
menfis. 553
- Florentinorum preces oblatae Carolo VI. Regi Francorum. 516
- Flurac prioratus. 329
- Fluret prioratus. 351
- Fluvihac prioratus. 326
- Foilleuse, domus Templariorum. 263. 342
- Folmarus Comes Asmantia. 451
- Fontenay prioratus de Angeliaco. 249
- Fontis Gombaуди abbatia. 208. 212 388
- Fontes prioratus. 318
- Fontis Morigniaci abbatia. 393
- Foragia Arbriæ. 485
- Forma in choro. 20. 22
- Fortanerius de Gordonio. 378. 382
- Fossatensis prioratus. 351
- Frainediæ abbatia initia. 122.
Abbas Robertus 187
- Francia, asylum Paparum. 55
- Franciscus Bruni. 518
- Fridericus Dux Lotharingia. 464
- S. Frontonis Ecclesia. 247
- Froterius Episcopus Nemausensis. 448
- Fulco Comes Hierosolymitanus. 472
- Fulco Rex Hierosolymitanus. 481
- Funus, id est, corpus mortuum. 180
- Futurorum nihil latet Deum. 21
- Futura contingentia. 535. 542
- G**
- G** Agia garcionum. 210.
Et seqq.
- Gairebardus Episcopus. 408
- Gallia, asylum Paparum. 485
- Galnianense castrum. 197
- Galliacensis abbatia 319. 361
- Galterius de Silvanecti. 485
- S. Galteri prioratus. 388
- Galterus Episcopus Picta-

INDEX.

- venfis. [209](#)
 Gannac prioratus. [336](#)
 Garcionum gagia. [210.](#) & seq.
 Garectum prioratus. [275](#)
 Garda- Dei abbatia. [357](#)
 Gauberta, mater Stephani
 Obazinensis. [71](#)
 Gaufridus Abbas Vindoci-
 nensis. [482](#)
 Gaufridus Comes Andega-
 vensis. [469](#)
 Gaufridus Comes Britannia.
 [469](#)
 Gaufridus Comes Corbonen-
 busis. [481](#)
 Gaufridus Episcopus Carno-
 tensis. [87](#)
 Gaufridus Episcopus Ceno-
 manensis. [499](#)
 Gaufridus Episcopus Xan-
 tonensis. [225](#)
 Gauzlinus Archiepiscopus
 Bituricensis. [555](#)
 Gauzlinus Episcopus Tul-
 lensis. [423](#)
 Gebellina factio. [319](#)
 S. Gelays prioratus. [250](#)
 S. Geleberti abbatia. [259](#)
 Gelleigney prioratus. [258](#)
 S. Genesis Claromontensis.
 [262](#)
 S. Genesis prioratus. [336.](#) Ec-
 clesia. [337](#)
 S. Genulphi monasterium.
 [347. 389](#)
 Geraldus Abbas Obazinensis.
 [105. 107. 122. 176. 183.](#)
 Geraldus Episcopus Lemovi-
 censis. [108. 116. 130](#)
 Gerardus de Malomonte.
 [274. 290. 350. 355.](#)
 Gerardus Cardinalis S. Cru-
 cis. [455. 458](#)
 S. Gerberti abbatia. [335](#)
 Germanus Episcopus Pari-
 siensis. [54](#)
 S. Gervasii prioratus. [321](#)
 Godefridus Comes. [432](#)
 Goffridus Grifagonella Co-
 mes Andegavenfis. [479](#)
 Gordonium prioratus. [305.](#)
 [378](#)
 Goson prioratus. [276](#)
 Giac prioratus. [348](#)
 S. Giluassii Ecclesia. [347](#)
 Girondæ portus. [236](#)
 Grandimontense monaste-
 rium. [302](#)
 Grangia [monasterii. 163. 180](#)
 Gregorius M. consecratus est
 jussu Mauricii Imp. [56.](#)
 Ejus epistola sapiens. [44.](#)
 Ejus laudes. [399](#)
 Gregorius VII. reprehensus.
 58. & seq.
 Gregorii XI. laudes. [314](#)
 Gregorius Diaconus S. An-
 geli. [455. 458](#)
 Gresi prioratus. [340](#)
 Grossi boschi monasterium.
 [138](#)
 Guelfa factio. [516](#)
 Guenoricum. [482](#)
 Guido de Noyalhes Capice-
 rius Pictavenfis. [296. 215.](#)
 [273](#)
 Guido Abbas Versionis. [303.](#)
 [322](#)
 Guido de Turre Episcopus
 Claromontensis. [348](#)
 Guido Episcopus Lemovicen-
 sis. [489](#)
 Guillelmus Episcopus Al-
 biensis. [468](#)
 Guillelmi Bastardi genera-
 tio. [469](#)
 Guillelmus Okam. [532](#)
 Guillelmus de Garlanda Sc-

INDEX.

nescallus.
Guimundi fama.
Gymnicus ludus.

482
478
418

H

H Aduidis Abbatissa Jovi-
niacensis. 455. 458
Haentense monasterium. 293
Hæretici vitandi. 30
Haistulfus Rex Italiae. 55
Hallainvilla prioratus. 248
Halevincus Abbas S. Michaelis. 431
Heannes oneratus de daccis. 250

Heistulfus Archiepiscopus Moguntinus. 553
Helias Abbas S. Asterii Petragoricensis. 206. 235
Henricus dominus Soliaci. 342. 389
Henricus Episcopus Herbipolensis. 435
Henricus V. Imperator. 452
Henricus Episcopus Tullensis. 458
Henricus I. Rex Angliæ? 469. 476. 482
Henricus II. Rex Angliæ. 469. 486
Henricus Dux Lovaniensis. 470
Henricus de Zomoren. 536
Herbertus Abbas S. Symphoriani. 455
Heribertus Archiepiscopus Colonienfis. 437
Herlencum Burgi. 349
Hermannus Episcopus Mentensis. 448. 450
Hermantum. 348
Hilfinbertus Abbas S. Marialis. 487

Hodierna Abbatissa S. Glou-
desindis. 448. 450
Hostem decipere sacramento. 38
Hubertus Cardinalis S. Clementis. 455. 458
Hugo de S. Maria monachus Floriacensis. 9
Hugo Blanc Cardinalis. 447
Hugo de Cleeriis. 479
Humilia Deus respicit ut attollat. 61
Humilitas, magistra rectitudinis. 17

I

Iacobus de Appiano. 518
Iacobus Episcopus Prænestinus. 212
Iacobus Rex Aragonum. 501
Ialeigin prioratus. 351
Ianeti. 500
Iarnage prioratus. 274
Iauzec prioratus. 335
Ieiunium perpetuum Obazinensium. 88
Ignis paratus diabolo & satellitibus ejus. 59
S. Illidii abbatia. 344. 349
Imago servat similitudinem ejus cujus est imago. 6
Imperator nodo fidei tenetur adstrictus. 33
Imperatorum auctoritas in electione Papæ. 63 & seq.
Imperialia ornamenta concessa Papæ. 53
Inæqualitates aëris. 453
Incarnatum Verbum. 2
Inchoata malè non habent bonum exitum. 30
Increpatio dura quosdam corrigit. 45

Indisci-

INDEX.

- I**ndisciplinationes. 82
Indivisibilitas trinitatis. 6
Indulgentia centum dierum. 211
Indulgentiæ ad ædificationem Ecclesiarum. 131
Indulgentia Ecclesiæ de Portiuncula. 490
Infirmis concessus carni-
cus. 121
Infula sacerdotalis. 37
Innocentia debetur Deo. 21
Investitura rerum secularium. 23
Investituram non licet acci-
pere de manu Regis. 59
Ioanna domina Soliaci. 342
Ioanna Regina Apuliæ & Co-
mitissa Tolosæ. 469
S. Ioannis Baptistæ caput. 445
Ioannes Abbas Casalis bene-
dicti. 256
Ioannes Abbas S. Sulpitii Bi-
turicensis. 205. 273
Ioannes Bouciquaud Ianuæ
gubernator. 519
Ioannes Cremenfis Cardina-
lis. 455. 458
Ioannes de Gersono. 534
Ioannes de Greilly Senescal-
lus Aquitaniæ. 218
Ioannes de Soliaco Archiepis-
copus Bituricensis. 228.
317. 348
Ioannis xxii. hæresis. 532
Ioscius Archiepiscopus Tu-
ronensis. 486
Isarnus Præpositus S. Satur-
nini. 448
Isto Episcopus Santonensis.
445
Iudaizans Sabellius. 3
Iudices debent observare mo-
dum discretionis. 42
Iudicia non sunt pervertenda.
33
Iugum ecclesiasticæ discipli-
næ. 54
S. Iuliani prioratus. 325
S. Iuliani Turon. abbatia.
486.
S. Iuniani Ecclesia. 301
Iuramentum incautè prola-
tum non est servandum. 38
Iusti in hac vita multa pa-
tiuntur adversa. 67
Iustina Imperatrix, Arriano-
rum fautrix. 20
Iuvenus scholasticus. 416
- K
- K**arolus Dux Burgundiæ.
527
Karoli M. munificentia erga
sedem apostolicam. 55
Keminum. 373
- L
- L**abor indictus. 82
Labor manuum. 80. &
seq. 88. 131. Nullus in Ca-
nonicis. 80
Lacrymarum donum. 92
Lacus rubeus, prioratus. 345
Lambron. 340
Lancelinus nepos Alberici
Episcopi Ostiensis. 460
Lanctum prioratus. 320
Lande prioratus. 382
Landesii abbatia. 332
Landulphus Episcopus Tau-
rinensis. 445
Lanfrancus Archiepiscopus
Cantuariensis. 473. 478
Lanzo Abbas S. Michaelis.
454. 458

INDEX.

Luseillac prioratus.	263
Luser castrum Episcopi Ca-	
durcensis.	315
Lusillac prioratus.	336

M

M Acharius Abbas Maurigniacensis & Fossatensis. 460
Magistri instituta pro lege. 20. 107
Magnus locus abbatia. 342
Mahometus II. Rex Turcorum. 524
Maimacensis abbatia. 281
Maincao prioratus. 266
Mainerius Archiepiscopus Trevirensis. 458
Mainerius Abbas. 476
Maiolium, prioratus monachorum nigrorum. 247
Maior Burdegalensis. 235. & seq. 240. 243.
Major Franciæ. 485
Major Rupellensis. 249
Majoratus Franciæ. 481
Majus monasterium. 462
Malachias Episcopus Hibernensis. 70
Malè inchoata bonum exitum non habent. 30
Maledictionum formulæ. 64
Mali magnis prosperitatibus gaudent in hac vita. 67.
Tolerandi. 21
Malver, prioratus. 383
Malum responsum. 320
Manceyum abbatia. 324
Maneria Episcopi Pictaven- sis. 210
Manegaudus Abbas S. Michaelis. 463
Manicac prioratus. 278. 352

INDEX.

Manihac prioratus.	<u>372</u>	rōnensis.	<u>524</u>
Mantes prioratus.	<u>348</u>	Mathildis Imperatrix.	<u>469</u>
Manumissio centum puellarum.	<u>383</u>	Mathildis Comitissa Bolo-	
Manuum labor commendatus. 80. & seq. 88.	<u>131</u>	nia.	<u>470</u>
Nullus in Canonicis.	<u>80</u>	Mattis fluvius.	<u>423</u>
Marcat prioratus.	<u>350</u>	Mauca portus.	<u>236</u>
S. Marcelli abbatia.	<u>316</u>	Maurigniacense monasterium.	<u>460</u>
Marcelliacensis abbatia.	<u>312</u>	Mauringus Abbas Montismajoris.	<u>418</u>
Marcellus Papa ubi mortuus.		Mauritania villa.	<u>209</u>
51		Mauziacensis abbatia.	<u>344</u>
S. Marcianæ Ecclesia.	<u>467</u>	S. Maxentii abbatia.	<u>251</u>
Marcilhac prioratus.	<u>327</u> <u>346</u>	Maymacensis abbatia.	<u>373</u>
Marcus Abbas Lugudiacensis.		Mazarat prioratus.	<u>272</u>
<u>253</u>		Meignac prioratus.	<u>279</u>
Marcusium castrum Episcopi Cadurcensis.	<u>380</u>	Meillanc prioratus.	<u>393</u>
Marengue prioratus.	<u>337</u>	Melteolum prioratus.	<u>331</u>
Marescalli Regis.	<u>483</u>	Meludunum.	<u>480</u>
Margareta Vicecomitissa Combornensis.	<u>180</u>	Memacensis prioratus.	<u>370</u>
Marinanda.	<u>244</u>	Menatensis abbatia.	<u>345</u>
Maroac prioratus.	<u>343</u>	Mertis, sedes regia.	<u>464</u>
Masiriaci capellæ destructio.		Metropolitani auctoritas in ordinatione Episcopi.	<u>57</u>
<u>423</u>		Metullum, prioratus S. Hilarii.	<u>221</u> & seq.
Marciliacensis abbatia.	<u>366</u>	S. Michaelis castrum.	<u>145</u>
Marsupia locus.	<u>404</u> <u>409</u>	S. Michaelis abbatia ad Mosam.	<u>404</u> <u>422</u> & seq.
Marsupia fluviolus.	<u>404</u>	Mimatensis civitas.	<u>329</u>
Martach prioratus.	<u>268</u>	Mimatensis electus.	<u>338</u> <u>344</u>
Martellum vicus.	<u>135</u> <u>141</u>	Ministri altaris honestè induantur.	<u>169</u>
144. 303. 374.		Ministri Regis debent esse modesti.	<u>28</u>
S. Martialis abbatia.	<u>297</u>	Mirabellum.	<u>229</u>
Martinus Episcopus Turo-		Miracula hodie requiruntur in sanctis.	<u>69</u>
nensis.	<u>105</u> <u>171</u>	Mombazim prioratus.	<u>329</u>
S. Martini de ponte prioratus.	<u>229</u>	Monachi sunt ministri Ecclesiæ.	<u>39</u>
Martyr non est qui rebellis est potestatibus.	<u>21</u>	Monachi facti Episcopi.	<u>56</u>
Martyrium an expetendum.		Monachorum detractio diabolica.	<u>65</u>
83			
Matthæus de Marignano.			
<u>490</u>			
Matthæus Pastus pictor Ve-			

INDEX.

Monachus sit contentus omni vilitate. 94	Navis, castrum Archiepisco- pi Bituricensis. 335 . & seq. 368
Monasteria fundata à Regi- bus. 56	Nazac Ecclesia collegiata. 342
Monasterii novi construendi solennia. 80. 116	S. Necterii prioratus. 319
Monialium Obazinensium laus. 103	Negligentias emendare. 163
Mons Ferrandi. 338	Nevelo Episcopus Sueffionen- sis. 496. 498
Mons Frenim prioratus. 347	Nicæna Synodus. 53 . Ejus decretum de ordinandis E- piscopis. 57
Mons Mortiaci. 379	Nicolai II. decretum de Pa- pa ordinando. 61
Montetum prioratus. 392	Nicolaus de Capociis Episco- pus Tusculanus. 510
Montis acuti prioratus. 339. 346	Nigri lacus abbatia. 256
Montis albanı abbatia. 315. 357	Nigrum stabulum prioratus. 267
Montis majoris abbatia. 428. 432	Niortensis prioratus. 219. 250
Mons marilis. 353	Nobiliacensis abbatia. 253
Montis Paucerii prioratus. 336	Nolarium. 423
Montis petrosi abbatia. 265. 350	Nominalium articuli. 531
Montium Prior. 336. 351	Nonæ & decimæ. 422
Moralia S. Gregorii. 400	Nonneta prioratus. 341
Moritonix castrum. 481	Notarii S. Gregorii. 399
Mortificare non morientem. 39	Nova spernuntur. 70
Mortuis preces vivorum pro- sunt. 40	Noviacum prioratus. 394
Mortuum mare. 214	Nozerinarum prioratus. 273 . & seq.
Moyssiensis abbatia. 315. 357	
Mozac monasterium. 343	
Mulier facta est de viro. 13	

N

N Aiatum prioratus. 324
Nancronum prioratus. 300
Nantronium prioratus. 355
Natura & substantia non dif- ferunt nisi nomine. 4

O Bazinensis abbatia. 283. 374
Obazinensis saltus. 76. 86
Obedientia commendata. 153
Melior quàm victimæ. 54
Oblinuum prioratus. 388
Octavianus Papa à sede sua expulsus. 58
Odelricus Abbas S. Michaelis. 452

INDEX.

- Oddo Abbas S. Michaelis. [431](#)
 Oliveti abbatia. [394](#)
 Opera bona detergunt maculas peccatorum. [6](#)
 Opus manuum commendatum. [80. & seq. 88](#)
 Orare debemus pro Regibus. [20](#)
 Ordo defunctorum. [80](#)
 Ordo, id est, cursus officii. [20](#)
 Oreviallis. [348](#)
 Otto Dux. [423](#)
 Otto Imperator. [428. 432](#)
- P
- P** Aemhac prioratus. [291](#)
 Pœnitentes separandi a corpore & sanguine Christi. [42](#)
 Pœnitentia necessaria est omnibus peccatoribus. [68. Ejus certum pondus. 43](#)
 Pœnitentias dare. [35](#)
 Paganica opinio multorum deorum. [3](#)
 Paludellum prioratus. [389](#)
 Pamprou prioratus. [252](#)
 Papa celsior existit cunctis sacerdotibus. [52. Ejus electio quomodo facienda. 62](#)
 Paparum asylum, Francia. [55](#)
 Parlamentum Tolosæ. [357](#)
 Pater non est filius neque spiritus. [1](#)
 Pauliacus vicus Obazinæ. [77](#)
 Paulini epistola ad Leonem. [412](#)
 Pax omnium rerum est tranquillitas ordinis. [45](#)
 Peccata non remittuntur extra Ecclesiam. [43](#)
 Peccatoribus omnibus necessaria est pœnitentia. [68](#)
 Pecunia facile consumitur. [28](#)
 Pelagius Cardinalis S. Cæciliæ. [468](#)
 Perjurare non licet. [38](#)
 Personæ tres in divinitate. [1. & seq. 13.](#)
 Perusiac prioratus. [301](#)
 Pessoy prioratus. [258](#)
 Perrabufferia. [290](#)
 Petragoricæ. [247](#)
 Petrucia prioratus. [315. 314](#)
 S. Petrus Paulum se reprehendentem humiliter audire non renuit. [61. Quanto tempore tenuit papatum. 51](#)
 Petrus Episcopus Altinus. [58](#)
 Petrus Presbyter, socius Stephani Obazinensis. [75. 79. 116](#)
 Petrus Rex Aragonum. [500](#)
 Petrus Cardinalis de Fuxo. [523](#)
 Petrus de Alliaco. [534](#)
 Petrus de Rivo [Doctor Lovanienfis. 535. 543](#)
 Pheletinum prioratus. [279. 372](#)
 Philippus III. defunctus in Arragonia. [320. & seq. 470](#)
 Philippus Comes Flandriæ. [470](#)
 Philippus Archiepiscopus Arelatensis. [522](#)
 Pibo Episcopus Tullensis. [448. 450. & seq. 516](#)
 Pictavis civitas. [216](#)
 Pii II. historia Bohemica. [534](#)
 Pingendi mos antiquus. [419](#)
 Piperacensis abbatia. [269](#)
 Pipinus Rex Francorum prorexit Ecclesiam. [55](#)

INDEX

- Piscina aquæ in monasterio. **101**
Pleus vicus. **154**. Ejus sacerdos Petrus. **202**
Plenipedenſis abbatia. **390**
Podii Ferrandi abbatia. **326**
Podium Celfi prioratus. **360**
Poensac prioratus. **295**
Poillac prioratus. **351**
Pompa mundi hujus tumorem ingerit. **59. 61**
Pontis-Caſtri prioratus. **319**
Populus facile corrigitur Regis metu. **15**
S. Porciani prioratus. **334**
Portiuncula. **490**
Portus, ubi tranſitur Doronia. **242**
Portus S. Mariæ. **244**
Portus Dei prioratus. **280. 372**
Poſtutulam facere. **484. & ſeq.**
Potestates honorandæ. **17**
Potestati unicuique conſervanda ſua privilegia. **65**
Pradeaux prioratus. **274**
S. Præjeſti Eccleſia. **347**
Præbendarum collatio pertinet ad Regem ſede vacante. **497**
Prati benediſti abbatia. **274**
Presbyteri ab omnibus ſunt honorandi. **39**. Iudicandi ab Episcopis. **35**
Primatia Bituricenſis. **205. & ſeq. 230. & ſeq.**
Principes tolerandi ſunt à ſubditis. **17**
Priores manere debent in ſuis prioratibus. **283**
Privazac prioratus. **325**
Proceſſio imperialis. **53**
Proceſſio palmarum. **108**
Proceſſio per clauſtrum. **94**
Procuraciones Archiepiscopi Bituricenſis. **212. & paſſim.**
Pſallentium. **108**
Pſeudochorita. **77**
Puellarum centum manumiſſio. **383**
Puer factus Papa. **55**
Pueri uſque ad ætatem quinque annorum in monaſterio monialium. **157**
Puerorum Obazinenſium ſimplicitas. **158**
Pugnare nullus debet contra Regem catholicum. **34**
- Q**
- Q Uinciacenſis abbatia. **252**
- R**
- R De Albuconio Præpoſitus Roſolienſis. **293**
Rabaſtagnum prioratus. **361**
S. Radegundis Pictav. Eccleſia. **220**
Radere veteres libros ut novi exſcribantur. **120**
Radulſus de Balgentiaco. **482**
Radulſus Comes Peronæ. **483**
Radulphus de Caſtro Episcopus Sueſſionenſis. **495**
Raiaſ prioratus. **338**
Raimundus Abbas S. Papuli. **448**
Raimundus Abbas Sbricinenſis. **447**
Raimundus Gaucelini Abbas S. Martialis. **487**
Raimundus Vicecomes Turanneniſis. **487**
Rainaldus Abbas Angeliacenſis. **445**

INDEX.

- Rainaldus Comes Barrensis. [464](#)
Rainardus Abbas Cisterciensis. [117. 119](#)
Rainerius Canonicus Arcienus. [403](#)
Rainerius de Mariano. [490](#)
Rainhac prioratus. [325](#)
Rasuræ tempus. [177](#)
Ratio non est mens. [6](#)
Raymundus de Cornilio Episcopus Cadurcensis. [287. 304](#)
[367. 376. 381. 502.](#)
Regalia seſita. [495](#)
Regiæ poteſtatis excellen-
tia. [9.](#) Poſita eſt ſub diſci-
plina religionis. [29.](#) Sper-
nenda non eſt. [65](#)
Regni tetreni diſpoſitio ordi-
nata eſt à Deo. [9. 12.](#)
Regni & ſacerdotii concor-
dia. [10. 46. 48](#)
Regnum cœleſte ſæpe proficit
per terrenum. [15. 65](#)
Regulæ abbatia. [297](#)
Reliquiæ delatæ in proceſſio-
ne. [208](#)
Retutelam facere. [484 & ſeq.](#)
Rex in regno ſuo Dei imagi-
nem gerit. [12. 14.](#) Cur cum
Deus hominibus præſſe vo-
luit. [40.](#) Ejus miniſterium.
[15. 24. 28.](#) Debet eſſe literis
eruditus. [24.](#) Debet defen-
dere Eccleſiam. [24. 66.](#) &
aurem accommodare epiſ-
copalibus admonitionibus.
[31.](#) & Episcopos diſſidentes
reconciliare. [57.](#) Non eſt
ſubjectus Papæ in tempora-
libus. [533.](#) Hæreticus ex-
communicatur. [30.](#) Ejus
poteſtas in electione Epiſ-
coporum. [56](#)
- Reges ordinantur ab Epiſco-
pis. [30.](#) Multi pravi fue-
runt. [66.](#) Tamen tolerandi
à ſubditis. [17](#)
Regum elogia. [55. & ſeq.](#)
Riomenſis abbatia. [143](#)
Riſus modeſtus. [28](#)
Rivus petroſus prioratus. [324](#)
Rix prioratus. [351](#)
Robatores. [321](#)
Robertus Abbas Obazinensis.
[74. 107. 122. 187.](#)
S. Roberti prioratus. [288](#)
Robertus Archiepiſcopus
Trevirenſis. [423](#)
Robertus Rex Alamanno-
rum. [479](#)
Robertus Rex Franciæ. [479](#)
Robertus Valturrius. [524](#)
Rocelinus de Compendio.
[478](#)
Rodulfus Abbas S. Petri de
Monte. [456](#)
Romana Eccleſia ſubjacet
venalitati. [62](#)
Romana ſedes ſuper ſe Metro-
politanum habere non po-
teſt. [62](#)
S. Romani abbatia. [230](#)
Roſolienſe monaſterium. [278](#)
& ſeq. [293. 371.](#)
Robertus Abbas de Fraine-
dia. [187](#)
Roumanour prioratus. [361](#)
Rueillacum prioratus. [389](#)
Ruſec prioratus. [388](#)
Ruſini martyris oſſa. [461](#)
Rupella prioratus de Clu-
gniaco. [249](#)
Rupes Cavardi. [300. 354](#)
Rupes Amatoris. [304. 375.](#)
[377](#)
Rupes Dagon prioratus. [347](#)
Ruthenenſis civitas. [317](#)

INDEX.

Ruygnac prioratus.	<u>273</u>	Scapulare monachorum.	<u>163</u>
S		Schola Ecclesiæ.	<u>72</u>
		Scholasticus.	<u>416</u>
S. Abbatum solemnizare ob honorem Deiparæ.	<u>25</u>	Scientia vana est quæ litera- rum notitia non fulcitur.	<u>24</u>
Sabellius insensatus argui- tur.	<u>2</u>	Scriptores librorum in mona- steriis.	<u>89</u>
Sabellii confusio.	<u>5</u>	Scuria prioratus.	<u>364. & seq.</u>
Sabinus Diaconus.	<u>44</u>	Secana fluvius.	<u>480</u>
Sacerdotalis dignitatis excel- lencia.	<u>2. 33</u>	S. Secundi Ecclesiæ.	<u>445</u>
Sacerdotes retinent vicem prophetarum.	<u>50</u>	Securitas perniciofa.	<u>42</u>
Sacerdotii & regni concor- dia.	<u>10. 46. 48</u>	Securum prioratus.	<u>364</u>
Sacramentum fidelitatis sol- vere non possunt Episcopi	<u>37</u>	Senescalcia Franciæ.	<u>481</u>
Sacramento decipere hostem.	<u>38</u>	Senescallus Franciæ.	<u>483</u>
Sacramenta altaris.	<u>54</u>	Sententia pastoris timenda, etiam injusta.	<u>36</u>
Sagienfe monasterium.	<u>476</u>	Sepultura monasterii S. Mi- chaelis.	<u>453. & seq.</u>
Salas prioratus.	<u>301. 355</u>	Sermones vita illustrans.	<u>74</u>
Sallanc prioratus.	<u>268</u>	S. Severini abbatia.	<u>223</u>
Salgue prioratus.	<u>331. & seq.</u>	Sexterolium prioratus.	<u>361</u>
Salmihac prioratus.	<u>267</u>	Sigeburgense cœnobium.	<u>444</u>
Salis prioratus.	<u>334</u>	Sigibaudus Episcopus Meten- sis.	<u>409</u>
Salsiniarum prioratus.	<u>340</u>	S. Sigirenni abbatia.	<u>389</u>
Salviach prioratus.	<u>350</u>	Sigisfridus Abbas S. Michæ- lis.	<u>450</u>
S. Salvii monasterium.	<u>323</u>	Sigismundus Pandulfus Ma- latesta Princeps Ariminen- sis.	<u>524</u>
Sancti an possint esse sine mi- raculis.	<u>69</u>	Apostolicus.	<u>58. 117</u>
Santonensis Archidiaconus doctus.	<u>124</u>	S. Sigismundus.	<u>450</u>
Santonensis civitas.	<u>227</u>	Silva, domus Templariorum.	<u>327</u>
Sapientia melior est negotia- tione auri & argenti.	<u>28</u>	Silvigniacum prioratus.	<u>257</u>
Sapientum consilia nequeunt exhauriri.	<u>28</u>		<u>333</u>
Sarraceni.	<u>83</u>	Silentium monasterii.	<u>82</u>
Sarellac prioratus.	<u>262</u>	Silentium interdum frangen- dum.	<u>96</u>
S. Satiri abbatia.	<u>393</u>	Simon Archiepiscopus Bitu- ricensis.	<u>205. & seq.</u>
S. Saturnini prioratus.	<u>339</u>	Simonia in Ecclesia Roma- na.	<u>62</u>
S. Savini abbatia.	<u>212. & seq.</u>	Simoniaca hæresis.	<u>406</u>
		Simoniaci	

INDEX.

Simoniaci Episcopi. [57](#). Sa-
cerdotes. [27](#)
Sisterol prioratus. [319](#)
S. Sircula prioratus. [394](#)
Sixtus [III](#) accusatus à Baslo.
[57](#)
Smaragdus Abbas S. Michae-
lis. [422](#)
Solemiacensis abbatia. [288](#)
[356](#)
Soliacensium dominorum se-
pulchra. [320](#)
Soliacum prioratus. [305](#). De-
canatus. [375](#)
Sophia Comitissa Asmantia.
[448](#). & seq [455](#)
Sorycinensis Abbatis electio.
[446](#)
Sorores se vocant moniales.
[157](#)
Spinacium, domus Hospita-
liorum. [324](#). [365](#)
Spiritus sanctus non est pater
neque filius. [1](#)
Spiritus administratorii. [16](#)
Statio puerorum. [157](#)
Statuaria. [200](#)
Stephanus Abbas Obazin-
sis. [69](#). & seq.
Stephanus Comes Blesensis.
[469](#)
Stephanus Episcopus Meten-
sis. [455](#)
Stephanus Episcopus Ostien-
sis. [508](#)
Stephanus Episcopus Tun-
grensis. [415](#)
Stephanus de Garlanda Se-
nescallus. [483](#)
Stephanus de Mercurio. [74](#)
Stephanus Rex Angliæ. [470](#)
Stirpensis abbatia. [301](#). [354](#)
Stupri flagitium. [38](#)
Subditos non licet absolvere à

iuramento fidelitatis. [37](#)
Subsistentiæ tres in divinita-
te. [1](#). & seq.
Substantia & natura non dif-
ferunt nisi nomine. [4](#)
Sueffione ~~ensis~~ Ecclesiæ vaca-
tio. [495](#)
Sylvæ majoris abbatia. [240](#)
Symmachus Papa se purgavit
in Concilio. [58](#)
Synodale iudicium. [58](#)
Synodus generalis. [57](#). judi-
cat Episcopos. [34](#)
S. Syrii Ecclesia. [431](#)

T

T Abula pulsata pro mo-
riente. [177](#)
Taio Episcopus Cæsaraugu-
stanus. [397](#)
Tarnacensis prioratus. [355](#)
Tarnus fluvius. [145](#)
Taurinensis Ecclesia dicata
S. Ioanni. [445](#)
Teilleda prioratus. [260](#). [344](#)
Temeritas placet cæcis cor-
de. [11](#)
Tenalla abbatia. [229](#)
Tenere prioratum. [264](#). [350](#)
Tenere prioratum in manu
sua. [276](#). [279](#). [375](#)
Temporalitas in manu Re-
gis. [270](#)
Terror disciplinæ. [15](#). [65](#)
Textus evangeliorum. [208](#)
Thecletas prioratus. [260](#). [344](#)
Theduinus Abbas Gorzien-
sis. [456](#)
Theobaldus Comes Blesensis,
[469](#)
Theodericus 1. Episcopus
Metensis. [554](#)
Theodoretii fragmentum de

INDEX.

Trinitate <u>1.</u> contra Sabel- lium. <u>2</u>	Varenum prioratus. <u>323</u>
Theodoricus Rex Italiae. <u>57</u>	Vareuh prioratus. <u>365</u>
Theodoricus Dux. <u>450.</u> <i>& seq.</i>	Vdelricus Abbas S. Michael- lis. <u>452</u>
Theodosius Imp. excommu- nicatus à S. Ambrosio. <u>54</u>	Vedrinus prioratus. <u>281. 373</u>
Thiernenfis abbatia. <u>350</u>	Velcia prioratus. <u>345</u>
Thoiseliacum prioratus. <u>389</u>	Venalitas in electione Papæ. 62
Thomas Abbas Maurignia- censis. <u>452</u>	Verbum factum secundum si- militudinem nostram præ- ter peccatum. <u>1</u>
Thomistæ superantur à nomi- nalibus. <u>535</u>	Verganteriæ prioratus. <u>380</u>
Thuriacum prioratus. <u>264</u>	Verinos prioratus. <u>251</u>
Tiranensis abbatia. <u>267</u>	Veritas tutius auditur quam prædicatur. <u>11</u>
Torta panis. <u>77</u>	Vernolium. <u>334</u>
Tolosanum aurum. <u>444</u>	Verennes super Aligerim. <u>258</u>
Transgressiones monachorum arguere. <u>82</u>	Versionensis abbatia. <u>390</u>
Tredecim ventorum villa. 210	Via regalis. <u>3</u>
Tricacensis Comes. <u>480</u>	Viancii Ecclesia. <u>466.</u> præpo- situra. <u>361.</u> prioratus. <u>318</u> <i>& seq.</i>
Trinitatis indivisibilitas. <u>6</u>	<u>Viaticum</u> post extremam un- ctionem. <u>177</u>
Trinitas quomodo intelligen- da. <u>478</u>	Vic prioratus. <u>342</u>
Turenensis Vicomes Rai- mundus. <u>150</u>	Vicanensis prioratus. <u>290.</u> <u>305. 377. 382.</u>
Turenense castrum. <u>203</u>	Vicedominus. <u>432</u>
Turris S. Austregisili priora- tus. <u>275</u>	Vichiacum prioratus. <u>264</u>
Tutelenfis Abbas Ebulus. <u>148</u>	Victor III. Antipapa. <u>465</u>
Tutelenfe cœnobium. <u>181</u> <u>282. 298. 304. 375.</u>	<u>Vieille Brioude</u> <u>269.</u> V. Bri- vate vetus.
Tyranni victi oratione. <u>20</u>	Vigno prioratus. <u>388</u>
	Villanova prioratus. <u>325</u>
	Villa Dei prioratus. <u>389</u>
	Ville prioratus. <u>340</u>
	Vineros prioratus. <u>268</u>
	Vinonia prioratus. <u>252</u>
	Vir major est muliere. <u>14.</u>
	Visera fluvius. <u>25</u>
	Vitalis Abbas Savigniacen- sis. <u>556</u>
	Vnitas in trinitate. <u>3</u>

V

V Aeur, domus Templa- riorum. <u>359</u>
Vairac prioratus. <u>303</u>
Valentini capituli epistola. <u>422</u>
Vallis prioratus. <u>324</u>
Vantador prioratus. <u>282. 374</u>

INDEX.

Vodolionis prioratus.	356	Vvillielmus Abbas Cadomen-	
<u>395</u>		sis.	<u>473</u>
Volfaudus Comes.	<u>403. 409</u>	Vvillielmus Comes Pictaven-	
<u>et seq. 463. et seq.</u>		sis.	445
Volvic prioratus.	<u>343</u>	Vvillielmus Episcopus Præ-	
Vosienſis abbatia.	<u>287. 487</u>	nestinus.	<u>455. 458</u>
Vrbani V. mors.	<u>511</u>	Vvillielmus Episcopus Vvin-	
Vrnæ motus.	<u>418</u>	tonienſis.	<u>476</u>
Vrſerum prioratus.	<u>338</u>	Villelmus vir illuſtris.	<u>150</u>
S. Vrfini prioratus.	<u>357</u>	Vvilligiſus Archiepiſcopus	
Vſarchienſis abbatia.	<u>288</u>	Moguntinus.	<u>437</u>
Vſſellenſis Eccleſia.	<u>373</u>	Vvolfaidis Abbatiffa.	<u>408</u>
Vſurarum abjuratores.	<u>307</u>	Vxorem ſuam relinquere non	
Vvalonis epiſtola ad Vvido-		licet.	<u>14</u>
nem.	<u>442</u>		
Vvidiniaca finis.	<u>404. 410</u>	Y	
Vvidricus Comes.	<u>423</u>	Y Da Comiſſa Domnimar-	
Vvigfridus Episcopus Virdu-		tini.	<u>470</u>
nenſis.	<u>431</u>	Yſiodorenſis abbatia.	<u>348</u>

ERRATA.

P <u>Ag. 15. cap. 4. lin. 16. leg. præ-</u>	<u>lum in pagina 225.</u>
tulile	
Pag. <u>29. lin. 21. leg. voluit</u>	Pag. <u>259. lin. 12. leg. Lunæ</u>
Pag. <u>37. lin. 7. leg. mago</u>	Pag. <u>273. lin. 25. interpunge ſic ?</u>
Ibid. lin. 24. leg. infula	dum, Guido de
Pag. <u>52. lin. 28. leg. Congruum</u>	Pag. <u>317. lin. 4. leg. ſocius</u>
Pag. <u>54. lin. 13. leg. reſtriſta</u>	Pag. <u>327. lin. ult. leg. Caſtri novi</u>
Pag. <u>55. lin. 14. leg. Haſtulſi.</u>	Pag. <u>423. in margine. 948.</u>
<u>Pag. 83. cap. 10. lin. 12. leg. Multas</u>	Pag. <u>448. in litteris Piſonis lin. 8.</u>
<u>Pag. 103. cap. 30. lin. 21. leg. olera</u>	leg. Hodiernam
Pag. <u>143. cap. 30. lin. 1. leg. Dor-</u>	Pag. <u>449. lin. 14. leg. Albrici</u>
doniam	Pag. <u>460. lin. 16. leg. Cluniacenſis</u>
Pag. <u>208. lin. 25. leg. cambucam</u>	Pag. <u>487. lin. 2. leg. Lemovicen-</u>
Pag. <u>215. lin. penult. dele virgulam.</u>	ſis
Pag. <u>225. repone; D I O C E S I S</u>	Pag. 531. in titulo, X I.
XANTONENSIS. Et dele hunc titu-	Pag. <u>553. ad epitaphium Flodoardi,</u>
	adde in margine: Obiit an. 966.

Extrait du Privilege du Roy.

LE Roy par ſes Lettres patentes données à ſaint Germain en Laye le 19. Avril 1679. ſignées LOUIS, & plus bas, Par le Roy, COLBERT, & ſcellées du grand ſeau de cire jaune, a permis à Eſtienne Baluze Prieur de Beauvais de faire

imprimer un ouvrage intitulé *Miscellanea Stephani Baluzii* en un ou plusieurs volumes, & autant de fois que bon luy semblera pendant le temps & espace de trente années, à compter du jour que chacun desdits volumes sera achevé d'imprimer pour la première fois; avec défenses à toute sorte de personnes, autres que celui ou ceux qui auront esté choisis par ledit Baluze, de les imprimer ou faire imprimer, vendre ny debiter pendant ledit temps, à peine de dix mille livres d'amende, de confiscation des exemplaires contrefaits, & de tous dépens dommages, & intersts, comme il est plus à plein porté par lesdites Lettres.

Registré sur le Livre de la Communauté des Libraires & Imprimeurs de Paris le 19. May 1679. Signé, C O U T E R O T Syndic.

Et ledit sieur Baluze a cédé ledit Privilege pour ce quatrième volume à François Muguet Imprimeur & Libraire ordinaire du Roy, pour en jouir selon sa forme & teneur.



